



BIBLIOTECA NAZIONALE
Vittorio Emanuele III

XLVI

A

43

NAPOLI



XLVI.

215

RELECTI-
ONES HISTO-
RICÆ.

Coll. Neapol. Sci. Linc.



RELECTIONES
HYEMALES,
DE RATIONE ET
METHODO LEGENDI

utrasq³ Historias,
CIVILES ET ECCLE-
SIASTICAS.

Quibus Historici probatissi-
mi, non solum *ordine*, quo sunt le-
gendi, catenatim recensentur; sed do-
ctorum etiam viro-
rum *de singulis*
judicia subnectuntur.

Nec non

Unde singulorum in Historia vel
brevitas dilu-
tari, vel *defectus* suppleri, vel
perplexitas expedi-
ri; vel *mutilationes* deni-
que, temporum injuria factæ, resarci-
possint, indicatur

à

DEGOREO WHEAR,
Prælectore CAMDENIANO.

Juxta Exemplum Oxoniense.

NORIBERGÆ,
Typis & Sumpt. MICHAELIS ENDTERI.
ANNO M. DC. LX.

Prohibetur





AD LECTOREM
PRÆFATIO.



Ardinalis Nicæni & Constantinopolitani Patriarchæ, *Bessari-
onis*, idoneus ille (capta, pro-
dolor, à Turcis Constanti-
nopoly) in Italiam comes,
Theodorus Gaza, fertur roga-
tus: *Si necesse foret, libros in
mare dare præcipites; quem po-
stremò esset demersurus?* re-
spondisse: *Plutarchum*. Quod-
si quis idem me, ex Anglia in
Belgium redeuntem, olim
interrogasset, quemnam ex
libris, Oxoniæ comparatis,
sacra faciens in litore, Lito-
rali-

*Vossius
lib. II.
de Hist.
Græc.
c. 10,*

PRÆFATIO.

ralibus, vel etiam Marinis
 Diis essem daturus? quemli-
 bet, credo, potius dedissem,
 quàm *Historicas* hasce *Re-
 lectiones*; quas in Academia
 diligenter legebã, immò stu-
 diosè & multùm volutabam.
 Sequenti verò tempore non
 exiguam bibliothecæ meæ
 partem navi commiseram,
 quæ dein apud *Roterodamum*
 in hiemato (ut cum Plinio di-
 cam) litore frangebatur. Nō
 mora: Nautæ singulari indu-
 stria, & incredibili conatu
 navem, licet onustam hian-
 temq; , obturantes, cuncta
 propemodum bona salva
 præstitere. In mentem tunc
 erat illud Romani Sapientis:
Quicquid est, ait, *cui dominus*

PRÆFATIO.

*Seneca
ep. 91.*

inscriberis, apud te est, tuum non est; nihil firmum infirmo, nihil fragili aeternum & invictum est.

Tam necesse est perire, quàm perdere: & hoc ipsum, si intelligimus solatium est, a quo animo perdere, quod perituum est. Quid ergo adversus has amissiones auxilii inveniemus? Hoc, ut memoria teneamus amissa; nec cum ipsis fructum excidere patiamur, quem ex illis percepimus. Habere, eripitur: habuisse, nunquam.

*Hor. sat.
XIV. v.
302.*

Hujus igitur libelli (qui quasi naufragus picta se tempestate tuetur) casus hîc, velut in tabula, sine cupresso tamen, viventis adhuc depingens, bonum doctumq; Lectorem omnibus optimis prosequor; &

gra-

PRÆFATIO.

gratulatione utendum cen-
seo, quod ex naufragio serva-
tus, denuò in Germania im-
primitur liber ille, *cujus*
repetitam impressionem u-
tilissimam esse, incluta libro-
rum Censura breviter qui-
dem, sed ex æquo & bono ju-
dicavit.

Antè autem, quàm Relè-
ctiones illas legentium ocu-
lis subjiciam; Auctoris, hoc
est, *Prælectoris Camdeniani* ad-
monebo, quale nomen, vel
mûnus illud sit? Quem nos
Professorem, Angli *Lectorem*
vel *Prælectorem* vocant; &
Camdenianum eò, quòd vir il-
le celeberrimus, *Guil. Camde-*
nus, maximè necessariam Hi-
storiarum professionem in

PRÆFATIO.

Universitate Oxoniensi instituit. Testor equidem *Statuta selecta* è Corpore Statutorum Universitatis Oxon. excusa ibidem, cum *Licentia An. Dom. 1638.* ubi inter alia hoc ipsum lemma: *De Praelectore Historices*, per celeberrimum virum, *Guil. Camdenum* instituto. Statuti verba illicò sequuntur: *Praelector Historices bis in quolibet septimana, diebus scilicet Luna & Veneris, inter horas primam & secundam, post meridiem, in Schola Historica designata, Lucium Florum, aut alios quosvis antiquioris & melioris nota Historicos praelegat. Ejusq; lectiones frequentare teneantur singuli Artium Baccalaurei, post Quadragesimam immediatè sequentem prima Praesenta.*

Tit. IV.
 sect. 1.
 §. II.

PRÆFATIO.

sentationis suæ diem; donec ad gradum Magisterii promoveantur: Item Juris Civilis studiosi, quousque Baccalaurei juris præsentati fuerint. Hactenus statuti verba.

Deinde benevolo animo Lectorem præmoneo, ut ne quis fortè ob *sectionem 43. de Magdeburgensium Centuriatorum erroribus* nobis succenseat; sincera enim & integra fide in scriptis aliorum recensendis agendum autumo, nihil mihi, nihil aliis indulgens; nedum ex alterius vultu ac nutu pendens: Castrent Adversarii, morosissimè (Tranquilli vox) alia omnia pensitantes; ac rescent ea, quæ stomachum fa-

PRÆFATIO.

cere possint; nos integrum
librum modestis legentium
ingeniis, conjecturæq; eo-
rum, quæ pectus sapit, com-
mittimus; quò faciliùs de
singulis existimare queant.
Judica, mi Lector, percense,
frucere, & vale.

C. ARNOLD, in
Æde Mar. V. D. M.
Eloq. Poës, & Gr. Ling.
P. P.

CLA-

CLARISSIMIS CELEBR.
RIMÆ OXONIENSIS

Academiæ Luminibus,

DN. DOCTORI
BAYLIE, PROCAN-
CELLARIO,

Ceterisq.

COLLEGIORUM &
AULARUM Præfectis,

*Viris mihi plurimum
venerandis,*

L. M. D. C. Q.

ITA sine fūco
palam profiteor
(*Viri mihi plu-
rimum venerandi*) Vobis,
Relectiones istas, lubens
merito, dico consecroq.

A 6 Neq.

EPISTOLA

Neq̃ ut id faciam, una simplici adducor ratione : Seu Vos contemplor, seu tenuem hanc opellam, seu me ipsum deniq̃. Vos enim, uti eruditione ac virtute multipliciter ; ita dignitate atque auctoritate eminenter polletis. A dignitatis Vestrae splendore huic opusculo stricturam luminis aliquā mutuandam putavi ; ab auctoritate Vestra patrocinium ac tutelam imploRANDAM. Deinde Vobis potissimum, ac Vestrae inspectioni concredita est Ecclesiæ

DEDICATORIA.

*sia, Reique publicæ spes flo-
 rescens proxima, Juventus
 Academica. Ejus autem
 cum primis utilitati, bonoq;
 communi, à me hîc velifi-
 catum sedulo, præ me fero:
 Quàm dextrè, Vestrum
 erit arbitrari. Postremo
 quemadmodum Vos, per vi-
 gili cura solerter prospici-
 tis, ut eadem Juventus o-
 ptimis in artibus moribusq;
 magis indies crescat, & vi-
 gescat: ita & nos, quotquot
 hoc in circo bonarum lite-
 rarum professorio desuda-
 mus, in id ipsum quoq; toto
 A 7 pectore*

EPISTOLA

pectore incumbimus. Quid
 hac ex parte mea conata
 sit industria, ecce Vobis spe-
 cimen, exile (fateor) ac le-
 vidense; sed majoris (au-
 guror) momenti censebitur,
 quod Vestra in frontispicio
 præclara gestet nomina.
 Ne genim dubitare possum,
 quin & acrius animos Ju-
 ventutis feriat, prompti-
 usq; fidem inveniat, quic-
 quid hîc elucubrauerim;
 ubi Vestra auctoritate mu-
 nitum, Vestroq; calculo
 comprobatum in apricum
 pervenerit.

Jam

DEDICATORIA.

*Jam verò oculos in me-
ipsum convertenti, si quid
hinc Vobis accesserit hono-
rificentia, id, (ut cum Sym-
macho loquar) à me solu-
tum videtur esse magis,
quàm præstitū. Quis enim
Vestrum est omnium, cui
ego me nominibus obstrictū
gravissimis, non libens a-
gnoscam? vel beneficentia,
vel benevolentia, vel hu-
manitatis? nonnullis etiam
hisce universis. Nec eos
tantū puto, quorum ami-
citia ac familiaritate, sub
ipso ætatis flore cœpta, ad
hanc*

EPISTOLA

banc usque canitiem, usus
fretusque sum conjunctis-
sima; sed alios etiam plu-
res: etiam eos, quos merita
sua, & excellens virtus ac
doctrina ad sublimiores in
Ecclesia dignitates prove-
xerunt. Quorum oppidò
propensam in me volunta-
tem & adfectum, certis
expressisque indiciis, haud
semel cognovi; aut rarò ex-
pertus sum. Quid comita-
tem humanitatemq; erga
me Vestram omnium loquar,
obviam, expositam, planè
singularem? quantum præ-
sertim.

DEDICATORIA.

*sertim intellexi, postquam
 in Vestrum ordinem adscri-
 ptus, homo inferioris sub-
 sellii, nullius æstimii, nec
 doctrinæ insignibus, nec fa-
 ma aut meritis cum Ve-
 strum minimis comparan-
 dus; sensi tamen (quod
 tacito quidem sinu mecum
 gavisus sum) sensi inquã,
 me non fastidiunt; nec
 meam pullam præ Vestra
 purpura despicatui habitã.
 Scilicet (cum Romano Sa-
 piente illo) Vos colorem
 vestium non adspicitis, ocu-
 lis de homine non creditis.*

Sed

EPISTOLA

Sed nec ex subsellii humi-
litate quenquam depretia-
tis, aut ex fastigio solo
(quod vulgus indoctum so-
let) aestimandum putatis:
Melius certiusq; lumen se-
quimini: Defacatos mo-
res, atq; interna illa animi
bona, magis spectatis. Ma-
eti estote, Viri Clarissimi,
hac judiciorum & adfectu-
um sinceritate, & (quæ in-
de fluunt) morum concordi
suavitate, animorum be-
nignitate, affabilitate ser-
monum; quibus, & aucto-
ritatis amplitudinem, &
gra-

DEDICATORIA.

graduum sublimitatem, dignitatumq; Vestrarum fastigium ita eleganter & prudenter conditis; ut hinc potius, quàm ab ipsa sacra, qua fulgenter splendetis, purpura, verè venerabiles audiatis. Hisce permotus rationibus (Viri undequaq; doctissimi) lucubrationum mearum hoc tenue libamentum Vobis inscripsi; simul ut obnoxia meæ voluntatis pignus aliquod extaret; atque ita demum quàm meritò debiti, tàm libenter Vobis præstiti cultus & ob-

EPISTOLA DEDICATORIA.

*Et obsequii monumentum.
Salvè agite (Viri mihi
plurimum venerandi) me-
que (quod facitis) favore
Vestro (si merear) porro
prosequimini.*

Ab Aula Glocestrensi,
Kal. Jul. 1637.

DD. VV.

Cultor observantissimus

DE GOREUS WHEAR.

RE.



RELECTIONUM CONSPECTUS: ANTELOGII.

Occasio harum Relectionum. Item exempla. Scopus publica utilitas. Haud temere tamen publicanda. Scripturientium hujus ævi præfidentia perstringitur. Modestia suadetur, exemplo Plinii Secundi. Mos antiquus recitandi apprimè utilis. Et quomodo? Hoc ævo optabilis. Sapientibus gratissimus. Non ostentationis, sed modestia potius argumentum. Viva vox. Quo præstet auditio lectioni? Historia definitio, finis, divisio, species.

PARTIS PRIMÆ Sectiones & Lemmata.

SECT. I.

*Ad fructuosam Historiarum lectionem tria requiruntur. Inde tres
hujus*

RELECTIONUM

hujus dissertationis partes proponuntur.

SECT. II.

*Historicorum series qualis instituent-
da? Quomodo ordinanda? Tem-
porum intervalla tria observanda.
Epocha quid? Quotuplex? Ca-
taclysmi. Quibus temporibus inci-
derint? Intervallum ἀδελον. Μυ-
θικόν. Olympiades. Interval-
lum Historicum.*

SECT. III.

*Summorum Imperiorum series &
successio. Fatalis perhibetur. Qua-
druplex eminenter probatur. Me-
dorum & Persarum unicum Im-
perium asseritur. Singula Prophe-
tarum oraculis præmonstrata.
Summorum appellatio frustra à
Bodino cavillata. Romanum o-
mnium maximum Imperium.*

SECT. IV.

*Assyrio-Chaldaici Imperii institutio
ac duratio. Item Medo-Persici,
inde Græcanici. Romani Imperii
ini-*

CONSPECTUS.

*initium ante Jul. Cæsarem. Inde
ad Carolum M. quot anni inter-
cesserint? Deniq, ad Carolum V?*

SECT. V.

*Quatuor isthæc imperia quare dica-
bantur summa?*

SECT. VI.

*Historiarum lectio unde auspican-
da? Epitoma justæ non penitus
damnandæ. Synopsis Historiarum.
Chronologi. Alia etiam cõpendia
nominatim commendantur. Qui
deniq, Auctores præcipuè circa u-
niversalem Historiam sint consu-
lendi? Raulæus inter præcipuos.
Sed Historia Biblica omnium pri-
ma, & primò ediscenda.*

SECT. VII.

*Affyrio-Chaldaica unde petenda Hi-
storia? De Beroso, Ctesia, Me-
gasthene, eorumq, supposititiis
scriptis. Ad Josephum potius in
eorum defectu recurrendum. In
Diodoro Siculo magna jactura
aliunde sarcienda. Præsertim ex
Jose-*

RELECTIONUM

*Josepho, & Historia prophetica.
Diogenes Laërtius laudatur.*

SECT. VIII.

*Herodotus unde suam inchoaverit
Historiam, ubiq; desierit? Ejus
laus. Quo tempore floruerit? Sc-
cundæ Monarchiæ initium. Ar-
gumenta singulorum librorum
Herodoti recensentur. Musarum
nomina cur eis imposita? Contra
Lud. Vivem excusatur. Ex qui-
bus Auctoribus locupletior, vel
etiam illustrior fieri possit ejus
Historia?*

SECT. IX.

*De Thucydide. Ejus elogia. Unde
& quousq; deducat Historiam su-
am, quam octo libris complexus
est? Eorum argumenta breviter
& singulatim explicantur. Qui-
nam Auctores de iisdem tempori-
bus ac bellis cum Thucydide scri-
pserint, indicatur.*

SECT. X.

*De Xenophonte. Laudes ejus &
elo-*

CONSPECTUS.

elogia. Quando & quo ordine legendus? Quadraginta octo annorum Historiam dedit. Quam ex Plutarcho, Justino, Diodoro Siculo amplificare licet.

SECT. XI.

Diodori Siculi pulcherrimum elogium. Historiam scripturus varias regiones peragravit: Xenophonteam continuat Historiam lib. 15. circa finem. Inde Philippi Maced. res gestas narrat l. 16. Mox ad Alexandrum M. pergit, & tertiæ Monarchiæ institutionem describit.

SECT. XII.

Alexandri M. res gestas varii Scriptores exequuti sunt. Arrianus & Q. Curtius. Eorum elogia. Quo tempore floruerint? Successores Alexandri profequitur Diodorus. Cui utiles suppetias alii Auctores ferre possunt.

SECT. XIII.

Polybius ubi legendus? Quorum
B tem-

RELECTIONUM

temporum historiam scripserit? Quomodo animum ad scribendū appulerit? Quantus vir fuerit? Quibus elogiis celebratus? Ejus Historiæ pars maxima periit, aut in fragmenta dissipatur. Librorum superstitem contenta.

SECT. XIV.

De quarta Monarchia Romanorum. Ad ejus Historiam transitio. Utriusq; laudes. Historicorum Romanorum fata deplorantur.

SECT. XV.

Romana Historia cursus unde auspicandus? L. Annæus Florus commendatur. Doctorem de eo judicium. Non est idem cum Livii Epitoma. Ejus hallucinationes excusantur. Ejus scribendi methodus. Unde errores verosimiliter irrepserint? Sigonii & Onuphrii Fasti Consulares, item Pighii Annales laudantur.

SECT. XVI.

In lectione Romana Historia quo ordine

CONSPECTUS.

dine pergendum? Dionysius Halicarnass. laudatur. Historia ejus quot annorum seriem contineat? Cur ei principem locum tribuamus, ratio redditur; & ex J. Bodino confirmatur.

SECT. XVII.

T. Livius abundè, nec immeritò, laudatur. Quo tempore vixerit? Quot libros scripserit? Eorum divisio unde? Quo ordine legendi? Quomodo eorum Historia vel amplificanda, vel in defectu supplenda? Plutarchi laudes & elogia.

SECT. XVIII.

T. Livii Decas Secunda, h. e. à libro 10. ad 21. tota interiit. Quomodo, & unde ea Historia suppleri possit? Appianus Alexandrinus. De eo quid censeant viri doctissimi?

SECT. XIX.

Ad reliquos viginti quinque libros T. Livii ubi pergendum? Eorum Historiam quinam alii Auctores confirmare aut illustrare possint? Decades

RELECTIONUM.

caedes novem posteriores cum dimidia prorsus desiderantur. Unde resarcienda earum jactura? Salustii Historia laudatur. Item Cæsaris Commentarii, ab eruditis prisce ævi, juxta & modernis.

SECT. XX.

De Dione Cassio, & ejus Historia. Quot libros scripserit? Eorum quot perierint & quanta jactura? Inter optimos Scriptores quàm meritò censendus Vellejus Paterculus? Ejus virtutes indicantur. Sed & nævi non dissimulantur. Ad Cæsariorum temporum Scriptores transitur.

SECT. XXI.

Historia Cæsarum à Suetonio & Tacito primò petenda. De utroq; præclara doctissimorum virorum testimonia. Circa Tacitum variant celeberrimorum Criticorum judicia, ne dicam, pugnant. Et Suetonio & Tacito lux à Dione Cassio.

CONSPECTUS.

SECT. XXII.

Quomodo ad alios Historia Augusta Scriptores transeundum, videlicet, Spartianum, Capitolinum, Vulcatium, & reliquos non leviter æstimandos Auctores? Justi Lipsii de iis judicium, item Casauboni. Herodianus suo loco cum superioribus legendus. Quousq; in Historia processerint isti: quos inter, Aurelius Victor, & Pomponius Lætus meritò admittendi.

SECT. XXIII.

Post Constantium Chlorum, uti & paulò antè, Historia nonnihil perturbata videtur; præsertim apud Latinos Scriptores. Eusebius, Zosimus, Zonaras, explicatiorem reddere possunt. De Zosimo & Zonara eorumq; scriptis; item de Jornande. Ammianus Marcellinus hîc locum habet. Lipsii & Balduini fæti de eo censure.

SECT. XXIV.

Historia Miscella Diaconi, item Jor-

RELECTIONUM

nandes de Rebus Geticis, necnon Procopius & Agathias suum hîc locum habere possunt. Vel, si placeat Zonaræ tomustertius. Quem sequatur Nicetas Choniates? Tum Nicephorus Gregoras. Aut, si prolixum nimis id videatur, post Zosimum, Blondus Foroliviensis legi potest. Vel aliter post Vopiscum Sigonii *Historia Occidentalis* admitti potest. Inde ad 7. vel 8. lib. primæ Decadis Blondi pergat Lector.

SÆCT. XXV.

Breviorem adhuc Historia cursum ab initio Cesarum ad hoc usq; seculum Lectori suppeditabunt Johannes Cuspinianus, Paulus Jovius & Augustus Thuanus.

SÆCT. XXVI.

Particularium Historiarum Scriptores quidam lectu dignissimi recensentur. Guicciardinus. Paulus Æmilius. Philippus Cominæus. Quorum egregia memorantur

CONSPECTUS.

rantur elogia. Meteranus, Chromerus, Bembus.

SECT. XXVII.

Ad Historiam Britannicam transitio.

Quomodo ad eam legendam Lector se accingat? Quo ordine in ea pergendum? Camdeni Britannia, & Seldeni Analecta primò legenda. Georgii Lyllii Chronicon. Historia Britannica compendium.

SECT. XXVIII.

Gulielmus Malmesburiensis. Savilii de eo judicium, Item Camdeni. Unde Historiam inceperit, & quousq; progressus sit? Galfredus Monumethensis quare pratermittendus? Super ejus Historia censura Neubrigensis, Johannis Wirthamsted, Balæi & Johannis Twini. A quibus omnibus dissentit Virunnius. Malmesburiensem sequatur Huntingdonensis, eum Hovendenus.

SECT. XXIX.

Afferii Menevensis Historia laudatur.

RELECTIONUM

tur. Cum superioribus quo tempore legenda? Item Eadmeri Historia novorum. Matthæus Parisiensis. De eo Baronii judicium. Thomæ Walsinghami Chronica. Gesta Regis Stephani ab Anonymo, & vita Edwardi II. à Thoma Dela Moore scripta, suo tempore interponenda.

SECT. XXX.

Walsinghami Hypodigma Neustriæ, & rerum Normannicarum Scriptores haud insuper habendi. Eos inter Oldoricus Vitalis, præcipue nota. Ab Henrico V. ad Richardum III. Historia à Polydoro Virgilio petenda. De quo nobilissimi Savilii nostri judicium animadvertendum. Richardum III. descripsit Thomas Morus, Eques Auratus, & Angliæ Cancellarius. Henricum VII. Vice-Comes Santalbanus. Henrici VIII. Edwardi VI. & Mariæ Reginae Annales, Fr. Godwinus, Landaven-
sis

CONSPECTUS.

*sis Episcopus literis consignavit.
Sicuti Gulielmus Camdenus Eli-
zabetha.*

SECT. XXXI.

*Etsi nostratis Historiæ corpus, inte-
grum pro rei dignitate concinna-
tum Latinè nondum habeamus,
Anglicè tamen, quī id multa cum
laude præstiterunt, habemus, Jo-
hannis Speedæi Theatrum Bri-
tannici Imperii oppido illustre, à
nostris adolescentibus imprimis cō-
templandum. Præsertim ab iis, qui
regiones exoticas visere cogitant.*

SECT. XXXII.

*Ad Historiam Ecclesiasticam trans-
itio. Eam tractare cui imprimis
convenit? Duo (in genere) tem-
porum intervalla respicienda. Hi-
storiæ primi intervalli Sacra Bi-
blia continent. Cum iis Josephi
Antiquitates Judaicæ legantur.
De Josepho doctissimorum virorū
judicia. Hegesippus ille pseude-
pigraphus. Auctor hand penitus*

RELECTIONUM

rejiciendus. Quo sensu utilis & laude dignus? Sulpitii Severi Historia Sacra meritissimò hîc Lectori commendatur.

SECT. XXXIII.

Secundi intervalli (h. e. Ecclesiæ Christianæ) Historia, primò ab Evangelistis, & aliis Novi Instrumenti libris, ubi ejus incunabula narrantur, haurienda est. Qui porrò aliquam partem ejus infantie αὐτόν) descripserint, vix ulli extant: circumferuntur nonnulli, qui iisdem temporibus vixisse perhibentur, & primorum Martyrum certamina descripsisse; sed à doctis supposititii, quòd fabulis scateant æstimati. Ei vitio recentiorum aliquot obnoxios fatetur Baronius. Idem Vives conqueritur, & Melchior Canus. Item veteres nonnulli. Ideoq; Ecclesiæ Historia cum cura legenda. Nimia tamen incredulitas vitanda. In lectione Historiarum quales esse

CONSPECTUS.

esse debeamus. Antiquissimi & priores recentiorib9 præponendi.

SECT. XXXIV.

Tertio demum seculo, florente Ecclesia, florescere cœpit Historia. Eusebius Pamphili inter Ecclesia Historicos princeps. In libris de vita Constantini Xenophontis æmulus. Multa ab eo scripta periri. Ejus auctoritas vindicatur. Quousq; Historia Eusebii procedat? De Ruffino Scaligeri judicium. Tripartita Historia. Panegyrici Eusebiani lectio commendatur.

SECT. XXXV.

Socrates quo tempore vixerit, unde & quousq; Historiam perduxerit? item Theodoretus quid quoq; libro complexus sit? Photii de eo censura. Sozomenus Salaminus, novem libris historiam continuat ad Ann. Chr. 423. D. Gregorii locus adversus Sozomenum expenditur. Eiq; respondetur. Sozomeni

RELECTIONUM

meni candor, de eo Evagrii testimonium. Tripartitam Historiam sequitur Evagrius, eamq, continuat ad Ann. 597. Theophylactus Simocattus inde ad An. 601.

SECT. XXXVI.

Seculo septimo, & duobus vel tribus idsequentibus, qui Historiam Ecclesie pro dignitate tractaverint, rarissimi. Sanctorum Legendæ. Miraculorum & mirabiliorum Oceanus. Portenti-loquiorum & ignorantie tempora.

SECT. XXXVII.

Nicephorus Constantinopolitanus Simocattum sequi potest. Nicephorus Callistus erroribus plenus. Georgius Cedrenus. De eo Scalligeri & Vossii censura.

SECT. XXXVIII.

Zonaræ tertius tomus lectori commendatur, Historiam ad Ann. 1118. continuavit. Annæ Comnenæ Alexiada. Egregia illius Heroine laudes.

SECT.

CONSPECTUS.

SECT. XXXIX.

Nicetas Acominatus Zonaram immediate sequitur. Nicetam Gregoras. In hoc censu quare ponantur? Lipsii de eorum utroq; iudicium. Gregoræ fides in dubium vocatur. Johannes Cantacuzenus hoc loco à doctissimo Vossio lectoribus commendatur. Superioribus subsequatur Laonicus Calcochondylas.

SECT. XL.

Blondus Foroliviensis Orientalium Scriptorum defectum in Historia Ecclesiæ supplere potest, unâ cum aliis. Sigebertus Gemblacensis. De eo sententia Card. Bellarmini. Sigebertum continuat Robertus Abbas ad Ann. 1210. Chronicon Hirshavense ad Ann. 1370. Et Paraleipomena ei Chronico adjuncta ad seculum proximè elapsam. Gobellini Personæ Cosmodromium. Ubi & quando legendum? Ejus laus. Loco Cosmodromii legi

B 7 potest

RELECTIONUM

*potest Alberti Crantzii Metropo-
lis, in quam multa è Gobelino
congesta; & Historia à Caroli M.
temporibus ad Ann. 1504. perdu-
cta. Potest etiam Nauclerus ho-
rum vicem supplere. Et ut repeti-
tiones vitet Lector, incipiat à me-
diis generationibus tomi secundi.
Joh. Sleidanus Commentarios Ec-
clesiasticos scripsit ab Ann. 1517. ad
Ann. 1556. quos continuavit Ca-
spar Lundorpius ad Ann. 1609.*

SECT. XLI.

*Venerabilis Beda & Usuardus mini-
mè prateriendi, neq, Pontificum
Rom. vitarum Scriptores. Ana-
stasius Biblioth: Bartholomæus
Platina; eorum insignia elogia.
Platinam recensuit Onuphrius,
& continuavit ad Ann. 1566: Si-
gonius quoq, suis Historiis res Ec-
clie intertextuit, & in hoc censu nu-
merari meretur. Sigonii & O-
nuphrii elogia.*

CONSPECTUS.

SECT. XLII.

Centuriatores Magdeburgici opus in hoc genere perquam utile ediderunt. Rev. Episcopi Ciceſtrenſis de eo judicium. Quid in eo laudabile contineatur? Fundamentum ejus probè locatum. Materies ad ſtructuram unde collecta? Defectuum excuſatio.

SECT. XLIII.

Centuriatores erroribus obnoxios docet eruditiffimus & Reverend. Ciceſtrenſis. Caſaubonus agnoſcit. Opus ipſum tamen valdè utile eſſe oſtendit idem Reverend. Antifteſ.

SECT. XLIV.


Baronii Annales Centuriis pares. Opus planè ſtupendum. Caſauboni de eo judicium, item Reverend. Præſulis Ciceſtr. Annales iſti cautè legendi quare? Spondanus Jeſuita eorum Epitomator.

SECT. XLV.

Priores Centurias Magdeburgicas
octo

RELECTIONUM

octo compendifecit Lucas Osiander, *ne inutiliter*. Ab octava ad decimam sextam transiit. Ejus res merito fusiùs tractat. Ad hanc Centuriã pertinet Historia Concilii Tridentini. Istius operis atq; etiam Auctoris encomia. Jac. August. Thuanus accurata sua Historia res etiam Ecclesiasticas interseruit, ab Ann. 1546. ad Ann. 1608. inde continuatur Historia ad Ann. 1618.



PARTIS SECUNDÆ

Sectiones & Lemmata.

SECT. I.

Juvenis uti moralis Philosophiæ auditor, ita & Historiarum Lector minus idoneus putandus. Quæ requirantur ad utrumq;? Finis & scopus lectionis. Doctissimi Vossii & Kekermanni circa hanc questionem sententiæ discrepantes.

SECT.

CONSPECTUS.

SECT. II.

Keckermanni *sententia defenditur.*
Linguae absq; praeceptis haud optime discuntur. Linguarum atque actionum longè diversaratio. Philosophia practica tam legenti Historias quam scribenti requiritur. Ubertus Folietta, Sebastianus Foxius, Viperanus ab hac parte stare videntur. Etiam doctissimus Vossius argumenta subministrat non infirma.

SECT. III.

Tertium doctiss. Vossii argumentum contra Keckermannum haud satis firmum videtur. Nuda rei gestæ cognitio Lectori cordato non sufficit. Id ex Ludov. Vive Dion. Halicarnasseo & ipso Vossio probatur. Puerorum & virorum, in artibus versatorum, lectio Historiarum valdè diversa.

SECT. IV.

Argumentum à Quintiliano mutuatum expenditur, eiq; respondetur.

SECT.

RELECTIONUM

SECT. V.

Simonis Grynæi *sententia hac ex parte probatur. Quis sit idoneus Lector, fusius ostenditur. Philosophiæ practicæ gustum saltem habeat, requiritur. Item Chronologia, & Geographia, Historiæ oculorum. Artium deniq, aliarum cognitio aliqualis necessaria.*



PARTIS TERTIÆ

Sectiones & Lemmata.

SECT. I.

Caput ultimum tractandum proponitur. Consilium Lud. Vivis circa ea, quæ sunt in Historiarum lectione notanda. Augusti Cæsaris mos in legendis Historiis. Quæ reperiuntur apud Historicos observanda, & ad quid conducant?

SECT. II.

Duo excerpendorum genera: Philologica, Philosophica: sub utriq, species

CONSPECTUS.

*species quænam contineantur ?
quomodo singula sint disponen-
dæ, & quis inde tructus, ostendi-
tur. Locorum Communium
formulas multi scripserunt.*

SECT. III.

*Modus excerpendi, & in usum
transferendi varius indicatur, ex
Annæo Seneca.*

SECT. IV.

*Modus excerpendi exemplis illustra-
tur. Primò Philologicis ex Vell.
Paterculo. Magnorum virorum
ortus & obitus notandi. Majoris
Catonis triplex elogium. Ejus
obitus. Circa ætatem ejus dissen-
sio. Odium ejus adversus Car-
thaginem. Urbis Corinthi con-
ditus, duratio. Ævum fatale ur-
bibus evertendis. Cognomi-
num ratio antiqua. Civium Ro-
manorum discrimen. Observa-
tiones Criticæ sub Philologicis.
Scipio non fautor tantum, sed &
auctor*

RELECTIONUM

auctor (*contra Lips.*) omnis doctrinae non ineptè dici potuit. *Ejus praeconia. Otium duplex. Dispungere quid , & unde dictum ? Expuncta etiam qua dicantur ? Exemplum ex Tacito. Primores Civitatis. Optimates, nobilium optimi , Principes qui dicti ? Consules, Exconsules, Expraetores &c. Senatorum distinctio. Patricii, Conscripti, Pedarii unde dicti ?*

SECT. V.

In Philosophicis qua ratio tenenda ? Exemplo Herodoti , Polybii & aliorum Historicorum. Duplex usus exemplorum. J. Lipsius, Jo. à Chokier, & R. Dallingtonus nostras, Historiarum & exemplorum usum luculenter indicarunt. Specimen unum atq; alterum à nobis subjicitur. Ex L. Floro, Justino, Herodoto, Romuli & Remi Historiam veram supponit Augustinus. Quis inde usus ? Camilli

CONSPECTUS.

milli & Fabricii fides, atq; inde axiomata. Xerxis ingens apparatus bellicus, ejusq; expeditionis successus quid nos doceant? Confirmatur Darii ultimi exemplo. Caligulae, Neronis, ac Valentiniani exemplis ostenditur malignitas philautiae, invidiae ac livoris. Polybius frequens in Historiarum usibus.

SECT. VI.

Christiani Ethnicorum exemplis utiliter instrui possunt; & non in virtute moralitantum, sed in actibus etiam pietatis ac vitae Christianae promoveri. Id docetur ex D. Augustino, D. Hieronymo & aliis. Talia imitationum praecepta ab Ethnicis quoq; nonnullis adimpleta. Quos deniq; eleganter expressit D. Ambrosius.


SECT. VII.

Fructus uberiores atq; etiam praestantiores ab Ecclesiae Historia. Ethnicorum bona opera, splendida

RELECT. CONSPECTUS.

dida peccata. *Ethnica Historia* secundam tantum Decalogi tabulam illustrat: *Ecclesiastica* totam Legem. In illa virtutum simulachra: in hac vera virtutes leguntur. In illa jucunda quidem cognitu & utilia: in hac etiam necessaria memorantur. Inde hortatione ad sedulam *Ecclesiastica Historia* lectionem dissertatio concluditur.





ANTELOGIUM

AD

AUDITORES HIST.

Occasio harum Relectionum. Item exempla. Scopus publica utilitas. Haud temerè tamen publicanda. Scripturientium hujus ævi præfidentia perstringitur. Modestia suadetur, exemplo Plinii Secundi. Mos antiquus recitandi apprimè utilis. Et quomodo? Hoc ævo optabilis. Sapientibus gratissimus. Non ostentationis, sed modestiæ potiùs argumentum. Viva vox. Quo præstet auditio lectioni? Historia definitio, finis, divisio, species.



Anorum iustra
jam facta sunt duo
(spectatiss. Acade-
mici) & si rectè cal-
culum pono, menses
aliquot amplius; ex quo de ratione
& Mc-

& Methodo legendi Historias, disertatio hoc ipso è suggesto, non infrequente circumstante corona, à me habita fuit. Inde paulo post meditationes illas primas, quales-qualles ut evulgarem, & publica luce donarem, ex iis, qui tunc auditores fuissent nonnulli, importuna quadam flågitatione mihi extorserunt. Easdem verò nuper, alii quidam amicorum, & ipsi non ineruditi, ut subincudem denuò revocarem, vehementer hortati sunt. Quod à me ut impetrarent, adhuc instant, urgent, inculcant: priora exempla ab aliquot retrò annis omnino defecisse; haud parum à plurimis iterum desiderari: novam editionem rem gratissimam, juxta & utilissimam studiosæ juventuti fore; idque nequaquam ambigendum. Postremò, sunt inter eos, qui hac tempestate aurium operam mihi præbere sæpius dignantur; nonnulli, quos aliquoties impensius optantes audiivi,
ut

ANTELOGIUM. 3

ut relectiones super eodem sub-
 jecto publicas instituerem, easque
 postea (si ita visum foret) cum lite-
 rata plebe communicarem, & in lu-
 cem proferrem. Adnui tandem,
 votis utrorumque, pro viribus face-
 re satis: quamvis propriæ voluntati,
 nedum iudicio, idem vix aut ne vix
 quidem facere possim. Priores igitur
 meditationes illas, novis cogita-
 tionibus auctas, nec non alicubi e-
 mendatas, proximis lectionibus, vo-
 bis (Auditores) propitiante Deo,
 repræsentare animus est; ita in-
 quam, novis cogitationibus auctas,
 & cum cura emendatas; ne fortasse
 vestrûm quispiam, vulgatum illud
 Satyrici mihi obvertat:

Occidit miseros crambe repetita Iuv. Sat. 7.
magistros.

Et tamen, dum vos cogito, quid si
 per omnia easdem ipsas, planè nu-
 dèque proponerem? quotusquis-
 que vestrûm, qui nunc dierum hæc
 subsellia occupare soletis, non di-

cam ab ore meo cas auribus exceperit, sed vel scriptis mandatas, uspiam oculis usurpaverit? Nemo hercule; nemo: vel duo, vel nemo; & qui de iis fando inaudiverint, haud multò plures (inter vos) esse auguror. Porro, ante editas concedamus; dummodò aliquando, alicubi, aliquanti æstimatas noverimus, cum aliquo fructu etiam à nonnullis lectas, atque ita leviuscula quadam commendatione non indignas habitas: cur apud novitios meos, quos non ita pridem sortitus sum, Auditores, plerosque Historiarum sacris nondum initiatos, easdem relegere, & retractare, mihi vitio verteretur? nova planè hisce videbuntur, quæ aliis fortasse novata. Neque rem inauditam, aut factum insolens ita faciendo me ausurum arbitremini habeo bonorum exemplum, quo exemplo mihi licere id facere, quod illi fecerunt, puto. Obtinuit enim illa olim in tradendis disciplinis laudabilis

*Ter.
Heaut.*

*Eiseng.
sp. M.
Cau.*

ANTELOGIUM. §

bilis consuetudo, etiam hodieque obtinet, ut, præter quotidianam lectionem, aliquid accuratiùs elaboratum Magistri relegerent; quo, velut adipe selecto, discipulorum animi vegetati, avidiùs ad suam quisque professionem allicerentur. Ita Patrum nostrorum memoria, *Franciscus à Victoria*, suas habuit Relectiones Theologicas: *Melchior Canus*, ejus discipulus, etiam suas: ambo inter Pontificios magni nominis *Theologi*. Recentiori memoria, *Henningius Arnisaus*, clarissimus Philosophus & Medicus, suas Relectiones politicas edidit. Sed & alii plures, diversarum professionum, homines docti, suas lucubrationes simili modo repetitas, in medium protulerunt. Verùm hisce tantis quorsum opus defensoribus? quando certam res ipsa sibi fidem & auctoritatem faciat, promptamque defensionem suppeditet? quicquid enim semel placuerit, si meritò id,

6 ANTELOGIUM.

neque temerè contigisse opinemur;
ejusdem haud integratam repeti-
tionem fore, meritò speremus. *dis*
καὶ τοῖς πὶ καλὸν, vetus est verbum.
De præclara Poësi etiam *Venusinus*
ille vates:

Horat.
de Arte
Poët.

Judicis argutum quæ non formi-
dat acumen,

Hæc placuit semel, hæc decies re-
petita placebit.

Sed quod de præclara Poësi *Venusi-*
nus sibi spondet, oppido nimis hîc
præclarum foret, longèquæ glorio-
sius, quàm ut ipse in votis haberem.
Neque sanè adeò sum mihi *Suffe-*
nus, aut ineptè *φιλαυτῶ*, ut meas
hæc lucubrationes rudes & impo-
litas, tali fato dignas putem. Juvandi
quidem certè utilitatem mihi sco-
pum destinavi; eamque, placendi
curæ, non hîc modò, sed in univer-
sa etiam suscepti muneris execu-
tione semper prætuli. Quamquam
apud rectas mentes hæc duo sejun-
gi non oporteat; par enim est &
æquum,

ANTELOGIUM. 7

æquum, eadem semper placere, quæ
semper prodesse possunt. Quapro-
pter hæc mecum dum reputo, ne
tenuem hanc nostram opellam, gra-
tam minùs, parumve acceptam mei
nunc Auditores habituri sint, cau-
sam subverendi nullus video. Quin
& amicorum quoque (illorum, quos
supra dixi, velle priores meditatio-
nes meas reproduci, & à paucis ha-
ctenus visas, omnibus exhiberi)
hortatibus ac desideriis obsequen-
di, non deest voluntas; eoque
promptior, quò fidentiùs de juven-
tute Academica, & Historiarum a-
matoribus, me sic non leviter pro-
meritum affirmant. Quorum ju-
diciis, quasi præ amore non since-
ris, licet haud planè diffidam; cogi-
to tamen seriò & frequenter (cum
Plinio Secundo, emendatissimo Scri- Lib. 7.
ptore) quàm sit magnum, dare ali- p. 17.
quid in manus hominum; nec per-
suadere mihi possum, non & cum
multis & sæpè tractandum, quod pla-

cere & semper & omnibus cupias.
 Hac propter (Academici) me non
 ita pridem statuisse, dixi, meditationes
 illas diligenter & accuratè reco-
 gnoscere, recognitas parte non
 contemnenda augere, auctas meis
 demum Auditoribus recitare, adeò-
 que exponere; neq; sic tamen prius
 orbi literato sistere, quàm ab aliis
 pluribus, edecumati iudicii viris,
 harumque literarum peritis, non
 improbabilis habitas cognoverim.
 Paucis incompertum opinor, nec
 me quidem latet, quot & quanta
 hujus atque omnis ævi ingenia abri-
 pere soleat, sui suspectus & nimia
 confidentia. Hanc igitur (Ado-
 lescentes) suadeo, tanquam pestem
 fugiamus omnes, & à nobis procul
 „ amandemus. Parcè de nobismet
 „ ipsis sentiamus. Nostro pede ac
 „ modulo nosmet ac nostra metia-
 „ mur; nec quicquam de nobis ma-
 „ gnificentius credamus, quàm ejus
 „ revera conscii sumus. Modestia,
 „ mode-

modestia est, quæ omnem decet ætatem; omnemque ducit recto calle ad solidam gloriam. Sine ea præcipientes ferimur; & pro gloria ludibrium hominibus debemus; pro fama dedecus, ignominiam, contemptumque reportamus. Sed ut pergamus; legistis unquam vel audivistis illud *Mimographi*? *Animus veneri qui scit, scit tutò ingredi, vel ut alii legunt, scit tutò aggredi*? Dubium mihi non est, quin audiveritis; effatum αἰγιόμαςον credite, sed & monitum quantiis precii, in re militari præsertim: ac reverà non magis verum, in illis militiae sagatæ (quam vocant) periculis, quàm in istis nostræ togatæ & Scholasticæ palæstris. Id quidem probè novit (quem modò nominavi) elegantissimus *Plinius Secundus*; ideoque suo parum fesus ingenio, aliorum sæpè iudiciū consiliumque, immò semper requisivit, quoties quid meditatus fuisset, quod in publicum prodire vellet.

10. ANTELOGIUM.

Lib. 5.

ep. 13.

vellet. Audite ipsum : *Recitaturus* (inquit) *oratiunculam, quam publicare cogito, advocavi aliquos, ut verrerer paucos, ut verum audirem.*

Lib. 7.

ep. 17.

Atque alibi: *Nullum emendandi genus omitto; ac primum, quæ scripsi, mecum ipse pertracto; deinde duobus aut tribus lego, mox aliis trado adnotanda, notasque eorum, si dubito, cum uno rursus aut altero pensito; novissimè pluribus recito. Amo hercule, immò veneror (politissimè Secunde) hanc tuam cautam modestiam, prudentem hanc ingenii diffidentiam; quam examussum imitari vehementer ipse cupio; & aliis imitandam fidenter propino. Nec tantum singularem ejus modestiam (Auditores) & unicam ferè *μετ' εὐφροσύνης* vobis hîc commendo; sed ipsum etiam *recitandi morem* imprimis laudo. O pulchrum valdè morem! ac nostro hoc scripturientium ævo magnopere expetendum! Scribimus indocti, doctique passim,*

passim, & effrænata quædam libido ce
 chartas commaculandi, ubique do- ce
 minatur; hinc tot effœta, arida, je- ce
 juna; tot cruda semper & inchoata ce
 in vulgus trudi solent. O igitur si ce
 mos ille antiquus recitandi, saltem
 privatim & inter amicos posset re-
 vocari! Quàm utilis foret *vel sisten-* *Lips. ep.*
dis præcocius quibusdam & diffu- *48. cont.*
entibus ingeniis, vel aliàs dirigendis! *2. ad*
 quàm gratum etiam & optabile vi- *Belg. ubi*
 deretur cordatis hominibus, erudi- *multa*
 torum & benevolentium judiciis, *de Rec-*
 sensibusq; scripta, ac publicanda, *tas.*
 priùs censenda submittere! *Vix* *Amb.*
quenquam enim invenias, quem sua *Ep. l. 6.*
nò fallant scripta, & auctorem ipsum *ep. 40.*
 (divi Ambrosii verba) frequenter *ad Sabi-*
 prætereant; & sicuti deformes liberi *num.*
 suos, ut plurimum, delectant paren-
 tes: ita etiam indecores sermones, suos
 plerumque palpant Scriptores. Cor-
 datis itaque hominibus pergratus
 indubiè foret mos iste, quem secu-
 tus est *Plinius*; quemque ego nunc

jam imitator non otiosus affectari
 decrevi. Atqui fortasse (dicet quis-
 piam) ostentatio hæc plerisque vi-
 debitur, & κενὸς ὄζις, inanis glorio-
 læ ambitiosa quædam cupiditas? im-
 mō inquam ego, nihil minus; quin
 potius modestia, prudentia, vere-
 cunda sui æstimatio, αὐθαδείας καὶ
 ἀλαζονείας fuga & detestatio; ideo
 enim sua recitat ipse scripta, vel aliis
 perlegenda submittit, *ut aliorum ju-
 dicia noscat, consilia exquirat, verum
 audiat*; ut, si quid eum fugerit, ad-
 moneatur; si quid obscurius dictum
 fuerit, illustretur; si quid non rectè,
 corrigatur; juxta illud: Αἱ ἀνορνῶ-
 σεις ποιεῖσιν ἐπανορθώσεις. *Recitati-
 ones pariunt emendationes.* Vultis
 iterum *Plinio* aures præbere, & suas
 recitandi causas juxta & utilitates au-
 dire? Sic igitur ad *Aristonem* scri-
 bit: *Has* (inquit) *recuandi causas*
sequor; primum quòd ipse, qui reci-
 tat, aliquantò scrius scriptis suis au-
 ditorum reverentia intendit: deinde
 quòd

Theo-
 phrast.

Lib. 5.
 ep. 3.

quod de quibus dubitat, quasi ex consilii sententia statuit: multa etiam à multis admonetur: & si non admonetur, quid quisq; sentiat, perspicit ex vultu, oculis, nutu, manuum motu, murmure, silentio; quæ satis apertis notis iudicium ab humanitate discernunt, atque adeò si cui fortè eorum, qui interfuerunt, cura fuerit, eadem illa legere; intelligat, me quidam aut commutasse, aut præterisse, fortasse etiam ex suo iudicio; quamvis ipse nihil dixerit mihi. Videtis jam (Auditores) quales fuerint Plinianæ recitandi causæ; quotuplicesque inde exurgant utilitates, satis manifestum est. Quod si nostri temporis Scriptores, eisdem rationibus moti, eundem recitandi morem de industria æmulari satagerent; ecquis eos reprehensione dignos pronunciaret? ecquis ambrosæ vanitatis reos ageret? quid si M. Catonis vitiligatores passim occurrant? qui nihil quicquam tam

14 ANTELOGIUM.

rectè ab aliis dictum factumve agnoscant, quod vellicare non audeant? quid si hariolatores etiam non vereantur esse? ac de aliena mente, tam promptè quàm pravè conicere? eorum malignas præcípitesque conjecturas prudentes omnes & cordati viri præterfluere sinunt; rectæque conscientiae præmio libenter acquiescunt. Quin & ultrò fatemur, olim id moris fuisse ambitiosorum quorundam, ac φιλοδόξων hominum, vulgi famam actionum suarum finem statuere, auram popularem captare; grande & insanum plebeculæ *Sophos* aucupari: euge! bellè! facetè! atque ejusmodi nugatorias audientium acclamationes recitando consecrari. O inepti, vani, futiles homunciones! ô misera gloriolæ mancipia! liberaliora nostris speramus ingenia; pectora magis generosa. Norint id minimè sapientis esse, opinioni ac famæ tantum velificare: Ο σὺ φὸς ἔδ' ἐν ἐπιτιθεύς

δὲ ἢ πρὸς τὴν εὐδοκίαν ἔχειν,
 dixit Græcorum non ignobilis au-
 ctor. Alium igitur volumus, ut no-
 stri sibi recitandi, aut scripta cum
 aliis communicandi finem propo-
 nant; aliud sequantur consilium; ni-
 mirum, ut quæcunque in publicum
 rei literariæ bonum elucubrare atq;
 evulgare concessum fuerit, diligen-
 tius emendata, limatiùs expolita, o-
 mnî denique modo probabilia in
 manus hominum perveniant. Nem-
 pe hæc castigatissimi Novocomensis Plin. l. 7.
ep. 17.
 unica cura fuit, non ut, dum recita-
 ret, sed dum legeretur, laudari posset.
 Et tamen (neque dissimulamus)
 haud displicet nobis illa Satyrici re-
 sponsio:

Non ego, dum recito, si fortè quid Perf.
sat. 1.
aptius exit,

Laudari metuam; nec enim mihi
cornea fibra est.

Sed recti finemque extremumq;
esse recuso

Euge tuum & be!!è!

Jam verò (Academici) meipsum quod attinet, si provinciam, quam nactus sum, commodissimè administrare velim; si in ea plurimum prodesse cupiam (cujus rei desiderio flagrare me profiteor) quis vestrum (nisi planè tyro sit, & horum studiorum omninò rudis) non novit recitandi ac relegendi necessitatem quandam sæpè mihi impostam, pro ratione auditorum meorum, qui quotidie mutant, & successione ac vicissitudine quotidie renovantur? præsertim quum accesserint novitii, & qui super hoc argumento, quod præ manibus jam tenemus, instrui atque informari multum opus, ne dicam, necesse habeant. At regerit fortassis eorum non nemo, dicendo; Frustrà nos recitationibus moraris, quandoquidem hæc ipsa publici juris facere in animum nuper induxeris; quod si feceris, pensiculatiùs & tranquillo motio ea legere cuivis licebit. At, inquam,

inquam, jam antea dixi, ideo me re-
 citare, ut pleniora & correctiora
 prodeant. Addo aliam rationem,
 nec inferioris momenti: Præcepta
 cujuslibet disciplinæ, sicuti omnes
 concedunt, ab ipso dictantis sive
 docentis ore, felicius imbibuntur,
 quam è libris hauriuntur; & cur non
 idem sentiamus de lectionis Histo-
 ricæ regulis? Certè ea fuit Plinii, to-
 ties à nobis citati, hac ex parte sen-
 tentia; siquidem ad *Nepotem* suum
 scribens: *Dices, inquit, habeo hîc,*
quos legam, non minùs disertos, etiam
at legendi semper erit occasio, audien-
di non semper. multò magis, ut vulgò
dicitur, viva vox afficit. Nam licet
acriora sint, quæ legas; altiùs tamèn
in animo sedent, quæ pronuncatio,
vultus, habitus, gestus etiam dicentis
affigit. A nobis etiam stat D. Hie-
ronymus, in epistola ad Paulinum,
Habet, inquit, nescio quid latentis
energiae viva vox; & in aures disci-
puli, de auctoris ore transfusa, fortiùs
sonant.

Lib. 2.
 ep. 3.

18 ANTELOGIUM.

sonant. Ideoque *Fab. Quintilianus*,
 maximus artis Rhetoricæ magister,
 in Oratoris sui gratiam ita præcipit:
Præceptor (inquit) aliquid, immò
 multa quotidie dicat, quæ secum audi-
 ta referant discipuli; licet enim satis
 exemplorum ad imitandum ex lecti-
 one suppeditet, tamen viva illa (ut
 dicitur) vox, alit plenius; præcipue
 præceptoris, quem discipuli, si modò
 recte sint instituti, & amant & ve-
 rentur. Neque aliam fuisse men-
 tem *Marci Tullii*, liquidò constat;
 quippe in perfecto Oratore, caren-
 (inquit) libri spiritu illo, propter
 quem majora eadem illa cum agun-
 tur, quam cum leguntur, videri so-
 lent. Hinc illud: in *Demosthenema-*
gna pars Demosthenis abest, quod le-
 gitur potius, quam auditur. Atque
 huc optimè quadrant *Horatiana*
 illa, quibus facetè & admodum, ur-
 banè deridet *Epicureum* illum, à
 quo *Catius* in arte culinaria institu-
 tus fuerat:

Doct.

ANTELOGIUM. 19

Docte Cari, per amicitiam Di- Lib. 2.
vosq, rogatus Sat. 4.

Ducere me auditum, perges quo-
cunq, memento.

Nam quamvis referas memori
mihî pectore cuneta,

Non tamen interpret tantundem
juveris: adde

Vultum habitumq, hominis: quem
tu vidisse beatus

Non magni pendis, quia contigit:
at mihî cura

Non mediocris inest, fontes ut adi-
re remotos,

Atq, haurire queam vitæ præce-
pta beata.

Hæc quum ita se habeant (Au-
ditores) quid deinceps obstat, quo
minus ad opus destinatum nosmet
alacriter accingamus? quod securi
vestræ benevolentia jam nunc faci-
mus, & proxima lectione opus
ipsum aggrediemur. Interim, ne
dum nos de ratione & methodo le-
gendi Historias dissertamus, contra
metho-

methodum peccemus, si novitiis Auditoribus nostris (quorum gratia imprimis susceptus est hic labor) minùs constet, quasnam Historias intelligamus; operæ precium fore putamus, primò *definitionem*, inde *divisionem* Historiarum præmittere; easque breviter explicare; quò majori cum perspicuitate munus nostrum pensumque modò susceptum ad extremum usque exequamur. *Definitio* igitur à nobis olim posita est hujusmodi, quam hic retinere placet: *Historia est notitia, & explicatio rerum singularium*, eo fine suscepta, ut earum memoria conservetur; atque inde universalia evidentius confirmentur, quibus ad bene beatèque vivendum instruamur. Dico, *notitia juxta & explicatio*; quia de Historia, quatenus legenda, nos acturi sumus; cujus genus *notitiam atque explicationem* statuimus. Pro *objecto* sive materia, *res singulares*, pono; hoc est, res gestas publicas

vel privatas, memoria hominum di-
 gnas. *Finem* multiplicem assigno,
 ut memoria rerum singularium
 conservetur; nec non ut ex singula-
 ribus præcepta universalia elician-
 tur, & confirmentur; denique ut
 hisce instructiores fiamus ad bene
 beatèque vivendum. Hinc enim est,
 quòd *M. Tullius* Historiam *vita*
magistram dixerit. Atque huc spe-
 ctant lactea *Titi Livii* verba in præ-
 fatione ad Historiam suam: *Hoc*
illud est præcipue in cognitione rerum
salubre ac frugiferum, omnis te exem-
plici documenta in illustri posita monu-
mento intueri: inde tibi, tuæq; Reip.
quod imitère capias: inde fœdum in-
cœptu, fœdum exitu, quod vites.

Secundum hanc nostram defini-
 tionem, subjiciamus quoque *divi-*
siones, minimè subtiles, aut argutas
 (neque enim hujus loci esse puta-
 mus) sed populariores, & magis
 communes. Ab antiquis scio, uti
 etiam à recentioribus nonnullis,
 Histo-

Historia distribuitur in *Divinam*,
 quæ de Deo, rebusq; divinis tractat,
Naturalem, quæ de rebus naturæ
 earumque causis agit; & *Humana-*
nam, quæ hominis actiones, vitam
 in societate agentis explicat. Hanc
 postremam solummodo respicit
 nostra definitio; & hanc distingui-
 mus in *Politicam*, & *Ecclesiasticam*.
 Atque harum utramque, in *Univer-*
salem, ac *Particularem* Historiam.
Politica Historia, quam etiam civi-
 lem dicimus, est, quæ imperiorum,
 Rerumpublicarum, civitatum ini-
 tia, constitutiones, incrementa,
 conversiones, res denique gestas ex-
 ponit. *Ecclesiastica*, quæ præcipuè
 res Ecclesiæ tractat, etsi *Monarchia-*
rum & regnorum negotia interpo-
 nat. *Universalis*, sive *Politica* sit,
 sive *Ecclesiastica*, est, quæ universorum,
 vel etiam multorum, maximè-
 que illustrium populorum, Re-
 rumque publicarum, aut Ecclesia-
 rum res gestas per omnia secula
 com-

complectitur. *Particularis*, quæ unius populi, civitatis, vel Reipub. aut unius particularis Ecclesiæ actiones, sive res gestas comprehendit. De hisce omnibus distinctè, & suo ordine legendis, nostra *methodus* instituenda est. *Alia* porrò *Historiarum divisio* est, quæ nostræ considerationi sese offert, & à junioribus præsertim notatu digna hæc est; à circumstantiis & methodo narrandi, sive explicandi ducitur. Si quidem *Historiæ* aliæ dicuntur *Chronica*, ex scilicet, quæ tempus, in quo res quælibet gesta sit, denotant. Aliæ *Vitæ* appellantur, quæ personas singularem quorundam virorum, eorumque res gestas, juxta & mores descriptos complectuntur. Aliæ denique *Relationes* indignantur; quibus id operæ imprimis datur, ut actiones hominum memoratu dignæ, & quævis Rerumpub. negotia, utcunque fideliter & perspicuè narrentur, Quod primum mem-

membrum attinet, omnes Historiæ
tempus, in quo res gestæ fuerint, ad-
notare aut solent, aut debent; *caca*
enim est quælibet *narratio*, similis-
que fabulæ, *sine temporis notatione* :
& tamen omnes eadem temporum
intervalla haudquaquam obser-
vant; nec eundem in rebus narran-
dis ordinem tenent. Hinc Chronici
generis varias species esse dicimus :
Annales, *Fastos*, *Ephemerides* sive
Diaria, *Menologias*, *Bimestria*, *Tri-*
mestria, *Semestria*, *Decades*, *Centu-*
rias, *Commentarios*. De quibus o-
mnibus, inter *Premetia* Historica
fusiùs disputavimus. *Chronici* gene-
ris Scriptores sunt *Herodotus*, *Dio-*
dorus Siculus, *Dionysius Halicar.*,
Justinus, *T. Livius*, *Sabellius*, &
huiusmodi. *Βιογραφοι* seu *Vita-*
rum Scriptores personas (uti di-
ctum est) repræsentandas sibi pro-
ponunt, ad casque (quod notan-
dum esset) maxima ex parte con-
currunt mixti generis actiones;
publi-

*publicæ, privata, civiles, domestica
&c.* In hoc censu reponuntur *Sue-
tonius, Plutarchus, Cor. Tacitus,
Dion Cassius, Æmilius Probus, atq;
alii.* Διηγηματα ἑαυτοῖς *sive Relatio-
num* Scriptores sunt Historici, qui
rerum memorabilium narrationes
integras, rerum gestarum & nego-
tiorum omnis generis relationes
plenas perpetuasque instituunt:
quales sunt *Xenophontis Κύρου ἀναβά-
σις, sive, expeditio Cyri. Sallustii Ca-
tilinaria. Halicarnassei Legationes,
& hujusmodi.* De quibus omnibus
legendis sequenti dissertatione
(propitiante Deo) audietis.

Dixi Octob. 17. 1635.



DE RATIONE ET METHODO

legendi Historias,

PARS PRIMA.

SECT. I.

Ad fructuosam Historiarum lectionem tria requiruntur. Inde tres hujus dissertationis partes proponuntur.

UT fructuosa magis fiat Historiarum lectio, largumque secum ferat operæ suæ precium, tria mihi videntur studioso cuique insigniter necessaria: *Primò*, ut rectus idemque constans servetur *ordo*; ne confusè, vagè, desultoriè legat. *Secundò*, perspicax adsit & intelligens *judicium*; ut quæcunque legerit, dextrè capiat, & quæ sint eligenda, probè discernat. *Tertiò* sedula & accurata adhibeatur *industria*; ut

ut electa cujuscunque generis, velut annona, in horrea quædam dispositè recondantur. Tria igitur quasi capita, præsentis nostræ dissertationis statuere animus est: Quorum *primum* Auctores præcipuè legendos continebit, eorumque ordinem, quo sint legendi, indicabit. *Secundum*, quis sit idoneus Historiarum lector habendus, docebit. *Tertium* fructus colligendi perspicuam monstrabit viam; nec non modum & rationem eos tanquam in cella quadam promptuaria dispensandi explicabit.

SECT. II.

Historicorum series qualis institueda? Quomodo ordinanda? Temporum intervalla tria observanda. Epochæ quid? Quatuplex? Cataclysmi. Quibus temporibus inciderint? Intervallum ἀδελον. Μουσίων. Olympiades. Intervallum Historicum.

D

Quod

QUod *primum* attinet, Aucto-
 rum series & catena ejusmodi
 instituat, quæ temporum inter-
 valla *summorumq; Imperium* succes-
 siones ἀκεῖβως, & ad amussim imi-
 tetur. Temporum autem interval-
 la, quatenus Historiam & rerum ge-
 starum memoriam respiciunt, ex
Varrone notat *Censorinus* tria: *Pri-*
imum, ab hominum principio ad
Cataclysmum priorem, quod pro-
 pter ignorantiam (inquit) ἀδηλον
 vocatur. *Secundum* à *Cataclysmo*
 priore ad *Olympiadem* primam;
 quod, quia in eo multa fabulosè re-
 feruntur, μυθικὸν nominatur. Ter-
 tium à prima *Olympiade* ad nos (ubi
 intelligit *Cæsares* & tempus dein-
 cept) quod dicitur ἱστορικὸν, quia res
 in eo gestæ veris Historiis conti-
 nentur. Hæc temporum intervalla
 (uti videtis) quibusdam *Epochis*
 distinguuntur: *Epocha* verò illustre
 quoddam temporis principium di-
 citur, à quo reliqua tempora nume-
 ramus,

De Die
 Natali
 6, 27

ramus. Et duplices quidem observamus *Epochas: Ecclesiasticas & Politicas*. Illæ in *Sacris Scripturis & Historiis Ecclesiasticis* usurpantur, quales sunt: Ab *Orbe condito*, sive à *Creatione*: à *Cataclysmo* sive *Diluvio*: à *Turre Babylonica*, vel à *linguarum confusione*: à *migratione ex Ægypto*; & hujusmodi. Hæ autem sequentes in *profanis Historiis & Auctoribus Ethnicis* legi solent. Exempli gratia: Ab *Excidio Trojano*: ab *Olympiade prima*: ab *Expeditione Cyri*: à *Transitu Xerxis*: &c. Ita hoc in loco *Censorini*: ab hominum principio sive ab initio *Mundi* ad *Cataclysmum*. Et notandum est, quod dicit *Cataclysmum* priorem: *Cataclysmi* enim, sive *Diluvia tria magna* in *Historiis* memorantur: *Primum* erat *Diluvium universale*, tempore *Noachi Patriarchæ*; de quo in *Sacro Codice* scribit *Moses*, quod in *Annum Mundi 1656*. incidit. *Secundum* erat *Ogygium* in

Achaia, quod totam ferè provin-
ciam vastavit; & quia *Ogygi* (qui
tunc *Elusina* conditor & Rex) tem-
poribus effusum est, nomen loco &
tempori dedit, juxta *Orosium*. Hoc
in A.M. 2185. incidit, florente tunc
Jacobo Patriarcha. *Tertium* erat
Deucalionum, à *Deucalione* sic di-
ctum; cujus tempore *aquarum il-*
luvies (*Orosii* verba) *majorem par-*
tem populorum Thessalia absumpsit,
paucis per refugia montium liberatis;
maximè in monte Parnasso, in cujus
circuitu Deucalion tunc regno potie-
batur: qui tunc ad se ratibus consu-
gentes susceptos, per gemina Parnassi
juga, fovit aluitq; ; à quo propterea
genus humanum reparatum ferunt.
Hoc diluvium incidit in A.M. 2437.
Tempore *Cecropis Atheniensium*
Regis; & quasi annos ter quinos ante
Israëliitarum Egressum ex Aegypto.

Jam verò primum illud interval-
lum, quod *Varroni* (doctissimo licet)
ἔδηλον videbatur, Nobis *Christianis*
εὐδηλον

*Oros. l. i.
c. 7.*

*Lib. i.
c. 9.*

*• Chronologia
sequi-
mur Sca-
ligeria-
na, quod
semel in
universum
munda-
ritum
velim.
Aug.
de C. D.
l. 12. c. 10.
v. Iust.
l. 2. c. 6.*

ἐυδηλον potius, & ex sacra pagina meridiano Sole clarius est; Annosque novimus continere *mille sexcentos quinquaginta & sex*. Quorum Historiam, *primis sex* capitibus *Geneseos*, à *Mose* brevissimo compendio descriptam habemus. Neque alibi per omnia, quæ extant, literarum monumenta, aut quæ reperiri possunt, occurrit certi quicquam, de rebus, ante *Diluvium* gestis ullibi legendum.

Secundum intervallum à *Diluvio* ^{Olympi} primo, ad primam *Olympiadem* ^{primam}, (hoc est, ad primum illud certamen, ^{πρῶτον} quod quarto quoque anno in honorem *Jovis Olympii* à *Græcis* celebrabatur; & in annum quartum, aut ^{ἑτὶς} quintum supra tricesimum, *Uzziah* ^{Hercules instituit} Regis *Judæorum* incidit) annos cōplectitur, *mille quingentos octodecim*, ^{Iphitus instauravit} nimirum ab A. M. 1656. ad A. M. ^{A. M.} 3174. *Mythicum* autem fabulosumque à *Varrone* dicitur hoc intervallum, idque non sine ratione; quan-

D 3

doqui-

piades, sive quaternorum annorum circums,

doquidem huc poëticarum fabularum argumenta pleraque referri solent. Et licet in poëmatis *Græcis*, nec non in Historicorum nonnullis, de rebus paullò antiquioribus, de bello *Trojano*, expeditione *Argonautica*, de *Perseo*, *Oedipo*, *Hercule*,

v. Scal.
Anim.
adv. in
Euseb.
p. 66.

Theseo &c. narrationes quædam extent; quas *Ovidius* in suo *Chronico* plerasque complexus est: tamen verè, ut *Africanus* inquit, omnia plena sunt confusionis & dissonantiæ, & certa annorum distinctione carent; nec de toto illo intermedio 400^{rum} annorum tempore, quod inter excidium *Troja* & *Olympiadem* primam interjectum est, quicquam ἀξιόλογον in *Græcorum* monumentis proditum est. Multò minùs de rebus ante tempora *Trojana* gestis.

In Ora-
tione ad
Græcos

Hinc *Justinus Martyr*: Οὐδὲ τὲ π
ἀγνοεῖν ὑμᾶς προσήκει, ὅτι ἔδεν Ἐλλήσι
πρὸ τῶν Ὀλυμπιάδων ἀκριβὲς ἱστορεῖν.
&c. Neq; hoc vos ignorare decet, ni-
hil à *Græcis* ante *Olympiadas* accu-
rare

*ratè scriptum esse. Et Eusebius μέχρι
 μὲν τῶν ὀλυμπιάδων &c. Usq; ad* De Pra-
par. Ev-
ang. cap.
10.
*Olympiadas nihil ceriò perscriptum
 est à Græcis; sed omnia sunt confusa,
 neq; ante id tempus uspiam consen-
 tiunt. Nihilominus, totius hujus
 fabulosi intervalli certam nos Chri-
 stiani habemus Historiam, & (quod
 Ecclesiam spectat) amplam satis &
 lutulentam, à Mose ac Prophetis, di-
 vinis illis Sancti Spiritus amanuensi-
 bus, literis consecratam: Cui etiam
 de Gentium Nationumq; imperiis, &
 de rebus ab iis gestis, haud pauca
 immiscentur; quorum ad veritatem
 dubiosa illa & incerta narrationum,
 quæ de iisdem temporibus in pro-
 fanis plerisque Historicis habentur,
 examinanda censemus.*

Denique *Tertium* intervallum, Scriptis
Censori-
nus cir-
ca Ann.
C. 240.
ab V.C.
991. uti
ipse cap.
11.
 (quod solū volunt Historicum esse
 & Varro & Censorinus) ab Olympia-
 de prima ad Censorini ætatem, annos
 supra mille & quatuordecim com-
 prehendit; ad quos refertur Histo-

riæ veteris profanæ totum illud, quicquid hodieque extat integrum, & certa temporum notatione distinctum.

SECT. III.

Summorum Imperiorum series & successio. Fatalis perhibetur. Quadruplex eminenter probatur. Mediorum & Persarum unicum Imperium asseritur. Singula Prophetarum oraculis premonstrata. Summorum appellatio frustra à Bodino cavillata. Romanum omnium maximum Imperium.

QUapropter, cum intra duo posteriora temporum intervalla (*Mythicum* videlicet, & *Historicum*) quatuor summa, & (in quantum sciri possit) in genere humano præcipua, successivè inciderint *Imperia*; quibus terrarum orbis pars maxima paruisse dicitur, & sub quibus eorū pleraque, quæ in tota Historia continentur, gesta fuisse memoran-

morantur, placetne, ut quænam
 summorum istorum *Imperiorum* fu-
 erit series, qualisque successio, pro-
 ponamus? Id pro nobis faciet, ne-
 scio quis *Emilius Sura*, apud *Vel-*
leium Paterculum: *Assyrii* (inquit Lib. 1. cap. 6.
 ille) *Principes omnium gentium*, re-
 rum potiti sunt, deinde *Medi*, postea
Persæ, deinde *Macedones*; exinde
 duobus Regibus, *Philippo* & *Antio-*
cho, qui à *Macedonibus* oriundi e-
 rant, haud multo post *Carthaginem*
 subactam devictis, summa Imperii
 ad populum *Rom.* pervenit. Hanc
 ipsam summorum *Imperiorum* suc-
 cessionem, fatali quadam necessita-
 te, eo ordine dispositam, *Arrianus*
Nicomediensis asserere videtur: Lib. 2. de exped. Alexand.
 ἡδὲ καὶ Πέρσαις πρὸς Μακεδόνων ἀ-
 φαιρῆσθαι τῆς Ἀσίας τὴν ἀρχὴν κα-
 θαπερ οὖν Μῆδοι μὲν πρὸς Περσῶν
 &c. h. e. oportebat *Asia Imperium*
Persis à *Macedonibus* adimi, quem-
 admodum *Persæ* *Medis*, ac prius *Me-*
di *Assyriis* ademerrant.

De lau-
dibus
Stilic.
L. 3.

Planè idem *Claudianus* poëta;

---- *Sic Medus ademit*

Affyrio, Medoq³ tulit moderamina
Perses:

Subjecit Persen Macedo; cessurus
& ipse

Romanis, hæc auguriis firmata
Sibylla.

Eandem omninò successionem
Imperatorum Dionys. Halicarnassensis
memorat in proœmio *Antiquitatum*
Romanarum, ubi collationem sin-
gulorum instituit; & reliquis omni-
bus *Romanum* longè præfert. Ve-
rùm hîc obiter notemus, quod li-
cet *Emilius Sura, Arrianus, Ha-*
licarnassensis, alique satis multi *Au-*
ctores vetusti, inter summa, *Medo-*
rum distinctè numerent *Imperium*;
nos tamen *Medos & Persas* unicum
constituïsse *Imperium*, è sacris li-
teris docemur; tunc præsertim, ubi
summo dominatu *Affyrios* privassent:
Idèò.

Ideoque quatuor tantum numero
 fuisse *Monarchias* illustres, & maxi-
 mè notabiles, *Ecclesia* veteri cum
 primis infestas vulgò observatum
 est. Quas visione quatuor *Bestia-*
rum, *Danieli* *Propheta*; quatuor
 quadrigarum *Zachariae*; Regi *Na-*
buchodonosori ingentis *Colossi* imagi-
 ne, *quadruplici* *materia* constante,
 repræsentatas, sacra volumina te-
 stantur. Ita enim & *Patres* antiqui,
 & recentiores etiam plerique inter-
 pretes, istas prophetias intelligunt.
 Recentiores autem ut missos facia-
 mus, ex antiquioribus tres tantum
 nobis sufficient ad probandum,
 quod jam olim à multis seculis re-
 ceptum fuerit, quatuor *Monarchias*
 prædictis tribus *visionibus* designa-
 ri. *Isidorus Pelusiota*, ante annos mil-
 le ducentos, quatuor *Bestiarum* *vi-*
sionem ad hanc mentem interpreta-
 tus est: Τὸ θεοπέσις Δαυιδ ἢ ὁ ἑ-
 βραῖος ὁ βασις &c. Divini viri *Da-*
nielis illa celebris atq; hominum ser-

* *Isai.* 21.*Dan.* 6. 9*Esth.* 2.3. *Eccl.*1. *Dan.*

7. 17.

2. *Zach.*

6. 2.

3. *Dan.*

2. 37. 38.

Lib. 2.*op.* 218.

mone pervulgata visio, Assyriorum
 & Medorum ac Macedonum re-
 gnum, ut uniusmodi atque ex una
 quodq; natione conflatum, uni bellua
 comparavit; aliud nimirum Urse,
 aliud Leane, aliud Pardo. Quarta
 autem visio, hoc est, horrenda bellua
 (utpote ingentem stuporem asserens)
 ferreis dentibus septa, areisq; ungui-
 bus armata, devorans & comminu-
 ens, & conculcans, nec ad ullius ani-
 mantis similitudinem accedens, Ro-
 manorum Imperium perspicue desi-
 gnabat; utpote ex omnibus nationi-
 bus & tribubus compactum, omniq;
 robore ac gloria in seipso praeclatum:
 neque enim uno nomine exprimen-
 dum vidit propheta principatum il-
 lum, qui potentiae suae jugum in omnes
 extendit, atque dominica incarnatio-
 nis tempore in infinitum Imperium
 processit. Haecenus Pelusiota de qua-
 tuor Bestiis. Jam Zachariae quadri-
 gas Beatus Hieronymus, Pelusiota
 paullo antiquior, huc etiam refert:

Hierom.
 in Zach.
 6. 2.

In quadriga prima (inquit) equi rufi erant, cruenti & sanguinarii, & Babylonica crudelitate terribiles. In quadriga secunda equi nigri regnum Medorum atque Persarum &c. In quadriga tertia equi albi Macedones, sub quorum rege Antiocho, Maccabeorum victoriam legimus. In quadriga quarta equi varii fortes; scimus enim Romanorum Reges, alios in gentem Judeam fuisse clementes, ut Cajum Casarem; Augustum, & Claudium; alios persecutores atque terribiles; ut Caligulam, Neronem, Vespasianum. Hæc B. Hieronymus de Zacharia quadrigis. Denique stupendus ille Nabuchodonosoris Colossus, explicatione Danielis ipsius, quatuor regna significat: Beatus autem Sulpitius disertim applicat, & quatuor istas, quas diximus, Monarchias prænunciatas fuisse nominatim affirmat: Secundum prophetæ interpretationem (inquit) imago visæ mundi figuram gerit. Caput au-

Sacra
Hist.
lib. 7.

reum Chaldaeorum Imperium est. Si-
quidem id primum & opulentissi-
mum fuisse accepimus. Pectus &
brachia argentea secundum regnum
annunciant. Cyrus enim, victis Chal-
deis atque Medis, Imperium ad Per-
sas contulit: in ventre arcu tertium
regnum portendi pronuntiatur: idque
impletum videmus: siquidem Alex-
ander ereptum Persis Imperium, Ma-
cedonia vindicavit. Crura ferrea
Imperium quartum, idq; Romanum
intelligitur; pra omnibus ante regnis
validissimum: pedes verò partim fer-
rei, partim fictiles; dividendum esse
Romanum regnum, ita ut nunquam
inter se coeant, praefigurant. Quod
aeque impletum est, ita B. Sulpitius.
Hæc aliquantò longius produxi-
mus, à quibus tamen supersedisse
poteramus, nisi hanc opellam à no-
bis expressisset Johannis Bodini viri
impensè docti argutatio; qua de-
cantatam illam regnorum antiquio-
ris mundi divisionem in quatuor
Monar-

Monarchias, nupera auctoritate, & insulsa Neotericorum quorundam opinione niti adstruit. Nobis verò ex supradictis contra liquido patet, summa quatuor Imperia, antiquitus observata, & designata fuisse. Quorum priora duo, in Asia successivè floruerunt, ideoque Asiatica dicta: duo reliqua, suo ordine in Europa eademq; ratione Europæa nuncupata. Has appellationes, nec non Imperiorum distinctiones probare, suæque auctoritate confirmare nobis videtur ipse etiam Velleius loco supra citato. Insequenti tempore (inquit) Imperium Asiaticum ab Assy- Lib. 1.
riis, qui id obtinuerant annis mille c. 6.
septingentis, translatum est ad Me-
dos, &c. Verùm, inquam, haud
tanti quidem est, ut de appellatione, sive etiam de distinctione Imperiorum prolixius litigemus. Bre-
viter ergo dicimus, longè testatissimum illud esse, apud omnem etiam
antiquitatem notissimum, adeò latè olim

olim per totam *Asiam* dominatos
 fuisse *Assyrios & Chaldeos*; postea
Medos & Persas, ut *Summa* tenuisse
 totius orbis (qua tunc habitabatur)
Imperia, jure meritoque dicantur:
 idem etiam de *Gracis* suo tempore,
 atque inde multo magis de *Romanis*
 affirmari potest; à quibus non *Asia*
 modò, & *Europa*, sed & *Africa* quo-
 que partem, si non maximam, cer-
 tè potiorem subjugatam, ex Histo-
 riis novimus. Unde *Megalopolita-
 nus*: Ῥωμαῖοι γε μὲν οὐ πνὰ μέγη, χε-
 δὸν δὲ πᾶσαν πεποιημένοι τὴν οἰκουμέ-
 νην ὑπὸ ἑκαστῶν αὐτῶν &c. *Romani* non
 partibus solummodo aliquot, sed uni-
 verso ferè terrarum orbe, in juss di-
 tionemq; suam coactò, Imperium
 suum in tantum evexerunt fastigi-
 um, ut predicare quidem illius feli-
 citatem præsens ætas meritò queat;
 superare verò illud nulla unquam se-
 cula sint valitura.

SECT. IV.

*Affyrio-Chaldaici Imperii institutio
ac duratio. Item Medo-Perfici,
inde Græcanici. Romani Imperii
initium ante Jul. Cæsarem. Inde
ad Carolum M. quot anni inter-
cesserint? Deniq; ad Carolum V?*

UT progrediamur igitur, pri-
mum illud Imperium *Affyrio-
Chaldaicum* (sic enim lubet appel-
lare) à *Nimrodo* (qui etiam à non-
nullis *Belus* dicebatur) institutum
est A. M. 1717. aut circa. Duratio-
nis erat longissimæ, utique annos
plus minus *mille septingentos* com-
plectens; nam per totum quasi in-
tervallum secundum *Censorini*; &
porrò ad annum usque ducentesi-
mum tricesimum octavum tertii in-
tervalli excurrit illud Imperiũ; haud
quidem semper integrum, sed factũ
nonnunquam, atque imminutum;
sicuti à doctissimo *Josepho Scaligero*
notatum est. Amplitudo enim ejus
initio quidem immensa fuit, postea
per

*Scalig.
Can. I-
sagog. l.
3. p. 315.*

per subditarum nationum defectiones in multas quasi lacinias diuisum est, Regibus Assyriorum in luxum solutis; & quodvis potius quam arma, & salutem regni sui meditantibus. Verum à prima ejus origine, ad captam à *Cyro Babylonem*, quo tempore ad *Medos* & *Persas* transferebatur, intercesserunt anni paulò minùs *septingenti supra mille*. Nam licet *Assyrios* Imperium tenuisse annos ter centenos tantùm supra mille, autumet *Justinus*; *Georgius Monachus*, ter centenos sexaginta; *Diodorus Siculus* quadringentos: Omnes tamen intelligendos auguror de spatio, quo regnabant posteri *Nimrodus* & *Nini*; qui illius Imperii fundamenta jecerunt circa A. M. 1717. præsertim *Nini*, à quo *Sardanapalus* (testante *Velleio*) tertio & tricesimo loco (ita ut semper successor regni paterni foret filius) ultimus regnabat. *Nini* verò familiam excepit *Phul Belochus*, & ejus

Vellej.
Pat. l. 1.
cap. 6.
A. M.
3976.

ejus posteritas; inde *Merodach Ba-*
ladan, ejusque progenies, usque ad
 interitum *Baltazaris*; qui Regum
Babylonicorum extremus, urbe à
Cyro capta periit. Ita quidem *Func-*
cius, *Reinerus* *Reineccius*, *Viginerius*,
 atque alii ex sacra Scriptura ferè
 colligere videntur. Verùm *Josephus*
Scaliger, *Dionys. Petavius*, *Jac. Ca-*
pellus, atque alii ex *Beroso*, *Megasthe-*
ne ac *Ptolomeo* interitum *Baltazaris*
 prævertisse *Babylonis* expugnatio-
 nem per *Cyrum*, annos circa septen-
 decim contendunt. *Baltazar* enim
 conspiratione suorum, quos ob pra-
 vam indolem à se alienos fecerat,
 interfectus est Olymp. 55. cui suc-
 cessit *Nabonidus* quidam, origine
Medus (à *Daniele* *Darius Medus*
 appellatus) idque communi senten-
 tia conjuratorum. Hic autem de-
 cimo septimo imperii sui anno ab
Cyro Persarum Rege bello supera-
 tus, ac *Babylone* exutus, vita & *Car-*
manie præfectura donatur; atque
 sic

sic Imperium ad *Persas* translatum ;
 anno videlicet secundo *Olympiadis*
 60. & A. M. 3412. Haud igitur dif-
 ficile videtur, ex præmissis demon-
 strare, *Monarchiam Assyrio-Chal-*
daicam à prima sua inchoatione, ad
 hunc, quem posuimus, Epilogismū
 durasse, paullò minùs antìs *mille se-*
ptingentis. Quod insuper ex iis con-
 firmari potest, quæ retulisse perhi-
 betur *Callisthenes*, *Aristotelis* disci-
 pulus : Is enim *Alexandrum M.*
 in expeditione *Asiatica* secutus, ro-
 gatu magistri sui, capta *Babylone*,
 diligenter à *Babylonica* antiquitatis
 peritis astrorum observationes, &
 Regum primæ illius & antiquissimæ
Monarchia successiones, nec non
 annorum numerū inquisivit. Quas-
 cunque autem nancisci potuit *Ba-*
byloniorum antiquitates, uel *ἱεροῖς*
ἀστρονομικαῖς, in *Graciam* transmisit ;
 quas *mille nongentos & tres* annos
 complexas fuisse testatur alicubi
Simplicius.

Secunda *Monarchia Medo-Per-*
sica indigitata, à capta *Babylone* per
Cyrum, ad eandem ab *Alexandro*
Macedone occupatam (*Dario Co-*
domano , Rege decimo & ultimo
Persarum victo) non ultra *decem*
annos supra ducentos continuasse
 dicitur. *Alexander enim Babylone-*
mem intravit anno tertio Olympia-
 dis 112. A. M. 3620.

Tertia verò *Monarchia, Græca*
 vocata, & ab *Alexandro M.* post
Darium victum inchoata, usque ad
Perseum, Philippi Secundi Macedo-
nici filium, à *Paullo Emilio* debel-
 latum, & *Macedoniam* in provin-
 ciam redactam perdurasse æstima-
 tur; quod spatium annos paullò plus
 centum sexaginta comprehendit.
Perseus enim à L. Emilio Paullo
 victus, captus, ac triumphatus est
 Ann. ab U. C. 586. A. M. 3782. At-
 que circa id tempus, ad immensam
 illam magnitudinem suam, à *Polybio* Lib. 1.
 in tantum prædicatum accreverat
 Impe-

Imperium Romanum; quod postea
 latius adhuc sese extendit: Verum
 ab hoc tempore quarta *Monarchia*
 facta est. Siquidem huc ejus ini-
 tium disertis verbis refert *Emilius*
 ille *Sura*, quem ex *Paterculo* supra
 citavimus: *Duobus*, inquiens, *Regi-*
bus Philippo & Antiocho devictis,
summa Imperii ad populum R. per-
venit. Quod eisdem ferè verbis af-
 firmat etiam *Polybius*: Regno *Ma-*
cedonico everso, *Romani orbem ter-*
rarum suo Imperio subjecerunt, πᾶ-
 σαν τὴν οἰκουμένην ὑπὸ τῶν αὐτῶν ἐ-
 ποιήσαντο. Immo, ut ex eodem *Pa-*
lybio colligere est, certatim sese ad-
 dixerunt populi eorum obsequio,
 ab iisque pacis inter se, ac belli arbi-
 tria sumplerunt. Quod *Florus* iti-
 dem noster confirmat: Quippe jam
 gentium Reges, Duces, populi, natio-
 nes, praesidia sibi ab hac urbe petebant.
 Iterum *Polybius*: Hoc tempore in
 confesso apud omnes erat, atque adeo
 confessionem hanc necessitas omnibus
 expri-

Lib. 3.
p. 159.
& 160.

Lib. 2.
s. 7.

Lib. 3.
p. 160.

exprimebat, parendum porro esse Ro-
 manis, & illorum jussa capeſſenda.
 Denique huc ipſe Propheta Daniel
 Monarchiæ quartæ initium refert,
 ſi rectè opinetur doctiſſimus Me-
 lanchthon, qui hunc in modum lo-
 quitur: Cum Daniel quartam Mon-
 archiam nominat & pingit, non tan-
 tùm à Julio & Auguſto eam ordi-
 tur; ſed complectitur tempus, quo
 urbs Roma ſummum Imperium te-
 nuit, etiam ante bella civilia. Qua-
 propter ſi hinc initium durationis
 hujus Monarchiæ putemus, ad Jul.
 Caſarem anni numerantur, 118. inde
 ad Conſtantinum M. 356. poſt ad
 Auguſtulum, qui ab Odoacro Rege
 Herulorum coactus eſt ſeſe abdica-
 re, reperiuntur anni ſupra 170: inde
 denique ad Carolum M. 325. ſic ut
 ab everſione regni Macedonici ad
 Carolum M. interſint Anni 978. in-
 de ad Carolum V. ſequuntur Anni
 720. ita à victo Perſeo ad Carol. V.
 numerantur Ann. 1688.

Chron.

lib. 3.

p. 146.

SECT. V.

*Quatuor isthac imperia quare dice-
bantur summa?*

NON me latet, alias multas res-
pub. & dynastias alia regna
atque imperia, hinc illinc, per or-
bem terrarum, superiorum etiam
trium *summorum Imperiorum* tem-
pore floruisse; imprimis autem
dum prima & secunda vigeat *Mon-
archia*: e.g. *Aegyptiorum, Sicyonio-
rum, Spartanorum, Ethiopum,*
aliorum; de quibus frequens men-
tio apud antiquos habetur; horum-
que nonnullos latè aliquando re-
rum potitos legimus: *Venit ad occa-
sum, mundiq; extrema Sesostris, Et
Pharios currus Regum cervicibus
egit; ita cecinit Lucanus. Et Justi-
nus, Vexore tradit Regem Aegypti,
ad Pontum usque produxisse im-
periam. Strabo etiam Tearchonem
Ethiopem usque in Europam cum
exercitu processisse, testis est. De-
nique rerum dominos aliquando
Ethio-*

*Lucan.
lib. 10.*

Lib. 1.

Lib. 15.

Æthiopes fuisse, claros & potentes, usque ad *Trojana* tempora, *Memnone* regnante, scribit *Plinius*. Præ Lib. 6.
c. 29. cæteris tamen omnibus prædictas quatuor *Monarchias* longè eminu-isse, notiùs est, quàm ut probationi diutiùs immoremur. Namque id cæ semper meminisse oportet, haud ita cæ à nobis quatuor *summa Imperia* cæ *Monarchias* vocatas, quasi omnes cæ omninò regiones & gentes com- cæ plecterentur, sed quòd magnam cæ orbis terrarum partem tenuerint, cæ tantamque habuerint potentiam, ut cæ cæteros Reges compescere, iisque cæ leges imponere facili labore pos- cæ sent. Siquidem idcirco voluit *Dens* Chron.
l. 1. p. 100. *Monarchias* constitui (*Melanchthonis* verba) ut homines legibus, judiciis, & disciplina probabili regerentur.

SECT. VI.

Historiarum lectio unde auspican-
da? *Epitoma* justæ non penitus
damnandæ. *Synopsis Historiarum*.

E

Chro-

Quatuor isthac imperia quare dicebantur summa?

NON me later, alias multas respub. & dynastias alia regna atque imperia, hinc illinc, per orbem terrarum, superiorum etiam trium *summorum Imperiorum* tempore floruisse; imprimis autem dum prima & secunda vigeat *Monarchia*: e.g. *Aegyptiorum, Sicyoniorum, Spartanorum, Ethiopum*, aliorum; de quibus frequens mentio apud antiquos habetur; horumque nonnullos latè aliquando rerum potitos legimus: *Venit ad occasum, mundiq; extrema Sesostris, Et Pharios currus Regum cervicibus egit*; ita cecinit *Lucanus*. Et *Iustinus*, *Vexore* tradit Regem *Aegypti*, ad *Pontum* usque produxisse imperium. *Strabo* etiam *Tearchonem Ethiopem* usque in *Europam* cum exercitu processisse, testis est. Denique rerum dominos aliquando *Ethio-*

Lucan.
lib. 10.

Lib. 1.

Lib. 15.

Aethiopes fuisse, claros & potentes,
 usque ad *Trojana* tempora, *Memno-*
ne regnante, scribit *Plinius*. Præ Lib. 6.
c. 29.
 cæteris tamen omnibus prædictas
 quatuor *Monarchias* longè eminu-
 isse, notiùs est, quàm ut probationi
 diutiùs immoremur. Namque id
 semper meminisse oportet, haud ita
 à nobis quatuor *summa Imperia*
Monarchias vocatas, quasi omnes
 omninò regiones & gentes com-
 plecterentur, sed quòd magnam
 orbis terrarum partem tenuerint,
 tantamque habuerint potentiam, ut
 cæteros Reges compescere, iisque
 leges imponere facili labore pos-
 sent. Siquidem idcirco voluit *Deus*
Monarchias constitui (*Melanchthonis* Chron.
l. 1. p. 100.
 verba) ut homines legibus, judiciis, &
 disciplina probabili regerentur.

SECT. VI.

Historiarum lectio unde auspican-
 da? *Epitome* justæ non penitus
 damnandæ. *Synopsis Historiarum*.

E

Chro-

Chronologi. Alia etiã compendia nominatim commendantur. Qui deniq, Auctores præcipuè circa universalem Historiam sint consulendi? Raulæus inter præcipuos. Sed Historia Biblica omnium prima, & primò ediscenda.

QUapropter, si quis *Monarchiarum*, sive *Imperiorum* istorum, adeoque totius mundi Historias cum uberiori fructu percurrere cupiat; priusquam illud immensum pelagus ingrediatur, compendium aliquod (suadeo) degustet, & à succincta aliqua *Chronologia*, aut brevi aliqua *Historiarum Synopsi* incipiat. Inde enim series temporum, *Imperiorum* successiones, generis humani præcipuas mutationes, insimul discere poterit. Inde exemplar ideamq; τῆς οἰκουμένης ιστορίας, totius universalis Historiæ, uno quasi intuitu contemplandum facili negotio (si voluerit) comparabit. Id

Ludo-

Ludovici Vivis consilium: A principio (inquit) legendus aliquis, qui Lib. 3. de trad.
ab ultimis temporibus ad nostram Discip.
memoriam, aut ei proximam Historiam tenore uno contexat, ut summa
quadam proponantur omnia. Namque revera, licet negari non possit,
quod vulgò dici solet, compendia nonnunquam dispendia fuisse; Au-
ctoribusque præstantissimis cladem atque interitum attulisse: Epitomas
tamen cum abbreviationibus justis, si via quadam plana & ad inceden-
dum expedita, rationem proficien-
di demonstrent, haud prorsus con- Frank:
temnimus. Quinimmò, sicut infan- L. 1. Inst.
tes modicè manu aliena ducti, passi- Hist.
bis incertis ambulare discunt: Ita in re Historica, ab epitomis & ab-
brevationibus, juvenibus ordien-
dum esse omninò persuasum habea-
mus; donec probè jactis funda-
mentis, processu temporis, fontes
ipsi cum fructu & utilitate ab iis fre-
quentari, adeoque exhauriri possint.

Proderit igitur haud parum, vel *Synopsin Beureri* legisse, vel *Sleidani* compendium de quatuor *Summis Imperiis*, eleganti, concinno, rotundo orationis generis scriptum; (ita de eo *Reineccius*) & quod ex eorum numero statuere nos oportet, de quibus Poëta:

Epist. ad
Henr.
Meibomium.

Virturus genium debet habere liber.

Lib. de
forman-
di stud.
p. 37.

Vel denique *Melanchthonis Chronicon*; quod qui non degustaverit (si *Stephano* cuidam *Prætorio* auscultemus) is verè bardus est. Quippe inquit, *eruditissima & elegantissima Epitome est omnium ferè Historiarum totius mundi*. Alia etiam nec inferioris notæ scripta, *Lectori nostro Historiæ studioso*, commendari jure meritoque possunt: Quale est *Reineri Reineccii Syntagma de Familiis*, quæ in *Monarchiis* rerum potitæ sunt, opus quidem laboriosum, & exquisitum; cujus ceu *ἡγεμῶν* per amœnos *Historiarum* cam-

campos, faciliùs multò, jucundiùs, feliciùsque iter suum instituere poterit. Sed & *Jacobi Capelli* (viri multæ eruditionis, & harum literarum callentissimi) *Historiam Sacram & Exoticam*, accurata quidem diligentia ad temporum rationem concinnatam, merita sua laude ne-tiquam privandam censeo: dignam videlicet lectione perquam seria, & in ipsis studii Historici primordiis; quam utinam ad hæc nostra tempora produxisset, nam in *nati- A. V. vitate Augusti* desinit. *c. 6. 96.* Verùm eodem in genere singularem navavit operam nuperrimè *Dionysius Petavius*, è *Societate Jesu*, qui *Temporum Rationarium* dedit; in quo ætatum omnium, sacra profanaque Historia, Chronologicis probationibus munita, summatim traditur, ab Orbe condito ad Annum Christi 1632. Inter *Chronologos* autem celebriores si cupiat assuescere paulisper (quod ut faciat, etiam plurimum intererit)

præter *Capellum* & *Petaviū*, quos in eodem censu pono, *Funccium* adire poterit, *Buntingum*, *Bucholcerum*, *Helvicum*, aut denique *Seshum Calvisium*; qui nupera suæ *Chronologia* editione, operosam adeò diligentiam adhibuit, ut nihil quicquam omiserit, quo verum Historiarum tempus exquisitè doceatur. Quòd si post *Chronologos* diutius adhuc & plenius in *universali Historia* libeat versari, *Justinus* legi potest; qui sub *Antoninis* floruisse putatur; neque eo quisquam alius inter *Latinos* tot *Imperiorum* tempora politius aut elegantius perstrinxit. Inde *Herodotus*, tum *Diodorus Siculus*, postea *Polybius*; de quibus plura mox erunt dicenda. Hos autem sequi possunt nonnulli ex recentioribus; quos inter principem locum obtinere meretur *Gualterus Raulens* nostras, Eques auratus, vir clari nominis, & ob singularem fortitudinem ac prudentiam

Voss. de
H. Art.
l. 3. c. 1.

tiam meliori fato dignus. Is universalem Historiam ab initio Mundi usque *Macedonici Imperii sive tertia Monarchiæ* occasum ex probatissimis Auctoribus coagmentavit; nostræ quidem gentis *idiomate vernaculo*, sed accurato admodum iudicio, methodo perspicua, stylo elegante ac virili. Quin & omnis ævi res gestas ante aliquot annos digerere aggressus est, vir incomparabilis, *Gerardus Johannes Vossius*; illud opus videre, & unâ vobiscum frui (Auditores) utinam daretur? quid enim aliud, quàm eximium, & supra ingeniorum; non hujus tantum seculi, sed superiorum etiam multorum aleam positum, à tanto antiquitatis & Historiarum condopromo expectandum? Utcunque tamen hosce universos præcedat *Historia Biblica*, quæ omnium antiquissima est, atque ἀναληφθέντος verissima. Atque huc tendit gravis admodum & seria *Caroli Sigonii* mo-

v. Epist.
ded. lib.
de Art.
Hist.

ris vulgati in studio antiquitatis instituendo reprehensio, juxta & monitio: Ut in plerisque aliis rebus instituendis (inquit) sic in jaciendis ad rerum veterum temporumque prae-
 ritorum cognitionem fundamentis, nescio quo modo prava cujusdam consuetudinis aestu abrepti vehementer erramus, ab iis ferme lustrandis monumentis exordientes; quae falsorum Deorum traditiones & commentitias fictorum Heroum actiones à Gracis, acutissimis hominibus, sed planè veritatis ignaris proditas complectuntur: Quibus neque ad aliquem prudentiae usum, neque ad ullum pietatis fructum excolimur. Cum si quid in nobis sensus, ne dicam, sanitatis inesset; ab iis potius, quae sacris continentur Hebraeorum literis, initium ducere deberemus. Nam si prima rerum principia quaerimus, non altius repetere, quàm ab ipso mundi hominumque, quod ibi tractatur, opificio possumus; si vera, nihil tam verum existit.

stit, quàm quod Dei ipsius viventis ore prolatum est; si gravia, quid magnificentiùs iis inveniri monumentis potest; in quibus sancta Dei mandata, salutaria promissa, certa oracula, ceteraq; his adnexa salutis nostræ adminicula concluduntur? Porro autem unde aut virtutum exempla prastantiora ad persequendum, aut vitiorum detestationes acriores ad declinandum, aut actiones insigniores ad memorandum, quàm ab ipsis Hebræorum commentariis peti possunt? in quibus solis apertè docetur, quantum humanum genus, aut religione colenda summo presentis Dei auxilio sublevetur, aut ea negligenda acri ejusdem iracundia conteratur.

SECT. VII.

Affyrio. Chaldaica unde petenda Historia? De Beroso, Ctesia, Megasthene, eorumq; supposititiis scriptis. Ad Josephum potius in eorum defectu recurrendum. In

Diodoro Siculo *magna jactura
aliunde sarcienda. Praesertim ex
Josepho, & Historia prophetica.
Diogenes Laërtius laudatur.*

JAm verò si ad partes per *Impe-
ria summa* descendere placeat, &
Historias eorum separatim suo or-
dine persequi; Res *Assyrio-Chal-
daicas* qui narrant, *Berosum* habe-
mus; *Ctesiam, Megasthenem*: habe-
mus dixi? immò (quod maximè do-
lent Historiarum cultores) non ha-
bemus. Fragmenta quædam *Ctes-
sia*, fortasse non notha, atque ista de
rebus tantùm *Persicis* (nam *Assyria-
ca* protinus interierunt) habemus;
paucas *Megasthenis* lacinias, & adul-
teratas quasdam *Berosi* rapsodias, à
Viterbiensi Monacho, institore sub-
dolo suppositas; quibus parum fi-
dei adhibendum censent viri longè
doctissimi. Etenim de *Ctesia Jose-
phi Scaligeri*, maximi Philologi, tale
est judicium, nimirum, *ineptum esse*
Gra-

Graculum, & modò Herodoto adver- Scalig.
de Em.
Temp.
in. notis.
setur, nihil pensi habere: multa ab eo
humanitùs, multa etiam consultò per
ζηλοτυπίαν peccari; atque id non ob-
scurè cognosci ex Photi parietinis.
Floruit temporibus Cyri junioris, & Strabo
L. 14.
ab Artaxerxe prælio captus, ei me-
dicinam fecit. Megastheni quoque
fidem detrahit ipse Strabo, etiam Lib. 2.
genuino illi, quem toties citat; quan-
tò magis viri eruditi fictitio isti An-
niano, Metastheni ignoranter dicto?
Ille autem cum Seleuco Nicatorè vi- Strom.
L. 1.
xit, teste Clemente Alexandrino; iste
figmentum planè Annianum, ejus-
dem fursuris Berosum illum esse,
qui circumfertur, autumant pleriq;
doctòrum. Audite Ludov. Vivem: Lib. 1. de
Libellus (inquit ille) circumfertur, tradi
Berosi Babylonii Antiquitates; sed Dise.
commentum est, quod indoctis & o-
tiosis hominibus mirè allubescit. Cu-
jusmodi sunt, Xenophontis Æqui-
voca, tum Archilo hi, Catonis,
Sempronii, & Fabii Pictoris frag-
men-

menta ; quæ eodem sunt libro ab
Annio Viterbiensi conferruminata,
 commentisq; reddita magis ridicula.
 Non, quin insint quædam in illis ve-
 ra, nam alioqui frontem non haberet
 narratio ; sed ipsum *Historia* corpus
 commentitium est, nec illius, cujus ti-
 tulum mentitur. Hactenus doctis-
 simus *Vives*. Atque idcirco tum
 ipse, tum alii nos ad *Josephum*, *Ju-*
stinum (*Trogi Epitomatores*) &
Diodori Siculi Antiquitates man-
 dant. Et meritò quidem ad *Diodori*
Siculi Antiquitates (si extarent in-
 tegræ) quas veterū nonnulli ἀπλῶς
 βιβλιοθήκῃ, vel etiam βιβλιοθήκαι,
 nominare non dubitarunt. Siqui-
 dem ipse sua præfatione nos docet,
 qualem seculorum priscorum me-
 moriam libris suis consignasset.
 Ejus enim hæc sunt verba : *Ex li-*
bris nostris (inquit) *primi quidem*
sex continent res ante Trojanum bel-
lum gestas, eaq; quæ fabulis de seculo
isthoc prodita fuerunt ; horumq; prio-
 rum

Lib. 1.
 p. 5. edit.
 Rhod.

rum tres Barbarorum, proximè sequentes Græcorum Antiquitates continent. In sequentibus undecim res ubique locorum gestas, à bello Trojano usque ad Alexandri interitum descripsimus. Ita Siceliota. Verùm quinque illi, qui sequebantur post quintum (quem Βίβλον ἰστορικὸν ipse indigitat, quia in eo de *Insulis* tractat) immensa rei Historiæ jactura periêre. Nam in illis erat memoria totius vetustatis regnorum Orientis: quæ multum *Historia Sacra* (*Veteris nimirum Instrumenti* libris) allucere possent; uti notat doctissimus ille *Jos. Scaliger*. Hanc tam deplorandam jacturam æquiorè animo ferendam censemus, si præter illos, suprâ nominatos, superessent *Theopompus, Euphorus, Callisthenes, Timæus*, atque alii; ex quibus sua assiduo labore congegesserat *Diodorus*. De quibus videte eruditissimum *Vossium* lib. de Hist. Gr. Habet quidem, fateor, *Siceliota* suos

Ad Eu-
seb. An.
1967.

reprehensores, propter libros illos
prios, quos diximus hîc in primis
legendos; eosque inter *Ludov. Vi-*

Lib. 2.

de caus.

corr. gr.

et lib. 5.

de trad.

Disc.

ven, qui miratur *Plinium* dicere
potuisse, *Diodorum primum apud*

Græcos nugari desuisse; cum nihil (in-
quit) *sit eo nugacius*. Sed eruditum

illum *Censorem* dicimus non satis

animadvertisse *Diodorum* non dif-

fiteri, istorum temporum *Histo-*

riam fabulis multis esse permistam,

casque aliter atque aliter apud *Veto-*

res traditas; sed contentum esse re-

ferre, quæ veritati maximè consen-

tanea putaret: ac ne sic quidem ha-

beri ea vult pro usquequaque veris,

sed satius putat, quomodocunq; res

priscas nosse, quàm eas penitus

ignorare. Sicuti vir acerrimi judi-

cii, summæque eruditionis, *Gerar-*

Lib. 2.

de Hist.

Gr. 62.

us Joh. Iossius observavit; quem

videte. In defectu igitur *Aucto-*

rum, quos nominavimus, & ad sar-

ciendam utcunque jacturam factam

inter *Siceliotæ* libros priores, advo-

canda sunt subsidia ab *Ensebiû Chro-*

nico;

nico, ubi prisca multa digito designata videbimus; à *Plutarchi Theseo, Licurgo, & Solone*; à descriptione *Veteris Græciæ* per *Pausaniam*; ab *Orosii* libro primo. Præsertim verò ab *Historia Prophetica*, in qua sola pleraque eorum, quæ certæ ac indubitatæ fidei de *Assyriis & Chaldeis* (post interitum *Sardanapali*) haberi possunt, reperiuntur; etiam usq; ad initium *Monarchiæ Medo-Persicæ*, & paullò ulterius: Neque alibi uspiam ferè apud antiquos de Rep. *Judaica* (si *Josephum* excipiamus) quidquam legere conceditur. Is re vera, ubi vetus *Testamentum* desinit, reliqua gentis *Judaicæ*, usque ad annum decimum tertium principatus *Domitiani Caesaris*, ætatis verò suæ quinquagesimum sextum, in *Archæologia* deducit. Sed de *Josepho* suo loco. A *Diogenis Laërtii* vitis quoque hauriri possunt multa scitu dignissima, quæ primæ *Monarchiæ* Historiam locupletare possunt: Præ-

Præsertim Historiam centuriæ postremæ ; qua floruerunt septem Græci Sapientes, nec non Pythagoras ille ~~weisbont~~, alique Philosophi multi, quorum vitas descripsit Laërtius, aureo libello illo (sicuti H. Stephanus) opere utilissimo & auro contra non caro, sicuti doctissimus Vossius affirmare non dubitat l. 2. de Hist. Gr. c. 13.

SECT. VIII.

Herodotus unde suam inchoaverit Historiam, ubiq; desierit ? Ejus laus. Quo tempore floruerit ? Secundæ Monarchiæ initium. Argumenta singulorum librorum Herodoti recensentur. Musarum nomina cur eis imposita ? Contra Lud. Vivem excusatur. Ex quibus Auctoribus locupletior, vel etiam illustrior fieri possit ejus Historia ?

Historiam propheticam immediatè sequitur Herodotus: Ethnica

nica pater Historiæ; idque divina
 cū bonitate, tum providentia fa-
 ctum, ut ferè in eo ipso quasi mo-
 mento, quo desinit *Prophetica Hi-*
storia, *Halicarnassensis Herodotus* or-
 diatur suam. Nam cum *Propheta*
ea, quæ *Spiritui Sancto* digniora
 essent visa, in sacris suis scriptis,
 ab ineunte Mundo ad *Cyrum* usque
 enarrassent; *Herodotus* à *Gyge*, *Ly-*
dorum Rege (*Hezechia & Manassi*
Judeorum Regibus ουγγεδων) au-
 spicatus, circa Ann. M. 3238. quasi
 annos centum & quinquaginta ante
Cyri regnum in *Persia*; mox ad *Cy-*
rum, Magnum illum *Medo-Persici*
Imperii fundatorem, devenit. Atq;
 ita *Medorum & Persarum* Histo-
 riam stylo sine salcbris, sedati amnis
 instar fluente (uti *Cic.* in *Oratore*
 loquitur) usque ad turpem illam
 atque ignominiosam *Xerxis* è *Gra-*
cia fugam deduxit. Ea autem con-
 tigit anno secundo Olymp. 75. A.
 M. 3471. quo tempore etiam *Hero-*
dotus

Præsertim Historiam centuriæ postremæ ; qua floruerunt septem Græci Sapientes, nec non Pythagoras ille *ωεβόντης*, alique Philosophi multi, quorum vitas descripsit Laërtius, aureo libello illo (sicuti H. Stephanus) opere utilissimo & auro contra non caro, sicuti doctissimus Vossius affirmare non dubitat l. 2. de Hist. Gr. c. 13.

SECT. VIII.

Herodotus unde suam inchoaverit Historiam, ubiq; desierit? Ejus laus. Quo tempore floruerit? Secundæ Monarchiæ initium. Argumenta singulorum librorum Herodoti recensentur. Musarum nomina cur eis imposita? Contra Lud. Vivem excusatur. Ex quibus Auctoribus locupletior, vel etiam illustrior fieri possit ejus Historia?

Historiam propheticam immediate sequitur Herodotus: Ethnica

nica pater Historiæ ; idque divina
 cū bonitate, tum providentia fa-
 ctum, ut ferè in eo ipso quasi mo-
 mento , quo desinit *Prophetica Hi-*
storia, *Halicarnassensis Herodotus* or-
 diatur suam. Nam cum *Propheta*
 ea , quæ *Spiritui Sancto* digniora
 essent visa , in sacris suis scriptis,
 ab ineunte Mundo ad *Cyrum* usque
 enarrassent ; *Herodotus* à *Gyge*, *Ly-*
dorum Rege (*Hezechia & Manasse*
Judeorum Regibus *συγχεδνω*) au-
 spicatus , circa Ann. M. 3238. quasi
 annos centum & quinquaginta ante
Cyri regnum in *Persia* ; mox ad *Cy-*
rum, Magnum illum *Medo-Persici*
 Imperii fundatorem, devenit. Atq;
 ita *Medorum & Persarum* Histo-
 riam stylo sine salebris, sedati amnis
 instar fluente (uti *Cic.* in *Oratore*
 loquitur) usque ad turpem illam
 atque ignominiosam *Xerxis* è *Gra-*
cia fugam deduxit. Ea autem con-
 tigit anno secundo Olymp. 75. A.
 M. 3471. quo tempore etiam *Hero-*
dotus

dotus floruit, & usque ad initium belli Peloponnesiaci vixit. Id Dionysius, ejus popularis, hisce verbis docet: Ὁ δ' Ἀλικαρνασσεὺς Ἡρόδοτος γεννόμενος ὀλίγω πρὸ πρὸν τῶν Περσικῶν, παρεκτείνας δὲ μέχρι τῶν Πελοποννησιακῶν. Nimirum ab anno primo Olymp. 74. ad primum belli Peloponnesiaci. h. e. Olymp. 87. annum secundum (ita enim ejus ætatem putat magnus Scaliger) & intervallum, Olympiadum præcisè XIII. facit, h. e. annorum 52. quos, inquit, vixit dulcissima τῆς ἱστορίας. Atque ita pergit Scaliger in ejus præconio: *Vetustissimus omnium soluta orationis Scriptorum, qui hodiè extant; scrinium originum Græcarum & barbararum, Auctor à doctis nunquam deponendus, à semidoctis, & pædagogis, & similibus nunquam tractandus. Cæterum utcumque diutiùs vixerit Herodotus, Historiam suam non ultrà Xerxis tempora propagavit. Continuum autem*

ducent-

*Anim.
in Euf.
Chron.
p. 97.*

ducentorum triginta-quatuor annorum seriem, libris novem complexus est; quot novem Musarum nominibus distinxit. Vultis singulorum librorum argumenta? dabo quàm brevissima. Libro primo præter ea, *clio*, quæ de *Lydorum* regno Regibusq; à *Gyge* ad *Cræsum*, de vetere *Jonia*, de moribus *Persarum*, *Babyloniorum*, ac nonnullis aliis narrat; *Cyri* principis *Monarchæ Medo-Persicæ* nataleis exponit: Inde miraculosam ejus conservationem, porro educationem & res gestas eleganter describit. Libro secundo *Ægyptum* *Euterpe*, universam graphicè depingit, *Ægyptiorum* mores prodit, Regumq; seriem commemorat. Tertio *Cambysis* *Thalia* Historiam contexit; inde *Magi*, *Smerdim* *Cyri* simulantis, atque ita menses septem regnantis, dolum interitumque explicat. Tum *Darii Hystaspidae* electionem subjungit; mox provinciarum Imperii *Persici* enumerationem instituit: *Babylonos* deni-

denique à *Dario* receptionem adnectit, opera nimirum fidelissima *Zopyri*, in cuius laudibus concludit.

Melpomene.

Quartus liber *Scythia* descriptionem satis accuratam exhibet, nec non infelicem *Darii* contra *Scythas* expeditionem. Ibidem etiam *Myriarum* legimus Historiam urbemque *Cyrenem* ab eisdem in *Lybia* conditam; regionis insuper illius gentes prolixè descriptas. Liber

*Torpsi-
chere.*

quintus legationem *Persarum* ad *Amyntam*, *Macedoniae* Regem, continet; nec non *Sisamnis*, iniusti iustam vindictam; *Aristagora Milesii* seditionem & exitum: Statum denique civitatis *Atticae*, *Lacedaemoniorum* & *Corinthiorum*, qualis tempore *Darii Hystaspida* fuerit, ostendit.

Erato.

Sextus seditiosi *Histiæi* supplicium tradit: Regum *Laconicorum* originem indicat: *Darii* apparatus & bellum adversus *Græcos* exponit, pugnamque ad *Marathonem*; qua *Miliades Persas* fortiter

pro-

profligavit. *Septimus* deliberationem luculentissimam de bello suscipiendo adversus *Gracos*, à *Xerxe* habitam; deinde famosissimam ejus expeditionem in *Graciam*, & prælium ad *Thermopylas* complectitur. *Octavus* prælium ad *Salaminam* in-
Poly-
mania.
Prania.
Calliope.
sulam describit. *Nonus* præter *Lysida* cujusdam poenas, duas narrat pugnas, uno eodemque die pugnatas: ad *Plateas* primam, diluculo diei; alteram ad *Mycalem*. *Asia* promontorium, eamque vesperi; quibus utriusque *Persæ* devicti, & è *Gracia* penitus ejecti fuere. Atque hisce novem libris, præter *Medorum* ac *Persarum* Historiam, *Lydorum*, *Ionum*, *Liciorum*, *Aegyptiorum*, *Myniarum*, *Gracorum*, *Macedonum*, aliarumque nationum res gestas, mores, religiones intertextas reperietis; tanta sermonis puritate, elegantia, suavitate, ut ipsæ *Musæ*, à veteribus fingantur ore *Herodoti* locutæ esse; eamque ob causam libris
hisce

hiscē *Musarum* nomina ab aliis (non ab ipso Auctore) imposita nonnulli opinantur. Doctissimus tamen

*Lib. de
Scr.
Grac. i.
cap. 3.*

Vossius (quod hīc notare placuit) aliter sentit: *Eaq̃, ratione* (inquit) *opus suum novem Musarum nominibus inscripsit, qua tres Æschinis orationes ob numerum, simulq̃, gratiam sermonis, Gratias dixere: & novem ejus epistolas Musas vocarunt, à Musarum numero, teste Photio, mem. 61. Satis autem liquere affert idem vir doctissimus, non ita nūcupari Herodoti libros, ut mendacia titulo ipso excusentur, quod censuit Ludovicus Vives; nempe quasi in ipso operis ingressu commone-ri nos opus fuerit, quadam in eo ad animos oblectandos aliquantū licentius dici, quod Musis permittitur. Nam licet quasdam narrationes recitet Herodotus, fabulis non absimiles; totum tamen Historiæ corpus singulari fide & diligenti veritatis studio coagmentatum est. De aliis*

verò

verò narrationibus plerumque præ-
 fatur ipse, se eas, non quòd veras esse
 existimet, sed ut ab aliis acceperit,
 recitare: Ἐγὼ δὲ (inquit) ὀφείλω
 λέγειν τὰ λεγόμενα πείθεσθαι γε μὴν
 ἅπαντά ποτε οὐφείλω. i. e. Ego, qua
 fando cognovi, exponere narratione
 mea debeo omnia, credere autem ve-
 ra esse omnia non debeo: quod in tota
 Historia meminisse lectorem volo.
 Jam temporum istorum Historiam,
 de quibus scripsit Herodotus, non
 nihil amplificare possumus, aut con-
 firmare, lectione *Justini* lib. 2. 3.
 & 7. lectione etiam vitarum; du-
 cum istorum celebrium, *Aristidis*,
Themistoclis, *Cimonis*, *Miltiadis*, &
Pausaniae, à *Plutarcho* & *C. Ne-*
pote descriptarum. Adjicere por-
 rò licet *Philosophorum συγχεδόνων*
 vitas à *Laërtio*, videlicet, *Ana-*
ximandri, *Zenonis*, *Empedoclis*, *He-*
racliti, *Democriti*, & aliorum ejus-
 dem xvi.

Lib. de
Scr.
Græc. i.
cap. 3.

hiscæ Musarum nomina ab aliis (non ab ipso Auctore) imposita nonnulli opinantur. Doctissimus tamen Vossius (quod hîc notare placuit) aliter sentit: Eaquæ ratione (inquit) opus suum novem Musarum nominibus inscripsit, quæ tres Æschinis orationes ob numerum, simulquæ gratiam sermonis, Gratias dixere: & novem ejus epistolas Musas vocarunt, à Musarum numero; teste Photio, mem. 61. Satis autem liquere asserit idem vir doctissimus, non ita nuncupari Herodoti libros, ut mendacia titulo ipso excusentur, quod censuit Ludovicus Vives; nempe quasi in ipso operis ingressu commone-ri nos opus fuerit, quadam in eo ad animos oblectandos aliquantò licentius dici, quod Mæsis permittitur. Nam licet quasdam narrationes recitet Herodotus, fabulis non absimiles; totum tamen Historiæ corpus singulari fide & diligenti veritatis studio coagmentatum est. De aliis
verò

verò narrationibus plerumque præ-
 fatur ipse, se eas, non quòd veras esse
 existimet, sed ut ab aliis acceperit,
 recitare: Ἐγὼ δὲ (inquit) ὁφείλω
 λέγειν τὰ λεγόμενα πείθεσθαι γέ μιν
 ἃ πάντας πᾶσιν ὁφείλω. i. e. Ego, quæ
 fando cognovi, exponere narratione
 mea debeo omnia, credere autem ve-
 ra esse omnia non debeo: quod in tota
 Historia meminisse lectorem volo.
 Jam temporum istorum Historiam,
 de quibus scripsit Herodotus, non-
 nihil amplificare possumus, aut con-
 firmare, lectione *Justini* lib. 2. 3.
 & 7. lectione etiam vitarum; du-
 cum istorum celebrium, *Aristidis*,
Themistoclis, *Cimonis*, *Miltiadis*, &
Pausania, à *Plutarcho* & *C. Ne-*
pote descriptarum. Adjicere por-
 rò licet *Philosophorum συγχεδόνων*
 vitas à *Laërtio*, videlicet, *Ana-*
ximandri, *Zenonis*, *Empedoclis*, *He-*
racliti, *Democriti*, & aliorum ejus-
 dem ævi.

De Thucydide. Ejus elogia. Unde
 & quousq; deducat Historiam su-
 am, quam octo libris complexus
 est? Eorum argumenta breviter
 & singulatim explicantur. Qui-
 nam Auctores de iisdem tempori-
 bus ac bellis cum Thucydide scri-
 pserint, indicatur.

H Erodoto succedit Thucydides,
 dicendi artificio juxta & fide
 clarissimus Historicus, cujus elogia
 à doctissimis viris posita, hîc etiam
 repetere non gravabor; inde enim
 fortassis Historiarum studiosi ad se-
 riam ejus lectionem acrius accen-
 dentur. M. T. Cicero sic: Thucydi-
 des (inquit) omnes dicendi artificio,
 mea sententia, facile vicit, ut verbo-
 rum propè numerum, sententiarum
 numero consequatur: ita porro ver-
 bis aptus & pressus, ut nescias, utrum
 res oratione, an verba sententiis illu-
 strentur. Fabius Quintilianus sic:
 De Inst. Orat. l. 10. c. 1. Densus & brevis & semper instans
 sibi

*sibi Thucydides: dulcis & candidus
 & fusus Herodotus: ille concitatis,
 hic remissis affectibus melior: ille
 concionibus, hic sermonibus: ille vi,
 hic voluptate. Recentiorum etiam
 audiamus iudicium. Justus Lipsius
 ita de eo loquitur: Thucydides (in- In nos.
 quit) res nec multas nec magnas ni- ad Pol.
 mis scripsit, sed palmam fortasse pra- L. 1, c. 9,
 eripit omnibus, qui multas & magnas.
 Elocutione tota gravis, & brevis;
 densus sententiis, sanus iudiciis, oc-
 cultè ubiq; instruens, actionesq; vi-
 tamq; dirigens; orationibus & ex-
 cursibus panè divinis; quem quo sa-
 piens legas, plus auferas, & nunquam
 tamen dimittat te sine siti. Isaacus Praefat.
 Casaubonus: Magnus & vir & ad Pol.
 scriptor, Thucydides; qui à gerendis
 rebus ad eandem stylo persequendas
 quum sese contulisset, Historia ad u-
 sum scripta mortalium, credo, primus
 exemplum postfuturis mirandum po-
 tius, quàm imitandum dedit. Chri-
 stophorus Colerus: Thucydides Hi- Epist. de
 storiam stud. po-
 litico.*

storiā consummavit, cū Herodotus prior exornasset. Volve, volve, & in sinu gesta illum thesaurum. Bellum Peloponnesiacum descripsit, vidit, & partim etiam attigit; & tu illud apud eum non legere, sed spectare videre. Præterea apud eundem tantum verborum gravissimorum, quantum sententiarum reperias. Res explicat prudenter, severe, graviter. Unde planum fit, quantum homini politico conferre possit, qui de bello & pace deliberant, hunc arctissimo sibi nexu devinciant consiliarium, & omne punctum ferat Thucydides. Is igitur (ut pergamus) à Xerxis è Græcia discessu (ubi desinit Herodotus) usque ad vicesimum primum Belli Peloponnesiaci, annorum ferè septuaginta Historiam octo libris definivit. Etsi enim bellum suo tempore gestum inter Athenienses & Peloponnesios (cujus & ipse pars magna fuit) ex professo describendum susceperat; libro tamen primo, sub ipso ingressu,

gressu, *veteris Græciæ* statum ab *Argonautarum* usque & belli *Trojani* temporibus repetit; magnitudinemque *Peloponnesiaci* cum antea actis bellis conferens, ejusq; causas, prætextus, & occasiones exponens, annorum quinquaginta (qui inter *Xerxis* fugam & hujus belli initium intercessere) Historiam, à proposito nonnihil digrediens, præmittit. Horum verò quinquaginta annorum, si lector plenam & perfectam desideret Historiam, priusquam ulterius progrediatur in *Thucydide*, adjungat hoc in loco *Plutarchi*, vel etiam *Cornel. Nepotis Themistoclem*, *Aristidem*, *Pausaniam* & *Cimonem*. *Diodori Siculi lib. 11. & 12. Justin* etiam *l. 2. & 3.* huc facere possunt. Tum demum pergat in *Thucydide*, qui libro *secundo* bellum ipsum narrare aggreditur, ejus initii tempus primo limine designans, ordinemque totius operis exponens; nec non quæ fuerint primæ belli faces,

& à quibus pugna primùm inita, ostendit. Inde sequitur Regis *Laconici* ad suos hortatio : *Periclea* auctoritatis juxta & eloquentiæ prædicatio ; horrendæ pestis *Atticæ* descriptio : Post hæc *Phormionis*, *Atheniensium* ducis, præstantiam, victoriasque navales celebrat. Tum *Potideæ* deditionem, *Plateensium* obsidionem, *Thracum* denique adversus *Perdiccam Macedonem* cassam expeditionem commemorat. Atque ita *trium primorum* annorum Historiam nobis exhibet. Libro *tertio* trium immediatè sequentium annorum res gestæ continentur : *Mitylenaorum* scilicet, ac reliquorum *Lesbiorum* ad *Lacedæmonios* defectio ; quibus in potestatem denuò ab *Atheniensibus* reductis, illustri admodum de eorum supplicio habetur deliberatio : *Pachetis*, *Attici* ducis, crudelitas notatur. Urbs *Platea* capta, & solo æquata. *Corcyraorum* seditio descripta: Belli *Siculæ* semi-

femina: *Demosthenis* adversus *Ætolos* infausta pugna: adversus *Ambraçiotas* magis prospera. Libro quarto *Pylus* communita, obseſſa; defenſa; & *Nobilitas Spartana* ibidem victa & capta legitur. Res à *Brasida*, insigni *Lacedæmoniorum* duce, feliciter in *Thracia* geſtæ narrantur; atque hæc *trium* etiam *annorum* hiftoriam conficiunt. *Quintus* inde liber *ſeptem* ferè annorum res geſtas comprehendit; nimirum *Brasida*, ducis *Spartani*, & *Cleonis Attici* prælium ad *Amphipolim*, *Thracia* urbem; ubi interiøre ambo, pœnasque inquietudinis ſuæ meritas pertulère. Tum varia utrinque foedera, infirma omnia, & inconstantia. *Meliorum* ſtolidam & amentem pertinaciam, cujus denique triftis narratur eventus. Libro ſexto Auctor primò *Sicilia antiqua* descriptionem, Hiftoriasq; veteres nonnullas repetit. Tum prætextus belli *Siculi*, & pulchras quasdam

circa illud proponit deliberationes;
 dissuadente *Nicia*, *Alcibiade* verò
 impellente atque incitante. Ad hæc
 portenta nonnulla, quæ expeditionem
Siculam antecessere, memorat.
 Denique *Alcibiadis* ad *Lacedæmonios*
 defectionem, & res nonnullas
 in *Sicilia* gestas post *Attica* clas-
 sis appulsum recenset, quæ anno de-
 cimo septimo hujus belli acciderunt.
 Libro septimo *Micalessus* Bœotiæ
 civitas capitur à *Thracibus*, qui ibi-
 dem immaniter sæviunt; inde bel-
 lum *Siculum* persequitur Auctor,
 quod quidem Atheniensibus oppi-
 dō infelicitè cessit, easque ingenti
 admodum clade multavit; duci-
 bus *Demosthene* & *Nicia* captis, atq;
 invito *Gylippo*, cui sese dediderant,
 interfectis. Hæc autem annis deci-
 mo octavo & decimo nono belli *Pelo-
ponnesiaci* gesta sunt. Libro deniq;
 octavo, post cladem *Athenis* nun-
 ciatum, sequitur defectio fœderato-
 rum *Atheniensium* ad *Lacedæmonios*
 hostes;

hostes ; fœdus etiam inter *Persici* regis *Satrapas* & *Spartanos*. Posthæc *Democratia Atheniensium* mutatur in statum *quadraginta virorum*; qui paullò post iterum dissolvitur : *Alcibiades* ad classem *Atticam* revocatur. Postremò classem *Laconicam* & ducem *Mindarum* *Thrasybulus* ac *Thrasyllus* *Athenienses* post dubium certamen ad *Abydum* vicerunt. Atque hæc victoria contigit anno secundo Olymp. 92. anno hujus belli vicesimo primo, tempore æstivo, quo desinit *Thucydidis* Historia A. M. 3539. Cum *Thucydide* legendi sunt *Plutarchi* & *Cornelii Nepotis* *Pericles*, *Alcibiades*, *Chabrias*, *Thrasybulus*, *Nicias*. Item *Diodori Siculi* lib. 13. *Justini* 4. & 5. denique *Orosii* lib. 1. c. 14. 15. ex quibus plenior aliquantò fiet Historia, & locupletior.

SECT. X.

De *Xenophonte*. Laudes ejus & *elogia*. Quando & quo ordine le-

gendus? Quadraginta octo annorum Historiam dedit. *Quam ex Plutarcho, Justino, Diodoro Siculo amplificare licet.*

Thucydidea Historiæ filum continuat Xenophon, Attica *Musa* & *Apis Attica*, ob melleam dicendi suavitatem, nuncupatus. Cuius etiam voce *Musas* quasi locutas vulgò ferri solitum testatur Cicero in Oratore. Luculentum Xenophonis elogium extat apud Dionem Chrysostomum in oratione de dicendi exercitio, ubi mirè ad ejus lectionem adhortatur; atque inter alia ait, vel ejus solius lectionem sufficere posse homini politico. Neque inter ejus laudes minima hæc est, quam refert Diogenes Laërtius in ejus vita circa finem: Fertur (inquit) Xenophon Thucydidis libros eatenus latentes, quum subducere posset, ipse primus, in ejus viri gloriam, in lucem dedisse. Quo suo facto quantum sibi ab omnibus sive eloquentiæ,

Laërt.
& Suid.
in ejus
vita.

tiæ, siue Historiæ *Græcæ* studiosis
 mereatur gratiam, nemo non intel-
 ligit. Hisce paria ei recentiores eti-
 am Critici tribuunt elogia : *Xeno-*
phon (inquit *Lipsius*) in *Historia sua-* In not.
ad 1. Po-
lit. c. 9.
vis quidem & fidus ; ceriè circum-
spectus Scriptor : è quo tamen hau-
rias magis prudentiam civilē, quàm
ut eam propinet. Et tamen *Christoph.* Epist. de
stud. po-
litico.
Colerus : Prudentia certè in libris
Xenophontis ante ceteras virtutes
palnam obtinet : elucet eximiè ex
Cyri institutione, & expeditione illa
in Artaxerxem ; in qua etiam pate-
fecit, quantus ipse imperator esset.
Regibus itaque & principibus ἐπὶ
ἡγεον : Imperatoribus, ut Alexandro
Homerus, ἐφ' ὅδ' οὖν sit Xenophon. Ter-
gemina Xenophontis gloria (inquit
Vossius) nam de facundia viri nihil
dicam ; fuit & Philosophus, & Hi-
storicus, & bello dux bonus, &c. Re-
vera, hic à Philosophia profectus,
princeps Historias scribere aggres-
sus est. Elegantes illos de pædia, siue

institutione *Cyri* libros missos faciemus, quòd superiora spectent tempora (de quibus *Herodotus*) neque ad Historiæ fidem, sed ad imperii justæ effigiem concinnati dicantur. Ἑλληνικῶν, sive, *Rerum Græcarum* sui temporis Historias composuit, septem libris; quorum primus & secundus legendi: residuum enim belli *Peloponnesiaci* complectuntur. Ac ubi desinit *Thucydides*, inde (quasi narrationis telam pertexens) orditur *Xenophon*; quæque porrò inter *Athenienses* ac *Lacedæmonios* gesta fuerint, post illam anno secundo Olymp. 92. juxtà *Abdum* *Thrasylbuli* de *Mindaro* victoriam navalem (de qua supra dictum) usque ad *Athenas* à *Lysandro* captas, anno 4. Olymp. 93. luculenter exponit. Quædam etiam *Medo-Persica* hisce libris interferit; nimirum quomodo *Medi* à *Dario* Rege *Persarum* defecissent, seque denuò ejus imperio submiserint: quomodo

Floruit

Ann. 4.

Ol. 94.

Laert.

A. M.

355.

do *Cyrus* minor, *Darii* filius, ad patrem, valetudine laborantem, in *Asiam* superiorem abierit, datis, in usum belli, contra *Athenienses* *Lysandro* pecuniis. Quomodo denique vivendi finem fecerit *Darius* *Nothus*, regnique successionem *Artaxerxis Mnemon*, ejus filius natu major, consecutus sit. *Extremò* deum libro secundo, triginta *Tyranni*, qui per biennium *Athenis* enormiter grassati essent, à *Thrasybulo* sublatis sunt. Pax etiam atque ἀμνησία, sive injuriam oblivio, inter *Athenienses* jurejurando sancita. Atque in bello *Peloponnesiaco* finis impositus; quod bellum *Thucydides* ἀξιολογότατον vocat τῶν περὶ χερσὶν ὀνείων, & μακρότατον; Ac verè quidem: in annum enim vicesimum septimum, sive etiam octavum (uti ex *Xenophonte* liquet) protractum est. Hæc, inquam, *Xenophon* duobus primis Ἑλληνικῶν libris; quibus absolutis Ἀναβάσεως septem libras,

Lib. de
Scr.
Grac. i.
cap. 3.

hisce *Musarum* nomina ab aliis (non ab ipso Auctore) imposita nonnulli opinantur. Doctissimus tamen *Vossius* (quod hic notare placuit) aliter sentit: *Eaq;* ratione (inquit) opus suum novem *Musarum* nominibus inscripsit, quae tres *Aeschinis* orationes ob numerum, simulq; gratiam sermonis, Gratias dixere: & novem ejus epistolas *Musas* vocarunt, à *Musarum* numero, teste *Photio*, *mem. 61*. Satis autem liquere asserit idem vir doctissimus, non ita nuncupari *Herodoti* libros, ut mendacia titulo ipso excusentur, quod censuit *Ludovicus Fives*; nempe quasi in ipso operis ingressu commone-ri nos opus fuerit, quadam in eo ad animos oblectandos aliquantò licentius dici, quod *Musis* permittitur. Nam licet quasdam narrationes recitet *Herodotus*, fabulis non absimiles; totum tamen *Historiae* corpus singulari fide & diligenti veritatis studio coagmentatum est. De aliis
verò

verò narrationibus plerumque præ-
 fatur ipse, se eas, non quòd veras esse
 existimet, sed ut ab aliis acceperit,
 recitare: Ἐγὼ δὲ (inquit) ὁφείλω
 λέγειν τὰ λεγόμενα πείθεσθαι γέ μιν
 ἃ πάντες ποιοῦν ὁφείλω. i. e. Ego, quæ
 fando cognovi, exponere narratione
 mea debeo omnia, credere autem ve-
 ra esse omnia non debeo: quod in tota
 Historia meminisse lectorem volo.
 Jam temporum istorum Historiam,
 de quibus scripsit Herodotus, non-
 nihil amplificare possumus, aut con-
 firmare, lectione *Justini* lib. 2. 3.
 & 7. lectione etiam vitarum; du-
 cum istorum celebrium, *Aristidis*,
Themistoclis, *Cimonis*, *Miltiadis*, &
Pausania, à *Plutarcho* & *C. Ne-*
pote descriptarum. Adjicere por-
 rò licet *Philosophorum συγχεόνων*
 vitas à *Laërtio*, videlicet, *Ana-*
ximandri, *Zenonis*, *Empedoclis*, *He-*
racleti, *Democriti*, & aliorum ejus-
 dem ævi.

SECT. IX.

De Thucydide. Ejus elogia. Unde
 & quousq; deducat Historiam su-
 am, quam octo libris complexus
 est? Eorum argumenta breviter
 & singulatim explicantur. Qui-
 nam Auctores de iisdem tempori-
 bus ac bellis cum Thucydide scri-
 pserint, indicatur.

H Erodoto succedit Thucydides,
 dicendi artificio juxta & fide
 clarissimus Historicus, cujus elogia
 à doctissimis viris posita, hic etiam
 reperere non gravabor; inde enim
 fortassis Historiarum studiosi ad se-
 riam ejus lectionem acrius accen-
 dentur. M. T. Cicero sic: Thucydi-
 des (inquit) omnes dicendi artificio,
 mea sententia, facile vicit, ut verbo-
 rum prope numerum, sententiarum
 numero consequatur: ita porro ver-
 bis aptus & pressus, ut nescias, utrum
 res oratione, an verba sententiis illu-
 strentur. Fabius Quintilianus sic:
 Densus & brevis & semper instans
 sibi

De Orat.
 lib. 2.

De Inst.
 Orat. l.
 10. c. 1.

sibi Thucydides: dulcis & candidus
 & fusus Herodotus: ille concitatis,
 hic remissis affectibus melior: ille
 concionibus, hic sermonibus: ille vi,
 hic voluptate. Recentiorum etiam
 audiamus iudicium. Justus Lipsius
 ita de eo loquitur: Thucydides (in- In not.
ad Pol.
l. 1, c. 9.
 quit) res nec multas nec magnas ni-
 mis scripsit, sed palmam fortasse præ-
 ripit omnibus, qui multas & magnas.
 Elocutione tota gravis, & brevis;
 densus sententiis, sanus iudiciis, oc-
 cultè ubiq; instruens, actionesq; vi-
 tamq; dirigens, orationibus & ex-
 cursibus panè divinis; quem quo sa-
 pius legas, plus auferas, & nunquam
 tamen dimittat te sine siti. Isaacus Præfat.
ad Pol.
 Casaubonus: Magnus & vir &
 scriptor, Thucydides; qui à gerendis
 rebus ad easdem stylo persequendas
 quum sese contulisset, Historia ad u-
 sum scripta mortalium, credo, primus
 exemplum postfuturis mirandum po-
 tius, quàm imitandum dedit. Chri-
 stophorus Colerus: Thucydides Hi- Epist. ad
stud. po-
litico.

storiā consummavit, cū Herodotus prior exornasset. Volve, volve, & in sinu gesta illum thesaurum. Bellum Peloponnesiacum descripsit, vidit, & partim etiam attigit; & in illud apud eum non legere, sed spectare videre. Præterea apud eundem tantum verborum gravissimorum, quantum sententiarum reperias. Res explicat prudenter, severe, graviter. Unde planum fit, quantum homini politico conferre possit, qui de bello & pace deliberant, hunc arctissimo sibi nexu devinciant consiliarium, & omne punctum ferat Thucydides. Is igitur (ut pergamus) à Xerxis è Gracia discessu (ubi desinit Herodotus) usque ad vicesimum primum Belli Peloponnesiaci, annorum ferè septuaginta Historiam octo libris definivit. Et si enim bellum suo tempore gestum inter Athenienses & Peloponnesios (cujus & ipse pars magna fuit) ex professo describendum susceperat; libro tamen primo, sub ipso ingressu,

gressu, *veteris Græciæ* statum ab *Argonautarum* usque & belli *Trojani* temporibus repetit; magnitudinemque *Peloponnesiaci* cum antea actis bellis conferens, ejusq; causas, prætextus, & occasiones exponens, annorum quinquaginta (qui inter *Xerxis* fugam & hujus belli initium intercessere) Historiam, à proposito non nihil digrediens, præmittit. Horum verò quinquaginta annorum, si lector plenam & perfectam desideret Historiam, priusquam ulterius progrediatur in *Thucydide*, adjungat hoc in loco *Plutarchi*, vel etiam *Cornel. Nepotis Themistoclem*, *Aristidem*, *Pausaniam* & *Cimonem*. *Diodori Siculi lib. 11. & 12. Justin* etiam *l. 2. & 3.* huc facere possunt. Tum demum pergat in *Thucydide*, qui libro *secundo* bellum ipsum narrare aggreditur, ejus initii tempus primo limine designans, ordinemque totius operis exponens; nec non quæ fuerint primæ belli faces,

& à quibus pugna primùm inita, ostendit. Inde sequitur Regis *Laconici* ad suos hortatio : *Periclea* auctoritatis juxta & eloquentiæ prædicatio ; horrendæ pestis *Atticæ* descriptio : Post hæc *Phormionis*, *Atheniensium* ducis, præstantiam, victoriasque navales celebrat. Tum *Potidea* deditionem, *Plateensium* obsidionem, *Thracum* denique adversus *Perdiccam Macedonem* casam expeditionem commemorat. Atque ita trium primorum annorum Historiam nobis exhibet. Libro tertio trium immediatè sequentium annorum res gestæ continentur : *Mitylenaorum* scilicet, ac reliquorum *Lesbiorum* ad *Lacedæmonios* defectio ; quibus in potestatem denuò ab *Atheniensibus* reductis, illustris admodum de eorum supplicio habetur deliberatio : *Pachetis*, *Attici* ducis, crudelitas notatur. Urbs *Platea* capta, & solo æquata. *Corcyraorum* seditio descripta: Belli *Siculæ* semi-

femina: *Demosthenis* adversus *Æ-*
tolos infausta pugna: adversus *Am-*
braciotas magis prospera. Libro
 quarto *Pylus* communita, obsessa;
 defensa; & *Nobilitas Spartana* ibi-
 dem victa & capta legitur. Res à
Brasida, insigni *Lacedemoniorum*
 duce, feliciter in *Thracia* gestæ nar-
 rantur; atque hæc *trium* etiam *an-*
norum historiam conficiunt. *Quin-*
tus inde liber *septem* ferè annorum
 res gestas comprehendit; nimirum
Brasida, ducis *Spartani*, & *Cleonis*
Attici prælium ad *Amphipolim*,
Thraciæ urbem; ubi interiøre am-
 bo, pœnasque inquietudinis suæ
 meritas pertulère. Tum varia utrin-
 que foedera, infirma omnia, & in-
 constantia. *Meliorum* stolidam &
 amentem pertinaciam, cuius deni-
 que tristis narratur eventus. Libro
 sexto Auctor primò *Siciliæ antiquæ*
 descriptionem, *Historiasq;* veteres
 nonnullas repetit. Tum prætextus
 belli *Siculi*, & pulchras quasdam

circa illud proponit deliberationes;
 dissuadente *Nicia*, *Alcibiade* verò
 impellente atque incitante. Ad hæc
 portenta nonnulla, quæ expeditio-
 nem *Siculam* antecessere, memo-
 rat. Denique *Alcibiadis* ad *Laceda-*
monios defectionem, & res nonnul-
 las in *Sicilia* gestas post *Attica* clas-
 sis appulsum recenset, quæ anno de-
 cimo septimo hujus belli acciderunt.
 Libro septimo *Micalessus* Bœotia
 civitas capitur à *Thracibus*, qui ibi-
 dem immaniter sæviunt; inde bel-
 lum *Siculum* persequitur Auctor,
 quod quidem Atheniensibus oppi-
 dō infelicitè cessit, easque ingenti
 admodum clade multavit; duci-
 bus *Demosthene* & *Nicia* captis, atq;
 invito *Gylippo*, cui sese dediderant,
 interfectis. Hæc autem annis deci-
 mo octavo & decimo nono belli *Pelo-*
ponnesiaci gesta sunt. Libro deniq;
 octavo, post cladem *Athenis* nun-
 ciatum, sequitur defectio fœderato-
 rum *Atheniensium* ad *Lacedamonios*
 hostes;

hostes ; fœdus etiam inter *Persici* regis *Satrapas* & *Spartanos*. Posthæc *Democratia Atheniensium* mutatur in statum *quadraginta virorum*; qui paullò post iterum dissolvitur : *Alcibiades* ad classem *Atticam* revocatur. Postremò classem *Laconicam* & ducem *Mindarum* *Thrasybulus* ac *Thrasyllus* *Athenienses* post dubium certamen ad *Abydum* vicerunt. Atque hæc victoria contigit anno secundo Olymp. 92. anno hujus belli vicesimo primo, tempore æstivo, quo desinit *Thucydidis* Historia A. M. 3539. Cum *Thucydide* legendi sunt *Plutarchi* & *Cornelii Nepotis* *Pericles*, *Alcibiades*, *Chabrias*, *Thrasybulus*, *Nicias*. Item *Diodori Siculi* lib. 13. *Justini* 4. & 5. denique *Orosii* lib. 1. c. 14. 15. ex quibus plenior aliquantò fiet Historia, & locupletior.

SECT. X.

De *Xenophonte*. Laudes ejus & *elogia*. Quando & quo ordine le-

gendus ? Quadraginta octo annorum Historiam dedit. Quam ex Plutarcho, Justino, Diodoro Siculo amplificare licet.

*Laërt.
& Suid.
in ejus
vita,*

Thucydidea Historiæ filum continuat *Xenophon*, *Attica Musa & Apis Attica*, ob melleam dicendi suavitatem, nuncupatus. Cujus etiam voce *Musas* quasi locutas vulgò ferri solitum testatur *Cicero* in *Oratore*. Luculentum *Xenophonis* elogium extat apud *Dionem Chrysostomum* in oratione de dicendi exercitio, ubi mirè ad ejus lectionem adhortatur; atque inter alia ait, vel ejus solius lectionem *sufficere posse homini politico*. Neque inter ejus laudes minima hæc est, quam refert *Diogenes Laërtius* in ejus vita circa finem: *Fertur* (inquit) *Xenophon Thucydidis libros eatenus latentes, quum subducere posset, ipse primus, in ejus viri gloriam, in lucem dedisse*. Quo suo facto quantum sibi ab omnibus sive eloquentiæ,

tiæ, siue Historiæ Græcæ studiosis mereatur gratiam, nemo non intelligit. Hisce paria ei recentiores etiam Critici tribuunt elogia: *Xenophon* (inquit *Lipsius*) in *Historia suavis quidem & fidus*; certè circum-
In not.
ad 1. Po-
lit. c. 9.
 spectus Scriptor: è quo tamen haurias magis prudentiam civilē, quàm ut eam propinet. Et tamen *Christoph. Colerus*: Prudentia certè in libris
Epist. de
stud. po-
litico.
Xenophontis ante ceteras virtutes palmam obtinet: elucet eximie ex *Cyri institutione*, & expeditione illa in *Artaxerxem*; in qua etiam patefecit, quantus ipse imperator esset. Regibus itaque & principibus ἑσπερίων: Imperatoribus, ut *Alexandro Homerus*, ἐσθλοτέρων sit *Xenophon*. Ter-
 gemina *Xenophontis* gloria (inquit *Vossius*) nam de facundia viri nihil dicam; fuit & Philosophus, & Historicus, & bello dux bonus, &c. Re-
 vera, hic à Philosophia profectus, princeps Historias scribere aggressus est. Elegantes illos de pædia, siue

Floruit

Ann. 4.

Ol. 94.

Laërt.

A. M.

355.

institutione *Cyri* libros missos faciemus, quòd superiora spectent tempora (de quibus *Herodotus*) neque ad Historiæ fidem, sed ad imperii justì effigiem concinnati dicantur. Ἑλληνικῶν, sive, *Rerum Græcarum* sui temporis Historias composuit, septem libris; quorum primus & secundus legendi: residuum enim belli *Peloponnesiaci* complectuntur. Ac ubi desinit *Thucydides*, inde (quasi narrationis telam pertexens) orditur *Xenophon*; quæque porrò inter *Athenienses* ac *Lacedamonios* gesta fuerint, post illam anno secundo Olymp. 92. juxtà *Abdum* *Thrasylbuli* de *Mindaro* victoriam navalem (de qua supra dictum) usque ad *Athenas* à *Lysandro* captas, anno 4. Olymp. 93. luculenter exponit. Quædam etiam *Medo-Persica* hisce libris interfert; nimirum quomodo *Medi* à *Dario* Rege *Persarum* defecissent, seque denuò ejus imperio submiserint: quomodo

do *Cyrus* minor, *Darii* filius, ad patrem, valetudine laborantem, in *Asiam* superiorem abierit, datis, in usum belli, contra *Athenienses* *Lyfandro* pecuniis. Quomodo denique vivendi finem fecerit *Darius Notus*, regnique successionem *Artaxerxis Mnemon*, ejus filius natus major, consecutus sit. *Extremò* demum libro secundo, *triginta Tyranni*, qui per biennium *Athenis* enormiter grassati essent, à *Thrasylulo* sublati sunt. Pax etiam atque ἀμνησία, sive injuriam oblivio, inter *Athenienses* jurejurando sancita. Atque in bello *Peloponnesiaco* finis impositus; quod bellum *Thucydides* ἀξιολογότατον vocat τῶν περὶ ἡμετέρας μένων, & μακρότατον; Ac verè quidem: in annum enim vicesimum septimum, sive etiam octavum (uti ex *Xenophonte* liquet) protractum est. Hæc, inquam, *Xenophon* duobus primis Ἑλληνικῶν libris; quibus absolutis Ἀναβάσεως septem libros,

F 6 hoc

hoc est, de *Cyri junioris* expeditione, sive de *ascensu* ejus in *Asiam* superiorem contra *Artaxerxem Mne-*
monem, fratrem suum natu majorem, ab eodem *Xenophonte* scriptos interponat Lector. Quibus memoriae proditum habemus, quo pacto *Cyrus* copias *Gracas* collegerit; & cum iis adversus fratrem adscenderit: tum qui pugna commissa fuerit, & ipse perierit: inde qua ratione duces *Græcorum* (post pugnam) contra fidem datam occisi fuerint. Denique ut ipse *Xenophon*, *Cyri* in hac expeditione sequutus signa, post ejus mortem, dux à militibus *Gracis* electus, eos à penitissima quidem *Perside*, quotidie contra *Barbaros*, aut alias difficultates dimicans, in patriam reduxerit Ann. 1. Olymp. 95. His jam expeditis, redeat Lector ad *Ἑλληνικῶν* libros, quibus rerum cum *Persicarum* tum *Græcarum* narrationes luculentæ continuantur, usque ad pugnam
Man-

Mantinenſem, qua *Thebani* *Lacedæmonios* vicerunt, ſub ductu *Epaminondæ*: qui dum non ducis tantum, verum etiam fortiffimi militis officio fungitur, graviter vulneratus, paullò poſt occubuit; & cum eo vires quoque reip. *Thebanorum* ceciderunt. Anno 2. Olymp. 104. ſic ut quadraginta & octo annorum Hiſtoriam, facundam quidem, nec revera minus rerum fœcundam, nobis ſuppeditaverit *Grylli* filius. Hanc tamen ampliorem & locupletiore efficere poterit Lector, ſi (uti inter legendum *Thucydidem*, *Plutarchi Periclem*, *Niciam*, *Alcibiadem*) ita cum *Xenophonte* adjunxerit *Plutarchi* & *Nepotis* *Lyſandrum*, *Ageſilaum*, *Artaxerxem*, *Thraſibulum*, *Chabriam*, *Cononem*, *Datamen*. Namque hi omnes, intra illud temporis intervallum, de quo *Thucydides* & *Xenophon* ſcribunt, floruère; & eorundem temporum Hiſtoriæ, materiam minimè con-

temnendam suffecere. *Justini* quoque 4.5. & 6. huc advocari possunt; etiam 13.14.15. libb. *Diodori Siculi*. Quem auctorem proximo in loco diligenter legendum propono.

SECT. XI.

Diodori Siculi pulcherrimum elogium. Historiam scripturus varias regiones peragravit: Xenophonteam continuat Historiam lib. 15. circa finem. Inde Philippi Maced. res gestas narrat l. 16. Mox ad Alexandrum M. pergit, & tertiæ Monarchiæ institutionem describit.

*Floruit
Diodor.
Siculus
tempori-
bus Iul.
Cæs. &
Aug.
Olymp.
113.*

NAm licet aliquot annorum centurias antiquitate *Xenophonti* cedat; in hac nostra tamen Auctorum serie succedat, velim, immediate *Diodorus Siculus*; non unus de multis, sed celeberrimus scriptor, & cui antiquitatis cognitione vix habet Græcia, quem conferat.

ferat. Quod quidem iudicium, Theologi cujusdam nostratis valdè eruditi, abundè confirmari potest elogio illo, quo Præsul admodum Reverendus, & harum, immò omnis generis literarum peritissimus, super hoc Auctore usus est: *Laudatissimus cum primis* (inquit) *Auctor, Diod. Siculus, qui summa fide,* Cicest. Episc. in præs. ad Apparatum, *labore immenso, cura & solertia singulari, Historicas construxit Bibliothecas (quemadmodum loquitur Justinus Martyr) suas & aliorum, in hoc ipso genere πειραγματείας, humanarum actionum buccinam, sed ut ipse illas nominavit, commune quoddam ζήτημα πύλον, & ἀκίνδυνον τὴν συμφέροντα διδασκαλίαν. Rectè dixit, immenso labore, doctissimus Præsul; nempe triginta annos (uti de se fatetur Auctor) huic scribendæ Historiæ impendit, variis interim regionibus discendi gratia peragratis; periculisque (ut fit) obitis, & superatis. Rectè & ipse, ἡγινὸν ζήτημα-*

ἱερματισμένων : Apud hunc enim
 varias antiquitates, *Aegyptiacas*,
Assyriacas, *Libycas*, *Persicas*, *Gra-*
cas, aliarumque nationum, res ge-
 stas ante bellum *Trojanum*, summa-
 tim prioribus * *quinque libris* expli-
 catas habemus; sicuti jam suprà no-
 tavimus. Insequentes *quinque libri*,
 à quinto videlicet ad undecimum, pe-
 rière. Ab initio verò libri *undeci-*
mi, ad *decimum sextum*, eorum
 temporum Historia, de quibus *Thu-*
cydides & *Xenophon* (uti suprà jam
 dictum est) scripsère, continetur.
 Extremo autem *decimo quinto* Hi-
 storiam *Xenophonteam* continuare,
 & quasi pertexere haud temerè dici
 potest. Ipse enim in fine Ann. 2.
 Olymp. 104. ita expressè loquitur:
Hoc anno (inquit) *Xenophon Athe-*
niensis Græcorum Historiam cum E-
paminonda interitu concludit. Atq;
 inde pergit *Siceliota* ad annum 3.
 ejusdem Olympiadis, quo bellum
Artaxerxis cum rebellibus *Persis*,
 & cum

* Prior
 editiones
 Latina
 sex li-
 bros nu-
 merant:
 Erroris
 ansam
 præbuit
 libri pri-
 mi divi-
 sio in
 partes
 duas, ab
 Aucto-
 re ipso
 institu-
 ta; unde
 interpre-
 s Latinus,
 & Vola-
 terranus,
 atque
 alii de-
 cepti fu-
 erunt,
 qui sex
 libros
 ex illis
 quinque
 confici-
 unt.

& cum *Agyptio*, perstringit: ibidem etiam reliqua *Agasilai* facinora exponit. Nec non utriusque mortem, *Agasilai* scilicet & *Artaxerxis* (cui in regno *Persarum* successit *Ochus*) denarrat A.M. 3588. Libro decimo sexto, *Philippi Macedonis*, *Amyntæ* filii, res gestas recenset ab ingressu in regnum, ad vitæ usque exitum. Eodemque libro alia, quæ per cognitæ terræ partes accidere, commemorat. Istius libri decimi sexti Historiam illustrare atque amplificare possunt *Corn. Nepotis Chabriæ*, *Dion*, *Iphicrates*, *Timotheus*, *Phocion*, & *Timoleon*. Horum ducum præstantissimorum gesta hæc tempora admodum clara reddidere. Ab Olymp. CV. ad Olymp. CXI. à cuius anno 2. incipit *Diodori* liber decimus septimus, *Alexandri Magni* egregia narrare facinora; & quomodo is *Monarchiam tertiam* instituerit, docere; videlicet Olymp. 112.

SECT. XII.

Alexandri M. res gestas varii Scrip-
tores exequuti sunt. Arrianus &
Q. Curtius. Eorum elogia. Quo
tempore floruerint? Successores
Alexandri prosequitur Diodorus.
Cui utiles suppetias alii Auctores
ferre possunt.

Plutar-
chi elo-
gia vide
infra
§ 16.

Magni autem illius Monarchæ
res gestas alii tam Græci
quàm Latini uberius exposuerunt:
Nimirum *Plutarchus* in *Alexandri*
vita, nec non duobus aliis libris de
Alexandri fortuna peculiariter
scriptis. Et *Arrianus Nicomediensis*
septem libris, eleganti ac planè
Xenophonteo dicendi genere com-
positis. *Septem libris* dico, quia
octavum illum, qui vulgò circumfer-
tur, de *Alexandri* expeditione *In-*
dica, singularem esse librum con-
stat ex *Photio*; tum ex fine libri se-
ptimi, quemadmodum notavit do-
ctissimus *Vossius*. Hi duo Græcè:
Latinè verò *Justinus libb. 10. & 11.*
Q. etiam

Lib. 2.
de Hist.
Gr. c. 11.

Q. etiam *Curtius*, *Rufus*, Scriptor valdè bonus & argutus, sed ἀνέφαλος vel hominum, vel temporum, vel utrorumque iniquitate factus.

Arrianus & *Quintus Curtius*, floridus uterq; (inquit *Colerus*) sed nitidior *Curtius*; & quovis melle dul-

Epist. de
studio
politico.

cior: lectorem citius defatigatum, quàm satiatum, dimittat; sententiæ passim directæ & obliquæ, quibus mirè illustretur vita humana. Idem de

Curtio J. Lipsii judicium: *Historicus* (inquit) me iudice probus, legitimusq;, si quisquam fuit. Mira in sermone ejus felicitas, in narrationi-

bus lepos. Adstrictus idem & profluens, subtilis & clarus, sine cura illa accuratus. Verus in judiciis, argutus in sententiis, in orationibus su-

prà, quàm dixerim, faciendus. *Acidalius*: Q. *Curtius* rerum *Alexan-*

Pref. ad
l. 4.

dri M. Latinus super omnes Græcos diligens, verus, candidus & prorsus integerrimus scriptor, si integrum haberemus. Sub *Vespasiano* floruisse

Cur-

Curtium, & Historiam suam edidisse, proluxa disputatione probabiliter ostendit doctissimus *Vossius*. Neque suo privandus est elogio *Arrianus*; qui inter Historicos *Græcos* tantæ in scribendo integritatis esse perhibetur, ut *φιλαληθής*, veritatis consecretor, studiosusque cognominatus sit; atque ita etiamnum honestetur in libris *Cælii Rhodigini*. Fuit autem Philosophus ex *Nicomedia* oriundus, atque *Adriano*, ac *Antonino*, imperantibus *Roma*, clarus, novus *Xenophon* cognomento indigitatus; uti testatur *Cataneus* in Commentariis ad *Plinii* Epistolas. Hi, inquam, de Magno *Alexandro* fusiùs scripserunt. Ejus successorum Historiam prosequitur idem *Diodorus Siculus* lib. 18. 19. & 20. ab Olympiadis CXIV. anno secundo, ad finem Olympiadis CXIX. A. M. 3650. Cujus intervalli Historiam pleniorẽ adhuc reddere poterit Lector, si admittere placeat *Justinĩ* libros

Lib. de
Histor.
Lat. 1.
6, 28.

Lib. 1. c.
ultimo,

Lib. 1.
ep. 2.

libros 13. 14. & 15. *Plutarchi Demetrium*, atque *Eumenem*. Et quia *Siceliota* nostri posteriores viginti libri, quibus Historiam universalem usque ad expeditionem *Julii Caesaris* in *Britanniam* (h. e. usque ad Olympiadem CLXXX.) continuasset, perire; velim, ut Historiæ studiosus *Justinum* adhuc non dimittat, sed reliquos ejus percurrat libros, usque ad *viceſimum nonum*; quibus subjungat *Plutarchi Pyrrhum*, *Aratum*, *Agidem*, *Cleomenem* & *Philopœmena*. Nec non Eclogas illas, sive *Excerpta ex Diodori lib. sex*, qui *viceſimum* sequuntur, & in editione *Laurentii Rhodomanni* extant. In illis haud pauca de *Agathocle*, *Siciliæ Tyranno*; de rebus in *Sicilia* gestis; de *Pyrrho* ibidem beligerante, de primo bello *Punico*, notatu non indigna reperiet. Neq; multum puto à recta methodo legendi Historias deviabit, si à *Justino* nequicquam nunc recedat; donec

nec libros reliquos usque ad penultimum absolverit.

SECT. XIII.

Polybius ubi legendus? *Quorum temporum Historiam scripserit? Quomodo animum ad scribendum appulerit? Quantus vir fuerit? Quibus elogiis celebratus? Ejus Historiæ pars maxima periit, aut in fragmenta dissipatur. Librorum superstitem contenta.*

SIn autem; post *Diodorum Siculum*, Polybius legendus accedat: prudens Scriptor si quis alius. Eorum temporum res gestas literis consignandas sibi proponit, quibus & cœpisse, & consummata fuisse traduntur Romani Imperii incrementa. Quod ut felicius ac certius effectum daret, *itinera* quoq; longinqua, & pericula haud mediocria suscepit, in peragrandis *Africa*, *Hispaniis*, *Galliis*, *ipsisque Alpibus*; inde *Historiam* suam composuit
uni-

*universalem, annorum quinquagin-
 ta trium. Qualis autem quantusq;
 vir fuerit, ex eo promptum est con-
 jicere, quòd tot statuas ei erexerint
 Græci ad Palantium, Mantineam,
 Tegeam, Megalopolim, & alias Arca-
 diæ urbes. Quarum inscriptiones
 (inquit Pausanias) testabantur: A- Pausan.
in Ar-
cad.
 lia, vagatum enim fuisse, per terras
 & maria omnia; amicum & socium
 Romanorum fuisse, quos etiam iratos
 Græcis placavit. Alia, Graciam ni-
 hil ab initio offensuram fuisse, si Po-
 lybii consiliis paruisset; jam verò
 graviter affecta unum illum præsidio
 fuisse. Quid quòd ipse Pausanias Lib. 2.
 testatur, tantum eum fuisse politi-
 cum, ut quæcunque monitu ejus
 gesserit Romanus Imp. omnia be-
 ne ei evenisse; in quibus verò mi-
 nùs se ejus viri dicto audientem
 præbuit, in iis offendisse. Tantum
 etiam, ut civitates planè omnes, quæ
 se *Achaïs* contribuissent, eum Re-
 rum suarum publicarum Aucto-
 rem,*

rem, legumque lātorem habuerint. Hinc non dubitamus, quin meritiſſimò à doctis viris ampliffima elogia Hiſtoriæ ejus ſint tributa. Ex-

Method. *cap. 4.* *empli gratia à Joh. Bodino: Poly-*
bins non modò equalis ubiq̃, & ſui
ſimilis; ſed etiam intelligens, gravis,
in laudibus parcus, in reprehensionib-
us acerbus, ac veluti prudens legis-
lator, & bonus Imperator. Multa
de re militari, urbanaq̃, diſciplinā,
multa de Hiſtorici officio diſputat.

Inter *not. ad* *1. lib.* *Pol. c. 9.* *Neque differt ab hiſce Juſtus Li-*
pius, diffuſior in ejus laude: Poly-
bins, judicio & prudentia Thucydidi
haud diſpar, cura & ſtylo ſolutior;
qui excedit, abrumpit, diffundit, &
ſapè non tam narrat, quàm ex pro-
feſſo docet. Sed recta & ſalutaria u-
biq̃, ejus monita, & quem ego hoc
magis Principibus commendatum
velim, quòd anxia in eum inqueſtione
non opus; ſed ſenſus ſuos aperit, &
revelat ipſe, &c. Verùm Polybii ex-
cellentiam, & in quantum aliis præ-
ſtet

stet Historicis, luculenter demon-
stravit eruditissimus *Casaubonus*, in
præfatione sua ad *Polybium*. Scripsit
libros quadraginta, quorum solos
quinque priores, sua integritate con-
spicuos habemus; reliquorum frag-
menta tantum, & excerpta quæ-
dam, multo labore, & singulari in-
dustria dicti *Clarissimi Casauboni* in
unum collecta, & quatenus lieuit,
suo nitore restituta. *Primis duobus*
libris, quos *Apparatus*, sive præpa-
rationis libellos nuncupat, *Reip. Ro-*
mana tempora strictim attingit; à
capta *Roma* per *Gallos*, duce *Brenno*,
ad primum extra *Italiam* cum classe
transitum; & paullo uberius, à pri-
ma traiectione in *Siciliam*, quando
bellum *Punicum* primò est confla-
tum, ad *Punici* secundi annum pri-
mum. Quas ille res cum *Græciani-*
cis, aliorumque populorum, ratio-
ne temporum congruentibus, in il-
la *duorum librorum* præparatione
comparat. In quibus (verba sunt

G

ipſius

Olymp.

98. V. C.

365. Ol.

128. V.

C. 489.

Olymp.

140. V.

C. 534.

A. M.

3731.

ipsius doctissimi Casauboni) multa
 studiosi invenient, nusquam alibi tam
 bene descripta : *Quædam omnino a-*
pud alium nullum, neque Græcum,
neque Latinum invenienda. Tres
 qui deinde sequuntur, propter sub-
 jecti magnitudinem, varietatem in-
 gentem, accuratam ejus tractatio-
 nem, doctrinæ denique, quæ civi-
 lis, quæ bellicæ, uberrimam copiam,
 ut magni duces ac viri politici, eos
 diligentissimè frequentissimeq; ver-
 sent, meritò merentur. *Reliqui li-*
bri (quorum frustra quædam & frag-
 menta supersunt) pari accuratatione
 compositi, Historiam continua-
 bant ad finem belli *Macedonici se-*
cundi cum Përseo, & ad ultimam re-
gni Macedonici eversioem. Ita ut
 jam constet Historiarum studiosis,
 me in hac lectionis Historicæ dispo-
 sitione atque ordine viam eo usque
 monstrasse; quò digitum intende-
 rat (ille, quem suprà nominavi, ne-
 scio quis) *Emilius Sura.* Nempe
 ad

ad illud ævi, quo populi Romani magnitudo in tantum creverat, ut penes eos summum totius ferè orbis Imperium fuisse, non immeritò dicere possimus. Id autem eo anno adimpletum autumamus, quo *Macedonia in provinciam* redacta est, uti suprà probavimus; nimirum, Ann. ab V. C. 587. A. M. 3784.

SECT. XIV.

De quarta Monarchia Romanorum.

Ad ejus Historiam transitio. Ultriusq; laudes. Historicorum Romanorum fata deplorantur.

QUapropter quum inter eminentia illa quatuor, & *summa Mundi Imperia*, de quibus loquuti sumus, *Romanorum* istud maximè eminuisse constet; quumque eorum Respub. (uti prudenter observat, ex *Polybio*, eruditissimus *Casaubonus*) si qua unquam alia, omnes temporum diversitates, secundum naturæ communis leges, sit experta;

nostro Historiarum Lectori plurimum expediet, retrò hîc tempora aliquantum spectare, & ipsa *Romanorum* primordia (quæ durante adhuc prima *Monarchia* contigerunt) repetere; atque inde ad incrementa descendere; postea ipsorum ad interitum inclinationem contemplari, recto temporum atque Auctorum ordine diligenter observato; atque ita demum ad exitum hujus intervalli perveniet, quod nobis tertio loco definivit ex Varrone *Censorinus*. Et reverà ut Lector noster Historiarum studiosus magis prompto, attentoque magis animo huc sese applicet, *Just. Lipsium*, virum inter Philologos haud immeritò magnum, & de *Historia Romana* optimè meritum, seriò invitantem

Cent. 3. „ audiat: *In Romana* (inquit) *Histo-*
 misc. ep. „ *ria*, *ubertim rerum & eventuum*
 61. „ *eorumq; insignium; & quæ plures*
 „ *Scriptores illustrarunt. O magnum,*
 „ *O pulchrum imperium! & addo*
 „ *diu-*

diuturnum. Ideoq; non mirum, si ce-
 viris factisq; brevia illa & fugacia ce-
 Græcorum superavit. Græci præ-
 ceptis valent (ait quispiam) Roma-
 ni exemplis. Et Hercules ita est: non ce-
 fuit gens, puto, non erit, quæ plura, ce-
 vel in militia, vel in pace, laudis & ce-
 virtutis suppeditabit. Itaq; ad hanc ce-
 (mi adolescens) ad hanc segetem ve-
 ni, manipulos frugum collige, & in ce-
 usum tuum reconde. Et meritò qui-
 dem (Iuste Lipsi) Nam quod olim
 T. Livius: Aut me amor negotii sus-
 cepti fallit, aut nulla unquam Resp. Livius in
proem.
lib. 1.
 nec major, nec sanctior, nec bonis ex-
 emplis ditior fuit. Et M. T. Cicero: Cicer.
Tuscul.
qu. 1. 1.
 Quæ tanta gravitas, quæ tanta con-
 stantia, magnitudo animi, probitas,
 fides? quæ tam excellens in omni ge-
 nere virtus in ullis fuit, ut sit cum
 majoribus nostris comparanda? Fir-
 mat omnia Val. Maximus: Nostra Lib. 2.
c. 7. 6.
 urbs omni genere mirificorum exem-
 plorum, totum orbem terrarum re-
 plevit. Atq; hinc sanè Romanorum

Historicorum fata lugendi iusta ni-
 mis emergit occasio. Nam ut pa-
 rentes leuius ferunt, non natos sibi
 liberos, quàm postea denatos: Sic
 nobis fortassè, si de principum illo-
 rum Historicorum scriptis nun-
 quam audissemus, dolor nullus ad-
 venisset. Nunc cùm fragmenta in-
 tuemur, & titulos pulcherrimorum
 operum videre contingit, angimur
 desiderio; & torquemur animumus,
 quòd magna pars eorum penitus
 interierit; quòd reliqua, aut vetu-
 state corrupta, aut temporum invi-
 dia scedè mutilata, aut sciolorum
 manibus interpolata, pessimèque
 tractata fuerit: id quod neminem
 antiquitatis indagatorem fugere
 queat. *Trogus*, optimus Auctor, &
 quem disertissimis viris in *Probo* an-
 numerat *Vopiscus*, desideratur totus,
 nisi quòd ejus operis *Epitomam*
 habemus satis elegantem; ex qua
 tamen de integro *Trogi* opere judi-
 care, desipere esse, affirmat doctis-
 simus

simus *Bongarsius*. *Sallustii* optima In An-
not. ad
Iustin. perijt Historia. De *T. Livio* minimum superest. Non multum de *Tacito*. Dimidiatus extat *Ammianus*. Eandem passi sunt temporum injuriam *Græci rerum Romanarum* Scriptores (quemadmodum suprà quoque notavimus) *Polybius*, *Diodorus*, *Dionysius*, *Dion Cassius*; qui si extarent integri, perfectam haberemus *Rerum Romanarum* memoriam, ab *V. C.* ad annum paullò minùs millesimum. Sed contenti simus hoc *Catone*; divina factum providentia est, ut ex iis, quæ adhuc supersunt, reliquiis, *Historiæ Romanæ* corpus cōcinnari possit venustum satis; cujus imaginem, ab Auctore nostro *L. Annao Floro*, brevi quadam tabella graphicè depictam reperietis.

SECT. XV.

Romanæ Historiæ cursus unde auspiciandus? L. Annæus Florus commendatur. Doctorum de eo judicium. Non est idem cum Livii Epi-

tomaste. *Ejus hallucinationes excusantur. Ejus scribendi methodus. Unde errores verosimiliter irrepserint?* Sigonii & Onuphrii Fasti Consulares, item Pighii Annales laudantur.

HAnc igitur tabellam *Historia Romana* studiosum oculis atq; animo intentis perlustrare, intueri, contemplari, primo loco hortantur viri doctissimi, & rei Historicae, peritissimi. Nec immeritò; cùm sit rerum *Romandarum* compendium (si quid in *Iusto Lipsio* sit judicii) compositè, disertè, eleganter scriptum. Neque ibi sistit ejus censura; addit porrò: *Subtilitas quidem, & brevisitas sepè mira; & sententiarum quaedam gemmula, cum judicio inserta, & veritate.* Nec divertit ab hac censura (quem suprà sæpiùs advocavi) *Christoph. Colerus, JC.* vir insigniter doctus. *Ejus verba sunt. Nihilò me Hercule injucundius tersissimum illum libellum legas, quam*

Elect.

l. 2. c. 5.

*Epist. de
stud. po-
litico.*

quàm Apellis tabulas intueare; ita
 compositus, ita elegans est. Miror ju-
 dicium, quod ubique cum subtilitate
 & brevitate sententiarum, in tanto
 rerum acervo & varietate, inserit.
 Horum utrique prævit jam olim
 Auctorum censor prædoctus *L. Vi-* Lib. 5.
p. 356.
ves, in libro de tradendis discipli-
 nis, ubi palàm affirmat, eo opuscu-
 lo nihil posse fingi in suo genere vel
 acutius, vel lepidius. In eo tamen
 frustrà esse, tum ipse *Vives*, tum alii
 viri docti putantur; qui *Florum*
 hunc nostrum eundem esse censent,
 cum *T. Livii* Epitoma ste, qui sin-
 gulorum ferè *Livii* librorum argu-
 menta reliquit: multò magis illi, qui
Florum nostrum *Liviana* Historiæ
 Epitomen hoc suo compendio da-
 re voluisse opinantur: siquidem nec
Livianam observat Methodum, &
 à *T. Livio* sæpè discedit. Atqui ut
 huic *Floro* detrahant nonnulli, latæ
 cum culpæ reum esse obijciunt,
tempora confundendo; id, quod prius

gestum est, posteriùs commemo-
 rando; *Imperatorum nomina & mu-*
nia frequenter aut *perturbando*, aut
 permiscendo: sic ut non possit
 non sæpiùs hallucinari, qui hunc
 ducem sequi velit. Haud ibo in-
 ficias, hujusmodi *errores* apud
 hunc Auctorem *nonnunquam re-*
periri; nec dicam, utrùm per in-
 cogitantiam, an per negligentiam,
 an denique per inscitiam admis-
 si fuerint? In quibusdam tamen
 excusari eum posse, mea fert opi-
 nio. Nam quòd temporum confu-
 sionem objiciunt, sciant, quòd nar-
 rationes suas per capita & species
 instituat potiùs, quàm per tempo-
 ra: homogenea ab heterogeniis, &
 contrà, segregans: bella à conjura-
 tionibus: civiles discordias à mili-
 taribus expeditionibus distinctè ex-
 ponens. Utcunque quod de *Paulo*
Diacono magnus quidam *Philolo-*
gus, id ego de *L. Annao Floro* lubens
 usur-

usurpaverim: *Nemo Chronologorum tam fatuus fuerit, ut exactam Fastorum seriem à L. Floro petat; ceu calculatore jurato.* Deinde quod nominum & muniorum perturbatio- nem attinet, ejusmodi sphalmata quis nescit *librariorum incuria* nonnunquam, nonnunquam *veterum notarum imperitia*, irrepere solita? præsertim in nominibus Imperatorum ac Magistratuum Rom. nec non in annorum numeris transcribendis. Nec me latet, quid *Andreas Schottus*, vir impensè doctus, alicubi conquestus est: *Nominum affinitas* (inquit) *vocumq;* cognatio, dici non potest, quantas in *Historia Romana Reipub. familiisq;* ipsius dijudicandis, tenebras semper offuderit; & quantum hodieq; faceffat hominibus *Antiquitatis studiosis, veterum Scriptorum interpretibus.* Itaque duces hac ex parte longè certiores sibi adsciscere Lector, noster, si velit, potest (& ut velit, suadeo) *Caroli Si-*

Observ.
Hist. l. 3.
c. 34.

gonii, vel Onuphrii *Fastos Consulares & Triumphos*; nam in iis *Historiam Romanam*, breviter & ordine adumbratam, reperiet. Vele etiam *Stephani Vinandi Pighii Annales Magistratum, & Provinciarum S. P. Q. R.* Extra quos nullum aptiorem commentarium, non ad *Florum* nostrum modò, sed ad ipsum *T. Livium* etiam, ad *Dionys. Halicarnasensem*, *Dionem*, omnesque adeò *Romanarum* rerum *Scriptores*, nec sperari, nec optari quidem posse, affirmat eruditissimus ille *Jesuita, Schottus*, modò nominatus. Denique quum in pulcherrimo alicujus puellæ corpore, ob cæteras eximiæ formæ dotes, si quid fortè nævi occurrat inspectanti, facilè condonetur; cur non pauculos quosdam errores, in tam concinno alioquin utilique opere, non promptè Auctori ignoscamus?

SECT. XVI.

In lectione Romanæ Historiæ quo ordine

dine pergendum? Dionysius Halicarnass. laudatur. Historia ejus quot annorum seriem contineat? Cur ei principem locum tribuamus, ratio redditur; & ex J. Bodino confirmatur.

Post imaginem verò & umbram attentius inspectam, corpus ipsum *Romanae* Historiæ, per suas partes, lustrare & explorare pergat; quod hoc Auctorum ordine, si me audiat, faciet. *Dionysius Halicarnassæus*, omnium confessione, Scriptor gravissimus, & in *Romanis* Antiquitatibus pervestigandis describendisque accuratissimus perhibetur. Eum igitur agmen ducere volo. Quippe ut liquidò liqueret, unde genus suum hauserint *Romani*, ea primùm, quæ de *Aboriginum* populo, & priscis *Italiæ* gentibus, non ex fabulis tantùm & vulgi rumoribus inaudiverat, sed ex libris etiam *Portii Catonis*, *Fabii Max. Valerii Anniatis*, aliorumque plurium didi-

cerat, refert; mox pertexit Historiam *viginti libris*, usque ad *primum bellum Punicum*; quod cœpit An. 3. vel 4. Olymp. 118. Anr. V. C. 488. Verùm ex istis viginti libris, quos teste *Photio* reliquit, *undecim* tantum ad nos pervenerunt, in quibus *annorum tercentum & duodecim* Historiam, multa fide & cura descriptam habemus. Nec temerè primus huic *Dionysio* tribuitur locus in hac nostra Auctorum catena; facem enim lucidissimam prælucebit philistorico nostro, sine qua fieri non potest, quin frequenter hæreat, cæcutiatque, & in nocte densissima ambulet, dum *Latinas* tantum versat Historias. Vultis rationem? multiplicem nobis suppeditabit *Johannes Bodinus Methodi cap. 4.* ubi de hoc Auctore sententiam suam profert hisce verbis: *Dionysius Halicarnassæus, præter moderatum dicendi genus, & Atticam puritatem, Antiquitates Romanas ab ipsius Urbis origine,*

gine, tanta diligentia conscripsit, ut Græcos omnes & Latinos superasse videatur. Nam quæ Latini quasi pervulgata neglexerunt, puta sacrificia, ludos, triumphos, Magistratum insignia, tum universam Romanorum in gubernanda Rep. disciplinam, censum, auspicia, comitia, totiusq; populi difficilem in classes ac tribus partitionem; postremo Senatus auctoritatem, jussa plebis, Magistratum imperia, populi potestatem; unus omnium accuratissime tradidisse mihi videtur. Quæ ut planius intelligerentur, Græcorum leges ac ritus, cum Romanis institutis comparat; ut cum jura clientelarum, quæ Romulus instituit (quanquam ea quoq; Gallorum communia fuisse tradit Cæsar) ab Atheniensibus & Thessalis altius repetit. Ac Romanorum Dictatorem parem potestatem habuisse, atque Harmosten Lacedæmoniorum; Archum Thessalorum; Euzymneten Mytelæeorum. Leges au-

tem Romuli, Numæ, Servii, unâ cum antiqua Romanorum origine, sine hoc Auctore, penitus interiissent: quæ Latini quasi pervulgata negligenter
 „ omiserunt. Atque id ferè omnibus
 „ Historicis contigisse videmus, ut, quæ
 „ vulgò cognita sunt, Reipub. instituta
 „ prætermittant; quasi exteris æquè ac
 „ civibus nota, vel etiam immutabilia
 „ fore judicarent. Hactenus Bodinus.
 Quantus autem vir fuerit Dionysius Halicarn. si quis scire porrò desideret, quantæque sint ejus Historiæ utilitates, legat operas varias Henrici Stephani, Historiæ Halicarn. adjectas. Vixit sub Augustæ Cæsare, ita ipse in præfat. Varroni domesticum fuisse & familiarem, & ex ejus fontibus optima quæque hausisse, vult Johannes Bodinus lib. 3. de Rep. c. 3.

SECT. XVII.

T. Livius abundè, nec immerito, laudatur. Quo tempore vixerit?
 Quot

Quot libros scripserit? Eorum
divisio unde? Quo ordine legendi?
Quomodo eorum Historia vel am-
plificanda, vel in defectu supplen-
da? Plutarchi laudes & elogia.

Post hunc Dionysium sequatur
Latinæ princeps Historiæ, T.
Livius, eloquentiæ ac fidei præcla-
rus imprimis: Id ei enlogium tri-
buitur apud Tacitum à Cremutio Ann. 4.
Cordo, quod prolixius confirmat
Quintilianus, ubi eum cum Herodo- Lib. 10.
cap. 1.
to componit: Non indignetur (in-
quit) sibi Herodotus æquari T. Li-
vium, cum in narrando miræ jucun-
ditatis, clarissimiq; candoris, tum in
concionibus supra quàm enarrari
potest eloquentem, ita dicuntur o-
mnia, cum in rebus, tum personis ac-
commodata. Sed affectus quidem præ-
cipuè eos, qui sunt dulciores (ut par-
cissime dicam) nemo Historicorum
commendavit magis; ideoq; immor-
talem illam Sallustii velocitatem
diversis virtutibus consecutus est.
Neque

In pra-
fat. ad
Polyb.

Neque hisce inferius (licet recen-
tius) est *Casauboni* viri clarissimi atq;
eruditissimi de eo testimonium:
Magnus (Deus bone !) auctor T.
Livius, lactea quadam ubertate di-
ctionis divinitus facundus, amans
virtutum, osor vitiorum, rectus ju-
dicii, rerum togæ, rerum sagi (etsi
non eo usu neque experientia, egregie
tamen) peritus: denique, si quid ju-
dico, hoc solum ingenium (de *Histo-*
ricis loquor) *Pop. Romanus* par im-
perio suo habuit. Solidæ sunt hæ lau-
des, & satis prolixæ, quibus ornatur
T. Livius; neque tamen mihi pos-
sum temperare, quin huc etiam ad-
scribam *Johannis Alariensis Episco-*
pi de eo censuram; quam adeò mi-
ratur *Lud. Vives*. Et reverà spero,
me quoque sic facturum rem stu-
diosis utilem juxta & gratam; si qui-
dem virtutes ostendet, quas in *Hi-*
storia sequamur, & quæ fugiamus
vitia: sive hæc ille in *T. Livio* ob-
servarit, sive in ratione *Historiæ*
com-

De ratio
dicen. l.
3. p. 194.
1. de Hi-
stor.

Componendæ, sive in collatione am-
 borum: *Non illum* (inquit) *varie-*
tas confusum, non simplicitas Histo-
ria fastidientem reddit. In tenui,
 quod persapè accidit, atque humili
 rerum materia non est exanguis, ar-
 idus & jejunus; in copia verò ac ma-
 gnitudine, non turgescens ac vastus;
 plenus citra tumorem, equabilis ac
 lenis citra mollitiem, nec luxuriosè
 effluens, nec nimia sterilitate tabe-
 scens. In asperis rebus non salebrosus,
 neq, languens; in mollibus non vio-
 lenta & coacta oratione subsultans;
 non ita tamen copiosus, ut nimius;
 neque ita suavis, ut lascivus; nec adeò
 levis, ut remissus; non sic tristis, ut
 horridus; neque ita simplex, ut nu-
 dus; aut adeò comptus, ut affectata
 compositione calamistris videatur
 inustus: par verbis materia, par sen-
 tentia rebus. In re gesta exprimen-
 da, gravis atque magnificus, & ta-
 men succinctus ac proprius. In nar-
 ratione naturalis, & semper specta-
 tus;

tus, ordinem minimè confundens, & rerum eventa non præcurrens; minimè in gratiam adulator, aut reprehendendo parcus in veniam, non amarulentus in noxam. Ipsi quoque Senatui, ordini illi orbis terra moderatori venerando, Populoq; Rom. terrarum principi, si vel temeritate præcipites, vel errore lapsi, vel quacunque forent ratione supra modum justumq; evecli, nequaquam parcens. Res etiam adversariorum debita commendatione non defraudans, ut modò narrator tantum, modò censor esse videatur; atque ita severus & tetricus, ut ne Censoribus quidem gravissimis, quibus nihil Romæ sanctius fuit, ubi factò usus fuerit, unquam ignoverit. At verdè in concionibus ante omnia verborum parcus, sententiarum dives, multò est verbis, quàm sensu restrictior atque concisior; in qua parte non ceteros Scriptores tantum, sed seipsum quoq; longè antecellit. Hæc ille de Livio, inquit Lud. Vives, atque

atque adeò de Historico optimo.
Sub *Augusto* suam edidit Historiam;
quarto *Tiberii* anno mortem obiit.

Libros scripsit centum & quadragin-
ta (quos in *Decades*, non ipse, sed
fastidiosa legentium scindit ignavia

Petrarchæ opinione. Verùm ex his *Varia-*
rum E-
pist. 22.
triginta quinque soli supersunt.

Quorum *tres* quidem *priores* multa
habent cum *Dionysio* communia;
tanta tamen sermonis suavitate atq;
elegantia descripta, ut repetitionis

Lectorem pigere nequaquam pos-
sit. Reliquis *septem libris prima de-*
cadis, Historiam continuat Auctor,

ad Annum V. C. 461. Jam verò,
priusquam ulterius progrediatur

Lector noster, quamvis locupletis-
simam fortassis primorum tempo-

rum *Romanorum* ex *Dionysio Hali-*
carnasseo, & ex prædictis *T. Livii* li-

bris Historiam nactus jam fuerit;
hoc in loco tamen haud inutiliter

legi possunt *Plutarchi Romulus*;
Numa Pompilius; *Valer. Poplicola*;

Coriolanus & Camillus. Haud inutiliter, dixi; ecquid ejus Auctoris sine magno emolumento & operæ pretio legi potest? præsertim si Lector seriùs accedat, perspicax & judicandi peritus? Thesauros sapientiæ, doctrinæ, Historiæ, in *Plutarcho* reperire est. Immò sunt, qui ejus monumenta (*Parallela dico* majora, & *Moralia*) omnium veterum Historiæ Scriptorum, omnium denique qui præclarè, rectè, ac sapienter aliquid aut fecerunt aut dixerunt (seu Græcos seu Latinos putemus) *Bibliothecas* esse affirmarunt. Ut non immeritò *Theodorus Gaza*, interrogatus aliquando, quemnam Auctorem sibi reliquum fieri vellet, si cæteris omnibus carendum esset? unum *Plutarchum*, responderit. Hac propter eum toties Historiarum studiosis, suprâ & deinceps, commendamus; atque per partes legendum, sed suo quasque tempore præcipimus. Per partes

tes (inquam) quia uti *J. Lipsius* non
 propriè Historiam sed particulas
 Historiæ scripsit, & ablegit illustrium
virorum vitas. Et tamen inibi (si
 Coleri judicio stemus) omnibus
 numeris leges Historiæ absolvit ma-
 gis, quàm *Suetonius*, aut alius talis.
Utcunque, dignus Hercule, si quis alius
(opinione Lipsii principe Scriptor,
qui judicium mirificè format, & dif-
fusa ac plana quadam scribendi via
ad virtutem ubique & prudentiam
ducit.

*In not.
 ad polit.
 lib. 1.
 c. 9.*

*Epist. de
 Rud. po-
 lit.*

SECT. XVIII.

*T. Livii Decas secunda, h. e. à libro
 10. ad 21. tota interiit. Quomodo,
 & unde ea Historia suppleri possit?
 Appianus Alexandrinus. De eo
 quid censeant viri doctissimi?*

Sed ut pergamus, quò eundum
 erat in *T. Livio*, à libro ejus de-
 cimo ad vicesimum primum, tota
Decas secunda desideratur. Histo-
 ria scilicet annorum septuaginta, ab
 anno videlicet V. C. 461. ad annum
 V. C.

V. C. 531. intra quod temporis intervallum (præter alia notatu apprimè digna) incidisse dicuntur Bellum *Tarentinum* cum *Pyrrho Epyrota*; Bellum *Punicum primum*; Bellum *Ligusticum*, *Illyricum*, & *Gallicum*. Huic igitur defectui supplendo inserviunt *Epitoma* istius (Auctoris nostri cognominis) argumenta. Ad consummandam verò istorum temporum Historiam, adsciscendus est *Plutarchi Pyrrhus*, nec non *Justinus liber decimus septimus*, inde *decimus octavus*. Denique *viceſimus secundus*, & *viceſimus tertius*. Hisce adjungenda *quatuordecim* capita libri *quarti Orosii*: Et *quatuor prima* capita libri *tertii Historiæ Miscellæ Diaconi*. Præcipuè verò *Polybii* lib. 1. & 2. Ubi de bello *Punico* primo, licet plenam non habeamus Historiam, plura tamen, quàm apud omnes *Latinos*, qui extant, invenimus. Idem de bellis, quæ *Romani* gesserunt cum *Gallis*, in *Italia* de-

genti-

gentibus, censendum. Huc etiam possunt advocari *Fabius Maximus Plutarchi*, & *M. Marcellus*; qui fortiter inprimis & feliciter contra *Ligures & Gallos Cisalpinos* pugnavêre; sicuti postea fecerunt bello *Punico secundo* adversus *Carthaginienses*, siquidem ille primus *Anni-balem* mora fregit; hic eum posse vinci primus docuit, uti scribit auctor de *Viris Illust.* Postremò *Jo- cap. 45.*
hannes Zonaras, qui res Romanas ab urbe condita ad *Constantinum Magnum* breviter perstrinxit, tomo *secundo Annalium*, potest fortassis adminiculi huc aliquid conferre, ad lacunam illam in *Historia Liviana* explendam: nonnihil etiam *Appianus Alexandrinus* in *Punicis & Illy-* *Biblioth.*
ricis, Scriptor ex censura *Photii*, *cod. 67.*
 quoad ejus fieri potuit, veritatis amans. Militaris disciplinæ (si quis alius) enarrator: sed unus est ex omnibus Historicis, qui Romano-
 rum provincias, opes, exercitus, to-
 H rinq;

V. C. 531. intra quod temporis intervallum (præter alia notatu apprimè digna) incidisse dicuntur Bellum *Tarentinum* cum *Pyrrho Epyrota*; Bellum *Punicum primum*; Bellum *Ligusticum*, *Illyricum*, & *Gallicum*. Huic igitur defectui supplendo inserviunt *Epitomastis* illius (Auctoris nostri cognominis) argumenta. Ad consummandam verò istorum temporum Historiam, adsciscendus est *Plutarchi Pyrrhus*, nec non *Iustini liber decimus septimus*, inde *decimus octavus*. Denique *vicesimus secundus*, & *vicesimus tertius*. Hisce adjungenda *quatuordecim* capita libri *quarti Orosii*: Et *quatuor prima* capita libri *tertii Historiæ Miscellæ Diaconi*. Præcipuè verò *Polybii* lib. 1. & 2. Ubi de bello *Punico* primo, licet plenam non habeamus Historiam, plura tamen, quàm apud omnes *Latinos*, qui extant, invenimus. Idem de bellis, quæ *Romani* gesserunt cum *Gallis*, in *Italia* de-

genti-

gentibus, censendum. Huc etiam possunt advocari *Fabius Maximus Plutarchi*, & *M. Marcellus*; qui fortiter inprimis & feliciter contra *Ligures* & *Gallos Cisalpinos* pugnâre: sicuti postea fecerunt bello *Punico secundo* adversus *Carthaginienses*, siquidem ille primus *Anni- balem* mora fregit; hic eum posse vinci primus docuit, uti scribit auctor de *Viris Illust.* Postremò *Jo-* cap. 45.
hannes Zonaras, qui res Romanas ab urbe condita ad *Constantinum Magnum* breviter perstrinxit, tomo *secundo Annalium*, potest fortassis adminiculi huc aliquid conferre, ad lacunam illam in *Historia Liviana* explendam: nonnihil etiam *Appianus Alexandrinus* in *Punicis* & *Illy-* Biblioth.
ricis, Scriptor ex censura *Photii*, cod. 67.
 quoad ejus fieri potuit, veritatis amans. Militaris disciplinæ (si quis alius) enarrator: sed unus est ex omnibus Historicis, qui Romano- rum provinciâs, opes, exercitus, to-
 H rîusq;

tiusq; Imperii descriptionem ad in-
tuendum, velut in subiecta tabula,
proponit; uti observavit *Johannes*
Bodinus. In eorum tamen antiqui-
tate sæpissimè offendit, inquit idem
Bodinus. Et *Josephus Scaliger* in
Methodi
3. cap. 4. *Animadversionibus Eusebianis* eum
in *Historia* vel admodum infantem
fuisse autumat, vel multa ejus *Syria-*
cis esse adsuta; Quin & doctissimus
Vossius, eum *Polybio* multum debere,
ac *Plutarchum* ad verbum exscribe-
re solitum, affirmat. Reverà *Franc.*

Balduin.
lib. 1. de
Instit.
Hist. p.
87. *Balduinus* aliquot *Plutarchi* in *Crasso*
paginas, de bello *Parthico*, in libris
quoque *Appiani* repetitas legi fate-
tur. Verùm id esse factum suspica-
tur, non ab ipso *Appiano*, qui *Plu-*
tarcho fuit æqualis; sed à librariis, ut
supplerent aliquam in *Appiani* com-
mentariis lacunam.

SECT. XIX.

Ad reliquos viginti quinque libros T.
Livii ubi pergendum? Eorum Hi-
sto-

storiā quinam alii Auctores confirmare aut illustrare possint? Decades novem posteriores cum dimidia prorsus desiderantur. Unde resarcienda earum jactura? Sallustii Historia laudatur. Item Cæsaris Commentarii, ab eruditis prisce ævi, juxta & modernis.

Hisce utcunque subsidiis auctus, Lector noster, Historiæ studiosus, ad librum XXI. *T. Livii* procedat, h. e. ad *Decadem tertiam*. Inde continenter pergat omnes reliquos, quotquot supersunt, diligenter ordine percurrere (*duas videlicet Decades & dimidiatam*) in quibus, Historiam minimè intercisam, annorum quinquaginta & sex, videre potest, usque ad annum V. C. 587; sed & unà cum istis *T. Livii* viginti quinque libris (totidem enim post primam *Decadem* commune naufragium evaserunt) præter illos *Plutarchi* suprà nominatos, *Fabium*

& *Marcellum*, conjungit *Hannibalem*, *Scipionem Africanum*, *T. Quintium Flaminium*, *Paullum Emilium*, *Catonem Majorem*, sive *Censorium* vocatum. Horum enim quilibet intra spatium prædictum floruit, eorumque singulares Historias, & unà rerum *Romanarum* successus, *Plutarchus* literis aliquantò fusiùs, nec minùs luculenter consignavit. A libro 45. *T. Livii novem Decades* cum dimidia (quatuordecim enim scripserat) h. e. nonaginta & quinque libri, communi (inquam) illo & deplorando naufragio periêre: Historia nimirum annorum 157. usque ad mortem *Drusi Neronis*, *Augusti Caesaris* privigni; qui bellum *Germanicum* ultra *Rhenum* administrans, fato est functus A. V. C. 744. Horum librorum periochæ, ab *Epitomatore* suprâ nominato collectæ, extant; quibus amplificandis, post *Majorem Catonem Plutarchi*, sequantur legem-

legendi duo Gracchi, *Marinus*, *Sylla*,
Cato Minor sive *Uticensis*, *Sertorius*,
Lucullus, *Pompejus M. M.* *Crassus*,
Cicero, *Antonius*, & *M. Brutus*, suo
quisque tempore. Hoc inter *Sallu-*
stii bellum *Jugurthinum* ponat *Le-*
ctor. *Catilinarium* adjungat, & *Cæ-*
saris *Commentarios*. Quos *Au-*
ctores etiam inter principes *Histo-*
ricos numeravit *Antiquitas*. *Sallu-*
stium *Quintilianus* *Thucydidi* op- Lib. 10.
ponere non veretur. *Tacitus* eum cap. 1.
rerum *Romanarum* *Auctorem* flo- Hist. 1.
rentissimum nuncupat. *A* *Mar-*
tiale *Epigrammatista*, *Crissus* *Roma-* Lib. 14.
na primus in *Historia*, dicitur. Inde
Colerus ad *Stanislaum Zelenium*: Epist. de
Cogita (inquit) in *Sallustio* omnia Stud. poe-
fuisse, quæ in perfectum *Histicum* lyrico.
cadunt, vel antiquorum testimonio.
Et postea: *Bellum Catilinarium* me-
moriter tenes: sed frustra, nisi consi-
deras profundam illius viri *Reipub.*
scientiam, quam ille vel breviculo illo
libello prodidit. Non minori arte

H; bellum

Epist. ad
Max.
Imp.

Cic. in
Bruto. In
pres. l. 3.
de Bello
Call.

Lib. 1. de
Histor.
Lat. c.
13.

bellum Jugurthinum confecit. *Da*
illa epistola de Repub. ordinanda ad
Casarem, nonne cœlo delapsa viden-
tur? Justus Lipsius: Sallustium, si
mei arbitrii sit, in hoc lustro, princi-
pem Senatus Historici legere non du-
bitem. Jam verò *Casaris* Commen-
tarios quis non laude dignissimos,
& diligenter à juventute legendos
unquam censuit? Cicero valdè pro-
bandos affirmavit. *Aulus Hirtius*
etiam admirandos: Adeò preban-
tur (inquit) omnium judicio, ut pra-
repta, non prebita facultas Scriptori-
bus videatur. Cujus tamen rei (per-
git) major nostra, quàm reliquorum,
est admiratio. Ceteri enim, quàm
bene atque emendatè, nos etiam quàm
facilè atque celeriter eos perscripse-
rit, scimus. Quid Critici hodierni?
haud minoris æstimant. Clarissi-
mus Vossius: Scriptor est purus &
elegans, inq̃, verborum structura ac-
curatus, ac omninò placidi instar flu-
minis præcurrens: interea molitioris,

ac gravis in sententiis; quo Xenophontem exsuperat: cateroquin ei non dissimilis multum. Et postea: Sanè ex eo haurire est maximarum & utilissimarum rerum copiam; quam qui verborum elegantia contenti negligunt, minùs etiam pueris sapiunt, qui nunquam se ita arboris frondibus oblectabunt, ut egregios ejus fructus contemnant. Librum de bello Africano, sive sit Caesaris, sive Oppii, sive Hirtii, reliquis omnibus præfert Colerus: Ita non sanguine & colore tantum, sed robore ac nervis ea commentatio (inquit) præstat: habent certè Principes, & militares viri, quod legant & imitentur, aut mirentur potius. Quis enim Casarem imitetur? A Colero & Vossio J. Lipsius de Cesare nonnihil diversum sentit. Sic enim scribit: Ex iis, qui superant Historicis, C. Caesar laudatur in primis. Si ut disertus narrator, libens assentior; est enim ejus viri pura oratio, sine fūco & calamistris ornata;

Epist. ad
Stud.
poli.

Epist. ad
Maxi-
mil.
Imp.

vel Romanis vel Atticis Mŭſis digniſſima: Sin ut perfectus Historicus, dubitare me dicam, cūm & nonnulli fidem ejus in Historia civili requirant, & tertium illud ἡδὲν ἡγὲρ πᾶσι ληθὲν totum ei deſit. Itaq; ipſe Caſar, cateroqui minimè ſui contemptor, Commentarios inſcripſit, non Historias; & hoc ipſo laudem veram meruit, quòd falſam contempſit.

SECT. XX.

De Dione Caſſio, & ejus Historia.

Quot libros ſcripſerit? Eorum quot perierint, & quanta jaſtura? Inter optimos Scriptores quàm meritò cenſendus Vellejus Paterculus? Ejus virtutes indicantur. Sed & næv non diſſimulantur. Ad Caſariorum temporum Scriptores tranſitur.

P*oſſunt etiam poſt Lucullum Plutarchi, Dionis Caſſii, ſive Cocceji (inter nobiles Historicos meritò numerati) Reliquia huc accuſari.*

cersiri. A *Quinti Metelli* rebus in *Creta* gestis, Anno V. C. 686. incipiunt. Dein *Pompeji* egregia facinora exponunt, à bello pyratice auspiciando; atque ita *Romanam* continent *Historiam* ad mortem *Claudii Caesaris*, Ann. V. C. 806. Scripsit quidem *Dion* *Historiarum* libros octoginta, inchoando ab *Aenea* in *Italiam* adventu, & *Alba* urbe, ac *Roma* condita. Unde continenter pergebat, & in ejus, qui *Helio-gabalus* est cognominatus, cæde finivit. Sed primi triginta quatuor libri perierunt: sequentes viginti quinque extant; qui inde sequebantur, pariter interciderunt. Quanta autem fuerit istorum quinquaginta quinque librorum jactura, ex iis, quæ de eo refert *Johannes Bodinus*, æquo cuiusvis rerum æstimatori facile est con-

Phot. Bib.
lioth.
cod. 71.

Method.
cap. 4.

eveetus, deinde Proconsul factus, pro-
 vincias summa cum sua laude guber-
 narit; magnam denique bonarum
 artium scientiam cum usu conjun-
 xerit, quis dubitet eum inter optimos
 Scriptores censere? Profecto Comitio-
 rum, ac Magistratum Romanorum
 totiusq; publici juris disciplinam ac-
 curatè collegit. Principum verò con-
 secrationes, & Sacerdotum unus tra-
 didit, & ea, quæ Tacitus Imperii Ar-
 cana vocat, penè solus evulgavit.
 Fuit enim publici consilii diligens in-
 dagator. Aut si compendiosa ma-
 gis via uti velit noster Lector, reli-
 quamque Historiam, qua T. Livius
 deficit, uno quasi filo pertextam le-
 gere; Vellejus Paterculus non ine-
 ptè potest admitti, explicator vete-
 ris Historia luculentus, & pressus, &
 efficax inprimis. Ita de eo Aldus
 Manutius: Probus & fidus, donec ad
 Caesarum res venias, ubi haud usque-
 quaque verus; adulatione enim mul-
 ta celat, aut velat; immò & palàm
 aliter

In Scho-
 liis ad
 Vell.

*aliter narrat : disertus tamen ubiq;
 & eloquentia quadam facili, ac pro-
 fluente. Ita Just. Lipsius. Ejus di-
 cendi genere nihil purius, ac suavius* *In A-
nimadu-
ad Vell.
Patere.*
*fluere potest: Antiquitates Roma-
 norum ab ultimo principio, tanta
 brevitate ac perspicuitate (siquidem
 integer extaret) comprehendit, ut
 nemini secundus esse videatur. Lau-
 des etiam illustrium virorum, egre-
 gia quadam oratione, & magno viro
 digna commendare solet. Ita Johan-
 nes Bodinus. Duobus libris ejus* *cap. 4.
Meth.*
*compendium Historiæ Romanæ
 constare, vulgò receptum est: Pri-
 moris libri frustra tantum (uti loqui-
 tur Rhenanus) supersunt; à nono ta-
 men capite, editionis Gruterianæ, si
 Lector incipiat, Historiam à Perseo,
 Mæcedonum Rege, devicto, ad Ti-
 beriani Imperii annum decimum
 sextum, continuatam reperiet.
 Cum Vellejo Plutarchi vitas illas,
 quas suprà indicavi, suo ordine, &
 cùm libuerit, ad ampliandam Histo-
 riam*

riam conjungat; & sic denique ad *Cesariorum* temporum *Scriptores* accedat.

SECT. XXI.

Historia Caesarum à Suetonio & Tacito primò petenda. De utroq; praeclara doctissimorum virorum testimonia. Circa Tacitum variant celeberrimorum Criticorum judicia, ne dicam, pugnant. Et Suetonio & Tacito lux à Dione Cassio.

EOs inter à Suetonio Tranquillo incipiat, emendatissimo & candidissimo Scriptore; id ei elogium à Vopisco. Floruit sub Trajano & Adriano Imperatoribus. Huic etiam ab epistolis fuit: Plinio Secundo valde charus: nec immeritò; probissimum, honestissimū, eruditissimūq; virum eum appellat in epistola quadam ad Trajanum. Unde recentiorum Criticorum de eo testimonia verissima esse conjicio. Quale est illud *Lud. Vivis: Gracorum* (inquit) & *La-*

*in Firmo t. 1.
Spart. in
Adria-
no, c. 11.
lib. 10.
ep. 95.*

*Lib. 5. de
trad.
dise.*

& Latinorum Scriptorum diligentissimus atque incorruptissimus: Res duodecim Caesarum videtur mihi integerrimè exponere, qui in optimis Principibus nec vitia, nec suspiciones vitiorum tacet: in pessimis verò etiam colores virtutum non dissimulat. Vivem sequitur Colerus ferè, Epist. de Stud politico. quoad rem, sed & de stylo addit: Oratio ejus brevis & nervosa est. Nemo ritus publicos diligentius miscuit. Emendatissimus & candidissimus est, nemini obnoxius. Quis enim ingenia & mores Principum liberius unquam? *Aulici* & *Politici* non exiguum fructum ex hoc, & simul exemplum capiant fugiendæ adulationis ab ipso Suetonio. Cum Suetonio Tranquillo Tacitum admittere potest Lector noster, magni & acerrimi ingenii Historicum; qui de temporibus iisdem cum Suetonio scribit. *Nova* cujusdam, gravis, concisa, & sententiosa eloquentiæ genere, eximie præditum, ajunt Critici.

De usu tamen ac utilitate ejus Auctores variant, immò fortean pugnant doctissimorum virorum judicia. *Justus Lipsius*, Criticorum Coryphæus : *Utilem magnūmq;*
Epist. ad *Scriptorem* (*Deus bone!*) & quem
Ord. Batav. in manibus eorum esse expediat, in
 quorum manu gubernaculum & Reipub. clavus. Iterum: *Acer* *Scriptor*
Ad Ma- (*Dii boni!*) & prudens; & quem si
ximil. 2. unquam in manibus hominum ver-
Imp. sari utile fuit, his certè temporibus,
 & hac scena rerum expediat. Non
 ille *Annibalis* funestas *Romanis* vi-
 ctorias, non speciosam *Lucretia* ne-
 cem, non vatū prodigia, aut *Etru-*
sca portenta recenset; & quæ alia sunt
 oblectandi magis, quàm instruendi
Lectoris: hîc mihi quisque *Princi-*
pum aulas, *Principum* interiorem
 vitam, consilia, jussa, facta conside-
 ret; & obvia in plerisque nostrorum
 temporum similitudine, ab iisdem
 causis pares exitus animo precipiat.
 Invenies sub tyrannide adulationes,
 dela-

delationes, non ignota huic seculo mala; nihil sincerum, nihil simplex, & nec apud amicos tutam fidem; frequentatas accusationes majestatis, unicum crimen eorum, qui crimine vacabant; cumulatæ illustrium virorum necesse, & pacem quovis bello sæviorem. Tristia ex iis pleraque fateor, & legentibus mœsta; sed singulis nostrum à Thrasea jam moriente dictum putemus. Specta juvenis, & omen quidē Dii prohibeant, cæterum in ea tempora natus es, ut firmare animum expediat constantibus exemplis. Accedit genus ipsum sermonis, minimè sordidum aut vulgare; distinctum crebris, & nescio unde ex abdito erutis sententiis; quas vel veritate vel brevitate vicem oraculi possit accipere. Denique: Mirabilis omnino Scriptor, & qui Not. ad lib. 1. Polit. serio hoc ipsum agit, quod non agit. Nec enim Historia solum est, sed hortus & seminarium praeceptorum. Lipsii judicium planè sequitur Colerus;

rus; ita enim scribit: *Nos censuram*
Lipsii unà cum Tacito aestimamus.
Epistola de Stud. politico. Tu aulam & palatia cogitas? Et co-
 gitas serio? Amabo te, disce prius
 ex Tacito *Aulicorum fortunam; &*
ingenium Principum parumper in-
spice. Sit tibi ad latus *Cornelius, ve-*
rus ille comes Palatinus. Nec est, quòd
 te moveant *Centauri nonnulli, aut*
rupicones; qui hac talia antiqua ni-
mis, & nostris moribus aliena cavil-
lantur. Non, inquam, ita est. Ea-
 dem fabula nunc luditur, qua olim;
 eadem virtutes & vitia representan-
 tur. Tantùm persona mutata sunt;
 sed qua doctum & prudentem specta-
 torem desiderent. A Lipsii & Coleri
 sententia, hac ex parte, longè abit
Isaacus Casaubonus, virtute atque e-
 ruditione juxta admirandus. Is
 enim, ubi alios Historicos cum *Po-*
lybio suo comparat, de *Tacito* affir-
 mat, si à fortuna non esset destitutus,
 quæ ei digna sua facultate mate-
 riam negavit, quemvis è Principi-
 bus,

bus, sive *Romanorum* sive etiam *Græcorum* Historicorum, videtur potuisse provocare: Sed ejusmodi tempora constat (inquit) ab eo praesertim in *Annalibus* esse descripta, quibus nulla unquam fuerunt turpissimis vitiis fœdiora; neque aut virtutum steriliora, aut virtutibus inimiciora. Mox utriusque, *Polybii* ac *Taciti*, materias particulatius at summatim recensens, tandem sic concludit: *Tacitum* igitur facile nos quidem excusamus: Illos excusari non posse iudicamus, qui *omnem* *hunc* *Historicum* omnibus aliis anteponunt: Unum *Tacitum* Politicis hominibus assidue tenendum pronunciant: Unum esse, unde Principes & Principum Consilarii documenta regenda *Reipub.* petere debeant. Cujus absurditatem sententiæ si vellemus exagitare, facile probarem, qui ita sentiunt, eos tyrannidis Principes hodiernos accusare, vel palam tyrannidis instituta videri velle eos docere.

Quid

Quid enim, praesertim juveni, lectione illorum Annalium esse queat perniciosius? Ut bona exempla, si saepe ob oculos versentur, proficiunt; etiam non sentientibus nobis: Sic mala nocent; paulatim namque descendunt in animos, & vim praeceptorum obtinet, frequenter legere aut frequenter audire. Jam verò ut pergamus, utrumque, Suetonium & Tacitum, rectius intelliget Lector noster, & majori claritate percurreret, post Dionem supra nominatum; ita Colerus expressè suadet: Tacitum tu & Suetonium vis rectius intelligere? Dionem obduco. Illud scire te velim, unam illam Meccenatis orationem ad Augustum insignem ac politicam, reliquorum omnium instar esse. Est & Agrippa illa satis splendida. In ceteris rebus ac narrationibus idemque suspicionem non effugit.

*Epist. de
Stud.
polit.
p. 109.*

SECT. XXII.

Quomodo ad alios Historia Augusta Scriptores transeundum, videli-

cet

et Spartianum, Capitolinum, Vulcatium, & reliquos non leviter aestimandos Auctores. Justi Lipsii de iis judicium, item Casauboni. Herodianus suo loco cum superioribus legendus. Quousq; in Historia processerint isti: quos inter Aurelius Victor & Pomponius Lætus merito admittendi.

His expeditis, si Nerva Cocceji & Trajani, duorum insignium bonitate Principum, vitas, ex Aurelio Victore, Xiphilino, aut alio quopiam ex τῶν Βιογράφων adnectat, immediatè & recto ordine sequetur Spartiani Adrianus, Capitolini Antoninus, cæterique Imperatores; quorum vitæ ac res gestæ à sex illis Historia Augusta Scriptoribus non tam disertè quàm verè in literas referuntur; quos accuratè emendatos atque illustratos Isaacus Casaubonus, novissimi hujus seculi immortale decus, & Claud. Salmasius, rerum literarumque veterum usque

usque ad miraculum doctus, haud ita pridem nobis dederunt. Hosce Auctores, licet exili quidem ac levidensi testimonio prosequatur *Ca-*

*Advers.
lib. 26.
c. 16.*

spar Barthius alicubi, & ipso ævo *Theodosiano*, vel etiam *Justiniano* latinitatem in plerisque deformiorem pronunciet; nolim quisquam, utilitatis parum ex eorum lectione comparari posse, putet. *Iusto Lipsio* potius auscultet, atque etiam *Casau-*

*Epistol.
quæst. 1.
5. ep. 2.*

bono; quorum ille breviter sic: *Al-
lius Scriptor in aliam rem utilis.* *Spartiano*, *Lampridio*, *Capitolino*, *Vulcatio*, & illis quasi partium secundarum Historicis, eloquentia non multum, rerum & morum veterum immensam copiam est haurire. Iste verò fusiùs, & plenior e elogio: *Ho-*

*In Prolo-
gum ad
Histor.
Aug.*

rum Auctorum lectio, cum omnibus & *Historia* & morum antiquorum studiosis necessaria, nedum utilis; tum vel maximè iis, qui cognitione juris civilis Romanorum delectantur.

Quàm multa enim toto sparsim opere
inve-

invenias, quæ ad jurisprudentiæ studia propriè pertineant? quàm multis locis aut novum; jus aliquod introdu-
ctum, aut vetus antiquatum obser-
vatur? ut taceam, quòd absque his
Scriptoribus fuisset, plurimos pru-
dentes, quorum extant in pandectis
& nomina & fragmenta, ignorare-
mus: taceam item dictionis genus, in
multis commune cum antiquis juris-
consultis. Quid? tot principum pul-
cherrimas epistolas, tot gravissima
Senatusconsulta, tot alia publica mo-
numenta, è scriniis Augustorum,
Actis Senatus & Populi, aut nescio
unde ex abdito eruta, quanti cense-
mus facienda? aut quem mihi dabis
ex omni veterum Auctorum nume-
ro, cui propter similem vel fidem vel
diligentiam tantum debeamus. Nec
prætermiserim eruditas illas, neque
longè petitas, sed è re natas digressio-
nes; quibus hi libri, tanquam segmen-
tis purpura veri luminis, variis locis
sunt ornati. Ita Casaubonus. Hi
verò

verò Auctores *annorum* plus minus
centum sexaginta septem (nisi me
fallant Chronologi) Historiam Le-
ctori nostro suppeditabunt. Certè
septuaginta, atque eo amplius fuisse
docebunt, qui horum temporum
decurfu, seu jure sive injuria, vel
Imperatorum, vel saltem *Cesarum*
sint adepti nomina; quorum etiam
nonnullorum vitas & res gestas po-
litissimus ac judicii non vulgaris
Auctor, *Herodianus*, disertè & ele-
ganter octo libris descripsit. Eum
igitur si cum superioribus *Biogra-*
phis suo tempore jungat Lector
noster; *Commodi* Imperatoris, *alio-*
rumque septem, qui eum sunt secuti,
usque ad *Gordianos*, Historiam ple-
nionem, longèque illustriorem ha-
biturus est. Siquidem in eo Scri-
ptore negotiorum personarumque
varietatem multam, multam rerum
novitatem deprehendet; crebra in
utramque partem fortunæ; ceu va-
cillantis, exempla habebit; consilia
admi-

admirabilia & consiliorum inopi-
 natos eventus observabit. Graves
 pro tempore sententias, & plenam
 ubique dignitatis, plenam suavita-
 tis orationem comperiet. Denique
copiosam quandam ad instruendos
mores suppellectilem (ita *Politianus*)
inibi inveniet; & tanquam specu-
lum humanitatis agnoscet, in quod
inspicere omnis vita poterit; unde ea
capere atque haurire documenta
queat, per quæ vel publicis vel priva-
tis rationibus consulatur. Legat igitur,
 censeo, sive Græcè sive Latinè
 hunc Auctorem; nam haud scio,
 uter majorem laudem mereatur,
*Herodianus*ne, quem in lingua sua,
 ubere vena fluere non negaverim;
 an *Politianus*, qui *Herodiani* scripta
 tanta felicitate interpretatus est, ut
 non transtulisse, sed ipse compo-
 suisse videri possit. Utcunque, sex
 illi priores *Biographi* (quorum ulti-
 mus est *Vopiscus*, sed eruditus ad-
 modum & præ cæteris accuratus)

Polit. in
pref. ad
Pont.
Max.
Inno-
cent. 1.

Lectorem *ultrà annum V.C. millesimum tricesimum sextum* deducunt; ad mortem scilicet *Carini Caesaris*, qui cum *Numeriano* post *Carum* imperasse, aut imperium affectasse perhibetur. Fatendum est in hac serie, quam nobis exhibent Auctores isti sex *Βιογράφοι*, superiùs nominati, hiatù quendam esse inter *Gordianum Tertium* & *Valerianum* Imperatorem: *Gordiano* enim non successit immediatè *Valerianus*, sed duo *Philippi*; iis *Decii*, deinde *Vibius Gallus*, cum filio *Voluliano*; tum *Emilianus Libycus*, quem immediatè *Valerianus* excepit. Alios plures recenset clarissimus *Casaubonus*, usque ad quindecim Augustos vel Cæsares, intra novem vel ad summum decem annorum spatium; de quibus apud hos Scriptores nulla jam extat mentio. Huic itaque defectui supplementum quærat ab *Aurelio Victore*, Auctore neque indiserto nec inarguto; quem, vi-

rum

In Not.
ad Tre-
bell. pol.

rum sobrietatis gratiâ multilaudum, dicit Ammianus Marcellinus; & Ca- Lib. 21.
s. 12.
In Not.
ad Hist.
August.
Polir.
Miscel-
lan. c. 73.
Paul.
Iovius
elog. 40.
saubonus opusculum ejus de vitis Augustorum elegantissimum appellat. Vel à Pomponio Lato, Antiqui-
tatis & bonarum literarum (ut in ea
ætate) consultissimo; ac inter pra-
clara sui sæculi ingenia conspicuo; qui
Romana Historiæ compendium ab
interitu Gordiani Junioris paullò
ultra Heracii mortem non ineptè
concinnavit.

SECT. XXIII.

Post Constantium Chlorum, uti &
paullò antè, Historia nonnihil per-
turbata videtur; præsertim apud
Latinos Scriptores. Eusebius,
Zosimus, Zonaras, explicatiorem
reddere possunt. De Zosimo &
Zonara eorumq; scriptis; item de
Jornande. Ammianus Marcelli-
nus hîc locum habet. Lipsii &
Balduini fcti de eo censura.

Sed quoniam temporum isto-
rum, usque ad Constantini M. li-
beros,

beros, Historia satis est perplexa, & tenebris involuta, præsertim si *Latinos* tantum *Scriptores* consulamus; non erit operæ dispendium, à *Græcis*, *Eusebio*, *Zosimo*, *Zonara*, aliove aliquo Auctore suppetias petere, tam ad Imperatorum supradictorum, quàm ad sequentium *Diocletiani*, *Constantii Chlorig*, *Galerii* & *Constantini M.* Historias illustrandas. Namque hac ætate floruit *Eusebius*, nempe sub ipso *Constantino* ac filiis ejus; & ob πολυμαθίαν καὶ πολυτελείαν valdè celebris fuit: De quo plura erunt dicenda, quum ad *Scriptores Ecclesiasticos* ventum erit. *Zosimus* Imperii declinationem descripsit, ab *Octaviano Casare* exorsus, ad urbem à *Gothis*, *Alarico* duce, captam, libris sex: Quorum primo *Cæsares* priores, usque ad *Diocletianum* breviter percurrit; reliquos paullò fusiùs & explicatiùs depingit, libris quinque posterioribus. Vixit tempore *Theodosii Junioris*.

nioris. *Dictio ejus brevis, perspicua, pura & suavis.* Ita de eo *Pho-*
tius. Homo fuit quidem *Paganus,* Cir An.
 atque inde principes *Christianos fre-* Ch. 410.
quenter suggillat; propter quod ta-
 men ei fidem non temerè idcirco
 abrogandam censet *Leunclavius.*

Immo addit insuper: *Si quis eum* In pref.
seposito animi adfectu legerit, expe- ad Sam-
rietur hanc ipsius Historiam (ferè to- bucum.

tam ex illarum rerum narratione
contextam, quæ ab aliis memoria
proditæ non sunt) ad cognoscendam
jucundam, ad usum in vita civili sa-
nè idoneam & fructuosam esse.

Hen- Epistol.
ricus etiam Stephanus eum veritatis ad Phil.
& eruenda è tenebris, & in lucem pro- Sydenh.
ferenda valdè studiosum fuisse, per-
suasum habet.

Johannes quidem
Zonaras Historiam καθολικὴν scri-
pfit, ab initio mundi ad sui ævi Im-
peratoris Alexii Comneni obitum. An Ch.
Eam in tres tomos dispertivit: Tomo 1118.
primo res Orientales in primis ab or-
be condito, ad excidium usque Hie-

rosolymitanum summatim recensentur. Tomo *secundo* *Historia Romana* ab V. C. usque ad *Constantinum M.* breviter perstringitur. *Tertius* denique tomus *Christianorum Imperatorum* res gestas complectitur à *Constantino M.* ad *Alexii Comneni* mortem. Ex his igitur vel omnibus, vel aliquibus, Imperatorum suprà memoratorum *Historia* explanatio iuxta & uberior fieri potest: Præsertim si, dum ea, quæ sub *Galieno* proximisque Romanorum Principibus à *Gothis* gesta ordine apud *Zosimum* legantur, *Jornandes* advocetur; qui, bonâ fide singula fuisse narrata, testis idoneus ostendet. Perpulchrè enim conveniunt (Le-
unc *clavi* verba sunt) quæ ab utrisq;
 de *Gothis* commemorantur; nec aliud
 ferè discrimen est, quàm quòd à *Jor-*
nande pleraque paullo plenius enar-
 rantur, non omissis rerum circum-
 stantiis; quas non perinde *Zosimo* ac
Jornandi cognitæ fuisse minimè mi-
 rum

Præfat.
 ad *Zosi-*
imum.

rum videri debet. Gothus enim erat,
 vel Alanica natione Gothis affini ori-
 undus, Jornandes. Et rectius haud
 dubiè res ille patrias tenebat, & Go-
 thicos Scriptores Græcis atque Roma-
 nis, ut ipsemet fatetur, adjunxerat.
 Hinc rectà Amm. Marcellinum
 adeat Lector, fidei ac judicii apud
 rigidissimos censores satis clarum;
 sua confessione styli militaris, ac
 scabrosi. Rem militarem, ut miles,
 diligentissimè persequitur. Et descri-
 ptiunculis non raro divertit, nec rari
 sententias miscet. Ita de eo J. Li-
 psius. Et Balduinus: Homo quidem
 militaris, sed tam literatus miles,
 tamq̃ veterum literarum studiosus,
 ut nihil non per vestiget. Uno verbo
 dicam, diligentissimus Scriptor est.
 Est quidem scabra ejus (hominis
 nempe Constantinopolitani) oratio
 Latina; sed rebus est doctis referta,
 & variam, multiplicem, recondi-
 tamq̃ lectionem includit; & verò
 Historiam, quam alius non exposue-

rit, copiosè explicat. Hæc & plura de eo Balduinus. Scripsit libros XXXI, à principatu Cesaris Nerve exorsus, adusque Valentis (in cujus aula floruit) interitum; sed ex his XIII communi naufragio pessum iverunt. In iis, qui supersunt, incipiens Gallo Cesare circa A. C. 353. res Constantii Cesaris, Juliani, Joviani, Valentiniani & Valentis, quarum ipse magnam partem inspector erat, enarratè describit. Hic igitur ad Ann. V. C. 1128. Ann. scilicet à Christo Nato 378. Lectorem perducet.

SECT. XXIV.

Historia Miscella Diaconi, item Jordanandes de Rebus Geticis, nec non Procopius & Agathias suum hîc locum habere possunt. Vel, si placeat, Zonaræ tomustertius. Quæ sequatur Nicetas Choniates. Tum Nicephorus Gregoras. Aut, si prolixum nimis id videatur, post Zosimum, Blondus Foroli-

roliviensis legi potest. Vel aliter
 post Vopiscum Sigonii *Historia*
Occidentalis admitti potest. Inde
 ad 7. vel 8. lib. primæ Decadis
 Blondi pergat Lector.

Post *Ammianum*, si *Pauli Dia-*
coni Historiam Miscellam ac-
 cersat Lector, eique comitem ad-
 jungat (quem suprà in subsidium
Zosimo assignavimus) *Jornandem*,
 de Regnorum ac temporum suc-
 cessione, nec non de Rebus *Geticis*;
 non inclinationem modò, quam à
Zosimo didicit, sed etiam interitum
 ipsum *Romani Imperii* animadver-
 tet. Et ne rerum fortè à superioribus
 memoratarum molesta nimis, & tæ-
 dio plena sit repetitio; incipiat à 12
 libro *Historiæ Miscellæ*, qui à *Valen-*
tiniano auspiciatur, & reliquos inde
 percurrat; quibus *Historia* usque
Michaëlis Cæsaropalaetæ usque cō-
 tinuatur, h. e. ad Ann. Chr. 812.
Jornandem etiam, ubi tempora &
 res gestæ requirere videbuntur, ad-

hibeat: Is enim de *Getarum* origine, nec non de rebus ab iis circa illa tempora gestis (uti suprâ innuimus) Historiam non contemnendam scripsit. *Procopius* etiam, qui de bellis, *Persico*, *Gothico*, & *Vandalico*, *Justiniani* auspiciis, ductu *Bellisarii* gestis, septem libros composuit, hoc in loco opportunè & non sine fructu legi potest. Siquidem in ejus libris (si *Volaterrano* credamus) tanta est rerum cognitio, ut quemvis curiosum alere; tot etiam (ut solet in hujusmodi bellis) ducum vertigines, stratagemata, consilia ordinandi, capiendi, refellendi, tergiversandi, mitigandi; ut quemvis ignavum prudentem plane hominem, ac publicis & privatis actionibus idoneum reddere valeant. Magnum Scriptorem eum vocat eruditissimus *Casaubonus*. Et *Johannes Bodinus* inter selectos eum recensere nullus dubitat. *Procopium* sequatur *Agathias* floridus, & non contemnenda prudentia

Scri-

Notis ad
Spart.
Meth. c.
4. Gru-
terus
discurs.

Scriptor. Quòd si Zonara (cujus
 itidem suprà mentionem fecimus)
tomum tertium perlegere & sequi
 placeat, *Nicetas Choniates* proxi-
 mum locum vendicat; tum *Nice-
 phorus Gregoras*: Qui quidem Au-
 ctiores, narrationis quasi filum alter
 ab altero excipientes, Historiam,
 præsertim *Orientis Imperii* usque ad
Andronici Palaeologi posterioris
 mortem, hoc est, ad Ann. Ch. 1341.
 pertexunt. Nec fraudabimus hosce
 Auctores suis elogiis, quibus etiam
 à viris apprimè doctis honestantur:
Illi (inquit *Christophorus Colerus*)
 qui ab Oriente procedunt, floridum
 quoddam dicendi genus consèctantur.
 & nimio sæpè mundo studentes ab im-
 mundo propius absunt. *Gregoras*
 ad prudentiam civilem unicus est,
 fateor, & sententiarum uber quod-
 dam. *Zonaras Reipub.* satis gnarus
 facere; & proficiant ex eo legum stu-
 diosi. *Choniates* ab ineptis sæpè non
 abstinet; piè tamen multa, & ali-

quando de causis publicorum malorum non imprudenter differit. Verum de his etiam infra, loco fortasse magis idoneo.

Si autem totidem Auctorum lectione φιλοσώφης noster defatigari videatur, & iter suum nonnihil cupiat in compendium contrahere, post *Dionem*, aut *Suetonium*, *Zosimum* sibi adsumat; is (uti jam monuimus) Imperii declinationem ex professo contemplandam proponit. Ita ipse de se testatur: Historiamque ab *Octaviano Cesare*, ad urbem à *Gothis* captam, perpetua serie continuat. Hinc ad id tempus, quo *Carolus Magnus* diadema Imperiale obtinuerat (quod hinc notatu indignum non est) per quadringentos ferè annos, Urbs *Roma*, & tota *Italia*, quæ multis seculis formidini & terrori exteris gentibus fuerat, calamitatum aut præsentium sensu, aut impendentium metu perculsa, nunquam quievit. Ab eo igitur tem-

A. V. C.

1162.

A. Chr.

410.

tempore , quo Urbem victor ingressus est *Alaricus*, & desinit *Zosimi* Historia, pergit *Blondus Forlivien-*
sis, *Gothorum*, *Vandalorum*, *Longo-*
bardorum, aliarumque nationum,
 facta narrare; Historiamque *mille*
triginta annorum pertexit. Nempe
 ad Annum Salutis Christianæ 1440.
 Aut si Lectori visum fuerit, ubi *Vo-*
piscum expediverit, haud quicquam
 à recta studii Historici methodo
 deviabit, si *Caroli Sigonii* Historiam
 de *Occidentali Imperio* admittat.
 Eam (uti profitetur ipse) primo *Epist.*
pralim.
 singulari diligentia & accuratione
 collegit; deinde quàm verissimè, in
 maxima rerum obscuritate, tempo-
 rum vetustate, scriptorum dissen-
 sione potuit, literis consignatam
 posteritati commendavit. Incipit
 ab Ann. Chr. 284. quo anno *Cari-*
nus à *Diocletiano* ad *Murtium* vi-
 ctus occubuit. Desinit in morte
Justiniani, qui obiit Imperii sui An-
 no 39. Chr. 565. *Posthac* (inquit)

ipso prorsus extincto Imperio, Res Romana in multa regna est distributa; Francorum & Burgundionum in Gallia, Gothorum in Hispania, Anglorum & Scotorum in Britannia, Longobardorum & Normannorum in Italia: Itemq; Sarracenorum in Africa. Atque à Sigonio ad Blondum (si libuerit) procedat Lector, & à 7. vel 8. primæ Decadis libro incipiat, & sic ad finem usque pergat.

SECT. XXV.

Breviorem adhuc Historiæ cursum ab initio Caesarum ad hoc usq; seculum Lectori suppeditabunt Johannes Cuspinianus, Paulus Jovius & Augustus Thuanus.

QUod si breviorē adhuc Lector desideret Historiæ cursum, nec multorum Auctorum lectione delassari sustinebit; Historiam *Casaream* scripsit Johannes Cuspinianus, solers antiquitatis indagator; à *Julio Casare*, usque ad
Maxi-

Maximiliani I, mortem; luculentum sanè opus, & omnium lectione dignissimum: utpote quo, dum vitas omnium ordine Imperatorum describat, non tantum insignia eorum exempla dicta & facta; quicquid in illis honestum esset vel secus, proponit; sed universam etiam temporum seriem (*suprà mille quingentos & viginti annos*) integram connexamque, non intercisam aut mutilatam, posteritati reliquit. Ab eo ferè tempore orditur *Paulus Jovius*, & Historiam non *Cesaream*, sed universalem, splendidè satis ac ornatè, per *quinguenta annorum* spatium continuat. Sed parum fides in aliquibus putatur, & ad gratiam non pauca scripsisse perhibetur; in tantum, ut *Goræus Parisiensis*, se, quas finxisset *Amadis fabulas*, non minùs veras ac probabiles, quàm *Jovii* scripta fore, confisum affirmaverit. *Laudandus*

Bodinus Meth. p. pen. H. sr. Melch. Canus p. 538. Paulus Jovius in quamlibet partem nimis a dno & amore, gratias

I 7

tamen

simultate. Et quoniam pecuniam amabat, in Historia quoque scribenda pecunia servus fuit.

tamen (si *Justum Lipsium* audiamus) *legendusq;* ob multiplicem & variam rerum seriem, quas redigit compositè & dilucidè in unum *Historia corpus*. Eum excipit *Præses* ille celeberrimus, *Jacobus Augustus Thuanus*, qui inter *Historicos* postremæ hujus ætatis facilè principatum obtinuit; *Historiamque* rerum per totum orbem gestarum, ab Anno Chr. incarnati 1545. ad annum usque 1608. stylo perquam luculento propagavit.

SECT. XXVI.

Particularium Historiarum Scriptores quidam lectu dignissimi recensentur. Guicciardinus. Paulus Æmilius. Philippus Cominæus. *Quorum egregia memorantur elogia.* Meteranus, Chromerus, Bembus.

Non sum nescius, multos esse alios Auctores, qui nationum quarundam particularium, & personarum

narum singularium etiam gesta, stylo sunt persecuti; non antiquos modò, sed & recentiores quoque suo tempore lectu dignissimos; hos inter *Franciscus Guicciardinus* occurrit, qui de rebus suo tempore in Italia gestis tractat. *Prudens peritusq;* Scriptor, & qui tales *Lectores* suos facit (inquit *Lipsius*) liber est & *verax*; ab affectibus immunis, si tamen ab odio; quod reterege non semel videtur, in *Ducem Urbinatem*. *Largus* est etiam *Johannes Bodinus* in *Guicciardini* laudibus, nec sine suo justo merito. Siquidem in scribenda *Historia*, judicio gravissimorum virorum, suos aequales (atque haud scio, an veteres quoq; *Historicos*) superavit. Nam ubi quid in deliberationem cadit, quod inexplicabile videatur; illic admirabilem in differendo subtilitatem ostentat, & graves ubiq; sententias veluti sat acommodate perspergit. Et paullò post: *Mirum in eo studium veritatis in-*

In Notis
ad Polit.
1. c. 9.

Cap. 4.
Meth.

qui-

quirenda; nihil enim temerè, sed omnia necessariis argumentis confirmat. Fertur enim epistolas, decreta, fœdera, conciones, ex ipsis fontibus hausisse, & expressisse. Denique fuit & rerum & locorum & personarum tam diligens investigator, ut omnes Italia urbes, municipia, castra, fluvios, quodq; maximum duco, publica monumenta penitus inspexisse videatur. Eadem proavorum nostrorum ætate floruit Paulus Æmilius Veronensis, qui orsus à primis Gallia Regibus, mille amplius annorum Gallicam Historiam, Laconica tamen brevitate perscripsit. Huic inclyto quidem operi annos impendisse triginta dicitur; eoque magnum sibi nomen paravit. Omnino Scriptor est elegans & disertus, opinione doctissimi Gerardi Johannis Vossii. Elogio etiam valdè præclaro eum donat J. Lipsius, hisce verbis: Ille (inquit) ut rem dicam, penè unus inter novos, veram & veterem Historia viam

Lib. 3.
de Hist.
Græc.
cap. 12.
In Nœp.
ad 1. lib.
Pol. c. 9.

viam vidit ; eam firmo pede calca-
vit. Genus scribendi ejus doctum,
nervosum, pressum ; ad subtilitatem
& argutias inclinans , & relinquens
desigensq, aliquid in animo serii Le-
ctoris. Sententias & dicta sæpè mi-
scet, paria antiquis. Rerum ipsarum
sedulus scrutator, severus iudex ; nec
legi nostro avo, qui magis liber ab af-
fectu. Paullò ante hunc Paulum
Æmilium , Philippus Cominaus
de rebus à Ludovico XI. Gallorum
Rege gestis, ita laudabiliter scripsit,
ut J. Lipsius nihil vereatur eum
componere cum quovis Antiquo-
rum : *Incredibile est (inquit) quàm* *Ibidem.*
ille omnia videat , penetret , arcana
consiliorum eruat ; & subinde in-
struat nos salutaribus varisq, prae-
ceptis. Et id diffuse Polybiano quodam
exemplo. De Comineo , & ejus Hi-
storia, testimonium haud illaudabi-
le posteritati reliquit celeberrimus
ille Praeses Parisiensis, Jac. Augustus *Lib.*
Thuanus : In Historia (inquit) Lu- *Hist. 21.*
dovi- *P. 578.*

dovici undecimi, à Philippo Cominao prudentissimo Equite scripta, ut multa prudentia praecepta, tradi non inficias ierim; ita plura minùs ingenui, atque adeò parùm regii animi exèpla reperiri minimè negari potest, Historiam Belgicam scripsit Emmanuel Meteranus: Polonorum Historiam Chromerus: Venetorum Petrus Bembus: alii alias particulares Historias lectu dignissimas scriptis consignarunt: sed mihi animus non est singulas recensere, aut quis unus omnes potest? nedum legere. Id verò operam dedi, ut auditoribus meis, praesertim junioribus, Historicorum classem quandam, recto ordine dispositam proponerem, unde temporum vicissitudines ac varietates, rerumque per terrarum orbem gestarum series, usque ad hoc nostrum seculum distinctè haberi possint.

SECT. XXVII.

Ad Historiam Britannicam transitio.

Quo-

*Quid
Lipsius
de Bern-
bi Hist.
censeat,
vide ep.
57. cent.
2. Misc.*

Quomodo ad eam legendam Lector se accingat? Quo ordine in ea pergendum? Camdeni Britannia, & Seldeni Analeſta primò legenda. Georgii Lyllii Chronicon. Hiſtoria Britannica compendium.

NE tamen, exoticas dum ſcrutamur *Hiſtorias*, noſtratium rudes proſus, aut negligentes exiſtimemur; lubet ſuperiori catalogo, mantiffæ loco, atterere rerum *Britannicarum* Scriptores nonnullos; atque unà ordinem, quo eos arbitramur legendos, quaſi digito commonſtrare. Inde enim gratiam, paullò fortassis ampliorem, ab noſtra juventute Academica lucraturum me, haud temerè confido. Nimirum ſi viam ad *Hiſtoriæ Britannicæ* cognitionem (ſicuti jam factum in *Univerſali* videtis) aliquantò vel certioſorem, vel expeditioſorem indicavero. Quotus enim quiſque eſt, cui, in urbe propria ſi reperia-

tur

tur hospes, si in sua patria peregrinus audiat, non videatur res digna, in qua erubescat? Ego herculè, quod olim *M. Cicero* apud suos *Romanos* de poëtis Latinis, apud nostrates *Anglos* de Historicis *Britannis* fidentiùs pronunciaverim: *Mihi quidem nulli satis eruditi videntur, quibus nostra sunt ignota.* Quin immò ulteriùs, res aliarum gentium præclarè gestas, curiosiùs inquirere, nostræ nationis insuper habere, aut inertissimæ est segnitiei, aut fastidii nimis delicati. Nam licet apprimè verum sit, quod nobilissimus *Henricus Savilius* (inter splendidissima hujus *Academiæ* ornamenta æternum memorandus) ait; cui etiam suffragatur, non harum modò, sed & omnium veterum literarum callentissimus, *Johannes Seldenus*, *J*ctus: *Neminem planè hactenus extitisse, qui nostræ Historiæ corpus totum, ea fide eaq; dignitate scriptis complexus sit, quàm suscepti operis magni-*

*Epist. prælim.
ad Malmebury.
Anno 1661.*

Epist. ad Aug. Vincent.

magnitudo postularet. Particulas ta-
 men aliquas superioribus seculis
 non malè contextas fatetur ille; alias
 nostra ætate insigniter benè scri-
 ptas, agnoscit hic & prædicat: Pul-
 chra nihilominus facinora haud
 pauca, resque contemplatione no-
 stra, ac diligenti observatione di-
 gnissimas in plerisq; eorum, qui le-
 guntur, reperiri posse audacter asse-
 veramus. Hoc igitur ordine legen-
 dos, *Historia Britannica* studioso,
 Scriptores ejus præcipuos com-
 mendo. Primò clarissimi *Gulielmi*
Camdeni Britanniam legat; unde
 (præter accuratissimam totius In-
 sulæ descriptionem) primos inco-
 las, *Britannia* nomen, *Britannorum*
 mores, *Romanorum* denique in *Brit-*
tannia Historiam; aliaque quàm
 plurima, cognitu dignissima, non è
 fabellis, quas vani esset scribere, &
 imperiti credere (uti ipse loquitur)
 sed ex incorruptis priscae Antiquita-
 tis monumentis summatim & car-
 ptim

ptim collecta ediscat. Hunc, inquam, librum, seu Thesaurum potius ditissimum pervolvat, suadeo, idque primo loco. Nec pigebit operæ suæ, si hîc etiam accersat eruditissimi *Seldeni Analectôn Anglo-Britannicôn libros duos*; quorum uterque octo constat capitibus, quibus ea maximè, quæ ad civilem illius, quæ jam dicitur *Anglia, Magnæ Britannia* partis, antiquitûs administrationem pertineant; quæque res domi publicas, sacras, profanas, statusq; catastrophas usque ad *Normanni* adventum attingant, ex antiquis simul ac neotericis luculenter explicantur. Deinde (juxta methodum à nobis in principio cursus Historici propositam) *Chronicon* (sive brevis enumeratio Regum & Principum, in quos, variante fortuna, Britannia Imperium diversis temporibus translatus est, à *Georgio Lillio* scriptum, legi potest. Vel etiam *Commentarioli* quidam de rebus

bus gestis Britanniae; quos recudi fecit *Johannes Theodorus Clain*, Anno M. DC. III. sub titulo *Historiae Britannicae*. Compendium sanè haud ineleganter formatum, atque institutum.

SECT. XXVIII.

*Gulielmus Malmesburiensis. Savi-
lii de eo judicium, Item Camdeni.
Unde Historiam inceperit, & quo-
usq; progressus sit? Galfredus Mo-
numethensis quare pratermitten-
dus? Super ejus Historia censura
Neubrigensis, Johannis Wi-
thamsted, Balæi & Johannis
Twini. A quibus omnibus dis-
sentit Virunnius. Malmesburi-
ensem sequatur Huntingdonien-
sis, cum Hovendenus.*

QUOD si inter Scriptores Hi-
storiæ nostræ antiquiores,
primum ordine versari potius li-
beat; post *Camdeni Britanniam*, ac
Seldeni Analecta, *Gulielmum Mal-
mesburiensem* ante alios admitten-
dum

dum duco, idq; meritissimo suo; cum inter Historicos nostros, & narrationis fide & judicii maturitate principem locum teneat. Tantundem de eo testatur vir nobilitate atque eruditione juxta celeberrimus

*Epist.
præl. ad
Rerum
Angl.
Scripto-
rer.*

Henricus Savilius: Guil. (inquit) Malmesburiensis, homo, ut erant illa tempora, literatè doctus, qui septingentorum plus minùs annorum, res tanta fide & diligentia pertexuit, ut è nostris propè solus Historici munus explèsse videatur. Et clarissimus Camdenus ejus erudite industria tum Ecclesiasticam tum politicam Angliæ Historiam plurimum debere, affirmat. Is igitur ab Anno Chr. 449, quo venerant Angli & Saxones in Britanniam, de gestis Regum Anglorum scripsit libros 5. ad Ann. Chr. 1116. qui fuit annus decimus sextus Henrici 1. ac novellarum porrò Historiarum libros duos, ab anno vicesimo prædicti Regis, ad octavum usq; Regis Stephani, An. Chr. 1143.

Sunt

Sunt, qui *Galfredum Monumetensem* primo loco legendum præscribunt; quòd scilicet altiùs longè Historiam incipiat, & *Brutum* quendam, *Ænea* pronepotem, atque *alios sexaginta octo ab eo Reges*, hîc Imperium per mille ampliùs annos ante *Casarem* tenuisse affirmat. Nos autem, quia res nimia vetustate obscuras, & fabulosis prorsus narrationibus involutas scribere videtur, eum de industria prætermittendum censemus. Neque ex privata opinione ita dicimus, facimusve; plurimi è Senatu literatorum in eandem sententiam pronunciârunt. Audite *Neubrigensem*, qui paullò post *Galfredum* vixit: *Quidam*, inquit, *no-*
stris temporibus, pro expiandis Bri-
tonum maculis Scriptor emerfit, ridi-
cula de iisdem sigmenta contexens;
eosq; longè supra virtutem Macedo-
num & Romanorum, impudenti va-
nitate attollens. Gaufridus hic dictus
est, agnomen habens Arturi, pro eo,
K
quòd

In præ-
mio ad
Histeri-

quòd fabulas de Arturo, ex priscis Britonum figmentis sumptas, & ex proprio auctas, per superductum Latini sermonis colorem, honesto Historia nomine palliavit. Qui etiam majori ausu cujusdam Merlini divinationes fallacissimas, quibus utique de proprio plurimum adjecit; dum eas in Latinum transfunderet, tanquam authenticas, & immobili veritati subnixas prophetias vulgavit &c. Cum Neubrigensi ex parte concinit Johannes Withamsted, qui Henrici Sexti temporibus floruit: Juxta Historias (inquit) alias, quibus quorundam judicio major adhibenda est fides, totus processus de Bruto isto, poëticus est potius, quàm historicus; opinativusq; magis propter varias causas, quàm realis. Baleus etiam, Galfredi Historiæ multa inesse, profitetur, quæ fidem excedant. Et Johannes Tuvinus, antiquitatum Britannicarum diligentissimus indagator, Homerum Britannicum,

In Græ-
nario.

Com-
ment. l.
1. p. 13.

cum, & mendaciorum patrem eum appellat. Sed melius de Galfredo sensit Ponticus Virunnius (vir eruditissimus, testimonio doctissimi Vossii) qui ante annos vixit 130. ac Galfredi libros, præteritis fabulis, in epitomen redegit; eumque clogio istiusmodi ornavit: Galfridus Historicus egregius, & Cardinalis, magna vir auctoritatis apud Robertum, Claudiocestria Ducem, Henrici Regis filium, ac patria sua curiosissimus fautor, ex summa Philosophia, atque archivis regalibus, Historiam antiquissimam continua serie, ab ipsis Trojanis collectam, transtulit: verissimas esse Britannorum Historias, arguit Regum occidentaliū consuetudo; quæ erat, secum semper habere eos, qui veritate præcipua eorum gesta notarent. Utcunque nos eum (uti jam dictum est) ob causas recensitas præmittimus, & Lectorem nostrum ad Malmesburiensem potiùs vocamus. Post Malmesburiensem, Henricus,

Huntingdoniensis Archidiaconus, libris octo nostræ gentis originem demonstrans, ac prædicti Regis *Stephani* juxta, & decessorum ejus Historiam pertexens, progreditur ad Annum usq; 1153. Multa alia scripsit, quæ Historiam nostram locupletare possunt; sed quæ in Bibliothecis mss. latent, necdum publici juris facta à vulgo leguntur. Historicus egregius à *Polydoro Virgilio* audit.

Voss. l. 2.
de Hist.
Lat. c.
31.

A *Johanne Lelando* Auctor probatus appellatur. Deinde *Gulielmus Neubrigensis*, à morte *Hèncrici I.* exordium sumens, Historiam ulterius paullò, ad Annum Chr. scilicet 1197. continuat. *Veridicus* Auctor, si *Polydorus* sit opinione verus. A *Lelando* tamen reprehenditur, quòd in culpando *Galfredo Monumetensi* modum non tenuerit. Denique *Rogerus Hovenden* Annalibus suis, quos in duas divisit partes, Historiã eandem nostram, ad Ann. 1202.

(qui

(qui fuit annus quartus *Regis Johannis*) deducit.

SECT. XXIX.

Afferii Menevensis Historia laudatur. Cum superioribus quo tempore legenda? Item Eadmeri Historia Novorum. Matthæus Parisiensis. De eo Baronii judicium. Thomæ Walsinghami Chronica. Gesta Regis Stephani ab Anonymo, & vita Edwardi II. à Thoma de la Moore scripta, suo tempore interponenda.

FAtendum est quidem, posteriores istos, quos nominavi, paucorum admodum annorum accessione *Malmesburiensis Historiam* propagare, illustrare tamen possunt, & materia nonnunquam fortasse haud contemnenda auctiorem reddere. Id etiam abundè factum reperiet Lector, si circa Annum Chr. 849. & deinceps *Alfredi vitam & res gestas*, ab *Afferio Menevensi*

In pref.
ad As-
serium.

conscriptas, interponat. Quæ qui-
dem Historia (inquit clarissimus
Camdenus) non mediocrem menti
tua voluptatem infundet ; neque mi-
norem adferet cum voluptate utilita-
tem, si in præclarissimarum rerum
contemplatione defixus, te ad earum
imitationem & quasi imaginem to-
tum effinxeris. Porro si post Ann.
Chr. 1060. *Eadmeri* Historias No-
vorum advocare placeat, in lucem
nuper productas, notisque ac spici-
legio perquam docto illustratas, à
suprà nominato *Johanne Seldeno*,
eruditionis admirandæ *Jurisconsulto*.
His etiam adnectat veram illam
& fidelem *Matthæi Parisiensis* Hi-
storiam, quæ Ann. Chr. 1067. (quo
inaugurabatur *Guilielm. I. Conque-*
stor dictus) auspicata, in mortem
Henrici III. continuatur, h.e. in An-
num 1273. De hoc Auctore quid
arbitratus sit *Baronius*, videre est ad
Annum 296 : Quàm fuerit animo
insensissimo (inquit) in Apostolicam
sedem,

sedem, qui vis facile potest intelligere; nisi probra illa fuerint additamenta ejus, qui edidit. Quæ si quis demat, aureum sanè dixeris commentarium: utpote quod ex publicis monumentis totidem verbis redditis, egregiè contextum & coagmentatum invenitur. Parisiensis Historiam Thomæ Walsinghami Chronica sequi volo: Is S. Albani quondam Monachus fuit, & Chronica sua orditur ab Edvardo I. quæ in Henrico V. desinunt. Ann.
1422. Verùm sicut, dum Matthæum Parisium percurrimus, circa Ann. 1135. gesta Regis Stephani ab Anonymo quodam ejus contemporario scripta, commodùm sese obferunt interferenda, ad Historiam vel amplificandam vel illustrandam: ita post primum librum Walsinghami, circa Annum 1306. vita & mors Edvardi II. à Thoma de la Moore, Equite aurato, & ejusdem Regis famulo conscripta, non sine materiæ incremento, interponi posse videtur. Voss. de
Histor.
Lat. l. 2.
c. 64. Is

quidem, ut Equestri dignitate conspicuus erat, ita à voluntate benè merendi de posteris, non minùs dignus fuit; fidemque eò magis meretur, quòd *Regi intimus* fuerit, ac sub ejus auspiciis ductuque stipendia fecerit.

SECT. XXX.

Walsinghami *Hypodigma* Neustriæ, & rerum Normannicarum *Scriptores* haud *insuper* habendi. Eos inter Oldericus Vitalis, *præcipuè nota*. Ab Henrico V. ad Richardum III. *Historia* à Polydoro Virgilio *perenda*. De quo nobilissimi Savillii nostri *judicium* animadvertendum. Richardum III. *descripsit* Thomas Morus, *Eques Auratus*, & *Angliæ Cancellarius*. Henricum VII. *Vice-Comes* Santalbanus. Henrici VIII. Edwardi VI. & Mariæ Reginæ *Annales*, Fr. Godwinus, *Landavensis Episcopus* *litteris consignavit*. Sicuti Gulielmus Camdenus *Elizabethæ*. Expe-

EXpeditis *Walsinghami Chroni-*
cis, pergat Lector ad ejus *Hypo-*
podigma Neustria; Historiam supe-
 riorem, & illustratiorem faciet, &
 auctiorem, à tempore *Rollonis* pri-
 mi Ducis, usque ad annum *Henrici*
V. qui Normanniam per annos circi-
 ter *ducentos & viginti* abalienatam,
 sub jugum Regum *Anglorum* redi-
 re compulit, Ann. Chr. 1416. Ne-
 que temerè id à me datum consilii
 existimabit; nam (uti rectè ab eru-
 ditissimo *Seldeno* observatum est)
Normannorum rebus vetustis, adeò
 nostræ plerumque intermixtæ sunt,
 ut sine ignavia aut inscitia præteriri
 illæ non possint; si quis de nostris
 diligentius consulat. Rerum autem
Normannicarum Scriptores varios
 uno volumine edidit *Andreas Du-*
chenius Anno 1619. quos inter *Ol-*
dericus quidam *Vitalis* nostras, ut-
 pote in agro *Salopiensi*, apud *Atteng-*
ham natus eminet. *Tredecim* libros
Historiæ Ecclesiasticæ scripsit, quo-

rum pars *secunda* & *tertia*, bellicos *Normannorum* eventus in *Francia*, *Anglia*, *Apulia*; plurimasque res alias memoratu dignas, usque ad Ann. Chr. 1141. *Stephano* regnante continent.

Sed ut redeamus ad Historiam *Anglorum*, post *VValsinghami Chronica* (quæ uti diximus, in *Henrico V.* desinunt) frustrà erit Lector noster, si aliquem è nostratibus requisiverit, qui temporum ab *Henrico V.* ad *Richardum III.* Historiam Latine scripserit; nisi fortè manuscripti aliqui, in vetustatis antiquæ sacrariis delitescat; qui publicam nondum viderunt lucem: Ast ego meis Auditoribus parabilem commendo Historiam, talium scilicet Auctorum, qui vulgò prostant; & facili negotio comparantur; hîc igitur magnus erit hiatus, & *lacuna annorum* ferè *septuaginta*, nisi à *Polydoro Virgilio* supplementa accersere placeat. Quod quidem, in tanta Auctorum

Atorum nostrorum penuria, non
 dedignabitur Historiæ studiosus.
 Quamvis enim (uti nobilissimus
Henr. Savillius de eo scribit) homo
 fuerit *Italus*, & in rebus nostris ho-
 spes, & quod caput est, neque in repub.
 versatus, nec magni aliqui iudicii
 vel ingenii. Quamvis in rebus nostris
 tradendis sæpè erraverit, & multa
 memoratu dignissima silentio per-
 transierit, immò falsa pro veris sæpe-
 numero amplexus, mendosam nobis
 reliquerit Historiam; id tamen ego
 fuisse crediderim, ubi *Henrici Octa-
 vi* tempora describit maximè: nam
 præter quòd Linguae nostratis pror-
 sus ignarus, plurima eorum tempo-
 rum nescire habuit necesse; plurima
 etiam, ut *Maria Regina* gratiam
 promptius demereri posset, scripsisse,
 non sine causa perhibetur. Priorum
 verò temporum eadem non suspi-
 ciò. *Henricos* igitur duos V. scilicet
 & VI. duos etiam *Edvvardos* IV. &
 V. à *Polydoro* petat Lector noster.

Qui proximè sequitur, *Richardum Tertium*, historicè descriptum reliquit celeberrimus ille *Thomas Morus*, Eques Auratus, & *Angliae Cancellarius*. Sed opus omninò imperfectum censet doctissimus *Vossius*:

De Hist.

Lat. l. 3.

cap. 13.

quippe, ut fuse, inquit, persequitur, quibus sceleribus ille ad regnum pervenit; ita, quomodo id gesserit, non exponit: ac nec ea parte, quam habemus, ultimam manum accepit. Præterea elegantia Latini sermonis, ab aliis ejusce viri operibus, longè vincitur. *Richardum III.* excepit *Henricus Septimus*, cujus vitam & res gestas haud ita pridem nobis repræsentavit Nobilissimus *Vice-Comes Sancti Albani*; adeò feliciter adeoque plenè, ut Historicorum præstantissimos, si non superaverit, certè prorsus æquaverit. Illud opus vernacula quidem lingua prodiit primò, sed latinitate donatum postea, restatur epistola præliminaris, ad ejus libellum, cui *Gustum* Titulus.

Post.

Postinde *Godvini*, Præfulis admodum Reverendi, *Annales* adeat Lector, quibus *Rerum Anglicarum* series, *Henrico VIII. Eduvardo VI. Maria Regina* regnantibus, non magis succincta, quàm laudabili brevitate describuntur. Denique clarissimus *Guilielmus Camdenus*, munificentissimus hujus spartæ nostræ conditor olim, & patronus, *Annales* scripsit accuratissimos, *Rerum Anglicarum & Hibernicarum*, regnante *Elizabetha* gloriosissima, & omnium, quæ unquam sceptrum gestârunt, felicissima scœmina. His elogiis eam olim decoratam ab illustriss. Heroïna, *Anna Atestina*, Guisiorum ac Nemorosiorum parente, meminit *Thuanus*. Hos ultimo loco diligenter legat nostratis *Historiæ studiosus*; inde mihi dicat bona fide, utrùm eos cum antiquorum *Annalibus* quibuslibet jure meritoq; componere non valeamus.

*Histor.
lib 129.
p. 1051.*

SECT. XXXI.

Etsi nostratæ Historiæ corpus integrum pro rei dignitate concinnatum Latinè nondum habeamus, Anglicè tamen, quæ ad multa cum laude præstiterunt, habemus, Johannis Speedæi Theatrum Britannici Imperii oppidò illustre, à nostris adolescentibus imprimis cōtemplandum. Præsertim ab iis, qui regiones exoticas visere cogitant.

JAm verò si quis ex nostratibus, & nostræ Historiæ studiosus, adeò delicatus sit, ut pensum nimii laboris ac tædii arbitretur, totidem pervolvendos suscipere Auctores; malitque unum aliquem (quem reliquorum instar habeat) optare, eique soli insistere, atque adhærere: Meminerit suprâ notatum, *neminem* talem Latinè extare, qui nostræ *Britanniæ* Historiam à primo incolatu, ad postrema hæc tempora satis dignè produxerit: lingua tamen vernacula nonnullos extare, qui
multa

multa cum laude hac ex parte defu-
dârunt. Quos inter clarissimum vi-
rum *Johannem Speedaum*, principe
lôco, Historiæ Britannicæ studiofo
commendare nullus dubitem. Is
peragrata *Magna Britannia*, Scri-
ptoribus patriis aliisque curiosè per-
volutatis, Archivis, Tabulariis, Mo-
numentis publicis, veteribusque
schedis excussis, *Theatrum* struxit
Imperii Britannici, splendidum me-
herculè, & meritò suspiciendum:
quod quidem operoso admodum
& valdè impendioso *bis septem an-*
norum labore, *libris* (quasi scenis)
decem absolvit hoc ordine: Inde
prima scena, totius Regni facies
cum suis distinctis regionibus, ur-
bibusque præcipuis, graphicè de-
pingitur. *Scena secunda Vallia* pro-
vincias accuratè etiam descriptas o-
culis repræsentat. *Tertia* totius
Regni *Scotia* insignem exhibet de-
lineationem. *Quarta* Regnum *Hi-*
bernia, ejusque partes singulas, suis
tabulis

tabulis ostentat. Neque nudas tantum imagines, aut chartas solummodò *Chorographicas*, exactissimè licet & exquisitissimè sculptas, in hisce primis quatuor scenis (tanquam $\kappa\omega\Phi\acute{\alpha}\ \pi\acute{\epsilon}\delta\acute{\epsilon}\omega\pi\alpha$) spectandas proposuit; sed etiam memorabilia quæque potissima, in qualibet regione, notatu visûve dignissima, succinctis narrationibus adjunctis propalavit. Inde si ad *quintam scenam* Lector oculos convertat, situm, circuitumque *Britanniarum*, nomina prisca, primos incolas, mores; politias, Reges & Rectores primos agnoscet: ibi etiam priscorum *Britannorum* effigies, indumentorum vestiumque figuras pulchrè descriptas inveniet. Ad *scenam sextam* pergat; ibi *Monarcharum* Præsidumque successionem, resque gestas ediscat; eorum scilicet, quidum Romani hîc rerum potiti sunt, floruerunt. *Septima scena* Reges *Saxonicos*, & *Monarchas Anglicos*

mon-

monstrat; ubi eorum quoque temporum memoriam Auctor diligenter exponit. *Scena octava Danorum* originem, expeditiones atque incursiones in *Angliam*, nec non facinora lectu digniora commemorat. *Nona Normannorum* appulsum, victoriam, *Conquestoris*, successorumque cunctorum ejusdem, *Historias* ordine perterxit. Denique *scena ultima* latissimum regis *Jacobi* introitum, felicissimam duorum regnorum unionem, pacem cum universis Regibus Principibusque circumvicinis stabilitam complectitur: inde pro coronide venerabilis Auctor patricidium illud infandum, atrox, inauditum, horrendo sulphurei pulveris impetu perpetrandum, sed divinitus & miraculose patefactum oppressumque, stylo quidem (uti reliqua omnia) vivido minimeque affectato, luculenter exequitur. Quamobrem adolescentibus nostris magnopere hortator

tator sum, iisque inprimis, qui nobilitate stirpis præstant, & studio peregrinandi ducuntur, ut hoc pulcherrimum suæ Britannia Theatrum, partesque ejus singulas, oculis prius diligenter obeant, quàm regiones exoticas peragrarè, gentesve alienigenas invisere aggrediantur: Licet enim haud inficias i-
 rim, oppidò laudabile studium esse, varia gentium instituta cognoscendi, multorum populorum ritus moresque explorandi, formas denique diversarum urbium videndi; unde πολύτροπον & multifariæ prudentiæ compos audivit *Ulysses*: præposte-

Turpe „ rum tamen, ne dicam absurdum,
& cive „ arbitror esse desiderium, aliena
subditi „ & longinqua lustrare velle, cite-
indignū, „ riora & domestica prorsus negli-
externa „ gere: exteras urbes, & procul
inquire- „ hinc remotas quærere; nostras
re, & res „ & proximas vix semel vidisse, aut
peregrina- „
nas ad-
mirari;
bona ve-

nosse.

rò patria non considerare; nec postam ante oculos principum suorum virtutem suspicere & magnificere. Georg. Fabric.

nosse. Præsertim cùm *Britannia*
 nostra una sit totius orbis insula ce-
 leberrima, multasque habeat civi-
 tates præclaras, multa templà reli-
 gione augusta, antiquitate vene-
 randa, ornatu & splendore conspi-
 cua; mōtes fama nobiles, fontes
 usu & efficacia mirabiles; fluvios
 navigabiles, portus tutos; atque
 alia plurima spectatu, cognituque
 dignissima. Primas itaque *Theatri*
 prædicti *quatuor scenas* (iterum
 vos hortor Adolescentes) diligen-
 tiùs intuemini, partemque *Geo-*
graphicam attentius perlustrate;
 fallor, si qua uspiam sub coelis re-
 gio pluribus spectandorum mo-
 numentorum insignibus se jactet.
 Inde per *sex reliquas* ite *scenas*,
 partemque Historicam seriò per-
 currite; spondeo, res in omnes
 partes valdè memorabiles reperie-
 tis: neque sanè (opinor) terrarum
 ulla est, quæ tot illustrium alumno-
 rum factis ingentibus tam meritò
 glo-

„ gloriari possit. Denique illud cer-
 „ tō sciatis licet, quantō quis ve-
 „ strū hęc nostrā magis habeat in
 „ numero, & cum aliis ubicunque
 „ appulerit, promptius communi-
 „ care dignatus fuerit (quod plerun-
 „ que plurimum desideratur) tantō
 „ gravior exteris hospes accedet; tan-
 „ toque liberior ei dabitur potestas,
 „ vicissim percontandi (sicuti à pere-
 „ grinantibus fieri convenit) de mo-
 „ ribus gentis, de legibus, de facie
 „ cujusque urbis, de Principibus,
 „ bellis, casibus; aut si quid aliās even-
 „ tuum, illuc insigne fuerit annotan-
 „ dum. Atque ita demum optatis per-
 „ egrinationis suæ fructibus longē
 „ refertior domum redibit. Hactē-
 „ nus autem de Historicis civilibus
 „ sive politicis dictum; quo loco &
 „ quo ordine sint legendi.

SECT. XXXII.

Ad Historiam Ecclesiasticam transitio. Eam tractare cui imprimis convenit? Duo (in genere) temporum intervalla respicienda. Historiam primi intervalli Sacra Biblia continent. Cum iis Josephi Antiquitates Judaicæ legantur. De Josepho doctissimorum virorū judicia. Hegesippus ille pseudepigraphus. Auctor haud penitus rejiciendus. Quo sensu utilis & laude dignus? Sulpitii Severi Historia Sacra meritissimò hîc Lectori commendatur.

HUc usque cùm pervenissem, capite primo suscepti negotii, me planè ac plenè defunctum arbitrabar: Verùm enim verò aurem non ita pridem mihi vellicârunt docti quidam viri juvenes, ex Auditoribus quondam meis; monueruntque; optari plurimùm, ut de Scriptoribus *Historia Ecclesiastica* pari

Doct.
Ioh. Pri-
deaux
Exon.
Coll.
Rect.

pari modo nonnihil commentarer. Hanc operam licet à *Theologorum* nostrorum *Coryphæo*, *Professore Regio* longè dignissimo, potius expectandam putaverim; ut pote qui sicut omnium aliarum disciplinarum, ita quoque omnis generis *Historiarum*, quasi fons sit uberrimus; cuius haustu sitim ipse meam frequenter & cum summa voluptate sedaverim: mihi tamen nonnullis ex eruditioribus amicis ad id cohortantibus haud prorsus defugiendam censui. Quin & tandem *Scriptorum rerum Ecclesiasticarum* etiam catenam huc attexere constitui. Quisquis igitur *Ecclesiæ Historiam* rectè intelligere, & ordine cognitam habere cupiat, *duo* in universum (ut paucis rem conficiam) *temporum intervalla distinctè respektanda* animo proponat: *Unum* ab *ortu Mundi* ad Christi Redemptoris incarnationem; quo intervallo veteris *Testamenti Ecclesiæ*, *Judaica* dicta,

dicta, nunc floruisse, nunc servitutum sub tyrannis duram serviisse legitur. *Alterum ab incarnatione Domini*, ad hoc seculum quod excurrit, quo militat *Novi Testamenti Ecclesia*, *Christiana* dicta. *Primum intervallum* continet annos *quater milles quinquaginta minus*, si *Scaligero* (quem in superioribus etiam secuti sumus) credamus. *Secundum mille sexcentos*, & quos in fluxu adhuc ultra putamus. Quapropter *Ecclesie Historiam* per *primum* illud temporis *intervallum*, è sacris utriusque Instrumenti voluminibus, primò petendam dicimus; quæ diligenter ac præ cæteris omnibus pervolvenda, studiosèque perscrutanda noverit Lector. Sed & iis, haud operæ suæ pretium grande defuturum sciat, si adhibeat libros *Antiquitatum Judaicarum*, à *Josepho* scriptos; nec non eos, de bello *Judaico*: Siquidem in his *Ecclesie Veteris Testamenti Historia* ab initio *Mundi* usque

usque ad postremum *Hierosolyma* excidium paullo supra *Annum Mundi quater millesimum tricesimum*, eruditissimus *Matathia* filius contexit; adeò fideliter, ut *Divus Hieronymus*, censor minimè obtusus, cum inter *Scriptores Ecclesiasticos* retulerit. Et magnus *Scaliger*, ei non solum in rebus *Judaicis*, sed etiam externis tutius credendum censuerit, quàm omnibus *Græcis & Latinis*. Sunt quædam in *Josepho* peccata (inquit *Baldvinus Jctus*) quis negat? sed quàm multa sunt recta, præclara, necessaria, ad ipsam quoque *sacram Historiam illustrandam*? Præterea peccata, quæ obijciuntur, aliquantò mitius à *Melchiorre Cano* errores dicuntur ignorantis, non mendacia fallentis. *Josepho* subnectere, sive potius cum ejus libris de bello *Judaico* conjungere, non nemo suadet *Hegesippum* (*Melchioris Cani* judicio) bonum in primis Auctorem, virumque probatæ fidei, ac gravem omni-

Lib. de
Emen.
Temp.
in prol.

De In-
stitut.
Historia
lib. 1.

Lib. II.
p. 546.

Lib. II.
Loc.
Comm.
cap. ult.

omninò Historicum. A magno Scaligero quidem, sicuti etiam ab eruditissimo Casaubono, doctissimo- que Vossio, Scriptor *ἱστορικὸς* & *ὑποκρίτης*, de- nique Auctor *infima vetustatis* per- hibetur: vel saltem alius ab illo no- bili Hegesippo, Apostolorum tem- poribus proximo, Justino Martyri & Athenagora æquali; cujus fre- quentem habemus mentionem a- pud Eusebium & D. Hieronymum. Non desunt tamen, qui eum haud aspernandum Auctorem putant, neque prorsus inutilem. Historiam quidem bellorum *Judaicorum*, à tempore *Maccabæorum*, usque ad *Christi Natalem*, & *Herodis mortem* libro 1. atque inde usque ad *Vespa- siani expeditionem in Judæam*, & *Annum Christi 69*, libro 2, & deinceps libris 3, 4, 5, usque ad *Judæam* & urbem *Hierosolimam* per *Vespa- sianum* & *Titum* funditùs everlam, Anno Chr. 72, posteritatis memo-

Scal. A-
nymadv.
in Euf.
Casaub.
Exerc. 1.
cont.
Bar.
Voss. de
Histor.
Græc.
l. 2. c. 14.

Casp.
Barth.
lib. 25.
Adv. c.
10. & l.
34. c. 11.

riæ consecravit. Atqui ista omnia
Methodi (inquit *Joh. Bodinus*) melius ac ve-
cap. 1. rius ipse *Josephus*, qui non modo ad-
fuit, sed etiam presuit; & captivus
à *Vespasiano* ac *Tito* ius civitatis, &
nomen *Flavia* gentis, ac statuum
adeptus est. Denique principes illa
virtutes Historici, nempe summa
eruditio, eximia integritas, & maxi-
mus rerum agendarum usus in *Jo-*
sepho claræ fuerunt. Quin & con-
tra fictitium istum *Hegesippum* ob-
jicitur porro, quòd de rebus Eccle-
siæ non agat, sed de *Judeorum* ge-
stis tantum, inde à *Maccabeis* usq;
ad urbis excidium. At *Bodino* re-
sponderi potest primò, quòd ea,
quæ à *Josepho* copiosè libris 7. de
Bello Judaico, & sparsim in *Antiqui-*
Gualter. *tatibus* referuntur, breviter & argu-
in praf. tè complexus est *Hegesippus* iste in
ad Heg. hoc opere. Deinde nonnulla de
Servatore nostro *Jesu Christo* à *Jo-*
sepho prætermiffa, vel obiter (quòd
esset fortassis à fide nostra alienus)
indi-

indicata, Auctor iste non minùs religiosè quàm verè explicat. Denique belli causas paucis recenset; fontès maximarum calamitatum eruditè commonstrat; cur populus ille à Deo singulater electus, multùmque dilectus, tam graviter attritus fuerit; cur *Hierosolyma* everfa, non solùm (ut *Plinius* ait.) *urbium* Lib. 5. cap. 14. *totius Orientis*, verùm si insignia Histor. Nat. Dei spectemus beneficia, totius *orbis* longè clarissima: Cur templum deletum; sacra ablata; gentis politeia, quæ per tot annos steterat, penitus sublata. Harum enim rerum non otiosa consideratio præstantissimum, qui ex cognitione Historiæ peti solet, fructum pio prudentique Lectori affatim suppeditabit. Vel si nostro *Historiarum Ecclesiasticarum* studiosum supposititium hunc Auctorem prætermittere placeat, nec post sacros codices & *Josephi Antiquitates* exanilatas, gravetur retrò oculos conjicere, &

universam *Historia Sacra & Ecclesiastica* imaginem, uno quasi intuitu ab orbe condito ad Christum natum, & inde porrò ad *Annum quasi quadringentesimum secundum intervalli*, contemplari, *B. Sulpitii Severi Historiam Sacram* accersat; quam à *Mundi initio* exorsus, *Synodo Burdigalensi* concludit. Vir erat doctrina & sapientia plurimum pol- lens, Scriptor valdè politus. Dicti- one utitur adèò terfa & eleganti, ut *Ecclesiasticorum purissimus Scrip- tor* à *Josepho Scaligero* vocetur. Cujus præstantissimi viri judicium prolixiori, nec minùs eleganti testi- monio *Victoris Gisellini*, summæ e- ruditionis Medici ac Philologi, con- firmare lubet. Ille sic: *Res à Mun- di exordio sacris literis editas brevi- ter constrinxit B. Sulpitius, & cum distinctione temporum ad suam usq; memoriam carptim perduxit. Quo opusculo non sanè magno, aliud an nullo unquam seculo Reipub. Christia- na*

na utilius ac præstabilius editum sit, iis, quorum illud est iudicium, iudicandum relinquo. De elegantia verò præstare ausim, & affirmare me posse confido, nulli idem omnium Scriptorum Ecclesiasticorum quicquam concedere: alia verò omnia, quæ in eodem genere versantur, tanto intervallo omnimodis superare; ut ne sint quidem ad hoc comparanda. Magnum est, quod dico; & fortasse plurimis incredibile: Sed ejusmodi tamen, quòd non tam dicenti mihi, quàm testificanti pro me veritati creditum iri confidam; si, quibus opera pretium erit, Orosium, Florum, Eutropium, aliosq; Epitomatum auctores cum hoc nostro omnibus partibus contendere. Eam verò palmam sola, ut mihi videtur, C. Sallustius, rerum Rom. auctoris florentissimi, imitatione consecutus est. In quo cum multa virtutis locum obtinere videret, quæ tamen sub imitationem vix caderent; abruptum dico sermonis genus, quod au-

dientem Lectorem transvolat ; nec,
dum repetatur, expectat ; sive, ut lo-
quitur Seneca, amputatas sententias,
& verba ante expectatum cadentia ;
eas virtutes, utpote Sallustio suas, in-
tegras reliquit. A verbis item an-
tiquis, ex Catonis (ut volebat Augu-
stus) originibus excerptis consulto se
abstinuit. At concinnam illam bre-
vitatem, lectissimis ac significantibus
verbis temperatam, suo instituto cum-
primis accommodam, tanta arte ex-
pressit ; ut propemodum quis dicat,
non imitatum eum , sed emulatum.
Neque enim satis habuit eodem, quo
ille, modo orationem ducere, secare,
circumscribere, colligare, ac denique
à re una ad aliam transire ; nisi &
principiis iisdem libros suos ordire-
tur ; ita tamen, ut quæ ille, teste Fa-
bio, nihil voluit ad Historiam perti-
nere, hic paullo propius ad rem ac-
commodârit. Quæ omnia saltem Hi-
storia præclarè elucere, vel primo ocu-
lorum injectu facile qui vis animad-
ver-

vertit; confecta est enim, ut dixi, in primo ætatis flore, quum flagrans eloquentia studium, severa Turronensis contubernii disciplina nondum restinxisset. Hactenus Giselinus. Hanc Severi Historiam Sacram accuratè recensitam atque emendatam & ad Carolum, ejus nominis Quintum, Cæsarem, ex Sleidani de Quatuor Summis Imperiis libro, non ineleganter continuatam, paucis ante annis emisit Elziverii, Typographi Lugduno Batavi. Habet quidem suos errores, de quibus videndus Bellarminus de Scriptoribus Eccles. A. 420. Atque hactenus de iis, qui primi intervalli Historiam Ecclesiasticam scripserunt, & quos in primis legendos censemus.

SECT. XXXIII.

Secundi intervalli (h. e. Ecclesie Christianæ) Historia, primò ab Evangelistis, & aliis Novi Instrumenti libris, ubi ejus incuna-

bula narrantur, haurienda est.

Qui porrò aliquam partem ejus infantia αὐτόπῃ descripserint, vix ulli extant: circumferuntur nonnulli, qui iisdem temporibus vixisse perhibentur, & primorum Martyrum certamina descripsisse; sed à doctis supposititii, quòd fabulis scatant aestimati. Ei vitio recentiorum aliquot obnoxios fatetur Baronius. Idem Vives conqueritur, & Melchior Canus. Item veteres nonnulli. Ideoq; Ecclesie Historia cum cura legenda. Nimia tamen incredulitas vitanda. In lectione Historiarum quales esse debeamus? Antiquissimi & priores recentiorib; præponendi.

IAm verò alterum illud interval-
lum (quod à Christo incarnato
sumere initium dixi, & ad ætatem
nostrā excurrere) Novi Testamenti
Ecclesie tribuitur, quæ Christiana di-
citur Ecclesia; sicuti prior illa Ju-
daica dicta est, Ecclesia verò Chri-
stiane

stiana Historia, à sanctissimis quatuor *Evangelistis*, Spiritus divini amanuensibus fidelissimis, primò requirenda est. Hi enim *Redemptoris nostri, rerum Domini, Ecclesiae fundatoris juxta & fundamenti* (verbis Reverendissimi *Cicestrensis Episcopi* Praef. ad Appar. n. 10.) Historiam literis consignârunt. Deinde beatissimorum *Apostolorum Actus*, *Petri* praesertim atque *Pauli peregrinationes, pericula, & àvdεγματῶν*, *Sanctus Lucas* ὁ πρῶτος (eruditissimum hîc etiam agnoscite Antistitem) *luculento quidem & purissimo sermone Græco*, adeò ut ne ipsæ quidem *Athenæ* magis *Atticè* loquantur, æternitati consecravit. Præter hosce *Novi Instrumenti Scriptores* (qui etiam ipsi *Christianæ Ecclesiae* tantum incunabula exhibuerunt) pauci admodum ad manus nostras pervenerunt; pauci, inquam, aut potius nulli, qui prima secula ut testes oculati descripserint; aut qui res in

Ecclesia gestas, donec adolesceret, memoria tradiderint. Circumferuntur quidem varii Scriptores, qui primo illo *Ecclesia* ævo vixisse dicuntur; qualis *Prochorus* (unus ex septem *Diaconis*, quos Apostoli ipsi ordinârunt) qui vitam *Evangelistæ* & Apostoli *Johannis*, quæ in *Orthodoxographis* & *Bibliotheca Patrum* legitur, scripsisse perhibetur. *Abdias Babylonius* unus ex 72. *Discipulis* (si ei credere liceat) qui de certamine *Apostolorum* libros decem scripsisse dicitur. *Linus* de passione Divorum *Petri* & *Pauli*. *Presbyteri Achaie* de passione Sancti *Andreae* Apostoli, atque alii; quos omnes tamen supposititios, & inter *Apocrypha* reputandos censuerunt *Patres antiqui*; immò etiam *Baronius*, *Bel-larminus*, *Sixtus Senensis*, *Melchior Canus*, aliique viri doctissimi hujus & superioris seculi: nimirum quòd fabulis adeò insulsis referti sint, ut nec in iis, quæ vera fortassè sunt, fidem

Voss.

lib. 2. de

Hist. Gr.

cap. 9.

dem mereantur. Neque isti solum
prima antiquitatis vulgò dicti Scri-
 ptores, huic vitio obnoxii esse per-
 hibentur; sed è recentioribus etiam
 non pauci, de rebus vetustissimis
 scribes, nimia credulitate labo-
 rantes, fabularum figmentis mirè
 scatent. Id quod ingenuè fatetur
 magnus *Cardinalis*: *Nulla res* (in-
 quit) *ita hætenus negligi visa est, ac*
rerum Ecclesiasticarum gestarum
vera, certa, & exacta diligentia per-
quisita narratio. Et ut de antiquio-
 ribus loquar, qui ejusdem argumen-
 ti commentarios ediderunt, invenire
 difficile est, qui veritatem in omni-
 bus sit assecutus. Tale quid antè Ba-
 ronium graviter conquestus est Jo-
 hannes Ludovicus Vives: *Maxi-*
imum (inquit) *sæpenumerò dolorem*
cepi, dum ipse mecum reputo, quam
diligenter, quanta cura, Alexandri,
Annibalis, Scipionis, Pompeji, Casa-
ris & aliorum ducum: Socratis,
Platonis, Aristotelis, & aliorum

Baron. in
 pref. ad
 Tom. 1.
 Annal.

Lib. 9.
 de tr.
 Disc. p.
 360.

Philosophorum acta perscripta sint, & sempiterna memoria infixa; ut periculum non sit, ne unquam excidant: Acta verò Apostolorum, Martyrum denique Divorum nostra religionis, & ipsius sive crescentis Ecclesie, sive jam adulta, operta maximis tenebris ferè ignorari, tantò, sive ad cognoscendum, sive ad imitandum, quam Ducum aut Philosophorum, fructuosiora. Nam quæ de iis sunt scripta, præter pauca quadam, multis sunt commentis fœdatis; dum qui scribit, affectui suo indulget, & non quæ egit Divus, sed quæ ille eum egisse vellet, exponit: & vitam dicet animus scribentis, non ipsa veritas. Pergit porrò Vives: Fuere, qui magna pietatis loco ducerent, mendacia pro religione confingere; quod & periculosum est (ne veris adimatur fides propter falsa) & minimè necessarium; quoniam pro pietate nostra tam multa sunt vera, ut falsa tanquam ignavi milites, atque inutiles, oneri sint

ma-

magis, quàm auxilio. Haftenus do-
ctissimus ille Hispanus; cui cùm per
omnia concinat popularis ejus
Melchior Canus, magni etiam no-
minis apud Pontificios (nec imme-
ritò) Theologus; verba ipsius. hîc
quoque repetere non gravabor:
Dolenter hoc dico (inquit) potius,
quàm contumeliosè, multò à Laërtio
severius vitas Philosophorum scri-
ptas, quàm à Christianis vitas San-
ctorum; longèq, incorruptius & in-
tegrius Suetonium res Caesarum ex-
posuisse, quàm exposuerint Catholici;
non res dico Imperatorum, sed Mar-
tyrum, Virginum, & Confessorum.
Illi enim in probis aut Philosophis, aut
Principibus, nec vitia, nec suspicio-
nes vitiorum tacent; in improbis ve-
rò etiam colores virtutum produnt.
Nostri autem pleriq, vel adfectibus
inserviunt, vel de industria quoque
ita multa confingunt, ut eorum me
nimirum non solum pudeat, sed eti-
am tadeat. Hos enim intelligo Ec-

Lib. II.

Loc.

Cora.

p. 533.

clesia Christi, cum nihil utilitatis attulisse, tum incommodationis plurimum. Ita Melchior Canus. Neque putare debemus, hujus nostri solum, aut superioris etiam seculi homines, doctos piosque, de corruptelis hujusmodi maculisque scripta Ecclesiastica depravantibus, conquestos esse, quasi nuper irreplissent; aut huius culpæ rei non forent Scriptores etiam nonnulli, inter antiquissimos numerati. Ante mille trecentos retrò annos, & cum nondum adoleverat Ecclesia, reperti sunt, qui rerum Ecclesiasticarum monumenta falsitatibus turpiter inficere, aliisque vitiis infuscare satagerent. Id

Lib. 1. Arnobius contra Gentes expressè
p. 47. caussatur: Sed neque omnia conscribi, aut in aures omnium pervenire potuerunt, gesta gentibus in ignotis & usum nescientibus literarum: aut si qua sunt literis conscriptionibusq; mandata, malevolentia demonum (quorum cura & studium est, hanc
inter-

intercipere veritatem) & consimi-
lium his hominum, interpolata qua-
dam, & addita; partim mutata atq;
detracta verbis, syllabis, literis; ut
prudentium retardarent fidem, &
gestorum corrumpere veritatem.
 Sic Arnobius. Et reverà, quid ad
 corrumpendam contaminandamq;
veteris Ecclesiae memoriam valeret,
 quod dolo malo non fecerunt *Eth-*
nici, Judei, Heretici? quid fatua
 credulaque superstitione non affinxit?
 Hæc (Auditores) eò fusiùs perse-
 qui libuit, ut scirent *Historiarum*
 studiosi, & diligenter animadverte-
 rent, quanta cum cautione & cura
Historia Ecclesiastica sit legenda?
 siquidem in ea multò magis, quàm
 in ulla alia Historia à fabulis caven-
 dum: Quia hinc multò periculosius
 esse, quàm in rebus civilibus, erro-
 ribus implicari omnibus in confes-
 sio est. Cæterùm, uti hac ex parte
 operam dare non mediocrem con-
 venit, ne *falsum pro vero*, temerè
 acci-

accipiamus ; ita etiam attentè prospicere decet, ne *verum* pro *falso* inconsultè rejiciamus. Fateor (inquit *De Inst.* doctissimus *Balduinus Jctus*) ubi
P. 93. tot insidia sunt, & tantum periculi,
edit. 16. laudandam esse timidam eorum è vulgari-
 betam, qui meminerunt non temerè
 esse credendum. Sed quorundam rur-
 sus nimia est àmissa, qui nihil cre-
 dunt, quàm quod ab unius alicujus
 Scriptoris stylo consignatum erit. Ut
 de Apostolorum temporibus nihil
 dici velint, quod ab ipso *Luca* non
 sit expressum. Atqui *D. Lucas Pauli*
 potissimum *Historiam* contexere
 voluit, & rursus in ea quædam *Lu-*
cam prætermisisse, indicat ipsius
Pauli ad Galatas Epistola. De
Simone Magno loquens, simpliciter
 narrat *D. Lucas*, eum in sua *Sama-*
ria cominotum increpatione *Petri*,
 agnovisse suum peccatum. Sed an
 propterea clamabimus esse falsum,
 quicquid præterea de eo narrant ve-
 tustissimi & gravissimi Auctores,

Ju-

Justinus, Tertullianus, Arnobius, Eusebius, Epiphanius, Augustinus?

Quapropter illud semper teneamus & meminerimus, nos in lectione Historiarum esse debere, quales ab *Aristotele* esse dicuntur, qui neque pueri neque sunt: qui, inquam, ad credendum neque sunt nimium faciles, neque difficiles nimium.

Οὐτε (inquit) πάντες πιστεύουσιν, ὅτε πάντες ἀπιστοῦντες. Scitum profectò

est illud Hesiodi: Πίστις δ' ἄρα Lib. 1.
Op. 6.
D. ver.
ὁμῶς καὶ ἀπιστία ἔωλεσαν ἀνδρες.

Credulitas pariter ac diffidentia per- 370.
diderunt homines. Verùm rectè

quoque aliquis vicissim dixerit, modò *πίστις*, modò *ἀπιστία* esse utiles

atque salutares. Nam non omne verisimile statim verum; uti neque, quod primum incredibile videtur, continuò falsum. Crebrò faciem

mendacii veritas retinet: & mendacium specie veritatis obcluditur, uti alicubi *Seneca*. Quocircà (ut pergamus) quum Auctores non oc-

cur-

*Rhet.
lib. 1.*

currant, qui testes oculati rerum earum, quas memoria mandant, aliquando fuerint; proximum est, ut eos, qui quod ab aliis acceperunt, bona fide narrant, audiamus: præsertim si & ætas ipsa, & antiquitas, & virtus fidem atque auctoritatem concilient. Inter hos enim, antiquissimos illos, atque (ut ita dicam) classicos Auctores recentioribus antepondere nos decet. Quod *Aristoteles* de testibus, id quidem hîc locum habere meretur: Πιστότατοι οἱ παλαιοί, ἀδιόφθογοι γάρ. Quin & ita fieri solet, ut quò posterior recentiorq; sit rei antiquæ narratio, tantò mendosior corruptiorq; evadat. Namque ut vinum, quò magis transfunditur, evanescit magis, tandemque fit vappa: & quemadmodum fama ipsa, quò longiùs progreditur, longiùs recedit à vero, plusq; colligit vanitatis: sic & persæpe Historia, quæ à pluribus repetita, variè jactatur, & aliis atque aliis verbis recitata

citata spargitur ; tandem contaminatur , & in fabulam degenerat. Hæc quidem longiùs, quàm in animo erat, produximus ; sed Lectores cordati & veritatis amatores huic prolixitati veniam faciliùs concedent, si meminerint, omnia eo spectare, ut summa demum cautela in *Historiarum Ecclesiasticarum* voluminibus pervolvendis adhibeatur. Jam igitur ad Auctorum catalogum & seriem, quos post *Novi Testamenti* libros viri doctissimi præscribunt legendos, descendam, & qua par est brevitate, percurram.

SECT. XXXIV.

Tertio demum seculo, *florente Ecclesia*, florescere cœpit *Historia*. Eusebius Pamphili *inter Ecclesia Historicos princeps*. In libris de *vita Constantini* Xenophontis æmulus. Multa ab eo scripta periri. Ejus auctoritas vindicatur. Quousq; *Historia Eusebii* procedat?

dat? De Ruffino Scaligeri iudicium. Tripartita Historia. Panegyrici Eusebiani lectio commendatur.

QUandoquidem igitur Scriptores illi, qui cum *Apostolis* vixisse feruntur, pro supposititiis (uti suprà dictum est) rejiciantur; quique eos immediatè secuti sunt, per duo prima secula, aut vasta illa rei literariæ clade absorpti, non extant; aut de Historia Ecclesiastica (opiniòne doctissimi Casauboni) magis videantur cœpisse cogitare, quam ad eam illustrandam seriò se composuisse. Oculos in tertium seculum conjiciamus, quod cum duobus sequentibus jure merito (inquit ille) ἀκμὴν τῆς ἐκκλησιαστικῆς, flos ipse Ecclesiæ, & ætas illius aurea, nuncupari potest. Eo tempore sicuti Theologica studia ubiq; florebant, ita Historia quoq; Ecclesiastica, hætenus tantum non ignorata, cœpit

Prolegom. ad exercit.

pit efflorescere. In hoc stadio decurrere princeps (quod quidem novimus) aggressus est ὁ τῶ παμφίλῃ, *Eusebius Pamphili* (quemadmodum propter amicitiam cum *Pamphilo Martyre*, teste *Hieronymo* vocabatur), *Cæsarea Palestina* (imperante *Constantino*) *Episcopus* (quemq; πολυμαθὴν καὶ πολυίστην *Cedrenus* meritissimè indigitat) sui seculi sine controversia vir eruditissimus fuisse perhibetur. Is (inquam) uti ipse in *proœmio libri primi* affirmat, princeps animum ad *Ecclesiæ Catholicæ Historiam universalem* scribendam appulit, manum operi admovet, & à *Nativitate Domini* auspiciatus, perq; tyrannorum tempora accuratè progressus, rerum in *Ecclesiâ* gestarum seriem, *Apostolorum* & aliorum illustrium in *Ecclesiâ Doctorum* successiones, doctrinam Evangelicam, martyria, persecutiones, quas tyranni quidam adversus *Ecclesiam* move-

moverunt, Hæreticorum etiam perversa dogmata, ad sua usq; tempora, *decem libris* singulari diligentia pertexuit. De *vita* etiam *Constantini Magni quatuor libris*, qui hodieque extant, ac pro genuinis à *Photio* agnoscuntur, scripsit. Verùm *Xenophontis* (qui *Historiam παιδείαν ἢ ἐγκώμιον* veriùs quàm *Historiam* descripsit, ut boni *Principis* imaginem contemplandam proponeret) exemplum secutus, non tam *Historiam*, quàm *Panegyricum* de laudibus *Constantini*, & præclaris ejusdem facinoribus concinnavit. Unde *ἐγκωμιαστικὸν τετελεσμένον* à *Photio* illud opus nuncupatur. Certè principis optimi vivum paradigma inibi subjecit oculis, quod cum fructu Reges etiam & Principes potentissimi contemplari possint; uti *Gryneus* rectè observat. *Martyrum* quoque *Historias* ex archivis *Ecclesiarum*, *Notariorumque* scriniis, tabulisque, eundem

V. C.
cestr.
praf. ad
App.
n. 35.

In praf.
ad Hist.
Eccles.

dem *Eusebium* contexuisse, animadvertit Reverendiss. Cicestrensis Episcopus: Nec erant illa (inquit) brevicula quaedam, recitandis nominibus destinata; quale nunc est Romanum, quod prostat publicè Martyrologium, Bedæ, Ussuardi, aut si quæ sunt istiusmodi aliorum; vel, qualia Græcorum Menologia; sed erant historicæ narrationes, rerum gestarum; commentarii scripti, καὶ ὡς ἔστω: quod quidem probat eruditissimus Præsul, ex ipso *Eusebio*. Ubi de *Apollonio* agens, ait ipse: Istius coram iudice verba, & responsa quæ dabat, ad *Perennii* interrogata; orationem quoque apologeticam, apud Senatum habitam, si cui libitum fuerit accurate cognoscere; legat ille librum à nobis compositum de veterum Sanctorum Martyrum rebus gestis. Iste autem liber, nec non alia plura *Eusebii* opera (de quibus à *Divo Hieronymo* inter Scriptores Ecclesiasticos facta est mentio) periîre, neq; ad

Præf. ad
App. n.
14. & 15.

Lib. 5.
cap. 19.

Voss. l.
2. de
Script.
Gr. 6. 17.

ad manus recentiorum seculorum pervenerunt. Sed auctoritati *Eusebiana* multi detrahunt, *Historiam*q; *Ecclesiasticam* à *Gelasio Papa* in *Concilio* rejectam ajunt; atque *apocrypham* pronunciatam. Verùm ad *Eusebii* auctoritatem asserendam sufficiet nobis, quòd ipse *Gelasius*, in principio ejusdem censuræ, *Chronicon Eusebii Casareensis*, atque ejusdem *Historia Ecclesiastica* libros propter rerum singularem notitiam, usquequaque non renuendos dixerit; quod idem testatur *Volaterranus*. In jure Pontificio *Eusebii* tantùm *Chronica* simul & *Historia* recipiuntur. Sin minùs, accedat *Melchioris Cani* confirmatio: In *Historia Ecclesiastica Eusebii* satis *Gelasius* ostendit, cetera sibi ac *Concilio* placuisse; dum quadam displicuisse commonuit. Itaq; si fabulam *Abagari*, laudesq; *Origenis* ab *Eusebio* demeres, digna ejus *Historia* esset, cui fides omninò haberetur. Mihi quidem hac

ex parte iudicium doctissimi Scul-^{Medulla}
 teti valdè arridet, quod hisce verbis ^{Tom. 3.}
 explicavit : *Qui Ecclesia Historiam* ^{P. 6.}
continent libri, luculenter demon-
strant Historiam veteris Ecclesia il-
lam demum esse veram, quæ ex ger-
manis patrum Orthodoxorum libris
est petita; quàm enim diu Justinum,
Irenaum, Origenem, Tertullianum,
Cyprianum, Clementem Alexandri-
num, aliosq, probata fidei patres in
Historia sua sequitur Eusebius, Hi-
storicum agit fide dignum: sed simul
atque ad traditiones, & non ad scri-
pta, sed audita provocat, fabulosa
multa miscet. Ita Scultetus. Reverà
Pontificii sæpius Eusebium acerbiùs
perstringunt, & in eum acriter in-
currunt; maximè Cardinalis Baro-
nius (uti notat idem Scultetus) suū ^{1b. p. 2.}
in Eusebium prodit odium, non a-
liunde natum, quam quòd Histori-
cus, qui laudes & donationes Constan-
tini Ecclesiasticas fusè persecutus, do-
nationis Romana non modo mentio-

nem facit nullam, sed eam etiam fideam esse innuit; dum Constantinum non à Papa Romano Romæ, sed Nicomedia baptizatum esse scribit. At Arriana hæresi eum laborasse ajunt, & Arrianorum partibus semper favisse; ideoq; sublestæ fidei nonnunquam accusatur. Reverà ante Synodum Nicanam ea labe infectum fuisse, nimis liquidò liquet; sanctorum verò deinde patrum auctoritatem libenter secutum, sanctissimè atque piè in orthodoxia vixisse, nonnulli scribunt. Immò fertur apud Græcos (testante Georgio Trapezuntio) ab eo, jussu patrum, sacrosanctæ illius Synodi symbolum scriptum fuisse; quod ita composuit, ut ad dejiendam absque controversia perniciosam hæreticorum opinionem, filium Dei genitum, non factum, consubstantialemq; patri conscripserit, ac patribus tradiderit. Certè quæ in eo conventu acta essent, fidelissimè ac planissimè per
lite.

Prefat.

ad Nico-

laum V.

Histor.

Eccles.

Socr. l. 1.

cap. 5.

Castod.

Histor.

Trip.

l. 2, c. 11.

literas, quæ etiam nunc extant, omnia suis civibus indicavit, uti scribit *Donatus Veronensis*. Sed ut pro-^{Prof. ad Paul. p.} cedamus, *Eusebii* Historia nos ad Annum Chr. 325. deducet; inde *Ruffinus Aquileiensis* Presbyter, *Dionysii Hieronymi* æmulus, *Eusebii* Historiam è *Græco* in *Latinum* sermonem transferens, duos de proprio addidit libros; Historiamq; ad *Theodosii* Imperatoris mortem usque,^{Voss. l. s. de Hist. Lat. cap. II.} & Annum Chr. 400. propagavit. Verùm & in transferendo nimia usus est libertate, & in opere proprio *Eusebium* plurimùm exscripsit; unde *futilissimum Auctorem* eum vocat *Josephus Scaliger*, in *Appendice* operis incomparabilis de *Emendatione Temporum*. Nec erit fortasse piaculum, si noster Historiarum studiosus insuper eum habendo prætereat; nam eorundem temporum Historiam uberius multò & accuratius *Socrates*, *Theodoretus* & *Sozomenus* composuerunt. Hosce tres

Cassiod.
de Di-
vin. lect.
sap. 17.

Epiphanius Scholasticus Latine transtulit, *Magno Aurelio Cassiodoro* id postulante; qui ex tribus istis *num* corpus confecit, ediditq; , unde *tripartitam Historiam* appellatam, ex ipso constat. Hic verò *David Chytraeus*, vir clarissimus, & de utraque Historia optimè meritis, studiosos monet hortaturq; , ut non modò fragmenta illa à *Cassiodoro* consuta, sed *Scriptores integros*, qui *Græcè & Latine* impressi extant, diligenter legant; & *Eusebii panegyricum de vita Constantini* præmittant, ex quibus & *triginta annorum* (inquit) *Historiam integram*, & *edita præcipue*, ac *leges Constantini de religione Christiana*, libris 2. 3. & 4. *expositas*, diligenter considerent; fontemq; ipsum, ex quo plurima *Socrates*, *Theodoretus* & *Sozomenus*, initio suarum *Historiarum* hauserunt, cognoscant.

*Socrates quo tempore vixerit, unde
 & quousq; Historiam perduxerit?
 item Theodoretus quid quoq; li-
 bro complexus sit? Photii de eo
 censura. Sozomenus Salaminus
 novem libris Historiam continuat
 ad Ann. Chr. 423. D. Gregorii
 locus adversus Sozomenum ex-
 penditur, eiq; respondetur. Sozo-
 meni candor, de eo Evagrii testi-
 monium. Tripartitam Historiam
 sequitur Evagrius, eamq; conti-
 nuat ad Ann. 597. Theophylactus
 Simocattus inde ad An. 601.*

SUB Arcadii filio, juniore Theo-
 dosio, floruit Socrates, natione
Byzantium, à fine Eusebii & victoria
Constantini adversus *Maxentium*
 Ann. Chr. 313; vel potius ab ipso
 Anno, quo Imperator in *Britannia*
 palàm declaratus est, videlicet Ann.
 Chr. 309. *Historiam* exorsus, eam
 usque ad decimum septimum præ-

dicti *Theodosii Junioris* consulatum produxit, h. e. ad Ann. Chr. 441. *Libros septem* Scripsit, stylo non admodum *splendido*; quorum primus *Constantini Caesaris* tempora continet: Secundus *Constantii*: Tertius *Juliani & Joviani*: Quartus *Valentiniani & Valentis*: Quintus *Gratiani & Theodosii primi*: Sextus *Arcadii* tempora: Septimus *Theodosii Junioris* Annos 32. complectitur. Tota *Historia* Annorum 140. spatium continet. Sicuti ipse *capite ultimo lib. 7.* verbis expressis nos docet; ita enim loquitur: *Hic septimus liber spatium triginta duorum Annorum continet: tota autem Historia, in septem libros partita, Annos 140. complectitur; qua orditur à primo Anno ducentesima septuagesima prima Olympiadis; in qua Constantinus Imperator declaratus fuit: desinitq, secundo Anno trecentesima quinta Olympiadis, ad XVII. consulatum Imperatoris Theodosii.* Novati

vati partibus eum favisse, pluribus
 è locis manifestum est: Nam (quod
 observavit doctissimus *Jac. Billius*)
 nihil libentiùs fecit, quàm ut non
 modò oblata, sed etiam interdum
 quæ sita occasione in *Novatianorum*
laudem multa commemoret. Et si
 quis pio zelo incensus *Novatianos*
 acriùs insectetur, hujus nomen exi-
 stimationemq; perstringere ac la-
 befactare studuit. Sed ita oblique,
 ut minùs perspicaci Lectori non
 tam dolori suo atque iræ obsequi,
 quàm veritatis rationem habere vi-
 deatur. Hæc (inquam) *Jacobi Bil-*
lii, viri admodum docti censura est
 de *Socrate*, Historiæ Ecclesiasticæ
 Scriptore; quam ideò adponendam
 duxi, ut majorem inter legen-
 dum cautelam *Φιλοῖς* noster ad-
 hiberet.

Obser-
vat. Sac.
crat. l. 1. c.
cap. 26.

Theodoretus eisdem temporibus
 vixit, *Cyri*, *Mesopotamia* vel *Syria*
urbis Episcopus. Historiam *Eccle-*
sasticam scripsit à fine *Ensebi*, & ab

acta, circa An. Chr. 431. qua *Synodo* damnatus est *Nestorius*. Eam autem continuat usque ad Annum duodecimum Imperatoris *Mauritii*; *Christi* verò Annum 597. Sub eo autem Imperatore, ejusq; decessore *Tiberio secundo*, maximè floruit. Historia verò *Evagrii sex libris* constat, quorum *primo* Theodosii Junioris tempora complexus est: *Secundo* Martiani & Leonis, quem Thracem cognomento indigetârunt: *Tertio* Zenonis & Anastasii. *Quarto* Justini & Justiniani: *Quinto* Justini posterioris & Tiberii secundi: *Sexto* deniq; pergit ad Annum usque duodecimum regni Imperatoris *Mauritii*, qui *Tiberii II.* gener fuit, & à nonnullis *Cappadox* cognomento vocatur: is autem fuit Annus à Christo nato 597. In eadem tempora, de quibus scripsit *Evagrius*, concurrunt etiam *Historiæ Procopii, Agathie, & Jornandis de rebus Geticis; item Historia Miscella Diaconi, à libro 12. ad libr. 18.*

Denique *Caroli Sigonii de Occidentis Imperio* Historiæ pars magna; quod idè monendum putavi, ut sciat Lector, unde auctiorem & locupletiorum eorum temporum Historiam reddere possit.

Heraclii tempore circa Annum *Voss. l. 2. de Scr. Gr. c. 23.* Christi 612. claruit *Theophylactus Simocattus*, inter recentiores *Græcos* Scriptor eximius; is octo libros, de rebus à *Mauritio* gestis, exaravit; quos (*Evagrio* expedito) adhibeat Lector, neque eum suæ opellæ, legendo insumptæ, pœnitebit: quippe ad Ann. à Christo nato 601. Et ad ipsius *Mauritii* cædem Historiam perducit; idq; non perfunctoriè, sed accuratissimè, & elaboratissimè; ex quo, tanquam flumine, alii suos rivos deduxerunt; uti *Pontanus Jesuita*, ingenium ejus imite, imprimis, & *Φιλόκαλον*; ut etiam doctrinam non vulgarem scripta ipsa testantur ac produnt.

In ep. ad Lect.

Et nunc si placeat (Auditores) paululum respiciamus, lustremusq;
itine-

itineris affectati, quantum confecerimus, quousq; , & quibus mediis progressi simus, & ad finem sexti à Christo seculi pervenerimus. *Tre-centos & aliquot supra annos Historia sua complexus est Eusebius. So-crates, Theodoretus & Sozomenus centum ferè & quadraginta plures addiderunt: deinde ulterius produ-citur Historia ab Evagrio per annos quasi centum & quadraginta: Simo-cattus denique reliquos persequitur ad Annum (uti dixi) sexcentessimum primum; quo anno Mauritius cum uxore liberisq; suis omnibus interfectus est à Phoca, qui ei in Impe-rio successit.*

SECT. XXXVI.

Seculo septimo, & duobus vel tri-bus idsequentibus, qui Historiam Ecclesie pro dignitate tractave-rint, rarissimi. Sanctorum Legen-dæ. Miraculorum & mirabilio-rum Oceanus. Portentiloquio-rum & ignorantie tempora.

Ad

AD *septimum* à Christi nativitate *seculum* Auctores suprà recensiti nos perduxerunt ; quod quidem, unà cum duobus vel etiam tribus sequentibus, si quis diligenter perscrutetur, haud unum credo reperiet Auctorem, qui *Ecclesia Catholica* Historiam pro rei dignitate tractaverit. *Sanctorum* quorundam vitas & Legendas, *Martyrum* actus & passionēs, erant, qui iis temporibus literis consignârunt. Sed fabulis plerunq; scatent, & incredibiles miraculorum series credulis ac superstitiosis hominibus obtruserunt. Et quemadmodum ipse *Bellarminus* de *Simeone Metaphraste* (qui circa An. 859. floruit) multa ex propriis addunt ingeniis ; non ut res gesta fuerunt, sed ut geri potuerunt. Per *Damasceñi* ætatem, & *Germani Constantinopolitani*, apud *Græcos* (inquit *Rever. Antistes*) per tempora *Gregorii Dialogistæ*, & alterius *Gregorii Turonensis* ; per nostratis *Beda Venerabi-*

Lib. de
Script.
Eccl.
850.

Cicest.
in pref.
ad Ap.
n. 26.
& 27.

floruit; cui Historiam suam dedi-
 cavit. Eam à Consulatu *Crispi &*
Constantini auspicatus est, Ann. Chr.
 CCCXXIII. continuatq; ad *Hono-*
rii usque mortem, videlicet ad An.
 Ch. 423. Quod temporis interval-
 lum *libris novem* complexus est
 quorum *duo* primores *Constantini*
M. tempora repetunt; *tertius &*
quartus res sub tribus *Constantini* fi-
 liis gestas continent. *Quintus &*
sextus tempora *Juliani, Valentini*
& Valentis comprehendunt; *septi-*
mus verò *Gratiani & Theodosii* pri-
 mi, *octavus* dein *Arcadii*, *nonus*
 tandem *Theodosii* secundi, usque ad
 mortem *Honorii* tempora procur-
 rit. Sed ipsani *Sozomeni* Historiam
sedes Apostolica suscipere recusat
 (Magni *Gregorii* verba sunt) quia *Lib. 6.*
 multa mentitur; & *Theodorum* *ep. 31.*
Mopsuestia nimium laudat, atq; usq;
 ad diem obitus sui magnum docto-
 rem Ecclesiæ fuisse perhibet. De
 hoc loco quidem me monuit nu-
 M 5 perri-

perrimè vir ab eruditione multifaria, ac singulari tum pietate tum prudentia clarus, *Georg. Hackuvillus*, S. Theologiæ Professor; verùm à *Melchiorre Cano* jamdudum responsum nihil tale apud *Sozomenum* reperiri de *Theodoro Mopsuestia*: Et *Gregorium* memoria lapsum, dum pro *Theodoreto Sozomenum* scriberet; nam *Theodoreti* verba sunt illa, quæ *Gregorius* retulit. Cardinalis *Baronius* etiam responsum suppeditat, dicendo nimirum, ab *Ecclesia R. Sozomenum Theodorum Mopsuestia* laudatorem non recipi: in reliquis, quæ vera dixit, quomodo potuit ab *Ecclesia* non recipi? Præterea à *Gelasio Papa* (cui nemo ob auctoritatem atque doctrinam refragari potest juxta ipsum *Cardinalem*) constat, *Sozomenum* non rejici, sed majotis fidei haberi quàm *Ensebium Cesariensem*; ejusq; Historiam majoris æstimationis apud *Photium*, quàm *Socratis*, fuisse. Denique

Lib. II.

P. 544.

ek.

Lib. 5.

cap. 27.

c. 40.

Tom. 4.

ad An.

439.

nique respondet *Canus*, in concilio
Florentino, cui interfuit *Imperator*
Palaologus, testimonium *Sozomeni*
 non solum usurpatum, sed etiam pro-
 batum. Utcunq; nobis de eo can-
 didè liceat sentire, tum propter can-
 dorem & veritatis amorem, quem
 præ se fert ipse primo capite; &
 porrò spondet: nimirum, ubi or-
 thodoxorum hominum contentio-
 nes, jurgia, perfidiam multorum,
 & alios defectos nævos narraturus,
 ἡμελοκάνη πρὸς αἰρέσεως opinionem
 deprecatur; uti doctissimus etiam
 observat *Casaubonus*: non enim illa
 se scribere dicit, quòd voluptatem
 ex talibus caperet; sed volentem
 nolentem, quoniam infecta redde-
 re, quæ facta essent, non posset;
 quæ gesta autem essent, silere; hoc
 verò esset veritatem prodere, &
 Historiæ legitimæ jura corrumpere:
 Μάλιστα (inquit) τῆ ἀληθείας ὑπι-
 μελεῖσθαι χρεών, ἀλλὰ τὸ τῆς ἰστορίας
 ἀκίβδηλον. Et iterum: Πάντα δεύ-

*Lib. 1.
 Histor.
 Eccles. 1.*

*In præ-
 fat. ad
 Polyb.*

*In Hist.
 nihil po-
 nendū,
 quod
 non sit
 maximè
 sincerū.*

rabilis seculum, in Ecclesiam inundabat miraculorum & mirabiliorum Oceanus: per omnes omnino angiportus, nosocomia, cœmitera, xenodochia: per templorum tholos, cryptas, spharisteria edebantur. Idem ferè

clarissimus Casaubonus: In Histori-
cis, inquit, monumentis eorum tem-
porum miracula ut plurimū utramq;
paginam conficiebant, vel à Sanctis,
vel ab imaginibus, vel à reliquiis edi-
ta &c. Unde & meritò dubitare
se, aiebat vir doctissimus, deberetne
illa secula καὶρὸς τεροπλοχίας, an
ἀγνοίας; tempora portentisloquio-
rum, an ignorantia nominare? Ne-
que sanè à vero quidquam aberrare
(meo iudicio) videbitur, quisquis
de illis temporibus utrumq; affirma-
verit; præsertim, si Imperium Occi-
dentale, & sub eo Ecclesiam Lati-
nam, ejusq; Scriptores respiciat.
Nam post horrendas illas barbararum
gentium excursiones, ruente
Imperio Romano, politioris litera-

In præ-
leg. ad
Exercit.

turæ

turæ omnis cognitio ruebat; stupenda planè barbaries & ignorantia sese infudit, ingeniorum & literarum cultus quasi peste contactus emarcuit; artes denique neglectæ spreteq; jacuerunt; in tantum, ut quod spectat eruditionem (doctissimi Cicestrensis verba agnoscite) post

In pref. ad App. n. 38. *Isidorum Hispalensem (is ad Annum Domini 636. aut circiter è vita excedebat) ad Bedam nostratam Venerabilem (is in vivis erat ad Ann. 731.) qui vel mediocriter in literis versati fuerint politioribus, vix erant numero totidem, quot Thebarum porta, vel divitis ostia Nili. Imò addo, nec multò plures per alios ferè ducentos annos proximè sequentes, inter Latinos reperiri possunt. At Græcia fortassis (inquies) nobis adhuc aliquos suppeditabit? Eos itaque videamus, atque ita tandem procedamus.*

Nicephorus Constantinopolitanus
Simocattum sequi potest. Nice-
phorus Callistus erroribus plenus.
Georgius Cedrenus. De eo Sca-
ligeri & Vossii censura.

POST *Simocattum* igitur accedat
Nicephorus, Patriarcha Con-
 stantinopolitanus; qui tempore Co-
 pronymi circa Ann. 750. floruit; &
 Historiam *συνοπτικὴν* scripsit, Brevia-
 rium scilicet de rebus gestis, à *Mau-*
ritii cæde (in qua defuisse *Simocat-*
tum diximus) ad Ann. Chr. 769.
 Eum Auctorem primus publicavit
 V. CL. *Dionysius Petavius*, suamq;
 translationem addidit. Est quidem
 alius *Nicephorus*, cognomento *Cal-*
listus, ætate Constantinopolitano lon-
 gè inferior; siquidem mille trecen-
 tos annos post *Christum* natus est,
 floruitque sub *Andronico Majore*,
 ejusque nepote *Andronico Minore*.
 Is ab origine religionis *Christiana*
 Histo.

Voss. l. 3.
 de Scr.
 Gr. c. 24

De Scr.
Eccles.
Ann.
1305.
Præfat.
ad App.
n. 38.

Historiam orditur, eamq; ad *Phocæ* (qui *Mauritio* successit) interitum continuavit; nempe ad Ann. 625. Sed errores *Græcorum* proprii (*Bel- larmini* verba sunt) in hoc Auctore inveniuntur, etiam in rebus Historicis. Eumq; Reverendissimus *Cicestrensis* inter illos Auctores numerat, qui per *anilem* quandam *superstitionem* ad prodigiosas interdum & putidas fabellas, credendas, edendas, obtrudendas projectissimi erant. *Callisto* paullò antiquior erat *Georgius Cedrenus*, Monachus; scripsit is compendium Historiarum ab initio mundi usque ad *Ifacium Comnenum*, Ann. videlicet à Christo nato 1057. quo tempore etiam floruisse videtur. Verùm & iste Scriptor notæ non usquequaque optimæ perhibetur. Quid de eo censuit magnus *Scaliger*, ex hisce verbis ejus liquet: *Totum Cedreni opus est stabulum quisquiliarum, & cento ex multis pannis, sordidis, purpureis,*

reis, malis, bonis, integris, laceris
consutus. Mitiùs aliquanto doctis-
 simi *Vossii* de eo iudicium, aut certè
 verbis mitioribus expressum; sic
 enim ille: *In rebus Byzantinis Zo-*
nara paullo diligentior est; in iis au-
tem, quæ Cæsares Constantinopolita-
nos præcedunt, cedit Zonara, à quo
& stylo vincitur; uti etiam à Ni-
ceta, & Gregora & aliis. Interim
in centone hoc, ac panè dixerim
quisquiliis istis, aliquos purpure
pannos reperire est. Ita Vossius:
Denique Georgium Syncellum, &
Theophanem, qui Syncellum conti-
nuavit, à Cedreno ad verbum ex-
scriptum affirmat uterque Scaliger
& Vossius. Postremò, Historiam
Cedreni à morte Nicephori Impe-
ratoris, cognomento Botoniatis,
usque ad imperium Isaaci Comne-
ni, sub nomine cujusdam Johannis
Curopolaita (paucis exceptis) to-
tam legi, monuit Gesnerus; quod à
doctissimo Casaubono confirmatur;

Not. ad
 Strab. l.
 Ita, 17. p. 267

Ita, ut alter eorum plagii reus sit, necesse est.

SECT. XXXVIII.

Zonaræ tertius Tomus lectori commendatur, Historiam ad Ann. 1118. continuavit. Annæ Comnenæ Alexiada. Egregia illius Heroïna laudes.

QUinquaginta & ampliùs annis post *Cedrenum* floruit *Johannes Zonaras*, nimirum circa Ann. 1120. Is (uti civiles inter Historicos jam notatum est) universalem scripsit Historiam, quam in *tres Tomos* partivit; quorum hoc in loco tertium præsertim Lectori nostro commendare placet. Siquidem eo Tomo, quæ in *Oriente à Constantino Magno*, ejusq; in regno successoribus, usque ad sua tempora gesta fuerint, exactiùs describere laboravit, utpòte paucis aliis tentata. Singulis Tomis rerum aliis indictarum sæpè fit mentio (inquit vir quidam doctus) *tertia* verò Historiæ suæ

æ parte; ea pleraque tradit de re-
 bus *Byzantinis*, quæ præter ipsum
 nemo alius; & sine quibus, nos bo-
 nam partem eorum, quæ à posteri-
 ribus Imperatoribus *Orientis* ge-
 ra sunt, ignoraremus. *Ecclesia* qui-
 em solius *Constantinopolitanae*, &
 controversiarum Religionis, in *O-*
rientalibus Ecclesiis motarum, Hi-
 storiam intexit; & ad sui ævi Impe-
 ratoris, *Alexii Comneni*, obitum *An. D.*
 am continuavit. Sed illud maximè *1118.*
 observandum, quòd (opinionem do-
 ctissimi *Vossii*) in sui temporis rebus *Lib. 2.*
 pleraque perfunctoriè dixerit; & *de Hist.*
 admodum paucis *Alexii Comneni* *Gr. c. 27.*
 gesta perstrinxerit. Hunc tamen de-
 fectum supplevit *Alexii* ipsius Im-
 peratoris filia, *Anna Comnena* di-
 cta, quæ de rebus gestis sui patris
 libros aliquam multos scripsit, & *videlicet*
Alexiada nuncupavit. Ejus erudi- *85.*
 tionem valdè prædicat ipse *Zonaras*
 Tomo tertio propè finem; ubi de
Byzantii Caesaris (ejus mariti) po-
 tentia

tentia juxta & eruditione talibus loquitur verbis: *Erat autem & ipse studiis doctrinarum deditus, & uxor ejus in eisdem operam nihilò minorem, ac potius majorem ponebat; exquisitè Atticissans, ingenioq; prædita acutissimo, ad abstrusissimas quasq; contemplationes. Nequè hîc sistit Historicus, sed pergit & ostendit, quomodo ad tantam eruditionis excellentiam adspiraverit? Eam facultatem partim naturæ bonitate, partim industria, consecuta est: affixa erat libris, & eruditorum consuetudine haud obiter utebatur. Verùm hæc ipsa prænobilis fœmina admiraculum docta, in hac sua Historia, ne amoris erga suum parentem nimium aliquando indulserit, nonnulli haud leviter suspicantur.*

SECT. XXXIX.

Nicetas Acominatus Zonaram immediate sequitur. Nicetam Gregoras. In hoc censu quare ponantur?

tur? Lipsii de eorum utroq; judi-
cium. Gregoræ fides in dubium
vocatur. Johannes Cantacuze-
nus hoc loco à doctissimo Vossio
lectoribus commendatur. Superio-
ribus subsequatur Laonicus Cal-
cochondylas.

Zonaram Nicetas Acominatus,
sive Choniates, ordine sequi-
tur, eique suam immediatè subjicit
historiam. Namque ubi desinit
Zonaras, ibi incipit Nicetas, & o-
loginta quinque annorum res gestas
cursu ac liberiore nonnihil oratio-
is ductu profequitur, usque ad ur-
bem Constantinî captam à Baldui-
no Flandro, & Ann. 1203. Ex Cho-
ris Phrygiæ oppido oriundus erat,
que inde cognominatus. Georgii
Pogotheta Chronicon hîc locum ha-
bere potest, capta Constantinopoleos
historiam complectitur, annorum
erè sexaginta, nempe à Balduino
Flandro ad Balduinum ultimum Im-

N perat.

tentia juxta & eruditione talibus loquitur verbis : *Erat autem & ipse studiis doctrinarum deditus, & uxor ejus in eisdem operam nihilo minorem, ac potius majorem ponebat; exquisitè Atticissans, ingenioq; prædita acutissimo, ad abstrusissimas quasq; contemplationes. Nequè hîc sistit Historicus, sed pergit & ostendit, quomodo ad tantam eruditionis excellentiam adspiraverit? Eam facultatem partim naturæ bonitate, partim industria, consecuta est: affixa erat libris, & eruditorum consuetudine haud obiter utebatur. Verùm hæc ipsa prænobilis fœmina ad miraculum docta, in hac sua Historia, ne amor erga suum parentem nimium aliquando indulserit, nonnulli haud leviter suspicantur.*

SECT. XXXIX.

Nicetas Acominatus Zonaram immediate sequitur. Nicetam Gregoras. In hoc censu quare ponantur?

tur? Lipsii de eorum utroq; iudicium. Gregoræ fides in dubium vocatur. Johannes Cantacuzenus hoc loco à doctissimo Vossio lectoribus commendatur. Superioribus subsequatur Laonicus Calcochondylas.

Z*onaram Nicetas Acominatus, sive Choniates, ordine sequitur, eique suam immediatè subjicit Historiam. Namque ubi desinit Zonaras, ibi incipit Nicetas, & octoginta quinque annorum res gestas fusiùs ac liberiore nonnihil orationis ductu profequitur, usque ad urbem Constantinì captam à Balduino Flandro, & Ann. 1203. Ex Chonis Phrygiæ oppido oriundus erat, atque inde cognominatus. Georgii Logotheta Chronicon hîc locum habere potest, capta Constantinopoleos Historiam complectitur, annorum ferè sexaginta, nempe à Balduino Flandro ad Balduinum ultimum Imperat.*

perat. Utrique isti Auctores proximè nominati, *Zonaras* & *Choniatres*, maximos in Imperio *Constantinopolitano* honores gessere; quò magis idoneos ad *Historias* scribendas putemus. Prior ille *Magnus*

Drungarius, & * *Proto-Secretarius* fuit: hic autem posterior *Logotheta* ** *Magnus* (præter alia) & *Sacri Cubiculi Præfectus*. *Nicetam* similiter excipit *Nicephorus Gregoras*, qui *centum quadraginta quinque* annorum consequentium *Historiam* literis consignavit; nempe à *Theodoro Lascare* priore usq; ad suâ ætatem, sive ad obitum *Andronici Palæologi* posterioris; qui incidit in Ann. Chr. 1341. Fatendum quidem est, duos hosce postremos non tam *Ecclesia* quàm *Imperii Græcanici* rebus describendis operam impendisse; quum tamen *Ecclesiastica* quædam nonnunquam interponant, ac carptim pro occasione libent, nec non inter *Scriptores Ecclesiasti-*

* Juxta nonnullos Vigiliū præfectus, juxta alios militaria cohorti præfectus.

** Summus Cancellarius, ita Salmasius.

siasticos numerentur ; quumque
Zonaræ suam attexat narrationem.
Choniates, & ea, quæ Choniates reli- Beitarum
querat, Nicephorus impleat, quasi de script.
ex proposito Historiæ corpus quod- Eccles.
dam absolvere conarentur ; eos
prætermittere non potui, & præser-
tim quòd inter recentiores Græcos
melioris notæ Auctores habeantur.
Quæ postrema ratio, ut Historia-
rum amatoribus magis elucescat, &
ad horum quoq. Auctorum lectio-
nem eos faciliùs inducat, Justi Lipsii
de iis iudicium huc adpingere lu-
bet : Nicetas (inquit ille) parum ad- In not.
huc vulgò notus, fateor, sed dignissi- ad lib. 1.
mus notitia : purum rectumq. inge- Pol. c. 9.
nium, si aliud illo avo. Stylus ejus
operosus, Poëtas & Homerum sæpè
resapiens ; at res & narratio ipsa di-
stincta, composita, sine vanitate, sine
ineptiis, brevis, quod satis est, & fi-
da : & crebra apud eum & opportu-
na monita : iudicia non libera solùm.
sed sana ; ad summam legite vos poli-

tici, gratiam mihi aliquis pro indi-
 cio habebit: certè debebit. Tantum
 de Choniate. De Gregora sic pro-
 nunciat: Nicephorus Gregoras Nice-
 ta Historiam, & filum narrationis
 excepit; at non laudem. Scripsit
 enim ab urbe capta res, ad Androni-
 ci Palaeologi posterioris mortem; sed
 nequaquam pari castigatione aut in-
 dustria, & vitia plura traxit sui a-
 vi. Superfluit aut evagatur, & res
 orationesq, proprias miscet indecorè,
 imò ineptè. Iudicia tamen ejus cre-
 bra, & plerunq, recta: causa even-
 tum curiosè posita; pietas inculca-
 ta, & multa opportune ad primam il-
 lam causam relegata, id est, ad Deum.
 Sanè providentiam & fatum non a-
 lius Scriptor asseruit magis. Legen-
 dus cùm hoc nomine, tum etiam illo,
 quod pleraq, ejus Historia ab avo no-
 stro non dissidet, imò lites dissensusq,
 in sacris reperies haud dissimiles ho-
 diernis. Ita Justus Lipsius. Cæte-
 rum de fide hujus etiam Nicephori,
 à vi-

à viris in Historia doctissimis non-
 nihil dubitatur; in rebus præsertim
Andronici Palæologi illius, cujus in Voss. l. 2.
de Hist.
Gr. c. 28.
 morte eum delinere suprà diximus.

Ibi igitur, si placeat Historiarum
 studioso, legendus insuper erit *Jo-
 hannes Cantacuzenus*, qui ex *Impe-
 ratore Monachus* factus, luculen-
 tam condidit Historiam, sub nomi-
 ne *Christoduli*, de Imperio *Andro-
 nici* illius *Junioris*, & suo. Hunc
 multis nominibus Historiarum stu-
 diosis commendat doctissimus *Vos-
 sius*, utpote cujus Historia eò majoris
 fieri debeat, quia scripta est ab illo,
 non qui umbraticam semper vitam
 egisset; sed qui primùm *Magnus* fue-
 rit *Domesticus*; ac post obitum *An-
 dronici Junioris*, liberorum ejus tu-
 telam obtinuerit: & mox (ita vo-
 lente Senatu, & Imperii rebus exi-
 gentibus) Imperator creatus sit, atq;
 in ea dignitate prudenter ac fortiter
 se gesserit. His illud accedit, quòd non
 de rebus scripsit, parùm sibi perspe-

*Etis; sed quibus ipse interfuit, atque
 adeò præsuit. Sanè inter recentiores
 Gracos non ei quenquam puto præfer-
 ri oportere. Ita doctissimus Vossius.*
 Denique ne subsistat noster Histo-
 riarum studiosus, aut lectionis suæ
 interrumpat cursum, donec ulti-
 mam *Orientalis Imperii* viderit pe-
 riodum, & miseram *Ecclesiæ* inibi
 conditionem; *Laonici Chalcocon-
 dyla Atheniensis* Historiam superio-
 ribus adjungat. Is enim, quid por-
 rò factum sit, & quomodo tandem
 Augusta illa urbs, non contenta in
 Orbe secundas ferre, sed *Romæ* ipsi
 rerum dominæ vehementer æmu-
 la, in potentissimi *Turcici Tyranni*,
 ac fidei nostræ sacrosanctæq; cru-
 cis hostis acerrimi, potestatem per-
 venerit, haud negligenter ostendit.
 Quin & ejusdem Tyranni, gen-
 tisq; suæ originem auctum, pro-
 gressumq; luculenter describit. Ab
Ottomanno igitur, *Orthogulis* filio,
 qui regnare cœpit circa Annum
 MCCC.

MCCC. orditur Historiam, quam decem libris exequitur, atq; iis Ecclesia Imperiique Orientalis res, usque ad captam à Mahomete Constantinopolim circa Annum Chr. 1453. complexus est.

SECT. XL.

Blondus Foroliviensis *Orientalium Scriptorum defectum in Historia Ecclesia supplere potest, unà cum aliis. Sigebertus Gemblacensis. De eo sententia Card. Bellarmini. Sigebertum continuat Robertus Abbas ad Ann. 1250, Chronicon Hirshavense ad Ann. 1370. Et Paraleipomena ei Chronico adjuncta ad seculum proximè elapsam. Gobelini Personæ Cosmodromium. Ubi, & quando legendum? Ejus laus. Loco Cosmodromii legi potest Alberti Crantzii Metropolis, in quam multa è Gobelino congesta; & Historia à Caroli M. temporibus ad Ann. 1504. perdu-*

Etia. Potest etiam Naucerus horum vicem supplere. Et ut repetitiones vitet Lector, incipiat à mediis generationibus Tomi secundi. Joh. Sleidanus Commentarios Ecclesiasticos scripsit ab Ann. 1517. ad Ann. 1556. quos continuavit Caspar Lundorpius ad Ann. 1609.

VErùm enim verò, Auctores, quos postremò recensuimus, de rebus *Orientalibus* omninò scripserunt, *Occidentalis Ecclesie* statum, vix quidem obiter attigerunt. Hunc itaque defectum *Blondus Forjulienfis* (qui integram & continuam rerum seriem post inclinationem Imperii factum in *Decadibus* suis complexus est, ab An. Chr. 407. usq; ad 1400. quemadmodum suprà quoque notavimus) loco multorum præstabit, vel sequentes Auctores facilè supplebunt. Nimirum primò *Sigebertus, Monachus Gemblacensis*, in *Brabantia*; ab An. Chr.

Chr. 381. (hoc est paullò ante finem *Tripartita Historia*) exorsus ad Annum usq; M. C. XIII. suum *Chronicon* perduxit. Iniquiorem quidem fuisse eum *Gregorio VII.* Pontifici Maximo, affirmat *Bellarminus*; ob studium videlicet erga Imperatorem *Henricum quartum*, cujus partibus etiam fortasse favebat; immò mendacii eum postulat idem *Bellarminus*, circa ipsius *Gregorii* obitum; verùm quàm verè, ipse viderit. *Sigebertum* autem continuavit *Robertus Abbas de Monte*, usq; ad Ann. M. CCX. Deinde *Chronicon Hirsavense Trithemii*, usque ad Ann. 1370. *Chronico* denique *Abbatis Urspergensis* addita *paraleipomena* Historiam ad nostra ferè tempora perduxerunt. Vel, si isti minùs placeant, alios habemus; nihilò superioribus lectu minùs dignos. In hoc censu primus est *Gobelinus* quidam *Persona*, Auctor non contemnendus, doctorem judicio; qui *Chro-*

De Sac.
Eccles.
Ann.
1105.

nicon universale instituit, quod *Cosmodromium* inscripsit; quo res Ecclesiæ juxta & Reipub. completitur, ab orbe condito usque ad Ann. Chr. 1418. quo tempore imperavit *Sigismundus Caroli IV. filius.*

*Albin.
Histor.
Sax. p.
246.*

Gobelinus iste opus suum in *sex Ætates* distinxit, per quas omnes apparet, eum pro capiti seculi, in quo vixit, non vulgari, & eruditione & diligentia atque studio indagandarum rerum, ad Historiam pertinentium, fuisse. Jam verò, si quis fortè existimaverit, rerum ante Christum natum repetitiones Lectori tædium allaturas, cum ad hunc Auctorem accesserit; incipiat ab *Ætate sexta*, quæ à Nativitate domini auspiciatur. Vel, si id etiam minùs gratum fuerit, post hunc *Albertus Crantzius Metropolim* scripsit, sive Historiam *Ecclesiasticam*, de Ecclesiis, *Caroli M. ætate* constitutis, vel instauratis. In qua contexenda *Metropoli Gobelinæ Cosmo-*

Cosmodromio plurimùm est usus, integrasque ex eo paginas descripsit; quod fecerunt etiam alii post eum, testante doctissimo *Vossio*. Oreditur à *Caroli Magni* temporibus, ac progreditur usque ad Ann. 1504. Denique *Johannes Nauclerus*, Nobilis Suevus, *Chronicon* scripsit ab initio *Voss. de*
Mundi, usque ad Ann. M. D. duobus voluminibus distinctum. *Hist. Lat. l. 3. c. 9. p. 372.*
Pri- mum volumen *Generaciones* (uti vocat) sexaginta tres continet, videlicet *Generaciones Veteris Testamenti*. Volumen secundum cum *Voss. l. 3. c. 10. de Hist. Lat. p. 581.*
Appendicibus Generaciones Testamenti Novi, quinquaginta & duas complectitur. Istud autem opus priusquam ederetur, *Philippus Melancthon* partim disponendo, partim augendo, partim etiam retexendo, id præstitit, ut lectio libri istius à plurimis expeteretur; & fructu voluptateque non careret. Potest verò Lector à *secundo volumine*, vel à mediis ejusdem voluminis genera-

254 METHOD. LEGENDI
tionibus, Historiæ continuationem
petere; si fortè earum rerum, quas
in aliis Auctoribus jam legerit, re-
petitiones vitare cupiat. Postremò
Johannes Sleidannus patrum nostro-
rum memoria, *commentarios* scripsit
de statu Religionis, ab Anno M. D.
XVII. ad Ann. M. D. LVI. ejus au-
tem Historiæ continuationes adje-
cit *Casspar Lundorpius* tribus volumi-
nibus usque ad Ann. M. DC. IX.

SECT. XLI.

*Venerabilis Beda & Ussuardus mini-
mè prætereundi, neq, Pontificum
Rom. vitarum Scriptores. Ana-
stasius Biblioth. Bartholomæus
Platina; eorum insignia elogia.
Platinam recensuit Onuphrius,
& continuavit ad Ann. 1566. Si-
gonius quoq, suis Historiis res Ec-
clia intertexuit, & in hoc censu nu-
merari meretur. Sigonii & O-
nuphrii elogia.*

Extant

EXtant præterea Auctores alii
 non pauci, nec minoris æsti-
 mandi, quàm pleriq; superiorum.
 Inter quos primo loco *venerabilis*
Beda, nostras, occurrit; qui *Anna-* Car. Si-
les scripsit à *Mundi* initio, ad Impe- gon. in
 ratorem *Leonem Iconomachum* di- Indic. de
 ctum; cujus ætate floruit Ann. 730. Hist.
 Cùm ad sua tempora devenit, latius
 res explicavit, diligens & pius scri- Bellar. de
 ptor. Circa Ann. 812. floruit *Usu-* Script.
ardus, *Monachus Fuldensis*, natio- Ecclef.
 ne *Gallus*, sed *Alcuini* nostratis disci- An. 812.
 pulus. Is *Caroli Magni* jussu *Martyrologium* edidit; in quo *Confesso-*
rum, aliorumque *Sanctorum* Vitas
 paucis inseruit: id hodieq; extat,
 non exiguo *Historiæ Ecclesiasticæ*
 bono, ut viri doctissimi verbis utar.
 Præ reliquis, qui de rebus *Ecclesiæ*
Occidentalis scripsere, haudqua-
 quam negligendos, immò potius
 cum primis legendos existimo, *Vi-*
tarum Pontificum Romanorum Scri-
 ptiores; præsertim *Anastasium Bi-*

bibliothecarium, & *Baptistam*, sive *Bartholomæum Platinam*. In illo quidem (dicit, nescio, quis *Moguntinus*, haud indoctus) habemus sincerè & fideliter, excluso omni verborum fucò, descriptas *centum & novem Romanorum Pontificum* *Vitas*; hoc est, quotquot à Beato *Petro Apostolo*, usque ad An. Dom. *ferè septuagesimum supra octingentesimum Romanam Cathedram* obtinuerunt: videlicet à Beato *Petro* usque ad *Nicolaum primum*, qui Anno 867. è vivis excessit. Scriptoris hujus egregium habemus *elogium* apud magnum *Annalistam*, *Cardinalem*; sic enim loquitur: *Anastasius Bibliothecarius*, etsi rudi stylo, fidelissimè tamen rerum *gestarum Historiam* enarravit; immò in rerum sui temporis narratione *nulum fideliozem & meliorem Scriptorem* habemus, apud quem magis cum *simplicitate veritas*, quàm cum *fucò mendacia* valuerunt. Et de eodem
cla-

Tom. 9.
ad An.
752. &
799.

clarissimus Historicus *Carolus Sigonius* : Nobis valde charus , inquit , esse debet hic Scriptor , quòd ea , quæ nec meliores , nec pejores habent , literarum monumentis tradiderit.

Bartholomæus Platina (id enim prænomen ei indit *Volaterranus* , & argumentis satis liquidis probat doctissimus *Vossius* , licet à plerisq; aliis Lib. de
Histor.
Lat. p.
334. vocetur *Baptista*) de *Vitis Pontificum* usque ad *Paulum II.* scripsit ,

labore quidem ingenuo , & incorrupta veritate , Pontificii Principatus actiones in lucem proferens. Ita de eo *P. Jovius*. Cui etiam concinit *Volaterrani* de eodem judicium ; nempe virum fuisse gravem affirmat , & Eleg. 19.
Vrr. 14.
Volat.
lib. 21. f.
246. b. procul mendacio , eòq; admiratione digniorem , quòd jam provecta ætate ,

ac posito tyrocinio (quod totum militiæ prius tradiderat) literas didicit.

Vixit tempore *Sixti Papa* , quarti ejus nominis ; cui & opus suum dedicavit , & à quo *Bibliotheca Vaticane* præfectus erat. Huic libro

notas

Bel. de
Sc. Eccl. notas *Onuphrius Panvinus* addidit
Ann. (ita *Bellarminus*) non contemnendas;
1472. & porrò à *Sixto quarto* incipiens,
Onuphr. *Pontificum quatuordecim* *Histo-*
in pref. *riam*, usq; ad *Pium quintum*, & ad
ad Lett. *Annum M. D. LXVI.* eam propa-
Onuphr. *gavit.* Quorum Vitis describendis
in pref. *Onuphrius*, præter privatos publi-
ad Lett. cosque annales, diaria & acta con-
sistorialia, *Raphaëlem Volaterra-*
num, & *Pautum Jovium* præcipuè
 secutus est Auctores; & aliquot
 etiam à *Jovio*, sed brevissimè; mu-
 tuatus est. Denique (uti inter civi-
 les Historicos suprà notavimus) res
 in *Occidentali Imperio*, tam ad *Ec-*
clesiam quàm ad *Remp.* pertinentes
 (quæ comperiri diligentia possent)
 singulari cura collegit eruditissimus
Sigonius; easque quàm verissimè in
 maxima rerum obscuritate Scripto-
 rum dissensione, & temporum ve-
 tustate potuissent, luculento stylo
 posteritati mandavit: à *Diocletiano*
 & *Maximiano* Augustis incipiens
 Anno

Anno 281. & in morte *Justiniani* desinens, qui obiit Anno Chr. 565. Hic etiam adhiberi possunt ejusdem Auctoris Historiæ; *Bononiensis*, & de *Regno Italia*; idem, quod *Sigonius*, præstitit *Flavius Blondus Forojuliensis*, inferiùs paulò Historiam incipiens, sed longiùs continuans, nempe ab Anno Christi CCCCVII. usque ad Ann. 1440. Sed non pari accurratione, aut elegantia, cum Sigonio; usus est enim dictione non admodum culta (ut *Volaterranus* agnoscit) de antiquitate tamen utique interdum aliquid humani patiat, sanè pro ætate, qua vixit, optimè meretur. Uti doctissimus *Vossius*. Floruit autem circa Ann. CI^oCCCCXL. *Eugenii IV.* plurimumq; Pontificum Romanorum Secretarius.

Lib. 3.
de Hist.
Lat. p.
531.

SECT. XLII.

Centuriatores Magdeburgici opus
in hoc genere perquam utile edi-
derunt.

derunt. Rev. Episcopi Cicestrensis de eo iudicium. Quid in eo laudabile contineatur? Fundamentum ejus probè locatum. Materies ad structuram unde collecta? Defectuum excusatio.

QUòd si tot juges pervolvere Auctores, Historiarum studio, res nimii laboris, hîc quoq; videatur; atque uni alicui aut alteri (ubi instar omnium aliorum possit invenire) potiùs insistere dèsideret; *Centurias* habemus *Magdeburgicas*, à viris quibûsdam doctis, in eum finem maximè contextas; ut, quæ fuerit *Ecclesiæ fides* per singula secula, quæ *disciplina forma* exterior, quæ *mutationes* illi acciderint, ob oculos hominibus ponerent; quod luculenter præstiterunt, atque opus certè perquam laudabile, *Ecclesiæq;* nostris præsertim temporibus (quibus tot ac tantæ circa fidem ac disciplinam moventur con-

controverſiæ) ſi *cantè* interdum & *circumſpectè* legatur, apprimè utile ediderunt. De quo liceat mihi Reverendiſſ. *Ciceſtrenſis* *Epilcopi* judicium ſuis ipſius verbis hîc proferre; quibus quid de ſuperioribus omnibus præ hoc uno opere cenſendum ſit, quidq; in hoc opere maximè obſervandum intelligetis. Sic enim

eruditiffimus Antiltes: *Post tabulas* *Præfat.*
in App.
n. 47.
quasdam & delineationes chronologi-

cas ſeculorum, ab Apoſtoliſ decurren-
tium, in quibus leviori opera, ſed non

inutili lineamentorum quadam ad-
umbratio, non τὸ σῶμα vel τὸ σῶο-
λον repræſentabatur: poſt nonnullas

hinc inde, prout tulerat occasio, per
partes decerptas Hiſtoria Eccleſiaſti-

ca racemationes, inventi tandem
ſunt, qui ſeriò rem aggreſſi, pleniffi-

mam nobis vindemiam expreſſerunt:
Centuriatores nimirum, qui dicun-

tur Magdeburgici: facinus aggreſſi
pulcherrimum, opus arduum, Her-
culeam molitionem: qui de diſjectis

hinc

hinc inde, & vagè varicq, dispersis
 ruderibus antiquitatis, collisæ ple-
 runq, dissipata, & dissecta, adificium
 quoddam insigne, ac usu eximium,
 orbi Christiano construxerunt. In
 quo multa sunt, quæ laudes, & admi-
 reris: nec pauciora, quæ nequeas com-
 probare. Pergit autem Reverendus
 idem Antistes particulatius narrare
 (& ut Lector noster, quem institui-
 mus, diligenter observet, suadeo)
 pergit, inquã, narrare, quæ proban-
 da laudandaq; æstimaret: Certè qui-
 dem rerum ordo ille splendidus; series
 & methodus singularis, rerum &
 temporum dispositio enucleata; quæ
 per singulas annorum Centurias ob-
 servant & proponunt, ita ut sigilla-
 tim exhibeantur Fidei exsecratis, disci-
 plinae nece, mores hominum, virtu-
 tum progressus & incrementa; labe-
 iterum atque navi, hæreses, errores,
 aberrationes à vera & sincera pietate,
 schismata ex ambitione, & factio-
 nes concitata; viri celebres per æn-
 tes

Idem ib.

n. 41.

tes singulas, eruditionis fama & sanctitatis commendatione. Hæc, inquam, & similia Censuriarum ornamenta, quæ negari nec possunt, nec debent, mentes movent, jucunda luce persundunt; non ipsas solummodo res enarrandas, sed vitam quoque Historiæ veritatem commendant, & ad se legentium oculos animosq; blandissimè alliciunt insinuando. Quod nobis ædificium Historicum dum construunt, fundamentum ejus in primis statuunt εὐ καὶ καλῶς super lapidem illum pretiosum angularem: à Deo structorum omnium ἀρχιτέκτων τῶ excisum de monte, dedolatum, exasciatum, positum & fundatum in scripturis sacrosanctis, quatuor sanctissimorum Evangelistarum: ab Apostolis, & illorum demum ministerio, excultum dein, & perpolitum: quem & scripta epistola ad Ecclesias, & actus contexti de Ecclesiis, ad eternitatem propagarunt. Hinc jam pro-
 vecti ulterius in apertum & immensum

sum pelagus, disciplina formam exte-
riorem: Fidei Ecclesiastica normam
& tenorem: mutationes in moribus
& conversatione: Hæreticorum frau-
des, imposturas, impietates, adversa-
riorum evanthes: Militum, Du-
cum & Pancratiastarum Jesu Chr.
colluctationes & agonismata, per par-
tes illius operis luculentissimi, cum
multiplici aliarum rerum veritate,
exhibent & exponunt, indagatores
certè solertissimi, enarratores expe-
diti. Ulteriùs adhuc progreditur
doctissimus Præsul, indicatq;, unde
gentium tot ac tanta, navissimi ma-
ximeq; industrii centuriatores, coë-
gissent in unum & comportassent:

*Idem ib.
n. 49.*

*Ista quidem omnia (inquit) sic cor-
rasa undecunq; convasata, in unum
velut acervum contulerunt, de scri-
ptis Patrum apologeticis & eristicis,
de scriptis dogematicis, commenta-
riis & explicationibus credendorum:
de sermonibus panegyricis, & homi-
liis: de Actis imprimis synodalibus:*

de

de epistolarum tabulis, ad diversos de
diversis rebus: Historiis veterum ad
extremum, quæ de clade temporum
superiorum, nobis adhuc supersunt
paucæ, vel integræ vel redactæ in epi-
tomen, lautam sanè supellectilem, &
quoad fieri potuit, instructissimam.
Si quid operi instituto de perfectione
defuit, vel debita vel destinata, ex æ-
quo & bono, more majorum possit ex-
cusari; tum quòd principes rem ag-
gressi, aliis intentatam illibatam: tum
quòd secundas curas non adhibuerint,
ut illa, quod fieri per *ἐπιτομὴν* so-
let, quæ minùs exactè vel enucleatè
fuerant ab initio delineata vel deliba-
ta, limatiùs deinceps exaccurare, &
majori cura atque diligentia possent
perpolire.

SECT. XLIII.

Centuriatores erroribus obnoxios
docet eruditissimus & Reverend.
Cicestrensis. Casaubonus agno-
scit. Opus ipsum tamen valdè u-
tile esse ostendit idem Reverend.
Antistes.

Hæc

HÆc atq; alia plura, Reverendi *Antistites*, de *Magdeburgensibus*, unde, quid, & quanta præstiterint, facile dignoscat Lector. Sed eorum etiam *σφάλματα*, errores, & vitiosos affectus nosse haud parùm intererit, neque id prætermisit eruditissimus idem *Præsul*; imò luculenter ostendit, in quibus peccârint, in quibus sese reprehensione dignos exhibuerint: uti legere potestis in eadem præfatione ad *Apparatum num. 50. 51. 52. & 53.*

*Epistol.
prælim.
ad Exer-
cit. cont.
Baron. 3*

Quin & doctissimus *Isaæus Casan-
bonus* agnoscit, haud pauca esse, quæ
desiderari possunt in aliquibus *ope-
ris illius luculentissimi* partibus. Et
tamen reverà quanquam non pau-
ca habeant *Centuriatores* isti, quæ
nec ferri debeant, fortasse nec ex-
cusari; nihilominus eruditissimus
idem *Præsul*, numero statim 54. fa-
tendum affirmat, *utilissimum Rei-
pub. Christiana* extitisse, illud homi-
num *laboriosissimum* *ἐκπόνημα*.

*Præf. ad
Appar.*

Opus

Opus omni laude & acceptatione dignum. Nec temerè id affirmat; rationes insuper multiplices subjungit, quarum nonnullas suis ipsius verbis longè disertissimis hîc referre nequaquam pigebit:

Quippe (inquit) cùm veteris Reipub. Christiana effigiem representet, mores exprimat, fidem enunciet: tum successiones Apostolicas per Ecclesiam, doctrina progressum & diffusionem notet; defectus, navos, & ἄλλοις ἀπὸ τῶν ἑρῆσιν ab Hæreticis in vectas, & à sentina schismaticorum. Hac & alia hujus generis scitu utilissima, cùm τὰ ἐκ τῶν κειμένων, velut magni aedificiî quædam rudera, vel corporum disjunctorum σύνταγμα, sub uno & eodem intuitu, in unum simul collecta posuere; est hæc ipsorum opera cùm laude digna & acceptatione, tum vel maximè conjuncta cum communi utilitate. Ita enim quæ prius per anfractus & ambitus, nescio quos, per infinitas circuitiones consuectabamur;

O

qua

qua raptim, carptim, sparsim, hic, illic, alibi, prout se occasio offerebat, magno labore & conatu nonnunquam irrito, erant indaganda, illa omnia jam disposita particulatim, locis suis certis, & determinatis, luce quadam ordinis & dispensatione commendatiora, cujuscunque vel mediocri industria perquiri possunt; ita ut statim obversentur oculis, non difficulter usibus inserviant, & in rem presentem offerantur. Hæc de Centuriatoribus & eorum opere celeberrimo.

SECT. XLIV.

Baronii Annales Centuriis pares.
Opus planè stupendum. Casauboni de eo judicium, item Reverend. Præsulis Cicestriensis Annales isti cautè legendi quare? Spondanus Jesuita eorum Epitoinator.

AQualis momenti atque estimationis, addo & utilitatis cum Centuriis, habentur magni
Car-

Cardinalis Baronii Annales maxi- Reinold.
de Idol.
Rom. l. 1.
cap. 4.
 mi, quos istis *Centuriis* haud ita du-
 dum scripsit, ut opponeret: opus
 planè stupendum (confessione do-
 ctissimorum, & ipsius *Casauboni*) In pro-
leg. ad
Exercit.
 utpote quò totius orbis *Christiani*
 res gestas, præsertim autem eas,
 quæ ad *Ecclesiam* pertinebant, in
 continuam seriem annorum sic di-
 gessit Auctor, ut si *unius urbis Fastos*
*concinna*ret. Is etiam unus est, qui
 nescio unde ex abdito, tam multa,
 planè priùs ignota, primus prompsit
 in lucem; qui antiquorum *Episcopo-*
rum in magnis urbibus successio-
 nes, veterum hærescon originem,
 progressum & finem, tempora *Ec-*
clesiæ sive tranquilla, sive turbulenta,
 tam accurata diligentia explicuit;
 qui denique (merita sua in *Eccle-* «
siam si immoderato partium studio «
 non corrupisset) *dignus erat sine* «
controversia, cui omnes, & veteres
 & recentiores, qui illam eruditionis
 partem unquam attigerunt, adsurge-
 rent,

rent, & fasces submitterent. Sic de
Cardinale Baronio clarissimus *Casau-*
bonus. Neque solitarius est in hac
 de viro magno sententia ; suffra-
 gantur ei (uti dixi) doctissimorum
 plerique, qui recto freti iudicio, a-
 lienarum vigiliarum *censores* esse
 merentur. Præ aliis auctoritatem
 apud nos eruditissimus *Antistes Ci-*
cestriensis toties suprâ advocatus, ju-
 re meritò vindicare potest, qui ma-
 gnum illum *Cardinalem* laudat, ubi
 meretur ; neque ei parcit, ubi vitu-
 perandum censet. Ipsissima ejus
 verba accipitote : *Nihil est pane*
 (inquit) *quod magnopere desideres in*
Baronio, si unum illud abfuisset, cui
nimis incumbit semper, & indulget
vehementius, partium studium &
negotia. Negari hand quidem
 potest, quod in illo accusant doctissimi
 viri, aded illum in defensione & laude
 illarum partium, quas probabat,
 quas propugnandas susceperat, totum
 esse occupatum ; ut quicquid uspiam
 est,

Raf. ad
App.
63.

est, vel extabat olim, per Romanam
 Ecclesiam depravati moris, deserta
 vel desolata fidei, nundinationum sa-
 crarum rerum improbissimarum, sa-
 crilegii execrandi: quicquid patra-
 tum audacius, quae plurima erant,
 & insolentius in nominis Christiani
 præjudicium, Ecclesie dedecus, pietatis
 opprobrium, Jesu Christi contum-
 eliam, per Pontifices quosdam im-
 probissimos (quod non inficiantur vel
 Catholicissimi, hominum monstra
 agnoscetes, & humanitatis propu-
 dia) excuset, hoc parum est; quin lau-
 det interdum, & exornet ab oratio-
 ne. Non refingit mores urbicos ad
 antiquitatem, sed ipsam antiquissi-
 mam antiquitatem, in vitam, relu-
 etantem, obtorto collo trahit ad fidem
 urbicam tuendam; illam inprimis
 malè natam, malè fotam; de directâ
 Pontificis omnipotentia, ad quam
 confirmandam, omnem suam appli-
 cat suppellectilem, & ingenii nervos
 contendit. Ita doctissimus Antistes.

Adeò ut rectè concludere liceat, haud temerè dictum à clarissimo *Casabono*, ingentia *Cardinalis* merita, partium studio fuisse corrupta. Hac propter (Auditores) sciat *Eccllesiastica Historia* studiosus, *Annales Baronianos* non sine cautione legendos; ubi verò, & quanta adhibenda sit, ex parte aliqua luculenter indicat eruditissimus *Casabonus* in prolegomenis suis ad *Exercitationes Baronianas*. - Sed & doctissimus *Antistes Cicestriensis* sicuti *Magdeburgensium* errores ac temerationes perstrinxit, ita etiam in quibus reprehensionem incurrat *Praeulstris Annalista*, non uno in loco disertis verbis commonstrat. Voluminosum illud *Cardinalis* opus in *Epitomen* contraxit *Spondanus*, homo *Jesuita*, sed maledicus, & convitiator egregius; qui tamen diligentiae suae meritas fortasse posset reportare laudes, nisi *Baronianis* nimis superstitiosè insistens vestigiis, *Paparum*
 omni-

omnipotentiam astrueret, Regum Principumque majestatem immi-
nueret; & perniciosissimum *Hilde-*
brandine doctrinæ venenum lecto-
ribus ebibendum, quasi aliud agens,
propinaret.

SECT. XLV.

Priores Centurias Magdeburgicas
octo compendifecit Lucas Osi-
ander, *nec inutiliter*. Ab octava
ad decimam sextam *transiit*. *Ejus*
res merito fusiùs tractat. *Ad hanc*
Centuriã pertinet Historia Con-
cilii Tridentini. *Istius operis atq;*
etiam Auctoris encomia. Jac. Au-
gust. Thuanus *accurata sua Hi-*
storia res etiam Ecclesiasticas in-
terseruit, ab *Ann. 1546. ad Ann.*
1608. inde continuatur Historia ad
Ann. 1618.

Magdeburgensium etiam Cen-
turias, octo scilicet priores, in
compendium reduxit Lucas Osi-
ander, vir nequaquam postremi no-
minis;

minis; atque ita quidem reduxit, ut nihil fere rerum scitu admodum necessariarum omitteretur. Nam (præter singulorum annorum seriem) faciliori negotio conspiciendum proposuit, quis fuerit *Ecclesia* status, à Christi nativitate & deinceps? quomodo *Evangelii doctrina* in orbem terrarum sparsa sit? quæ hæreses in *Ecclesia* fuerint exortæ, & quibus mediis oppressæ? quæ persecutiones contra *Ecclesiam* mortæ, & quomodo sedatæ fuerint? quos Doctores *Ecclesia* singulis temporibus habuerint? inter quos & *Romanorum Episcoporum* vitæ recensentur. Sed & *Romanorum Imperatorum* acta quoque describuntur, atque hæc omnia compendio satis laudabili complexus est. Ab octava verò Centuria ad decimam sextam transilit (quam quidem *Magdeburgenses* non attigerunt, nam in decima tertia desierunt) resq; in ea gestas aliquanto fusiùs tractat: ejusque

ejusque sui facti rationem ipse reddit, in Epistola sua præliminari, hisce verbis: *Ego verò (inquit) puto ab Apostolorum temporibus, jam olim elapsis, nullam esse Historia Ecclesiastica partem, quæ nostro seculo piis hominibus cognitu magis sit utilis, & necessaria, quàm hanc ipsam, quam nunc in lucem emitto: continet enim mutationes in religione, & in Repub. longè maximas; quales, & quanta, & quot, in nulla unquam Centuria contigerunt.*

Ad hanc Centuriam pertinet *Historia Concilii Tridentini*, An. 1542. indicti, Anno 1545. inchoati, & in Annum 1563. producti. Historia mehercule auro (dicam?) immò gemmis pretiosissimis contra, non cara, & omni ære diutiùs perennatura; A P. M. Paulo Veneto, Ordinis Servorum scripta: viro eruditionis admirandæ, exquisitissimi judicii, indefatigabilis industriæ, modestiæ deniq; & integritatis vix æqui-

hinc inde, & vagè variegq, dispersis
 ruderibus antiquitatis, collisa ple-
 rung, dissipata, & dissecta, adificium
 quoddam insigne, ac usu eximium,
 orbi Christiano construxerunt. In
 quo multa sunt, quæ laudes, & admi-
 reris: nec pauciora, quæ nequeas com-
 probare. Pergit autem Reverendus
 idem Antistes particulatiùs narrare
 (& ut Lector noster, quem institui-
 mus, diligenter observet, suadeo)
 pergit, inquã, narrare, quæ proban-
 da laudandaq; æstimaret: Certè qui-
 dem rerum ordo ille splendidus; series
 & methodus singularis, rerum &
 temporum dispositio enucleata; quam
 per singulas annorum Centurias ob-
 servant & proponunt, ita ut sigilla-
 tim exhibeantur Fidei ex Deo, disci-
 plina prædictæ, mores hominum, virtu-
 tum progressus & incrementa; labe-
 iterum atque nævi, hæreses, errores,
 aberrationes à verâ & sincera pietate,
 schismata ex ambitione, & factio-
 nes concitata; viri celebres per aui-

Idem ib.
 n. 41.

tes singulas, eruditionis fama & sanctitatis commendatione. Hæc, inquam, & similia Censuriarum ornamenta, quæ negari nec possunt, nec debent, mentes movent, jucunda luce perfundunt; non ipsas solummodo res enarrandas, sed vitam quoque Historia veritatem commendant, & ad se legentium oculos animosq; blandissime alliciunt insinuando. Quod nobis ædificium Historicum dum construunt, fundamentum ejus in primis statuunt ἐν ᾧ καλῶς super lapidem illum pretiosum angularem: à Deo structorum omnium ἀρχιτεκτονικῶς τὸ ἐκτεταγμένον excisum de monte, dedolatum, exasciatum, positum & fundatum in scripturis sacrosanctis, quatuor sanctissimorum Evangelistarum: ab Apostolis, & illorum demum ministerio, excultum dein, & perpolitum: quem & scripta epistola ad Ecclesias, & actus contexti de Ecclesiis, ad aeternitatem propagarunt. Hinc jam pro-
 vecti ulterius in apertum & immen-
 sum

sum pelagus, disciplina formam exte-
riorem: Fidei Ecclesiastica normam
& tenorem: mutationes in moribus
& conversatione: Hereticorum frau-
des, imposturas, impietates, adversa-
riorum evantheis: Militum, Du-
cum & Pancratiastarum Jesu Chr.
colluctationes & agonismata, per par-
tes illius operis luculentissimi, cum
multiplici aliarum rerum veritate,
exhibent & exponunt, indagatores
certè solertissimi, enarratores expe-
diti. Ulteriùs adhuc progreditur
doctissimus Presul, indicatq;, unde
gentium tot ac tanta, navissimi ma-
ximeq; industrii centuriatores, coë-
gissent in unum & comportâssent:

*Idem ib.
n. 49.*

Ista quidem omnia (inquit) sic cor-
rasa undecunq; convasata, in unum
velut acervum contulerunt, de scri-
ptis Patrum apologeticis & eristicis,
de scriptis diegematicis, commenta-
riis & explicationibus credendorum:
de sermonibus panegyricis, & homi-
liis: de Actis inprimis synodalibus:

de

de epistolarum tabulis, ad diversos de
diversis rebus: Historiis veterum ad
extremum, quæ de clade temporum
superiorum, nobis adhuc supersunt
paucæ, vel integræ vel redactæ in epi-
tomen, lautam sanè supellectilem, &
quoad fieri potuit, instructissimam.
Si quid operi instituto de perfectione
defuit, vel debita vel destinata, ex a-
quo & bono, more majorum possit ex-
cusari; tum quòd principes rem ag-
gressi, aliis intentatam illibatam: tum
quòd secundas curas non adhibuerint,
ut illa, quod fieri per $\epsilon\pi\alpha\nu\omega\epsilon\delta\omega\sigma\epsilon\iota\varsigma$ so-
let, quæ minùs exactè vel enucleatè
fuèrant ab initio delineata vel deliba-
ta, limatiùs deinceps exaccurare, &
majori cura atque diligentia possent
perpolire.

SECT. XLIII.

Centuriatores erroribus obnoxios
docet eruditissimus & Reverend.
Cicestrensis. Casaubonus agno-
scit. Opus ipsum tamen valdè u-
tile esse ostendit idem Reverend.
Antistes.

Hæc

HÆcatq; alia plura, Reverendi *Antistites*, de *Magdeburgensibus*, unde, quid, & quanta præstiterint, facile dignoscat Lector. Sed eorum etiam *σφάλματα*, errores, & vitiosos affectus nosse haud parùm intererit, neque id prætermisit eruditissimus idem *Præsul*; imò luculenter ostendit, in quibus peccârint, in quibus sese reprehensione dignos exhibuerint: uti legere potestis in eadem præfatione ad *Apparatum num. 50. 51. 52. & 53.*

*Epistol.
prælim.
ad Exercit.
cont.
Baron. B*

Quin & doctissimus *Isaacus Casanbonus* agnoscit, haud pauca esse, quæ desiderari possunt in aliquibus operis illius *luculentissimi* partibus. Et

tamen reverà quanquam non pauca habeant *Centuriatores* isti, quæ nec ferri debeant, fortasse nec excusari; nihilominus eruditissimus

*Præf. ad
Appar.*

idem *Præsul*, numero statim 54. fatendum affirmat, *utilissimum Reipub. Christiana* extitisse, illud hominum *laboriosissimum* *ἐπιμύημα*.

Opus

Opus omni laude & acceptatione dignum. Nec temerè id affirmat; rationes insuper multiplices subjungit, quarum nonnullas suis ipsius verbis longè disertissimis hîc referre nequaquam pigebit:

Quippe (inquit) cùm veteris Reipub. Christiana effigiem representet, mores exprimat, fidem enunciet: tum successiones Apostolicas per Ecclesiam, doctrina progressum & diffusionem notet; defectus, navos, & quædiu scis ab Hæreticis invecetas, & à sentina schismaticorum. Hac & alia huius generis scitu utilissima, cùm ætæ ædificiorum, velut magni edificii quedam rudera, vel corporum disjunctorum συνάρματα, sub uno & eodem intuitu, in unum simul recollecta posuere; est hac ipsorum opera cùm laude digna & acceptatione, tum vel maximè conjuncta cum communi utilitate. Ita enim quæ prius per anfractus & ambitus, nescio quos, per infinitas circuitiones consuectabamur;

O

qua

qua raptim, carptim, sparsim, hic, illic, alibi, prout se occasio offerebat, magno labore & conatu nonnunquam irrito, erant indaganda, illa omnia jam disposita particulatim, locis suis certis, & determinatis, luce quadam ordinis & dispensatione commendatiora, cujuscunque vel mediocri industria perquiri possunt; ita ut statim obversentur oculis, non difficulter usibus inserviant, & in rem presentem offerantur. Hæc de Centuriatoribus & eorum opere celeberrimo.

SECT. XLIV.

Baronii Annales Centuriis pares. Opus planè stupendum. Casauboni de eo judicium, item Reverend. Præsulis Cicestriensis Annales isti cautè legendi quare? Spondanus Jesuita eorum Epitoinator.

AQualis momenti atque estimationis, addo & utilitatis cum *Centuriis* habentur magni
Car-

Cardinalis Baronii Annales maxi- Reinold.
de Idol.
Rom l. 1.
cap. 4.
mi, quos istis *Centuriis* haud ita du-
dum scripsit, ut opponeret : opus
planè stupendum (*confessione do-*
ctissimorum, & ipsius Casauboni) In pre-
leg. ad
Exercit.
utpote quò totius orbis *Christiani*
res gestas, præsertim autem eas,
quæ ad *Ecclesiam* pertinebant, in
continuum seriem annorum sic di-
gessit Auctor, ut si *unius urbis Fastos*
*concinna*ret. Is etiam unus est, qui
nescio unde ex abdito, tam multa,
planè priùs ignota, primus prompsit
in lucem; qui antiquorum *Episco-*
porum in magnis urbibus successio-
nes, veterum hærescon originem,
progressum & finem, tempora *Ec-*
clesia sive tranquilla, sive turbulenta,
tam accurata diligentia explicuit;
qui denique (*merita sua in Eccle-* cc
siam si immoderato partium studio cc
non corrupisset) *dignus erat sine* cc
controversia, cui omnes, & veteres
& recentiores, qui illam eruditionis
partem unquam attigerunt, *adsurge-*
rent,

rent, & fasces submitterent. Sic de
Cardinale Baronio clarissimus *Casau-*
bonus. Neque solitarius est in hac
 de viro magno sententia ; suffra-
 gantur ei (uti dixi) doctissimorum
 plerique, qui recto freti iudicio, a-
 lienarum vigiliarum *censores* esse
 merentur. Præ aliis auctoritatem
 apud nos eruditissimus *Antistes Ci-*
cestriensis toties suprâ advocatus, ju-
 re meritò vindicare potest, qui ma-
 gnum illum *Cardinalem* laudat, ubi
 meretur ; neque ei parcit, ubi vitu-
 perandum censet. Ipsissima ejus

Raf. ad verba accipitote : *Nihil est pane*
App. (inquit) *quod magnopere desideres in*
63. *Baronio, si unum illud abfuiisset, cui*
nimis incumbit semper, & indulget
vehementius, partium studium &
negotia sua. Negari haud quidem
potest, quod in illo accusant doctissimi
viri, aded illum in defensione & laude
illarum partium, quas probabat,
quas propugnandas susceperat, totum
esse occupatum ; ut quicquid uspiam
est,

est, vel extabat olim, per Romanam Ecclesiam depravati moris, deserta vel desolata fidei, nundinationum sacrarum rerum improbissimarum, sacrilegii execrandi: quicquid patrum audacius, quae plurima erant, & insolentius in nominis Christiani praedicium, Ecclesiae dedecus, pietatis opprobrium, Jesu Christi contumeliam, per Pontifices quosdam improbissimos (quod non inficiantur vel Catholicissimi, hominum monstra agnoscentes, & humanitatis propudia) excuset, hoc parum est; quin laudet interdum, & exornet ab oratione. Non refingit mores urbicos ad antiquitatem, sed ipsam antiquissimam antiquitatem, invitam, reluctantem, obtorto collo trahit ad fidem urbicam tuendam; illam inprimis male natam, male fotam; de directa Pontificis omnipotentia, ad quam confirmandam, omnem suam applicat suppellectilem, & ingenii nervos contendit. Ita doctissimus Antistes.

Adeo ut rectè concludere liceat, haud temerè dictum à clarissimo *Casanbono*, *ingentia Cardinalis merita, partium studio fuisse corrupta.* Hac propter (*Auditores*) sciat *Eccllesiastica Historia* studiosus, *Annales Baronianos* non sine cautione legendos; ubi verò, & quanta adhibenda sit, ex parte aliqua luculenter indicat eruditissimus *Casanbonus* in prolegomenis suis ad *Exercitationes Baronianas.* - Sed & doctissimus *Antistes Cicestriensis* sicuti *Magdeburgensium* errores ac temerationes perstrinxit, ita etiam in quibus reprehensionem incurrat *Prelustris Annalista*, non uno in loco disertis verbis commonstrat. Voluminosum illud *Cardinalis* opus in *Epitomen* contraxit *Spondanus*, homo *Jesuita*, sed maledicus, & convitiator egregius; qui tamen diligentiae suae meritas fortasse posset reportare laudes, nisi *Baronianis* nimis superstitiosè insistens vestigiis, *Paparum*
 omni-

omnipotentiam astrueret, Regum Principumque majestatem immi-
nueret; & perniciosissimum *Hilde-*
brandina doctrinæ venenum lecto-
ribus ebibendum, quasi aliud agens,
propinaret.

SECT. XLV.

Priores Centurias Magdeburgicas
octo compendifecit Lucas Osi-
ander, *nec inutiliter*. Ab octava
ad decimam sextam *transiit*. *Ejus*
res merito fusius tractat. *Ad hanc*
Centuriam pertinet Historia Con-
cilii Tridentini. *Istius operis atq;*
etiam Auctoris encomia. Jac. Au-
gust. Thuanus *accurata sua Hi-*
storia res etiam Ecclesiasticas in-
terseruit, ab *Ann. 1546. ad Ann.*
1608. inde continuatur Historia ad
Ann. 1618.

Magdeburgensium etiam Cen-
turias, octo scilicet priores, in
compendium reduxit Lucas Osi-
ander, vir nequaquam postremi no-

minis ; atque ita quidem reduxit, ut
 nihil fere rerum scitu admodum ne-
 cessariarum omitteretur. Nam
 (præter singulorum annorum se-
 rierem) faciliori negotio conspicien-
 dum proposuit, quis fuerit *Ecclesia*
 status, à Christi nativitate & dein-
 ceptus? quomodo *Evangelii doctrina*
 in orbem terrarum sparsa sit? quæ
 hæreses in *Ecclesia* fuerint exortæ,
 & quibus mediis oppressæ? quæ
 persecutiones contra *Ecclesiam* mo-
 tæ, & quomodo sedatæ fuerint?
 quos Doctores *Ecclesia* singulis
 temporibus habuerint? inter quos
 & *Romanorum Episcoporum* vitæ re-
 censentur. Sed & *Romanorum Im-*
peratorum acta quoque describun-
 tur, atque hæc omnia compendio
 satis laudabili complexus est. *Ab*
octava verò *Centuria ad decimam*
sextam transfilit (quam quidem
Magdeburgenses non attigerunt,
 nam in *decima tertia* desierunt) resq;
 in ea gestas aliquanto fusiùs tractat :
 ejusque

ejusque sui facti rationem ipse reddit, in Epistola sua præliminari, hisce verbis: *Ego verò (inquit) puto ab Apostolorum temporibus, jam olim elapsis, nullam esse Historia Ecclesiastica partem, quæ nostro seculo piis hominibus cognitu magis sit utilis, & necessaria, quàm hanc ipsam, quam nunc in lucem emitto: continet enim mutationes in religione, & in Repub. longè maximas; quales, & quante, & quot, in nulla unquam Centuria contigerunt.*

Ad hanc Centuriam pertinet *Historia Concilii Tridentini*, An. 1542. indicti, Anno 1545. inchoati, & in Annum 1563. producti. *Historia* mehercule auro (dicam?) immò gemmis pretiosissimis contra, non cara, & omni ære diutiùs perennatura; A. P. M. *Paulo Veneto*, Ordinis *Servorum* scripta: viro eruditionis admirandæ, exquisitissimi iudicii, indefatigabilis industriæ, modestiæ deniq; & integritatis vix æqui-

» parandæ. Quod quidem elogium, vir & dignitate, pariter & eruditione perillustis, fidissimus ejus interpres Anglicus (qui princeps illud pretiosissimum *κειμήλιον* maximo Ecclesiæ bono, in oras hasce occiduas protulit, & publica luce donavit) ei in præliminari sua epistola meritissimò tribuit; idq; non temerè: utpotè qui literata ejus consuetudine, ac propiori familiaritate aliquandiu fretus, penitius eum nove- rat. Sed & opus ipsum tantundem luculenter præstat, ex libellis memorialibus, commentariisq; legatorum; ex Principum & Rerum-publicarum epistolis, aliisq; scriptis, à Præsulibus, Theologis, Legatisq; ipsis, qui eidem conventui interfuere, diligenter adservatis, concinnatum; tanto labore, tanta accuratone, studio & fide (sicuti doctissimus idem & clarissimus Eques ibidem observavit) ut omnes in eo genere Historias, sive veteres
sive

*D. Nath
Brent,
Eq. Au-
ratus,
Colleg.
Merton,
Præse-
dit.*


five recentiores, facile provocare
 possit. Neque solitarium hoc, aut
 unius tantum viri testimonium exi-
 stimatote (Auditores) vel de Scri- D. A-
 ptore, vel de opere ipso : accipite damus
 huic geminum germanum de utro- Nerv-
 que, ab interprete Latino, ejusdem tonus,
 ordinis Equestris viro, & ob ele- Eques
 gans ingenium juxta & eruditio- Aur-
 nem non vulgarem, clari nominis. ius,
 De Scriptore sic ille : *Neque verò*
meo is praconio indiget, quem opus
ipsum loquitur, ingenii felicem, ma-
gni rectiq; judicii virum, omni genere
doctrina liberaliter eruditum, atque
ad maximam probitatem, animiq;
mansuetudinem utraq; prudentia,
divina & humana, ac ista, tam mo-
rali quàm civili, cumulatissimè ex-
cultum. De opere vero ipso sic :
Quod Historia istius exadificationem
attinet (disertissimi viri verba se-
quor) sive res, sive verba spectes ; &
in rebus, si temporum ordinem, si
consilia, acta, eventus : & in rebus

gestis, si declarari non solum desideras, quid actum aut dictum sit; sed etiam pro modo: & cum de eventu dicitur, ut causa explicentur omnes: vel casus, vel sapientia, vel temeritatis. Hac, & alia ejusmodi, qua dicendi, scribendiq; magistri requirunt in Historiarum Scriptore, ille aded plenè accurateq; exequitur, ut in unius Concilii coagmentatione omnes Historia conscribendæ numeros impleſſe, atque hoc nomine majorum gentium Historicis accensendus meritissimè credatur.

Hujus ejusdem Centuria res etiam tam Ecclesiasticas quàm Civiles, ab Anno 1546. ad Annum 1608. luculenter descripsit *Jacobus Augustus Thuanus*, vir genere, doctrina, dignitate maximus, & inter hujus ævi Historicos principe loco dignus; uti suprà etiam à nobis observatum est. Eam *Historiam* pronuper etiam continuatam habemus

mus usque ad Annum 1618. præter
 hosce suprà recensitos in utraque
Historia Scriptores, eximii & lon-
 gè doctissimi viri, *Gerardi Johannis*
Vossii de *Historicis Græcis* libri, & de
Latinis, ingentem numerum suppe-
 ditare possunt ; ex quibus (si cui
 fortè delectus noster non arriserit)
 alium pro libitu suo facere licet. Ego
 sic censeo : & de parte prima Me-
 thodi nostræ satis di-
 ſtum opinor.





DE RATIONE ET METHODO LEGENDI

Historias

PARS SECUNDA

De idoneo Lectore.

SECT. I.

Juvenis uti moralis Philosophiæ auditor, ita & Historiarum Lector minus idoneus putandus. Quæ requirantur ad utrumq; ? Finis & scopus lectionis. Doctissimi Vossii & Keckermanni circa hanc questionem sententia discrepantes.

PArtem primam expeditimus, in qua utriusq; *Historia* Auctores recensuimus, eorumq; delectum fecimus; nec non, quo ordine sint legendi, demonstravimus. Jam verò secundo loco, quis sit *Lector idoneus*, disquirendum.

dum. Et hoc quidem, qua possimus
 brevitatem, faciemus. *Aristoteles*
Ethicorum lib. 1. cap. 3. de idoneo
moralis Philosophiae auditore dispu-
 tans, hoc habet pronunciatum:
 Διὸ τῆς πολιτικῆς ἐκ ἐστὶν οἰκείον ἀ-
 κροατὴς ὁ νέος. &c. *Juvenis* ad ci-
 vilem scientiam non est accommoda-
 tus auditor; est enim actionum, quæ
 in hac vita versantur, imperitus.
 Nimirum juvenis ignara judicandi
 in fraudem faciliè inducitur, & spre-
 tis melioribus, vana amplectitur.
 Quod si rectè hac ex parte pronun-
 ciaverit *Magister* noster, quid pro-
 hibet, quò minùs nos etiam de ha-
 bili & idoneo *Historiarum Lectore*
 idem sciscamus scitum? quando-
 quidem, *Historiam* nihil aliud esse
 quàm *Philosophiam* exemplis uten-
 tem, sapientes statuerunt. Audi-
 tori *Ethico* sive *Politico* requiritur
 primò *judicium*, *Ἀγνοοῖς*; ut re-
 rum agendarum præcepta interno-
 scat. Deinde *animus* sit ei probè
 affe-

affectus, ut praecepta rectè tradita,
 in usum dextrè transferre cupiat.
 Simili planè modo *Historiarum* Le-
 ctori facultas adsit discernendi ex-
 empla, quaecunque legerit, & de iis
 rectè judicandi; tum adsit libido
 & *animi propensio*, ea, quæ proba
 fuerint, imitandi; quæ secùs autem,
 fugiendi: omnia denique in usum
 suum convertendi. Finis enim prin-
 cipalis τῆς παρὰ τὸν πρᾶγματείας ἐστὶν
 ἡ γνώσις, ἀλλὰ πρᾶξις. Præsentis ne-
 gotii, sive considerationis *scopus*, non
cognitio & *contemplatio*; sed *usus*
 & *actio*. Atque ideo discendum,
 non ut sciamus tantùm, sed benè
 etiam agamus; & honestè vivamus.
 Unde nec desunt viri impensè do-
 cti, qui haud ullum esse studii genus
 asserunt, in quo plus solertiæ, plus
 judicii, usus, & prudentiæ, postula-
 ri videatur; quàm in *Historia*, *vite*
civilioris magistra, legenda requiri-
 tur. Quo magis mirari soleo, Ger-
 ardum Johannem Vossium, inter cru-
 dito-

ditorum hujus ævi principes, meriti-
tissimò numerandum, in libello suo
eleganti, de *Arte Historica*, firmiter
tenere, hoc studium primæ etiam
convenire ætati. *Bartholomæi Ke-*
ckermanni, aliorumque contra sen-
tientium opinionem rejicere, ar-
gumenta elevare, refellere. Ipsos
audite (si placeat) & primò *Kecker-*
mannum, deinde clarissimū *Vossium*.

Keck. de
Natura
Histor.
Part. I.
c. I. p. 10

Cum nihil aliud contineant (in-
quit *Keckermannus*) *Historia*, quàm
exempla praeceptorum, habent autem
praecepta methodum; exempla verò
non habent methodum, nisi eam, quæ
est in praeceptis, error est vulgatus, &
valde damnosus juventuti, quæ vo-
luptate & jucunditate studii *Histori-*
ci ducta, *Historias* ex professo inci-
pit legere, plerumq; antequam disci-
plinas, & praecepta ea cognoverit, ^{cc}
quibus methodus inest; & loci com- ^{cc}
munes illi, ad quos *Historia* reduci ^{cc}
debent: quod quidem valde est præ- ^{cc}
posterum, & facile intelligi potest, ex
com-

comparatione aliarum disciplinarū: exempli gratia, Grammatica, Logica &c. Sicut enim absurdus fuerit, qui exempla Grammatica, Logica, Rhetorica, velit cognoscere & notare, antequam dedicerit praecepta: ita absurdissimus haberi debet, qui Historias, idest, exempla Ethica, Oeconomica, Politica, seriò & ex professo velit legere, & notare; antequam habeat perspectam Methodum praeceptorum Ethicorum, Oeconomicorum, Politicorum &c. ita Keckermannus.

Art.
Histor.
c. 5. p. 31.

Jam si placeat, audite doctissimum Vossium: Nihil (inquit) absurdi habet (uti vult Keckermannus) si exempla ante praecepta addiscamus; linguas enim optime absq; praeceptis addisci posse, notum est. Deinde; non parvum eos (qui cum Keckermanno sentiunt) errorem committere dicit, cum non satis distinguant, inter lectionem Historiae alicujus, ac Historiam scribendi munus; ad quod
nemo

nema Philosophiæ civilis ignarus applicare animum debet. Denique confundere eos (ait) nudam & simplicem rerum omnium Historiam, cum *ιστορικῇ πραγματείᾳ*, quæ accurate in circumstantias & eventuum causas inquirat. Postremò, suam confirmat opinionem auctoritate. *Quintiliani* (optimi instituenda pueritiæ artificis) qui ab *Rhetore* jubet *Oratores* atque *Historicos* incipientibus prælegi; inque *Historicis* minimè dubitat *Livium* præponere *Sallustio*, non tantùm quia candidior sit, ac *Ciceroni* similior; sed etiam quia majoris sit *Historia* Auctor: quomodo (inquit) neutiquam loqueretur, nisi ita credidisset pueritiæ convenire. *Historias* magis universales. Hæc eruditissimus *Gerardus Johannes Vossius*.

SECT. II.

Keckermanni sententia defenditur.

Lingux absq; præceptis haud optimè

mè discuntur. *Linguarum atque actionum longè diversaratio. Philosophia practica tam legenti Historias quàm scribenti requiritur. Ubertus Folietta, Sebastianus Foxius, Viperanus ab hac parte stare videntur. Etiam doctissimus Vossius argumenta subministrat non infirma.*

SED liceat hîc nobis pace tanti viri (cujus aliàs summa apud nos auctoritas est, quemq; præcipuè in hoc genere Historico suspicimus, & veneramur) paululum dissentire; & *Keckermanni* utcunque partes aliquatenus defendere. Responderi itaque posse videtur pro *Keckermanno* : *Primò* haud diffitendum, linguas posse disci absq; præceptis, sed optimè posse disci pernegan- dum. Voces articulare, verba formare, etiam componere ac proferre; auditione, usu, colloquio absque præceptis regulisve discere solemus.

mus. Sermone verò aptè concinnare, orationem scienter instituire, vix ac ne vix quidem datur; nisi regularum & præceptorum ductu.

Præterea, quamvis loqui addiscat quis (quacunq; fuerit lingua) absq; præceptis; eloqui tamen haud poterit, multò minùs de loquelæ sive congruitate, sive proprietate dijudicare, & rationem reddere, nisi per præcepta. *Porrò* ea optimè addiscuntur, quorum perfectà habetur cognitio, quorum rationem reddere quis potest; sicuti nos docet magister noster, Aristoteles.

Adhæc, alia est linguarum ratio habenda, alia actionum; sive eas imitemur, seu mente nostra contemplan- do arbitremur: usus illas dirigit & corrigit: has præcepta & norma vivendi. Illas consuetudo civitatis (quæ nunquam in eodem statu stetit)

*Arist.
Eth.
lib. 1.*

*Senec.
Ep. 114.*

versat: Has turpis & honesti respectu temperandas, & juxta legum præcepta discutiendas novimus.

Secund-

Secundò, neque in eo videtur doctissimi Vossii sententia usquequaque comprobanda; quòd *Philosophiam practicam* concedat necessariam, *scribenti Historiam*, *legenti* verò nequaquam. Quid enim? Annon utrique finem, quasi eundem propositum, omnes affirmamus? Uni, ut vivendi rationem ab exemplis discat? Alteri, ut ex eisdem exemplis eandem pariter doceat? Annon illi scopus, ut prudentiam mortalibus, alienos describendo casus insinuet? Huic ut sibi ipsi, eosdem casus legendo & observando, prudentiam comparet? Mihi quidem sic omninò videtur. Nec mihi soli, sed plurimis aliis, nec indoctis. Audiamus, si placet, unum atque alterum: *Dua sunt facultates* (inquit Libertus Folietta) *quæ commune bonum & utilitatem publicam spectat, quæq; hominibus ad beatam vitam iter expediunt; illosq; ad civilem societatem tuendam & ornandam*

*De Scr.
Histor.
penult.
p. 254.*

dam instituunt : *Moralis Philosophia, & Historia*. Ita hæc duæ facultates partita sunt inter semunera, ut illa disputationibus & præceptis animos ac mores hominum informet, hæc utilibus exemplis, salubribusq; documentis, quid sequendum in vita, quid fugiendum sit, doceat moneatque: ad quorum similitudinem actiones & consilia sua homines dirigant & conforment; casusq; atque exitus, qui bona consilia, & prava consequi soleant, ante oculos hominum ponat; quorum cognitione illi vel ad virtutem inflammentur, vel à sceleribus revocentur. Dissentit manifestè à clarissimi *Vossii* mente, vir doctrina, judicio, eloquentia, suo tempore non incelebris, *Sebastianus Foxius*. Is enim libro de *Institutione Historiæ* sic scribit: Quo pacto ipsius non modo Ib. p. 310. ad *Historiæ*, sed nec omninò alicujus rei benè scriptæ artificium, & elegantiam dignoscere aut dijudicare possis, si nec, quid artificium, aut quale sit, rectè

rectè cognôris? Istæ, quæ tu poscis, non nisi à doctis & benè institutis intelliguntur. Nam qui accuratè debeat Historiam legere, quomodo sit eadem scribenda, noscat, necesse est. &c. Mox etiam rationem reddit; quòd nimirum artifices & eruditi artificiosa & erudita tantùm noscant, non rudes & imperiti. Deniq; sic concludit: Ergo lectioni accedit iudicium, non tam natura, quàm arte usq; comparatum; tum doctrina non vulgaris aut mediocris, &c. Nec à Foxio dissentit Johannes Viperanus (vir etiam literaturæ haud contemnendæ) sicuti planè evincunt hæc verba: Et magni quoque viri est (inquit) veros fructus ex Historiarum lectione colligere: qui videlicet rationes rerum divinas humanasq; percipiat; qui seligat morum optima documenta, qui eadem, qua vitam suam, honestatis norma ac regula aliorum facta metiatur; in quo multa locorum cognitio, mira virtutum vi-

tio-

Lib. de
Script.
Histor.
cap. 17.

tiarumq; scientia, singulari magis
 rerum doctrina, & eruditio in-
 sit, &c. Et paullo post: *Quæ ad
 Philosophiæ præcepta exempla admu-
 get, is magnos fructus ex Historia ca-
 piet, ac perfectam & absolutam sci-
 entiam consequetur.*

Quin & ipsius doctissimi *Vossii* Art. Hist. c. 5. p. 22.
 conclusio (eodem capite 5.) circa
 præcipuum *Historiæ fructum*, ad
 confirmandam nostram sententiam
 plurimum valere videtur. Ita enim
 scribit: *Sec igitur statuenendum, vel
 præcipuum esse hunc Historiæ fru-
 ctum, quod ex similibus vel contra-
 riis colligamus, quid privatim aut
 publicè expediat: nam prudens qui
 esse volet, debet observandi esse studio-
 sus, sive ut Græci dicunt, ὀφειλόμενος.*
 Quod cum pueri & artium ignari
 assequi nequeant, præcipuo lectio-
 nis Historiæ fructu privari, neces-
 se habent: unde eos minùs idoneos
 Historiarum lectores esse, plus-
 quam probabiliter adstrui posse,

nobis videtur. Secundæ quidem
 notæ fructus, sive effectus secunda-
 rios, non inficias ibimus, quin pue-
 ri & illiterati, ex Historiarum lecti-
 one vel auditione, indipisci & de-
 portare possint; voluptatem scilicet,
 & oblectationem quandam,
 immò fortassè (modò sint melioris
 indolis, ingeniique præstantioris &
 narratiunculas quasdam non infi-
 cetæ, aptè ac decorè in medium
 proferre nòrint; quod tamen in æ-
 tate tenera atque immatura vix re-
 peritur) gratiam & æstimationem
 aliquam apud audientes obtine-
 bunt. Sed ridiculi planè sunt ha-
 bendi (ipsius doctissimi *Vossii* o-
 pinione) qui non alio fine Histo-
 rias legunt, quàm ut animum ob-
 lectent, & habeant, quod in convi-
 viis & circulis narrent. Apage
 taleis istos (cum *Iusto Lipsio* loquar)
 & ad *Amadeum* suum, ad *Hugonem*
Burdigalensem; aut si altiùs adsurge-
 re velint, ad *Heliodorum*, aut ad no-
 bilissi-

Art.
 Hist. c. 5.
 p. 30.

cent. 3.
 p. 61.

biliſſimum Sydenam noſtratis Arcadiam.
 ac Barclay Argemadm eant.

SECT. III.

*Tertium doctiſſ. Voſſii argumentum
 contra Kockermalinum haud ſa-
 tis firmum videtur. Nuda rei ge-
 ſtæ cognitio Lectori cordato non
 ſufficit. Id ex Ludov. Vive, Dion.
 Halicarnafleo & ipſo Voſſio pro-
 batur. Puerorum & virorum, in
 artibus verſatorum, lectio Hiſto-
 riarum valdè diverſa.*

HInc jam, tertio loco, mihi vi-
 detur doctiſſimus Voſſius fru-
 ſtrà eſſe; ubi nos ſimplicem rerum
 omnium Hiſtoriam confundere,
 affirmat, cum *ἵσταναι πρᾶγμα τείναι*.
 Quia nos nudam rerum commemo-
 rationem, & magnorum facino-
 rum, ſed & locorum etiam, memo-
 riam haud difficulter concedimus
 vel ipſis pueris, & ætatis teneræ ju-
 ventuti convenire, ſicuti jam dixi-
 mus. Sed meminiffe oportet, anti-

Pag. 7.

Lib. 3. de
Trad.
Disc. p.
352.

quitatem ea non multò meliori loco duxisse, *quam fabulas* (ipsissimis doctissimi *Vassu* utor verbis) nempe quia ex iis, *haud aliter atque ex fabulis*, voluptas magis percipitur, quam fructus. Verum Lector ille, quem nos formare cupimus, ulterius spectare debet: non ad delectationem, sed ad utilitatem, ad finem ultimum Historiæ; ut probis ad benè beateq; vivendum exemplis instruatur. Valdè appositè pro nobis & ad hanc nostram mentem loquitur eruditissimus ille *Ludovicus Vives*: *Historia* (inquit) *cognita est jam nobis quadantenus, in puerili institutione; sed illa modò ad rationem temporum, & nomina praeclarorum virorum noscenda: nunc verò exactius est & plenius versanda, quoniam melius ab adultis jam, confirmatisq; post rerum usum aliquem intelligitur; ut in vitæ emolumenta convertatur, iudicio adhibito: tanquam succus naturati calore diffusus*
per

per corpus, unde alatur homo, & vitu
 tu producamur. Dicimus igitur, le-
 ctōri nostro non sufficere nudam
 ac simplicem omnium rerum Hi-
 storiam, sed quod inquit Dion. Ha-
 licarnassensis, ἀπαιτεῖ καὶ καὶ τὰς
 αἰτίας ἰστορεῖν τῶν γινόμενων,
 καὶ τὰς τροπὰς τῆς πράξεως, καὶ τὰς
 ἀγνοίας τῶν πράξαντων. Unusquisq;
 vult ipsas etiam causas querere, &
 modos, quibus res peracta sit, & con-
 silium eorum, qui negotia sunt ag-
 gressi. Hæc ipsa verba, atque alia ad
 hanc sententiam, ex Halicarnassei 7.
 prolixius citat ipse πολυμαθὲς τῶν
 Vossius, ubi etiam probat, quod non
 in Philosopho solum, sed etiam Hi-
 storia scriptore lectoreq; locum ha-
 beat Poëtæ illud Georg. 2: Felix, qui
 potuit rerum cognoscere causas. Ac
 tandem propè finem ejusdem capi-
 tis sic concludit: Et sanè si causæ,
 consilia, modus prætereantur, pueris
 quidem fabule narrentur, non Hi-
 storia scribantur, ut apud Agellium

Lib. 5.

Ant.

Roman.

Ant.

Histor. c. 2.

15. p. 80.

et II.

lib. 5.
cap. 11.

dicat Sempromus Albius. Jam verò
dicat mihi clarissimus *Possius*, num-
quid isthæc pueri satagant? Num-
quid illiterati & artium rudes vici
hæc perquirant? Aut cui bono, si
de causis, consiliis, circumstantiis ve
nesciant judicare? Vel in utilitatem
suam convertere? Eleganter, nescio
,, quis: Quemadmodum puellæ flo-
,, res excerpunt ad oculos suos, & sen-
,, sus corporis tantum exhilarandos;
,, pharmacopolæ verò universa her-
,, barum folia, flores singulos, minu-
,, tissimas plantarum fibras, & radices
,, ad medelam, & hominum sanita-
,, tem referunt: sic pueri libris Histo-
,, ricis, quasi trocho & astragalis ad-
,, ludendum utuntur; auditâque vel
,, inspecta rerum gestarum magnitu-
,, dine, aut novitate, lætitia incredi-
,, bili gaudiunt, aut pavore exaniman-
,, tur; qui autem artibus mediocriter
,, versati sunt, experientiaq; aliquali,
,, ac judicio exornantur, hos legendo
,, Historias pauca effugiunt. Hi so-
lū

lùm divina instituta animadvertunt,
jura humana observant; consilia u-
niversa perpendunt, varia rerum e-
venta notant, domestica, politica,
bellica, pacifica; omnia, magno
cum fructu & voluptate, ad civilis
societatis & prudentiæ usum referre
solent. Atque hoc est apud *Kecker-*
mannum, Historias legere; hunc
talem requirit *Lectorem*: nimirum
(ut ipsius utar verbis) *qui exempla*
Ethica, Oeconomica, & Politica se-
rio & ex professo legere & notare ve-
lit. Illud autem quisquis aggredia-
tur, nisi perspectam habeat *metho-*
dum præceptorum Ethicorum, Oe-
conomicorum, Politicorum, &c. ab-
surdissimus (inquit) *haberi debet*.

SECT. IV.

Argumentum à Quintiliano mutua-
rum expenditur, eiq; respondetur.

POSTREMÒ, mihi quidem locus è
Quintiliano citatus videtur ni-
hil quicquam facere, adversus istam

Lib. 2.
Instit.
Orat.

Keckermanni sententiam. Constat enim ibidem *Fabium* docere, ex quibus Auctoribus puerorum *stylus* sit formandus; idque *Rhetorum* ipsorum, sive præceptorum ductu atq; adminiculatione potius, quàm suapte ac privalectione. Siquidem cap. 5. *profuturum* sanè discipulis *plurimum* (ait) si *Rhetor* eos *Historiæ*, atque etiam magis orationum lectione instruxerit. Ibiq; mox, quid sit *Rhetoris* officium, hac ex parte luculenter ostendit. Capite verò sexto à doctissimo *Vossio* citato, quem velit Auctorum delectum haberi, plenius indicat; nam *sine delectu periculosum* esse ait, quemvis in manum assumere; *optimos quosq; & candidissimos, suavicopia & perspicuitate amabiles, quales Cicero & Livius eligendos censet.* Inde quos fugiendos existimat, ostendit; quos tamen *firmitatis & maturis* ingeniis etiam permittit. Respondemus igitur, aliud esse *stylum*, ac sermonem
for-

formare, sive (ut ipse *Rabius* loquitur) *Φεξιόν* facere; aliud exemplum *Ethica*, *Oeconomica*, *Politica*, atque alia, serió & ex professo colligere, notare, recondere; ut inde discat quis, prudenter se gerere, & vitam ad virtutis normam instituere: illud autem *Quintilianum* propositum omnino fuisse videtur, hoc nequaquam intendit. Ideoque magis etiam *Orationum* lectionem *Rhetorum* discipulis commendat; fortassè etiam *Historicorum* conciones potius, quàm narrationes: quippe in iis quidem *T. Livium* vel maximè præcellere affirmat. Eum enim, cum in narrando miræ jucunditatis, clarissimiq; candoris esse dicit; tum in concionibus, suprà quàm dici potest, eloquentem. Sin autem quis aliter adhuc sentiat: Et *Quintilianum* velle *Rhetorum* discipulos, rerum ipsarum contemplatione exerceri, opinetur; nec non exemplis (quæ sunt in omni genere causarum poten-

*Quintil.
l. 10. c. 5.*

Lib. 2.
cap. 4.

tissima) jam tum insculpi, quibus
ubi res poscere videatur, utantur?
secundo respondemus, hoc *Quinti-*
lianum velle à juventute fieri, du-
ctu, præmonstratione, atq; indicio
magistrorum Rhetorumq; primò,
quorum erat *indicare*, atq; *ostendere*
virtutes juxta & vitia; non sermo-
nis & eloquiæ tantùm, sed etiam di-
ctorum factorumq; , sicuti *cap. 5.*
lib. 2. legere potestis. Jam verò
præeant; , illustrante, exponente
præceptore, quis neget Historicos
vel primæ ætati convenire posse?
Et sic tamen, juxta *Quintilianum*,
candidissimum quemq; *coram*, &
maximè expositum; qualis *Tit. Li-*
vius reputatur: ad quem tamen in-
telligendum, jam profectu opus esse,
inquit, idem *Quintilianus* capite
sexto.

SECT. V.

Simonis Grynæi sententia hac ex
parte probatur. *Quis sit idoneus*
Le-

*Lector, fufius ostenditur. Philofo-
phiæ practicæ gustum faltem de-
beat, requiritur. Item Chrono-
logiæ, & Geographiæ, Historiæ o-
culorum. Artium deniq; aliorum
cognitio aliqualis neceffaria.*

QUapropter, *Simonem Gry-* *Alimen-*
neum ego potiùs audiverim, *de util.*
& cum eo censuerim, qui lectores *leg. Hist.*
Historiarum adhortando, hunc in *pen. p.*
modum adloquitur: *1122*
Tantò, inquit,
instructiores accedere d'cet, quanto
fructibus uberioribus gravior Histo-
ria est, & fecundior. Cumq; diffi-
tas sit eadem & de sua & de aliorum
vita rectè judicandi; nec alienam
ququam (quantumvis perspicaces
hic simus) intueri rectè possu, qui non
potest suam; utrumq; intelligitur, &
summam hinc difficultatem versari,
& multa, antequam hinc accedamus,
requiri; non solùm prudentia qua-
dam civili tinctos, sed viæ totius cer-
to proposito firmatos non esse oportere;

ne fluctuare animis, & miserè spectris vitæ inanibus circumduci: persequi velimus.

Nos itaq; (ut hoc caput concludamus) dicimus *primò*: Lectorem studiosum ac diligentem, serium & attentum, constantem ac stabilem, omnino requiri. Studiosum ac diligentem; quia profectus diligentia præcipuè constat. Unde

Lib. 10. cap. 1. Quintilianus: Dui, non nisi optimus quisq;, & qui credentem sibi minimè fallat, legendus est; sed diligenter, ac penè ad scribendi sollicitudinem: nec per partes modò scrutanda omnia, sed perfectus liber utiq;, ex integro resumendus, &c. Serium & attentum; nam sive legis ipse quid, sive audis, attentus id fac (monuit olim quispiam) ne vazetur mens tua; sed coge illam ibi esse, & agere, quod adest, non alia: scito te tempus & operam perdere, si, quæ legis vel audis, non attendas. Deniq; constantem ac stabilem; certa enim & constans lætatio


Etio prodest : Delultoria illa &
 transcurrens lectio parum habet
 utilitatis. Senecam audiamus : Cer-
 tes ingentis immorari & innuiri o-
 portet (inquit ille) si velis aliquid Lib. 1.
 trahere, quod in animo fideliter se- cap. 2.
 deat. Atque hinc præcepit admo-
 dum appositè Stephanus Prætorius : Tractat. de form. studii p. 21.
Meminerint adolescentes, non esse
prius deserendam inchoatam alicu-
jus libri lectionem, quàm ad finem de-
ducta, & integrè percepta fuerit.
Multi enim adeò delicate & fastidio-
sè in legendis Auctoribus versantur,
ut cùm aliquem privatim legendum
in manus sumpserint ; tamen vix
duabus aut tribus pagellis perlectis,
mox eundem deponant, & alium li-
brum legere incipiant, nec quicquam
ad finem perducant. Hæc fastidiosa
legendi ratio quantumvis magna as-
siduitate præstetur, ad veram & so-
lidam eruditionem comparandam
prorsus inutilis est.

Deinde Lectorem nostrum sic

probanus, si *Philosophia practica* præcepta degustaverit; cuius conditionis necessitas ex supra dictis satis estimari potest. Tum si *Chronologia* notitiam, hoc est, temporum atq; ætatum cognitionem, aliquam saltem, imbibierit; ut eorum seriem & ordinem teneat, ac velut terminis quibusdam, imperia, bella, eventus finire possit. Hanc animam *Historia*, sine qua non spirat, vir summus ille *Josephus Scaliger* indigerat; ab aliis *oculus Historiæ dexter* vocatur; ab aliis *Cynosura*, quæ *Lectorem* in *Historiæ* pelago versante nregit, & adjuvat; expeditius ac certius, nec non cum maiori suavitate ac fructu, ad portum lectionis optatum perveniat. Qui enim sine ratione temporum *Historias* intelligere sese posse putant, periinde falluntur, ac si labyrinthi errores evadere sine duce aut filo velint. Sed & *oculum sinistrum* quoq; tribuimus *Historiæ*, non mirum *Geographiæ* sive *Topographiæ* scientiam;

nam, quia nisi Historiarum studio
sus fuerit saltem leviter instructio,
de jucunditate, immodò de utilitate le-
ctionis, plurimum deperdat necesse
est; adeoque rei gestæ perfectam in-
telligentiam assequi haudquaquam
valebit. In *Historia* enim quis est qui
non sentiat, quantum lucis ex loci
(quo quæq; res gesta sit) circumstan-
tia accedat legenti? Communem
igitur terrarum orbis divisionem
teneat, & sciat Mundi partes singulas;
distinguere; provincias & in iis flu-
mina, montes, oppida, clariora præ-
sertim internoscat: Nam quod ad
exactam illam omnium partium no-
titiam, haudquaquam ex necessitate
requisitam *Lectori* nostro arbitra-
mur. Denique si aliarum artium
cognitione mediocri, rerumq; ex-
perientia nonnulla fuerit ornatus,
hunc idoneum & habilem *Historia-
rum Lectorem tandem censemus.*
Atq; hæc satis sint dicta de parte se-
cunda nostræ methodi.

DE



DE RATIONE ET
METHODO LEGENDI

Historias

PARS TERTIA

videlicet,

De modo fructus colligendi,

sive,

De usu Historicæ lectionis.

SECT. I.

Caput ultimum tractandum proponitur. Consilium Lud. Vivis circa ea, quæ sunt in Historiarum lectione notanda. Augusti Cæsaris mos in legendis Historiis. Quæ reperiuntur apud Historicos observanda, & ad quid conducant?

SUperest jam caput tertium, de quo postremo loco dicendum sub initio statuimus; nimirum
quænam

quoniam inter legendum sint eligenda, & quo modo? Paucis hoc possem conficere, si Ludovici Viviani tantum præcepta observanda proponerem. Is enim, quæ sint in Historiis legendis notanda, hisce verbis docet: *Tenenda sunt* (inquit) *ex Historia primum ratio temporum, hinc facta & dicta, qua exemplum possint aliquod adferre, sive ut bonum imitemur, sive ut malum devitemus. Bella & prælia non accuratè persequenda, quæ tantum instruunt animos ad nocendum, & vias ostendunt, quæ invicem possimus ledere. Notanda sunt & leviter, qui arma ceperint; qui utrinq; duces; ubi congressum, qui victi, quid illis actum? Nec aliter dicenda vel legenda hæc, quàm latrocinia; cujusmodi reverà sunt pleraq; horum omnia, nisi quæ fortè adversus latrones sunt suscepta; quod inter Christianos, utinam non tam raro usu eveniret. Satiùs igitur & fructuosius fuerit, dare operam togatis rebus,*

De Trad.

Disc. l. 5.

p. 352.

rebus, quæ in virtute præclare ac sapienter sunt acta; quæ in sceleribus atrociter, fœdè; quæ exitus, quàm læti benefactorum, quàm tristes atque infelices maiorum facinorum: tum dicta & responsa hominum præditorum ingenio, sapientia, usu rerum; ea potissimum, quæ Græco verbo Σπουδαίοντα dicuntur. Consilia etiam, cum quicquid sapientum, factum, dictum; eorum potissimum, qui probitate, sapientiâ, studiis bonarum artium reliquis antecelluerunt; quales sunt Philosophi, & præstantissimi omnium, Divi nostræ pietatis: ut non solum, quæ ab animi incitatis motibus sint edita, cognoscamus, sed quæ à vimenti & iudicii: indignum profectò est, affectionum nostrarum opera mandari memorie, non item consilii ac rationis. Hæc ab eruditissimo illo Hispano præscripta sunt. Brevioris adhuc negotii res esset, si tantum ad Augusti Imperatoris exemplum imitandum, meum vocarem

Histo-

Historiarum Lectorem; de eo Suetonius Suet. l. 3.
hic scribit: In evolvendis CAP. 59.
usque lingua Auctoribus nihil equie
sectabatur, quam præcepta & exem-
pla, & publicè & privatim salubria;
eaq; ad verbum excerpta, aut ad do-
mesticos, aut ad exercituum provin-
ciarumq; Rectores, aut ad urbis ma-
gistratus plerunq; mittebat; prout
quiq; monitione indigerent. Sed nos
latius paullò extendemus Historia-
rum usum, neque prolixi nimis eri-
mus tamen. Namque Historiam
supramultigenûm rerum bonarum
Thesaurum diximus; & verè; apud
Historicos enim alia sunt, quæ ad
doctrinam faciunt magis; alia, quæ
ad prudentiam: alia observare est,
quæ linguam formant, quæ dicendi
facultatem perficiunt; alia, quæ re-
rum antiquarum notitiam confe-
runt: alia denique, quæ ad vitam
potius instituendam, & ad mores
effigendos conducunt.

SECT. II.

Duo excerpendorum genera: Philologica, Philosophica: sub utroque species quanam contineantur, quomodo singula sint disponenda, & quis inde fructus, ostenditur. Locorum Communium formulas multi scripserunt.

NOs itaque duo excerpendorum genera, Lectori nostro præcipuè observanda, in universum statuimus: *Philologica*, & *Philosophica*. Sub *Philologicis* non ea solum, quæ ad sermonis elegantiam, linguæ politiem, phrasin, aut verborum proprietatem spectant; sed omnes etiam veterum consuetudines, omnes ritus, ceremonias, solennia cujuscuq; generis; sive verba, sive facta, sive loca, sacra & profana comprehendimus. Præterea *Monarchiarum* & præcipuorum in Mundo Regnorum series; Gentium, Familiarumq; origines, & migrationes.

grationes ; initia religionum & depravationes : Urbium conditus, Colonarium deductus ; tum opera quævis magnifica ; ingentes opes, potentiam ultra modum immensam ; stupenda prodigia : denique quicquid cum admiratione legendum, immò & quodcunque meritò dicatur ἀξιωμακάρων, memorabile seu recordatu dignum, huc referimus. Sub *Philosophicis* autem (ut compendio dicamus) ea omnia complectimur, siue Dicta, siue Facta, siue Consilia ; siue denique rerum eventa, quæ suis cultoribus assatim ministrat *Historia* ; ut documenta sint ad institutionem vitæ humanæ, publicæ vel privatæ, toga vel sago. Quibus observandis *personarum* *imagines* haudquaquam sunt insuper habendæ ; nam sicut luculenta eventorum & consiliorum expositio *politicam* auget *prudentiam*, eamq; confirmat ; ita illustres *personarum* *descriptiones*, *monstrices*

ces sunt, ut animis crebrò recurrat;
quorum similes, quorum dissimiles
esse velimus. Hæc (inquam) inter
legendum sunt observanda: hæc
sunt excerptanda; & in locos quor-
dam Communes ordine disponen-
da: quorum titulis sicut imaginibus
cereis (uti loquitur eruditus quidam
Scriptor) torpentes & languentes
memoriæ adjuvare, excitare, irrita-
re possimus. Unde salutaribus con-
siliis, infinitis similibus aut dissimi-
lium, parium aut imparium exem-
plis abundemus; agenda fugienda-
que, dicenda ac tacenda percallea-
mus, varia rerum eventa præsentia-
mus, causas rerum teneamus, & ma-
lis imminentibus præteritorum re-
cordatione occurramus. Nimius
forem, si *Locorum Communium* for-
mulam hîc, & methodum institue-
re; aut plenam materiarum, quæ in
Historia continentur, indicem con-
struere molirer. Id jamdudum à
multis factum, à *Bodino*, *Beurero*,
Gla-

Glaser, atque aliis; sed multa cum
 accuratione à *Bartholomæo Kecker-*
manno, in *Apparatu suo ad Philosophi-*
am practicam.

SECT. III.

Modus excerptendi, & in usum
 transferendi varius indicatur, ex
 Annæo Seneca.

MODUS tamen excerptendi, & in
 usum transferendi ea, quæ no-
 tatu sunt digniora, aliquibus fortasse
 in gravi donaverit, à me si breviter
 hic proponatur; neque tamen à
 me erit, sed ab ipso *Seneca*;
 quanto viro? Non est (inquit ille) *Seneca.*
 quod mireris ex eadem materia suis *ep. 106.*
 quemq, studiis apta colligere: in eo-
 dem prato bos herbam querit, canis
 leporem, ciconia lacertum. Cum *Ci-*
ceronis libros prehendit, hinc *Philo-*
logus aliquis, hinc *Grammaticus*,
 hinc *Philosophia* deditus, alius alio
 curam mittit. *Philosophus* admira-

tur contra iustitiam dici tam multa
potuisse. Cùm ad hanc eandem lectio-
nem Philologus accessit, hic subnotat
duos Romanos Reges esse, quorum
alter patrem non habet, alter ma-
trem. Nam de Servii matre dubita-
tur; Anci pater nullus, Numæ ne-
pos dicitur: mox æquè notat, Ro-
mulus periisse Solis defectione; pro-
vocationem ad populum à Regibus
fuisse. Eosdem libros cùm Gramma-
ticus explicuit, primum reapse dici
ab Cicerone, id est, re ipsa, in commen-
tarium refert: nec minùs seipse, id
est, se ipse: deinde transit ad ea, quæ
consuetudo seculi mutavit: tanquam,
quod ait Cicero, quoniam sumus ab
ipsa calce ejus interpellatione revo-
cati: hanc, quam nunc in circo me-
tam vocamus, calcem antiqui dice-
bant. Hæc Seneca, atque alia plura;
quibus nihil luculentius, nihil diser-
tius, aut ad nostrum propositum
magis appositè dici potuit.

cretam
legit
Mure-
tus, &
ita le-
gendum
probat,

SECT.

SECT. IV.

Modus excerpendi exemplis illustratur. Primò Philologicis ex Vell. Paterculo. Magnorum virorum ortus & obitus notandi. Majoris Catonis triplex elogium. Ejus obitus. Circa aetatem ejus dissensio. Odium ejus adversus Carthaginem. Urbis Corinthi conditus, duratio. Ævum fatale urbibus evertendis. Cognominum ratio antiqua. Civium Romanorum discrimen. Observationes Criticæ sub Philologicis. Scipio non fautor tantum, sed & auctor (contra Lips.) omnis doctrinæ non ineptè dici potuit. Ejus præconia. Otium duplex. Dispungere quid, & unde dictum? Expuncta etiam quæ dicantur? Exemplum ex Tacito. Primores Civitatis. Optimates, nobilium optimi, Principes qui dicti? Consules, Exconsules, Exprætores &c. Senatorum distin-

Q

ctio.

ctio. Patricii, Conscripti, Pedarii unde dicti?

ADdam tamen ex meo ipsius penu & propria observatione unum atque alterum exemplum, ut quid Auditores meos facere velim, ipse faciendo demonstrem; atque ita *Præceptorum meorum præxin* aliqualem subjiciam. Primo loco igitur exempla in *Philologicis* exhibebo, quarum observationum subjectum à *Vellejo Paterculo* mutuabor; idque satis fecundum. *Vellejus lib. 1. cap. 13.* sic scribit: *Ante triennium, quàm Carthago deleretur, M. Cato pæpetuus diruende ejus auctor, Lucio Censorino, Marco Manlio Coss. mortem obiit. Eodem anno, quo Carthago concidit (à Scipione sublata) Lucius Mummius Corinthum, post annos nongentos quinquaginta duos, quam ab Alete, Hippoteis filio, erat condita, funditus eruit. Uterq; Imperator, devicta à se gens*
nomine

namque honoratus, alter Asiatum,
 alter appellatus est Achatem, nec
 quisquam ex novis hominibus prior
 Mummiō cognomen virtute partem
 vindicavit. Diversi Imperatoribus
 mores, diversa fuere studia. Quippe
 Scipio tam elegans liberalium studio-
 rum, omnisq; doctrinae & auctor &
 admirator fuit; ut Polybium Pana-
 tiumq; praecellentes ingenio viros, do-
 mū militiāq; secum haberet: neque
 enim quisquam hoc Scipione elegan-
 tius intervalla negotiorum otio dis-
 punxit: semperq; aut belli aut pacis
 serviit artibus: semper inter arma
 ac studia versatus, aut corpus peri-
 culis, aut animum disciplinae exer-
 cuit. Mummius tam rudis fuit, ut
 capta Corintho, cum maximorum
 artificum perfectas manibus tabulas
 ac statuas in Italiam portandas loca-
 ret, juberet praedici conducentibus; si
 eas perdidissent, novas eos reddituros.
 Non tamen puto, dubites, Vinici, quin
 magis pro Repub. fuerit, manere ad-

hac rudem Corinthiorum intelle-
ctum, quam ut tantum ea intelliga-
re quae hac prudentia illa imperi-
dentia deesse publico fuerit conuen-
ientior. Ita se habet Velleji cap. 13.
lib. 1. in quo multa a Philologo ob-
servanda occurrunt. Primò tempus,
quo inter mortales esse desit cele-
berimus ille Censor: Magnorum
enim virorum & ortus & obitus,
cognitione nostra non indignos
esse arbitramur. Cato autem quan-
tus fuerit, ex triplici illo eulogio,
quod Plinius ei tributum meminit,
diagnosci potest. Sic enim scribit:
Lib. 7. Cato primus Porciae gentis, tres sum-
cap 27. mas in homine res praestitisse existi-
matur: ut esset optimus Orator, opti-
mus Imperator, optimus Senator.
Amplissimum ejus praeconium ha-
betur apud T. Livium l. 39. cap. 40.
quem videte. Annus autem ejus
mortis designatur, nimirum V. C.
604. quo anno Consules fuere L.
Marcins Censorinus & M. Manlius,
tres

tres annos ante excidium *Carthagini-*
mæ; quod ipse adeò vehementer
 appetivit. & quod incidit in Ann. 1.
 Olymp. 158. si veritatem & *Euse-*
bium sequamur. h. e. juxta *Scalig.*
 A. M. 380. Circa ætatem *Catonis*
 non convenit inter *Ciceronem*, & *T.*
Livium; hic enim ad Annum nona- *Cic. in*
 gesimum eum pervenisse, ille Annum *Cat.*
 octuagesimum quintum non super- *Maj.*
 asse, videtur affirmare. *Liv. lib.*
39. c. 40.

Præterea non est, tanquam res
 nihili, prætereundum, quod *perpe-*
tuis diruenda Carthaginiæ auctor di-
catur à Vellejo; cui suffragatur Florus *Lib. 2.*
noſter: Cato inexprabili odio delen- *c. 15. Vi-*
dam eſſe Carthaginem, etiam cùm de *de Cic.*
alio conſuleretur, pronuntiabat: Sci- *in Cat.*
pio Naſica ſervandam. *Majora.* Verùm hæc
 conſideratio eſt *Philosophica* potiùs,
 ſive *Politica*, & ad aliud locum per-
 tinet; ubi cauſa hujus utriusq; con-
 ſilii exquirenda, & quis eorum in
 hac re prudentior. Secundò igitur
 ætatem ac *durationem* hujus urbis

Corinthe notabit *Philologus*, *Junia* & tempus, quo fuerit condita: *duo* *vii* (inquit) annos 952. *deleta* est eodem Anno cum *Carthagine*, h. e. A. V. C. 607. A. M. 3804. Ergo condita est A. M. 2852. trecentos supra Annos ante *Olympiades*; quo tempore *Samuel* *Propheta*, & *Judex* *Israelitum* florebat. Tertiò non solum quando, sed quis hujus urbis conditor fuerit, observabit. *Vellejus Aletem*, *Hippotis filium* perhibet. *Josephus Scaliger* inter Animadversiones *Eusebianas*, *Vellejum* hîc nugari ait; siquidem *Apollodorus Ephyræ* primò dictam scribit, & à *Sisypho* conditam. *Sisyphus* verò *Trojana* tempora, circa Annos 60. aut 70. (inquit) antecessit, atq; sic longè antiquior erat hujus verbis conditus. Sed à *Corinthe*, *Jovis filio*, transnominatam refert *Pausanias*. Post aliquot verò generationes *Aletes* iste, abnepos *Herculis*, *Doricensium* exercitum contra *Corinthios*

Pag. 30.

In Corinthiacis.

rimbus duxit & regnum obtinuit;
 quod ab ejus posteritate per *traces*
 quinq; occupatum dicit idem *Pan-*
saniae. Quartò observabit hic *Phi-*
lologus, hoc *avum* quasi fatale fuisse
 urbibus evertendis. Nam ut nihil
 de *Sagunto*, *Syraculis*, *Numantia*,
 atque aliis dicamus; præter *duos* il-
 los *ora maritimæ oculos* (ita appellat
Cicero) uno eodemque anno effos- *De Nat*
 sos, *Carthaginem & Corinthum*, *Deor. l. 39*
Theba Bæotiorum & Chalcis Eubæo-
rum capta, à *Romanis* oppressa, e-
 versa, deleta sunt. Unde *Philosophus*
 urbium etiam rerumq; publicarum
periodos esse, multò magis homi-
 num concludit. Sed hæc quoque
 consideratio *Philosophica* est, quem- *Vide Sed*
 admodum & ista, quam hic locus *nec, Ep.*
 porrò suggerit; nimirum *septingen-*
torum Annorum periodos mutationes
regnis & rebus pub. attulisse insignes:
 de qua observatione videndus *Joh.*
Bodinus lib. 4. de Repub. & Pencerus cap. 1. de
Divinatione l. 6.

Quinto loco quod scribit, hosce duos Imperatores, *Mummius* & *Scipionem*, devictæ à se gentis nomine honoratos, hunc *Africanum*, illum *Achaicum*: hinc, inquam, observandus est mos antiquus cognominandi, ejusque rationem tam apud *Græcos*, quàm *Latinos*; à rebus enim gestis, à forma corporis, à virtute aliqua singulari, aut vitio; à casu notabili, aut fortuna, plerunq; cognomenta sunt indita. Ita *Tarquinius* ultimus, à fastu & aliorum contemptu, *Superbus* est cognominatus. *C. Marius*, à captis *Coriolis*, *Coriolanus*; *Manlius*, *Torquatus* dictus, quòd *Gallum* provocatorem in duello occiderit, & torquem ei detractum cervici suæ induerit. Ita *Soteris*, *Callenici*, *Grypi* cognomenta significant *Salvatores* fuisse primum, secundum egregia victoria potitum; tertium adunco naso praeditum. De his videndus *Appian. Alexandrinus* in præfat. *Plutarchus* in

in *Coriolano*. *Alex* ab *Alexandro* l. i. cap. 9. Et hinc etiam observationes *Politicae* possunt deduci, quas mitto notare.

Sextò *Philologus* ex eo, quòd *Mummius* ex novis hominibus dicitur primus, qui cognomentum *Cives Rom.* in triplici fuisse discrimine, *Nobiles*, *Novos*, *Ignobiles*: nam qui majorum suorum habuerunt imagines, hi *Nobiles*: qui suas tantum, ii *Novi*: qui nec majorum nec suas, illi demum *Ignobiles* sunt appellati. Jam reliqua hujus capitis parte continetur *Scipionis* & *Mummi* comparatio, quæ utriusque mores, ingenium ac vitæ ratio, inveniuntur; quæ omnia, unà cum observationibus inde emergentibus, ad *Philosophica* referri debent; ideoque hinc præmittenda. Non ita tamen *observationes Criticae*, si quæ occurrant; has enim juxta & *Grammaticas*, *Rhetoricas*, aliasq; omnes, quæ ad *Philosophiam practicam* non spectant, sub

Q. S. Phi-

Philologicis comprehendivolo: idē-
oque non possum abstinere, quin
ostendam, me à *Iusto Lipsio*, *Corn-*
corum Coryphæo, prorsus dissentire;
qui non vult, ut *Scipio* dicatur ille
[*omnis doctrinæ auctor*] scilicet ni-
mia (inquit) pro *Scipione* laus; scri-
bo igitur [fautor] & id *Principi*, ac
militari viro convenit. Immo (in-
quam *Iuste Lipsi*) mutatione nihil
est opus; neque immerenter dice-
tur *auctor*, quia primus ipse & pauci
præterea, doctrinas in urbem *Ro-*
manam induxisse feruntur. Quid si
Polybium suam *Historiam*; *Pana-*
tium suos *de officiis* libros, *Scipionis*
impulsu scripsisse, aut edidisse, au-
tumemus? Ecquis absurdam dixe-
rit conjecturam, quum eos perpe-
tuos sibi comites habuisse scripse-
rit ipse *Vellejus*? Quid? quòd *Teren-*
ti scripta ad *Scipionem* (teste *Fabio*)
referuntur? Et *Donatus*, non ob-
scuram esse famam, *Terentiam* à
Lelio & *Scipione* adiutum fuisse, di-
cit?

cū? Huc accedat id, quod apud
Vellejum sequitur [quoties ab armis
 & reipub. negotiis vacare licuit, anti-
 mum disciplinæ exercuit] namq; vel
 hinc etiam laus illa *Scipionis* magis
 videtur probabilis; neque omninò
 (sicuti putat *Lipsius*) nimia existi-
 manda. Sed neque *Principi*, aut
militari viro nimia. Videte enim,
 quid de *Annibale Cornelius Nepos*,
 sive sit *Emilius Probus*: Hic tan-
 tus vir (inquit) tantisq; bellis distri-
 ctus; nonnihil temporis tribuit literis;
 namq; aliquot ejus libri sunt Græco
 sermone confecti: in his ad *Rhodos*,
 de *Cn. Manli Vulsonis* in *Asia* rebus
 gestis &c. Ultimo loco notabit
Philologus verborum elegantias ac
 proprietates, allusiones ingeniosas,
 translationes aptas & illustres. Sicuti
 hisce verbis: Neque enim quisquam
 hoc *Scipione* elegantius intervalla ne-
 gotiorum otio dissipavit. Sive enim
 ad illud *Catonis* in *Originum* princi-
 pio alludat, ubi clarorum virorum

atque magnorum, non minùs otii
 quam negotii rationem extare debe-
 re, pronunciat: sive magnificam
 cic. of- illam Scipionis ipsius vocem respi-
 fic. l. 3. ciat, qua se nunquam minùs otiosum
 esse, quàm cum otiosus; neque minus
 solum, quàm cum solus esset, affirma-
 vit. Utroque hoc elogio vide-
 tur mihi Vellejus oppidò eleganter
 expressisse. Quod ut liquidiùs ap-
 pareat, notabit Philologus, otium
 negotio & labori oppositum; idq;
 esse duplex: Nam aliud est iners &
 sine opere, aliud verò actuosum.
 Quod quidem postremum tantum
 Scipioni competere, locus indicat;
 qui in otio nequicquam cessaret,
 aut à publicis occupationibus liber,
 inertiae se dederet; sed vel de nego-
 tiis cogitaret, vel studiis literarum
 & sapientum colloquiis intenderet.
 Hoc enim erat [intervalla negotio-
 rum otio dissipare] quod etiam vo-
 cabulum à nummulariis, iisque, qui
 à rationibus inserviunt, mutuatum
 agno-

agnoscet *Philologus*. Et significat, accepta & data conferro: ita *Ulpianus*. L. 50. D. de V. S. Vel (ut loqui solet vulgus) computum examinare. *Percontandas* (inquit idem *Ulpianus*) atque L. 6. D. de Stat. *examinandas rationes, & disponendas atque discutiendas*. Quare sic (ut mihi videtur) intelligendus *Vel-lejus*; ac si dixisset: *Nemo publica negotia studiis subscepiis* (velut accepti ei dati rationibus ex omni parte subductis) pulchrius compensavit. Nam sciendum est, quòd, quæ in rationibus probabantur ultrò citroque; quæ in suffragiis, quæ in recensionibus militum, officiorumve, Iun. ad Tert. adv. Iud. c. 9. ea solebant *notari punctis*, ut ad discutienda cætera veniretur; & *disposita* vocabantur: ut contrà *expuncta*, quæ ex rationibus velut improba, vel præterita eximebant. Ita quoque *militēs* exauctorati, *expuncti* dicebantur. Breviter, Auctoris mens planè talis esse mihi videtur, ac si dixisset: *Nemo luculentius oc-*

cupationes suas juxta & vacationes
perinde utiles atq; salutare unquam
præstitit. Atque hæc dicta sunt ad
Vellej. c. 13. lib. 1.

Promisi alterum exemplum in
Philologicis, nec mutabo: Sed tan-
tò brevior, quantò in superiori fue-
rim prolisior, esse statui. *Cornelius*
Tacitus Annal. lib. 3. c. 65. suggeret
nobis argumentum, ubi sic tempo-
rum sub *Tiberio* corruptionem de-
scribens, narrat:

*Caterùm tempora illa aded infes-
ta, & adulatione sordida fuere, ut
non modò Primores civitatis (quibus
claritudo sua, obsequiis protegendæ
erat) sed omnes Consulares, magna
pars eorum, qui Pratura functi;
multiq; etiam Pedarii Senatores cer-
tatim exurgerent, fædâq; & nimia
cenferent. Hæc Tacitus Unde Gram-
maticorum & Philologorum filii ob-
servent, Primores civitatis hic vo-
catos, quos Optimates, Capitolinus.
Aurel. Victor, Nobilium Optimas.
Et*

Et ipse *Tacitus* non rarò *Proceres* nuncupat. Aliquibus etiam *principes civitatis*, *πολιτάρχαι* sunt dicti. Deinde, *Consulares* esse, quos ex *Consulibus* viros, sive viros ex *Consules* dicimus; qui *Consulatu* jam functi essent. Eosdemq; juxta & ex *Pratores*, sive viros *Prætorios* (hoc est, quicumque *Præturam* explevissent) cæterosq; omnes, qui *Magistratus Curules* gessissent, veniendi in *Senatum*, ac sententiam dicendi jus habuisse. Ultimò *Senatorum* distinctionem ex hoc loco observabit *Philologus*; nempe eorum alios *Patricios* fuisse; *Conscriptos*, sive *Adlectos* alios; alios denique *Pedarios* dictos. Illos à *centum patribus*, quos *urbis parens & conditor Romulus* elegit oriundos: istos *Regum, Consulum, Censorumve* decreto lectos: hos, quod ubi reliqui *Curuli* in *Senatum* veherentur, *A. Gell. l. 3, c. 18.* hi *pedibus* itarent, & sic in *Curiam* venirent (ut nonnulli censent) vel quòd

Lib. 1.
ep. ult.

In Au-
relia.

quòd *pedibus irent in sententiam* aliorum; sententia nimirum, haud verbis, sed transiitione professâ, vel *discissione*, (ut alii) sic olim dictos. Et huic opinioni favere videtur *Cicero ad Att: Cùm est actum, neq; animadversum est, ad quos pertineret, erratum in eam sententiam Pedarii conserreunt.* Confirmat etiam hic ipse *Taciti* locus: *Pedarii Senatores certatim exurgerent.* Est apud *Vopiscum* locus præclarus, ex quo triplicem modum probandi sententiam in *Senatu* elicimus: Deinde aliis, manibus porrigentibus, alii *pedibus in sententiam euntibus, pleriq; verbis consentientibus conditum est Senatus Consultum.* Atque hæc de *Philologicis* observationibus sufficiant.

SECT. V.

*In Philosophicis qua ratio tenenda?
Exemplo Herodoti, Polybii &
aliorum Historicorum. Duplex
usus*

usus exemplorum. J. Lipsius, Jo. a Chokier, & R. Dallingtonus nostras Historiarum & exemplorum usum luculenter indicarunt. Specimen unum atq; alterum à nobis subjicitur. Ex L. Floro, Justino, Herodoto, Romuli & Remi Historiam veram supponit Augustinus. Quis inde usus? Camilli & Fabricii fides, atq; inde axiomata. Xerxis ingens apparatus bellicus, ejusq; expeditionis successus quid nos doceant? Confirmatur Darii ultimi exemplo. Caligulae, Neronis, ac Valentiani exemplis ostenditur malignitas philautiae, invidiae ac livoris. Polybius frequens in Historiarum usibus.

JAm verò in Philosophicis colligendis hanc normam sequatur Lector. Omnia exempla, sive *Ethica*, sive *Politica*, sive *Oeconomica*, seu denique *Bellica*, tam virtutum quam

quàm vitiorum, ex *Historiis*, non
 observet modo, deducat, & undiq;
 colligat; sed ad *leges* etiam & *regulas*
 vitæ, artisque *principia* prudenter
 accommodet; juxta illud *Plutar-*
chi: Πρὸς σαθρὴν πέτρων τίθεσθαι, μὴ
 πρὸς πέτρῳ σαθρῷ. *Applicandus*
lapis ad amussim, non ad lapidem a-
missis est. Auctores ipsi non rarò
 faciunt. *Herodotus* totam belli *Tro-*
jani Historiam ad communem justiti-
 am regulam refert, dicendo: Ὅλ-
 τῶν μεγάλων ἀδικημάτων, μεγάλα
 εἰσι καὶ αἱ ἡμῶναι ὧδ' αἰ τῷ Θεῷ.
Magnarum injuriarum, magnas à
Deo ultiones esse. Ita etiam *Polybius*,
 exemplo *M. Attilii* docet, πῶ δ' αὖν
 ἀπιστεῖν τῇ τύχῃ, καὶ μάστιγι κατὰ
 τοὺς ἐνπεσείας. *Fortuna non fiden-*
dum, præsertim in rebus latis; eò,
quòd Attilius Regulus, qui paullò
antè nullum misericordiæ locum da-
bat, neque ullam afflictis Carthagi-
nensibus veniam concedebat; mox
ductus ipse est, iisdem pro salute
sua

Plut. de
prof-
uit.

Polyb.
lib. 1.

sua supplicaturus. Eodem in loco ostendit, verificatum *Euripidis* dictum : Ὡς ἐν σφὸν βάλαμα τὸς ποταμὸς χεῖρας νικᾷ. *Unicum rectum consilium magnam militum manum vincit.* Idq̃, pronunciat insigniter probatum, exemplo *Xanippi Lacedemonii*; qui unus unica sententia *Legiones Rom.* (antea invictas atq; insuperabiles habitas) vicit ac superavit; urbemq̃, profligatam, & collapsos tot virorum animos instauravit, atque erexit.

Hoc igitur ut exactius perficere cognoscat *Lector* noster, cujuslibet facti, atque etiam consilii causas inquiret, circumstantias appellet, successum ponderet; ac singularim, in quo quid bene aut prudenter, quid malè aut imprudenter gestum sit, spectet: inde autem *preceptum, monitum* sive *regulam* universalem ipse eliciat; eamque sententiis pluribus comprobet, exemplisque illustret. Est enim duplex

usus

usus exemplorum: unus, ut ea imitemur, quæ à bonis viris gesta sunt, fugiamus autem ea, quæ à malis perpetrantur. Alter, ut ex rebus (quæ sigillatione notantur) generatio ac in universum, *ἡλικίᾳ*, aliquam utilem sententiam (*βέβαια ἢ ἀποδείκνυται*) extrahamus & deducamus. Hanc rationem transferendi Historias in usum nostrum, exemplis copiosis locutemur indicavit *Justus Lipsius*, libello quodam suo, *Monita politica & Exempla* complectente. Item *Johannes à Chokier*, *Lipsii* discipulus, magistrum imitatus, *Thesaurum* edidit *Aphorismorum Politicorum*, satis locupletem. Quin & ante annos viginti & amplius prænobilis *R. Dallingtonus* nostras, vir ab eruditione, prudentia, & pietate celebrati nominis, in *Civilibus* illis *Milliaribusq̃*, *Aphorismis* suis (quos lingua vernacula publicavit) egregia cum laude in hoc genere versatus est. Liceat tamen etiam nobis hic

hic quoque specimen aliquod exhibere, quod pro exemplari sibi notitius *Lector* noster proponat; & si visum fuerit, imitetur.

Quum apud Auctorem nostrum *L. Ann. Florum*, juxta & *T. Livium*, *T. Liv.* aliosque legimus, urbis Imperiique *L. l. c. 4.* conditorem *Romulum*, incerto patre natum, *Æmulii* imperio in profluentem abjectum cum *Remo* fratre, non potuisse extinguere: *Siquidem* (inquit *Florus*) & *Tiberius* *Flor. l. 1. cap. 3.* *annem* repressit, & relictis *cap. 3.* *tulis*, lupa vagitum secuta, ubera admovit infantibus, matremque se gessit; atque sic repositos apud arborem Regis pastor tulit in casam, atque educavit.

Hinc nos divina providentia vim planè admirandam observare debemus; numinisque divini summam benignitatem, quæ eos, quorum manibus ad summa quadam suo tempore exequenda, uti constituit, miris modis conservare novit. Hinc etiam hoc exurgit axioma:

Magno-

Magnorum Imperiorum fundamenta atque incunabula, nonnunquam ex parvis & quidem pudendis initiis, sed extraordinariis & miraculosis modis, jaciuntur ac conservantur.

Vel sic: Magnorum Imperiorum initia, quanquam saepe fuerint exigua, atque hominum judicio ipsa ex sese contemptibilia, semper tamen aliquam extraordinariam & peculiarem Dei providentiam ostendunt, & certissima utriusq; testimonia continent.

*Iust. l. 1.
Herod.
lib. 1.*

Notissima est Historia Cyri, principis Monarchæ Medo-Persici, qui jussu Astyagis avi sui, à feris devorandis expositus, miraculosa canis femine tutela & lactatione salvus evasit. Æquè mirabilis & planè stupenda Gallecia Regis cujusdam, nomine Habidis Historia legitur apud

*Iustin.
lib. 44.*

Justinum; quem videat, quisquis ejus scire casus, & pericula desiderat, Alia etiam exempla, horum si-

milia,

milia, legat apud *Ælianum*, inter Lib. 12.
 varias Historias. Ego festino. Nec cap. 42.
 regerat quis *Mythistorias* esse, cum Et Alex. ab
 quod de *Romulo & Remo* Divus Alex. l.
Augustinus verum supponit, de cæ- 2, 6, 31.
 teris concipi non improbabiliter
 queat: *Quid mirum* (inquit *Augu-* Aug. de
stinus) *si ad arguendum hominem re-* Civ Dei
gem, qui eos in aquam projici rude- l. 18. c. 21.
liter jusserat, eis infantibus, per quos
tanta civitas condenda fuerat, de a-
qua divinitus liberati per lactentem
feram Deus voluit subvenire.

Liceat mihi aliud, ex Auctore
 nostro, *L. Anneo Floro*, paradigma Flor. l. 2.
 deducere in Philosophicis: Is *Roma-* cap. 12.
norum victoriam adversus *Faliscos*,
 paucissimis quidem verbis, at sensi-
 bus plenis eleganter sic narrat: *Fa-*
lisci quum obsiderentur à Camillo,
mira visa est fides Imperatoris; nec
immerito: quòd Ludimagistrum ur-
bis proditorem, cum iis, quos addu-
xerat, pueris, vinctum sibi ultrò re-
misisset. Quid sit? Se sponte Falisci
dedi-

rimum humanitatis habuerit. Accipe eandem regulam aliis verbis expressam: Vera si quis grassari via ad compendiosam victoriam cupiat, noverit erga ipsos hostes prompta uti clementia. Namq; superioribus exemplis, aliisque id genus infinitis docemur, viros prudentes, & sapientiae plenos moderatione plura quàm vi componere. Imò res consilio peragi & moderatione, de quibus vis desperaverat; juxta illud Claudiani, Poëtæ:

*- - peragit tranquilla potestas,
Quod violenta nequit. - -*

Iterum, cùm apud *Justinum*, *Trogii Abbreviatorem*, *Xerxis apparatus* bellicum *quinguennalem* adversus *Graciam* contemplamur: cùm numerosissimum ejus exercitum putamus, 700 millia de regno, 300 millia de auxiliis armata; ut non immeritò proditum sit *flumina ab exercitu siccata*, *Graciamq; omnem vix enim capere potuisse: naves quoq;*

R *decies*

decies centum millia habuisse. Denique cum triduo, à quatuor millibus contra hanc ingentem multitudinem, non sine dolore & indignatione Persarum, ad angustias Thermopylarum, dimicatum animadvertimus, & tandem à trecentis Spartanis stragem infinitam factam consideramus: postremò, cum turpissimam, ac sceddissimam Xerxis in scapha piscatoria fugam, attentiori cogitatione perpendimus; præter usum illum, quem statim post narrationem subjungit ipse Justinus. Videlicet: Rem fuisse spectaculo dignam, & æstimatione sortis humane, rerum varietate miranda, in exiguo latentem videre navigio, quem paullo ante vix æquor omne capiebat. Eumq; carente omni servorum ministerio, cujus exercitus propter multitudinem, terris graves erant.

*Sen. de
Ben. l. 9.
cap. 31.*

Præter hunc (inquam) usum occurrit memoriæ Demarati Lacedæmonii oraculum, quod (testante Seneca)

neca) apud ipsum Xerxem effatus
 est. Nempe, multitudinem indige-
 stam & gravem metuendam esse du-
 centi; non enim vires habere, sed
 pondus. Sed & veriverbi, à Lucano Luc. l. 5.
v. 81.
 prolati, non possumus hinc non me-
 minisse: In se magnarum, latet hunc
 numina rebus Crescendi posuere mo-
 dum. Subit etiam mentem pru-
 dens illud Artabani monitum: Vi-
 des, ut prae grandia animalia fulmi-
 ne Deus ferit, nec sinit inolescere.
 Φιλῆν ὁ Θεὸς, τὰ ἰσχυρὰ καὶ πλείονα
 ὀλεῖν. Gaudet Deus, eminentissi- Herod. in
Polym.
 ma quaque deprimere. Quæ omnia
 nobis perspicuè probant, Regis
 Darii legatum, valdè appositè, nec
 minùs experienter apud Alexan-
 drum M. Philosophum egisse hisce
 verbis: Periculosum est prae grave im- 2. Curt.
lib. 4.
 perium: difficile est continere, quod
 rapere non possis. Videsne navigia,
 qua modum excedunt, regi nequeunt?
 nescio, an Darius idè tam multa a-

miserit, quia nimiae opes magnae jactura locum faciunt.

Sueton.

Calig.

6. 3. 4.

Denique apud *Suëtonium* cum lego, *Caligulam* non minore livore, ac malignitate, quam superbia sævitiaque adversus omnis ævi pænè homines grassatum fuisse; *statuas virorum ill. strium* ita subvertisse, atque disjecisse; ut restitui salvis titulis non valuerint: vetuisseq; posthac viventium cuiquam, usquam statuam aut imaginem, nisi consulto se & auctore poni: Cum de *Nerone* scriptum invenio, quòd populariter fuerit elatus maximè; omnium æmulus, qui quoquo modo animum vulgi moverent. De *Valentiniano*, quòd benè vestitos odio haberet, & eruditos & opulentos, & nobiles; quòdque fortibus detrahare soleret, ut solus videretur bonis artibus eminere; hinc concludere promptum videtur:

Sueton.

Ner.

6. 53.

Am.

Marc. l.

30. 6. 29.

*Nonnulla reperiri ingenia, idq;
non rarò, quæ adeò philantia (dicam?)*

an

an livore & malignitate laborant, ut soli omnia esse velint; neque ferant alios excellere in re ulla. Hinc quoq; Marcellinus ipse verè philosophatur, livorem virtutum, recte potestatis invidiam esse sociam: quoq; dignitatum apices majores, cò (licere sibi cuncta existimantes) & ad suggillandum contrarios, exturbandosq; meliores, proniùs sunt inclinati.

Frequens in hisce usibus est *Polybius* (utì antea monuimus) & lectorem suum plerunq; labore aliquo levat; neq; enim docet solùm, quam uberes fructus ad rationes vitæ, gesta majorum sint allatura; sed etiam, quo pacto percipere quis queat, semper ferè demonstrat.

SECT. VI.

Christiani Ethnicorum exemplis utiliter instrui possunt; & non in virtute moralitantum, sed in actibus etiam pietatis ac vitæ Christianæ promoveri. Id docetur ex

D. Augustino, D. Hieronymo
& aliis. Talia imitationum præ-
cepta ab Ethnicis quoque nonnullis
adimpleta. Quos denique eleganter
expressit D. Ambrosius.

Sed nec in vita tantum civili, Hi-
storias profanas usui esse posse
putandum est; verum in vita Chri-
stiana vel maxime: id nos abunde
docent Sancti Patres Ecclesie, & plu-
ribus instantiis probant. Videte
mihi D. Augustinum, lib. 5. de Civ.
Dei. Ubi postquam ostendisset,
Brutos & Scævolas, & Curtios, & De-
cios, aliosque (quos Θεοκλέους He-
roas eleganter appellat doctissimus
Cassaubonus ex Dionys. Halic.) tot
egregia facinora, virtutumque mon-
stra (ut loquitur Florus noster) ideo
tantum, ut patriæ libertatem, urbi
imperium, sibi met ipsis gloriam com-
pararent, edidisse; suumque finem ob-
tinuisse, & mercedem desideratam
percepisse. Tandem concludit: Pro-
inde.

inde, non solum ut talis merces tali- cap. 10.
 bus hominibus redderetur, Roma-
 num Imperium ad humanam glo-
 riam dilatatum est; verum etiam us-
 cives, eterna illius civitatis, quam-
 diu hic peregrinantur, diligenter &
 sobriè illa intueantur exempla; &
 videant, quanta dilectio debeatur su-
 perna patria, propter vitam eter-
 nam; si tantum à suis civibus terre-
 na dilecta est propter hominum glo-
 riam. Similiter cap: 18. & alibi ar-
 gumenta ducit à profanis exemplis
 ad Christianam constantiam. Sicuti
 lib. 1. c. 24. de M. Attilio Regulo lo-
 quens: Si fortissimi & praeclarissimi
 viri, terrena patria defensores, Deo-
 rumq; licet falsorum, non tamen fal-
 laces cultores, sed veracissimi etiam
 juratores, qui hostes victos, more ac
 jure belli ferire potuerunt, hi ab ho-
 stibus victi seipsos ferire noluerunt:
 & cum mortem minimè formida-
 rent, victores tamen dominos ferre,
 quam eam sibi inferre maluerunt:

R. 4

quantò

quantiò magis Christiani verum De-
 um colentes, & superna patria suspi-
 rantes, ab hoc facinore temperabunt;
 si eos divina dispositio, vel probandos,
 vel emendandos, ad tempus hostibus
 subjugaverit? Ad eundem modum
 D. Hieronymus, in consolatione ad
 Julianum, perquam eleganter hor-
 tatur: *Contemnis aurum?* (inquit)
contempserunt & multi Philosophi.
Unus multarum possessionum pre-
tium, projecit in pelagus, abite (in-
quiens) in profundum mala cupidi-
tates; ego vos mergam, ne ipse mer-
gar à vobis. Philosophus glorie ani-
mal, & popularis aure vile manci-
pium, totam simul sarcinam deposuit,
& tu te putas in virtutis culmine
constitutum, si partem ex toto offeras?
Te ipsum vult Dominus hostiam vi-
vam, placentem Deo; te, inquam,
non tua. Iterum ad Heliodorum:
Præmitto Maximos, Catones, Gal-
los, Pisones, Brutos, Scævolas, &c.
quorum non minor in luctu, quàm in
bellis

Lib. 1.
 ep. 21.

Ibid.
 ep. 22.

bellis virtus fuit, &c. Ne videar potius aliena, quam nostra quasisse: quanquam & hac in suggillationem nostri breviter dicta sint, si non praestet fides, quod exhibuit infidelitas. Sed ut rem in compendium conferam, hanc normam quomodo nos Christiani sequamur, in observandis, applicandisq; in usum nostrum exemplis, optimè nos docet, carmine non ineleganti, magnus ille David Chytraeus, de re Historica optimè meritus, in praefatione sua ad Cornel. Nepotem, sive Aemilium Probum:

*Christiades simul Historias ac per-
legit, ardens*

*Ruminat hac animo secum, si Phocio
nummos*

*Respuit oblatos dono: si Scipio spon-
sam*

*Noluit alterius contingere; maluit
exul*

*Attilius si sponte mori, quam foeda
probando*

R

Et

*Et laudi patria, & Latia nocuisse
juventa*

*Consilio exemploq³ suo: mibi quid fa-
ciendum,*

*A Christo nomen qui habeo? num
sordidus auri*

*Servus ero? Faciamve, jubet qua-
cunque libido?*

*Num vitam pluris faciam, quàm no-
men Alethes*

*Inviſtum? Num postponam manda-
ta Jehova*

*Insanis hominum placitis, jussisq²
cruentis?*

*Sic sanè Historia laudanda exempla
vetusta*

*Cum fructus, quàm quis credat, ma-
jore leguntur.*

Hæc eadem imitationum præcepta
inter Ethnicos etiam reperiuntur,
qui opere & factis adimplerunt; nec
dedignati sunt majorem mores &
affectus intuendo ac pertendendo
vel suos reformare; vel alienos in-
struere ac moderari. *Caso ille (de
quo*

quo suprà nonnihil jam dictum est) *Censorius* appellatus, ad tugurium *M. Curii* (quod à prædiis suis haud procul aberat) frequenter accedere, lociq; ipsius angustiam & habitationis vilitatem contemplatus, de viro isto cogitare solebat, quod *Romanorum maximus*, subactis gentibus bellicosissimis, ejectoq; Italia *Pyrro*, ipse post tres triumphos, eum agrum propriis manibus fodisset; idq; ipsum tugurium inhabitasset: ibiq; eidem *Curio* ad focum sedenti, & ligneo catillo rapa cœnanti, *Samnitum* legati cùm advenissent, aurumq; multum obtulissent; brevi admodum cum responso eos dimisisset, nimirum; auro nihil opus esse ei, qui hac cœna esset contentus: seq; aurum habentes vincere, quàm possidere aurum malle. His ita secum consideratis, *Cato* abibat; ac proinde in suam domum, prædia, famulos, & victus rationem inspiciens, laborem sibi intendebat; luxumq; omnem porro amputabat.

*Plutar.
in Cat.
Maj.*

Egregium etiam in hoc genere præbet nobis exemplum *Servius Sulpicius*, qui ut *M. Ciceronem*, filia suæ mortem graviter dolentem, consolaretur, meditationem quandam (vel Christiano dignam) quam secum ipse quondam habuerat, super exitio florentissimarum urbium (quæ perpetuò mansuræ videbantur) repetit: atq; ita unum (inter alia plura) consolandi argumentum, valdè appositum & efficax à propria deducit experientia, in hunc modum: *Quæ res mihi non mediocrem consolationem attulit, volo tibi commemorare, si fortè eadem res tibi minuire dolorem possit. Ex Asia rediens, cum ab Ægina Megaram versus navigarem, cœpi regiones circumcirca prospicere. Post me erat Ægina, ante Megara, dextra Periaus, sinistra Corinthus; quæ oppida quodam tempore florentissima fuerunt; nunc prostrata & diruta ante oculos jacent: cœpi ego sic mecum cogitare: hem!*

*Cic. ep.
fam. l. 4.
ep. 5.*

nos

nos homunculi indignamur, si quis nostrum interiit, aut occisus est, quorum vita brevior esse debet; cum uno loco tot oppidum cadavera projecta jaceant. Vis ne tute, Servi, cohibere; & meminisse, hominem te esse natum? Crede mihi, cogitatione ea non mediocriter sum confirmatus; hoc idem si tibi videtur, fac, ante oculos tibi proponas, &c. In eandem planè sententiam eleganter philosophatur *Philosophus ille Romanus*, & iisdem ferè cum *Sulpitio* utitur argumentis; ut *Liberali* suo ob incendium, quo *Lugdunensis Colonia* exusta erat, admodum tristi, leniret dolorem: Tota (inquit) ante oculos sortis humana conditio ponatur: nec quantum frequenter evenit, sed quantum plurimum potest evenire, presumamus animo, si nolimus opprimi; nec ullis inusitatis, velut novis, obstupesci: in plenum cogitanda fortuna est, quoties Asia, quoties Achaia urbes uno tremore ceciderunt?

Senec.

ep. 92.

Quot oppida in Syria, quot in Macedonia devorata sunt? Cyprum quoties vastavit hæc clades? Quoties in se Paphus corruit? &c. Et postea: Non tantum manufacta labuntur, non tantum humana arte atque industria posua vertit dies. Jura montium diffluunt, totæ desidere regiones. Operta sunt fluctibus, quæ procul à conspectu maris stabant: Vastavit ignis colles, per quos elucebat; erosit & quondam altissimos vertices, solatia navigantium, ac speculas ad humilem arenam deduxit. Ipsius nature opera vexantur: & ideo æquo animo ferre debemus urbium excidia, casura omnia extant. &c. Hinc denique sic infert: Itaque formetur animus ad intellectum, patientiamq; soris suæ; & sciat, nihil mansum esse Fortuna. Adversus Imperia illam idem habere juris, quod adversus imperantes: adversus urbes idem posse, quod adversus homines: nihil horum indignandum est; in eum intravimus mun-

mundum, in quo his legibus vivitur.
 &c. Nimius hîc fortasse videbor,
 non possum tamen abstinere ma-
 num, quin *Divi Ambrosii* quoque
 huc exemplum adjiciam; is enim
 in epistola quadam, qua *Faustinum*,
 propter obitum germanæ suæ acer-
 bo dolore mœrentem consolatur,
Servium Sulpitium Senecamq; diser-
 tim & eleganter imitando expressit;
 eandemque solaminis rationem u-
 surpavit: *Sed doles, inquit, quôd du- Ambr.*
dum florentissima repente occiderit. l. 2. ep. 4.
Verum hoc nobis commune, non solum
cum hominibus, sed etiam cum civi-
tatibus, terrisq; ipsis: nempe de Bo-
noniensi veniens urbe, à tergo Clater-
nam, ipsam Bononiam, Mutinam,
Rhegium derelinquebas: in dextra
erat Brixillum, à fronte occurrebat
Placentia, vetèrem nobilitatem, ipso
adhuc nomine sonans; ad levam A-
pennini inculta miseratus, & floren-
tissimorum quondam populorum ca-
stella considerabas, atque affectu rele-
gabas.

gabas dolenti: tot igitur semirularum urbium cadavera, terrarumq; sub eodem conspectu exposita funera, non te admonent unius (sanctæ licet & admirabilis) formine decessionem consolabiliorem habendam? Præsertim cum illa in perpetuum prostrata ac diruta sunt: hæc autem ad tempus quidem erepta, nobis meliorem illic vitam exigat. &c. Hæc ipsa, atque hisce simillima exempla, copiosè nobis suppeditant auctores, quæ si noster Historiarum studiosus diligenter observaverit, nec non ad hunc modum, imitando, applicandoq; repræsentare conatus fuerit; largos indubiè & diuturnos laboris sui fructus secum reportabit.

SECT. VII.

Fructus uberiores atq; etiam præstantiores ab Ecclesiæ Historiâ. Ethnicorum bona opera, splendida peccata. Ethnica Historia secundam tantum Decalogi tabulam

bulam illustrat : *Ecclesiastica* totam Legem. In illa virtutum simulachra : in hac vera virtutes leguntur. In illa jucunda quidem cognitu & utilia : in hac etiam necessaria memorantur. Inde hortatione ad sedulam *Ecclesiastica* *Historia* lectionem dissertatio concluditur.

ATq; haec de modo colligendi fructus ab *Historiarum* lectione, quos si adeò uberes, adeoque suaves, nobis exhibeat *Civilis* & *Ethnicorum Historia*; quantos, qualesque, nobis *Historia Sacra* & *Ecclesiastica* haurire concessum putemus? quæ & argumento, & certitudine, & perfectione *Civilem* atque *Ethnicam* longissimè prævertit? Non possumus diffiteri, quin exempla satis crebra, & satis clara, iustitiæ, prudentiæ, fortitudinis, temperantiæ, omnisq; adeò virtutis, nobis proponant *Histo-*
ria

ria Ethnicorum : ea tamen si penitus examinentur, si juxta veritatis trutinam perpendantur, manca, imperfecta, polluta reperientur; neque rectè ad Dei vel iram vel misericordiam relata. Quod quidem in causa erat, cur *Divus Augustinus* præclara illa *Gentilium* opera *splendida* vocaverit peccata: eorumque virtutes, quum ad Deum non referantur, etiam vitia potius, quàm virtutes esse affirmaverit. Huc accedit, quòd *secundam* tantum *decalogi tabulam* spectent; regulasq; morum solummodo in civili conversatione confirmant. *Ecclesia* verò *Historia* ea, quæ *totius legis* sunt propria, certioribus multò; & luculentioribus illustrat exemplis: religionisque partes omnes, quarum cognitio summoperè necessaria est, haud obscure demonstrat, aut leviter probat. Quid de Deo rectè usquam .
narrat

Aug. de
C. D. l.
19. c. 25.

narrat aut novit *Ethnicorum Historia*? quid certi, quid explicati de mundi origine, temporibusve illis antiquissimis continet? primordium hominum *Historiam* neutiquam attingit: patefactiones de Deo, aut promissiones de *Messia*, nullas omninò habet: gubernationem *Ecclesie*, ejusque conservationem planè nescit. Hæc & hujusmodi alia quamplurima ab *Historia sacra & Ecclesiastica* solummodò sunt petenda. Quid tu, Marce Tulli, *Historiam vetustatis nuntiam* venditas, nec maximè vetustam, & aliquando fucatam? *Testem temporum* prædicas, minùs locupletem, nonnunquam intestabilem? *Sacra Historia* sola est, quæ remotissimæ antiquitatis arcana pandit, nec unquam mentitur: *Sacra Historia* sola, quæ ab ipso rerum omnium primordio fidele temporum exhibet testimonium; nec usquam vacillat.

Hæc

Hæc sola veritatis æternæ lux splendidissima. Hæc denique vitæ magistra sola est optima, & undequaque perfecta. Etenim dic mihi, quisquis Historiarum lector es, vel auditor, sinceræ ac solidæ virtutis indubitata quæris documenta? Frustrà eris, si aliam, quàm *Sacram* aut *Ecclesiæ* perquiras *Historiam*: veræ pietatis germana desideras exempla? *Sacras* & *Ecclesiæ* scruteris *Historias*, ibi affatim invenies, non alibi. Ibi agnitionis Dei, invocationis, fidei, pœnitentiæ, constantiæ, patientiæ, pulchra servantur monumenta. Ibi, nec alibi fortitudinis perfectæ, puræ obedientiæ; castitatis illibatæ, promptæ beneficiæ, specimina miranda passim occurrunt. *In aliis Historiis si quod facinus narretur memorabile* (Eusebiani Interpretis verba sunt) *illud aut gloria causa, quæ umbratilis est, susceptum; aut ulciscenda injuria,*
quæ

Christo-
phor. in
proam.

quæ condonari debuisset, aut patria
 (quæ aliquando plus habet momenti)
 defendenda; in hac non res gesta di-
 cuntur popularis famæ venandæ gra-
 tia, sed veræ gloriæ conciliandæ, non
 vindictæ studio, sed Christi amore:
 non patriæ hujus caducæ defensione,
 sed cælestis Hierusalem adeptione.
 Breviter, quæ & quanta Ecclesiæ
 complectatur *Historia*, legentibus-
 que seriò contemplanda proponat,
 verba Reverendissimi longeq; do-
 ctissimi Præsulis suprâ citata abun-
 dè docent. Recolite (si placeat Au-
 ditores) videbitis non utilia tan-
 tum, aut jucunda, aut scitu memo-
 ratuque digna ibi contineri; sed
 gravissima etiam, imò necessaria; &
 quæ homini *Christiano*, præsertim
 erudito, ignorare minimè permis-
 sum est. Quare, ut concludamus,
Lectorem nostrum *Philo-Histori-*
cum, hanc quoque ut pervoluet
Historiam impensius, suademus;
 eoque

Suprà
 parte 2.
 sect. 42.
 & 43.

360 HIST. LECT. usus.


eoque magis, si *Theologia* studiis sit
addictus, sacrisque initiari & divi-
nis inservire ministeriis cogitave-
rit; tunc enim potissimum, ejus
maximè intererit, *Historiam Ec-
clesiasticam*

*Nocturnâ versare manu, versa-
re diurnâ.*

F I N I S.



it
i.
c.
us
c.
f/4





XXXVI
A. 43